

明英宗實錄

卷六十四至八十二

正統五年二月至六年八月

大明英宗法天立道仁明誠敬昭文憲武至德廣孝睿皇帝實錄目錄

卷之一

宣德十年正月

卷之二

宣德十年二月

卷之三

宣德十年三月

卷之四

宣德十年四月

卷之五

宣德十年五月

卷之六

宣德十年六月

卷之七

宣德十年七月

卷之八

宣德十年八月

卷之九

宣德十年九月

卷之十

宣德十年十月

卷之十一

宣德十年十一月

卷之十二

宣德十年十二月

卷之十三

正統元年正月

卷之十四

正統元年二月

卷之十五

正統元年三月

卷之十六

正統元年四月

卷之十七

正統元年五月

卷之十八

正統元年六月

卷之十九

正統元年閏六月

卷之二十

正統元年七月

卷之二十一

正統元年八月

卷之二十二

正統元年九月

卷之二十三

正統元年十月

卷之二十四

正統元年十一月

卷之二十五

正統元年十二月

卷之二十六

正統二年正月

卷之二十七

正統二年二月

卷之二十八

正統二年三月

卷之二十九

正統二年四月

卷之三十

正統二年五月

卷之三十一

正統二年六月

卷之三十二

正統二年七月

卷之三十三

正統二年八月

卷之三十四

正統二年九月

卷之三十五

正統二年十月

卷之三十六

正統二年十一月

卷之三十七

正統二年十二月

卷之三十八

正統三年正月

卷之三十九

正統三年二月

卷之四十

正統三年三月

卷之四十一

正統三年四月

卷之四十二

正統三年五月

卷之四十三

正統三年六月

卷之四十四

正統三年七月

卷之四十五

正統三年八月

卷之四十六

正統三年九月

卷之四十七

正統三年十月

卷之四十八

正統三年十一月

卷之四十九

正統三年十二月

卷之五十

正統四年正月

卷之五十一

正統四年二月

卷之五十二

正統四年閏二月

卷之五十三

正統四年三月

卷之五十四

正統四年四月

卷之五十五

正統四年五月

卷之五十六

正統四年六月

卷之五十七

正統四年七月

卷之五十八

正統四年八月

卷之五十九

正統四年九月

卷之六十

正統四年十月

卷之六十一

正統四年十一月

卷之六十二

正統四年十二月

卷之六十三

正統五年正月

卷之六十四

正統五年二月

卷之六十五

正統五年三月

卷之六十六

正統五年四月

卷之六十七

正統五年五月

卷之六十八

正統五年六月

卷之六十九

正統五年七月

卷之七十

正統五年八月

卷之七十一

正統五年九月

卷之七十二

正統五年十月

卷之七十三

正統五年十一月

卷之七十四

正統五年十二月

卷之七十五

正統六年正月

卷之七十六

正統六年二月

卷之七十七

正統六年三月

卷之七十八

正統六年四月

卷之七十九

正統六年五月

卷之八十

正統六年六月

卷之八十一

正統六年七月

卷之八十二

正統六年八月

卷之八十三

正統六年九月

卷之八十四

正統六年十月

卷之八十五

正統六年十一月

卷之八十六

正統六年閏十一

卷之八十七

正統六年十二月

卷之八十八

正統七年正月

卷之八十九

正統七年二月

卷之九十

正統七年三月

卷之九十一

正統七年四月

卷之九十二

正統七年五月

卷之九十三

正統七年六月

卷之九十四

正統七年七月

卷之九十五

正統七年八月

卷之九十六

正統七年九月

卷之九十七

正統七年十月

卷之九十八

正統七年十一月

卷之九十九

正統七年十二月

卷之一百

正統八年正月

卷之一百一

正統八年二月

卷之一百二

正統八年三月

卷之一百三

正統八年四月

卷之一百四

正統八年五月

卷之一百五

正統八年六月

卷之一百六

正統八年七月

卷之一百七

正統八年八月

卷之一百八

正統八年九月

卷之一百九

正統八年十月

卷之一百十

正統八年十一月

卷之一百十一

正統八年十二月

卷之一百十二

正統九年正月

卷之一百十三

正統九年二月

卷之一百十四

正統九年三月

卷之一百十五

正統九年四月

卷之一百十六

正統九年五月

卷之一百十七

正統九年六月

卷之一百十八

正統九年七月

卷之一百十九

正統九年閏七月

卷之一百二十

正統九年八月

卷之一百二十一

正統九年九月

卷之一百二十二

正統九年十月

卷之一百二十三

正統九年十一月

卷之一百二十四

正統九年十二月

卷之一百二十五

正統十年正月

卷之一百二十六

正統十年二月

卷之一百二十七

正統十年三月

卷之一百二十八

正統十年四月

卷之一百二十九

正統十年五月

卷之一百三十

正統十年六月

卷之一百三十一

正統十年七月

卷之一百三十二

正統十年八月

卷之一百三十三

正統十年九月

卷之一百三十四

正統十年十月

卷之一百三十五

正統十年十一月

卷之一百三十六

正統十年十二月

卷之一百三十七

正統十一年正月

卷之一百三十八

正統十一年二月

卷之一百三十九

正統十一年三月

卷之一百四十

正統十一年四月

卷之一百四十一

正統十一年五月

卷之一百四十二

正統十一年六月

卷之一百四十三

正統十一年七月

卷之一百四十四

正統十一年八月

卷之一百四十五

正統十一年九月

卷之一百四十六

正統十一年十月

卷之一百四十七

正統十一年十一月

卷之一百四十八

正統十一年十二月

卷之一百四十九

正統十二年正月

卷之一百五十

正統十二年二月

卷之一百五十一

正統十二年三月

卷之一百五十二

正統十二年四月

卷之一百五十三

正統十二年閏四月

卷之一百五十四

正統十二年五月

卷之一百五十五

正統十二年六月

卷之一百五十六

正統十二年七月

卷之一百五十七

正統十二年八月

卷之一百五十八

正統十二年九月

卷之一百五十九

正統十二年十月

卷之一百六十

正統十二年十一月

卷之一百六十一

正統十二年十二月

卷之一百六十二

正統十三年正月

卷之一百六十三

正統十三年二月

卷之一百六十四

正統十三年三月

卷之一百六十五

正統十三年四月

卷之一百六十六

正統十三年五月

卷之一百六十七

正統十三年六月

卷之一百六十八

正統十三年七月

卷之一百六十九

正統十三年八月

卷之一百七十

正統十三年九月

卷之一百七十一

正統十三年十月

卷之一百七十二

正統十三年十一月

卷之一百七十三

正統十三年十二月

卷之一百七十四

正統十四年正月

卷之一百七十五

正統十四年二月

卷之一百七十六

正統十四年三月

卷之一百七十七

正統十四年四月

卷之一百七十八

正統十四年五月

卷之一百七十九

正統十四年六月

卷之一百八十

正統十四年七月

卷之一百八十一

正統十四年八月

卷之一百八十二

正統十四年九月

卷之一百八十三

廢帝郕度王附錄第一

正統十四年九月

卷之一百八十四

廢帝郕度王附錄第二

正統十四年十月

卷之一百八十五

廢帝郕戾王附錄第三

正統十四年十一月

卷之一百八十六

廢帝郕戾王附錄第四

正統十四年十二月

卷之一百八十七

廢帝郕戾王附錄第五

景泰元年正月

卷之一百八十八

廢帝郕戾王附錄第六

景泰元年閏正月

卷之一百八十九

廢帝郢庾王附錄第七

景泰元年二月

卷之一百九十

廢帝郢庾王附錄第八

景泰元年三月

卷之一百九十一

廢帝郢庾王附錄第九

景泰元年四月

卷之一百九十二

廢帝郢庾王附錄第十

景泰元年五月

卷之一百九十三

廢帝郕戾王附錄第十一

景泰元年六月

卷之一百九十四

廢帝郕戾王附錄第十二

景泰元年七月

卷之一百九十五

廢帝郕戾王附錄第十三

景泰元年八月

卷之一百九十六

廢帝郕戾王附錄第十四

景泰元年九月

卷之一百九十七

廢帝鄴戾王附錄第十五

景泰元年十月

卷之一百九十八

廢帝鄴戾王附錄第十六

景泰元年十一月

卷之一百九十九

廢帝鄴戾王附錄第十七

景泰元年十二月

卷之二百

廢帝鄴戾王附錄第十八

景泰二年正月

卷之二百一

廢帝郟戾王附錄第十九

景泰二年二月

卷之二百二

廢帝郟戾王附錄第二十

景泰二年三月

卷之二百三

廢帝郟戾王附錄第二十一

景泰二年四月

卷之二百四

廢帝郟戾王附錄第二十二

景泰二年五月

卷之二百五

廢帝郢戾王附錄第二十三

景泰二年六月

卷之二百六

廢帝郢戾王附錄第二十四

景泰二年七月

卷之二百七

廢帝郢戾王附錄第二十五

景泰二年八月

卷之二百八

廢帝郢戾王附錄第二十六

景泰二年九月

卷之二百九

廢帝郟戾王附錄第二十七

景泰二年十月

卷之二百十

廢帝郟戾王附錄第二十八

景泰二年十一月

卷之二百十一

廢帝郟戾王附錄第二十九

景泰二年十二月

卷之二百十二

廢帝郟戾王附錄第三十

景泰三年正月

卷之二百十三

廢帝郢戾王附錄第三十一

景泰三年二月

卷之二百十四

廢帝郢戾王附錄第三十二

景泰三年三月

卷之二百十五

廢帝郢戾王附錄第三十三

景泰三年四月

卷之二百十六

廢帝郢戾王附錄第三十四

景泰三年五月

卷之二百十七

廢帝郟戾王附錄第三十五

景泰三年六月

卷之二百十八

廢帝郟戾王附錄第三十六

景泰三年七月

卷之二百十九

廢帝郟戾王附錄第三十七

景泰三年八月

卷之二百二十

廢帝郟戾王附錄第三十八

景泰三年九月

卷之二百二十一

廢帝邺戾王附錄第三十九

景泰三年閏九月

卷之二百二十二

廢帝邺戾王附錄第四十

景泰三年十月

卷之二百二十三

廢帝邺戾王附錄第四十一

景泰三年十一月

卷之二百二十四

廢帝邺戾王附錄第四十二

景泰三年十二月

卷之二百二十五

廢帝郟戾王附錄第四十三

景泰四年正月

卷之二百二十六

廢帝郟戾王附錄第四十四

景泰四年二月

卷之二百二十七

廢帝郟戾王附錄第四十五

景泰四年三月

卷之二百二十八

廢帝郟戾王附錄第四十六

景泰四年四月

卷之二百二十九

廢帝郢戾王附錄第四十七

景泰四年五月

卷之二百三十

廢帝郢戾王附錄第四十八

景泰四年六月

卷之二百三十一

廢帝郢戾王附錄第四十九

景泰四年七月

卷之二百三十二

廢帝郢戾王附錄第五十

景泰四年八月

卷之二百三十三

廢帝郟戾王附錄第五十一

景泰四年九月

卷之二百三十四

廢帝郟戾王附錄第五十二

景泰四年十月

卷之二百三十五

廢帝郟戾王附錄第五十三

景泰四年十一月

卷之二百三十六

廢帝郟戾王附錄第五十四

景泰四年十二月

卷之二百三十七

廢帝郢戾王附錄第五十五

景泰五年正月

卷之二百三十八

廢帝郢戾王附錄第五十六

景泰五年二月

卷之二百三十九

廢帝郢戾王附錄第五十七

景泰五年三月

卷之二百四十

廢帝郢戾王附錄第五十八

景泰五年四月

卷之二百四十一

廢帝郕戾王附錄第五十九

景泰五年五月

卷之二百四十二

廢帝郕戾王附錄第六十

景泰五年六月

卷之二百四十三

廢帝郕戾王附錄第六十一

景泰五年七月

卷之二百四十四

廢帝郕戾王附錄第六十二

景泰五年八月

卷之二百四十五

廢帝郢庾王附錄第六十三

景泰五年九月

卷之二百四十六

廢帝郢庾王附錄第六十四

景泰五年十月

卷之二百四十七

廢帝郢庾王附錄第六十五

景泰五年十一月

卷之二百四十八

廢帝郢庾王附錄第六十六

景泰五年十二月

卷之二百四十九

廢帝郟戾王附錄第六十七

景泰六年正月

卷之二百五十

廢帝郟戾王附錄第六十八

景泰六年二月

卷之二百五十一

廢帝郟戾王附錄第六十九

景泰六年三月

卷之二百五十二

廢帝郟戾王附錄第七十

景泰六年四月

卷之二百五十三

廢帝邺戾王附錄第七十一

景泰六年五月

卷之二百五十四

廢帝邺戾王附錄第七十二

景泰六年六月

卷之二百五十五

廢帝邺戾王附錄第七十三

景泰六年閏六月

卷之二百五十六

廢帝邺戾王附錄第七十四

景泰六年七月

卷之二百五十七

廢帝郕戾王附錄第七十五

景泰六年八月

卷之二百五十八

廢帝郕戾王附錄第七十六

景泰六年九月

卷之二百五十九

廢帝郕戾王附錄第七十七

景泰六年十月

卷之二百六十

廢帝郕戾王附錄第七十八

景泰六年十一月

卷之二百六十一

廢帝鄴戾王附錄第七十九

景泰六年十二月

卷之二百六十二

廢帝鄴戾王附錄第八十

景泰七年正月

卷之二百六十三

廢帝鄴戾王附錄第八十一

景泰七年二月

卷之二百六十四

廢帝鄴戾王附錄第八十二

景泰七年三月

卷之二百六十五

廢帝郕戾王附錄第八十三

景泰七年四月

卷之二百六十六

廢帝郕戾王附錄第八十四

景泰七年五月

卷之二百六十七

廢帝郕戾王附錄第八十五

景泰七年六月

卷之二百六十八

廢帝郕戾王附錄第八十六

景泰七年七月

卷之二百六十九

廢帝郢庾王附錄第八十七

景泰七年八月

卷之二百七十

廢帝郢庾王附錄第八十八

景泰七年九月

卷之二百七十一

廢帝郢庾王附錄第八十九

景泰七年十月

卷之二百七十二

廢帝郢庾王附錄第九十

景泰七年十一月

卷之二百七十三

廢帝郕戾王附錄第九十一

景泰七年十二月至景泰八年正月

卷之二百七十四

天順元年正月

卷之二百七十五

天順元年二月

卷之二百七十六

天順元年三月

卷之二百七十七

天順元年四月

卷之二百七十八

天順元年五月

卷之二百七十九

天順元年六月

卷之二百八十

天順元年七月

卷之二百八十一

天順元年八月

卷之二百八十二

天順元年九月

卷之二百八十三

天順元年十月

卷之二百八十四

天順元年十一月

卷之二百八十五

天順元年十二月

卷之二百八十六

天順二年正月

卷之二百八十七

天順二年二月

卷之二百八十八

天順二年閏二月

卷之二百八十九

天順二年三月

卷之二百九十

天順二年四月
卷之二百九十一
天順二年五月
卷之二百九十二
天順二年六月
卷之二百九十三
天順二年七月
卷之二百九十四
天順二年八月
卷之二百九十五
天順二年九月
卷之二百九十六

天順二年十月

卷之二百九十七

天順二年十一月

卷之二百九十八

天順二年十二月

卷之二百九十九

天順三年正月

卷之三百

天順三年二月

卷之三百一

天順三年三月

卷之三百二

天順三年四月

卷之三百三

天順三年五月

卷之三百四

天順三年六月

卷之三百五

天順三年七月

卷之三百六

天順三年八月

卷之三百七

天順三年九月

卷之三百八

天順三年十月

卷之三百九

天順三年十一月

卷之三百十

天順三年十二月

卷之三百十一

天順四年正月

卷之三百十二

天順四年二月

卷之三百十三

天順四年三月

卷之三百十四

天順四年四月

卷之三百十五

天順四年五月

卷之三百十六

天順四年六月

卷之三百十七

天順四年七月

卷之三百十八

天順四年八月

卷之三百十九

天順四年九月

卷之三百二十

天順四年十月

卷之三百二十一

天順四年十一月

卷之三百二十二

天順四年閏十一月

卷之三百二十三

天順四年十二月

卷之三百二十四

天順五年正月

卷之三百二十五

天順五年二月

卷之三百二十六

天順五年三月

卷之三百二十七

天順五年四月

卷之三百二十八

天順五年五月

卷之三百二十九

天順五年六月

卷之三百三十

天順五年七月

卷之三百三十一

天順五年八月

卷之三百三十二

天順五年九月

卷之三百三十三

天順五年十月

卷之三百三十四

天順五年十一月

卷之三百三十五

天順五年十二月

卷之三百三十六

天順六年正月

卷之三百三十七

天順六年二月

卷之三百三十八

天順六年三月
卷之三百三十九
天順六年四月
卷之三百四十
天順六年五月
卷之三百四十一
天順六年六月
卷之三百四十二
天順六年七月
卷之三百四十三
天順六年八月
卷之三百四十四

天順六年九月

卷之三百四十五

天順六年十月

卷之三百四十六

天順六年十一月

卷之三百四十七

天順六年十二月

卷之三百四十八

天順七年正月

卷之三百四十九

天順七年二月

卷之三百五十

天順七年三月

卷之三百五十一

天順七年四月

卷之三百五十二

天順七年五月

卷之三百五十三

天順七年六月

卷之三百五十四

天順七年七月

卷之三百五十五

天順七年閏七月

卷之三百五十六

天順七年八月

卷之三百五十七

天順七年九月

卷之三百五十八

天順七年十月

卷之三百五十九

天順七年十一月

卷之三百六十

天順七年十二月

卷之三百六十一

天順八年正月

大明英宗法天立道仁明誠敬昭文憲武至德廣孝睿皇帝實
錄目錄

明英宗睿皇帝實錄卷之六十四

正統五年二月甲戌朔增置行在光祿寺大官良醢坊羞掌醢四署署正署丞監事各一員從本寺卿宗亨等奏請也。湘陰王貴瑁奏臣歲祿於荊州府倉關支米多陳腐乞如松滋王例府內自收又臣妃父王觀直隸真定府栢鄉縣人先任湖廣荊州府撫民判官今以年老冠帶閑住乞令隨臣居止悉從之。革雲南臨安府倘甸驛寧遠州者隆驛蒙自縣蒙自花丈黎花舊市三驛。乙亥命翰林院侍講學士馬愉侍講曹鼐文淵閣辦事。占城國王占巴的賴遣使臣道沙怕濟閣等奉表來朝貢紫象方物賤晏并賜綵幣等物有差。巡撫大同宣府右參都御史盧睿奏山西朔應二州馬邑等縣并朔州等衛軍民飲食不能聊生乞於本處軍儲內計口支糧賑濟仍給與各色種

子俾趣時耕種俟秋成還官從之。丙子。皇太后聖節。上率親王上壽免命婦朝賀賜文武百官宴。丁丑。釋奠先師孔子遣少師工部尚書兼謹身殿大學士楊榮行禮。書諭鎮國將軍志塔得奏云。奏事人無從給批。已令所司稽考舊例。輔國等將軍凡有合行事務。俱啟王令本府長史司轉行。此後如有軍機重務。許實封奏聞其餘。一應常行及給批等事宜。遵舊例。戊寅。祭太社。太稷。遣順天府官祭先農及宋丞相文天祥。命行在都察院右僉都御史曹翼往甘肅叅贊軍務代兵部尚書柴車還京。行在戶科給事中舒燾言。邇來徒流逃犯刁詐百端。或冒勲戚家人。或託內外大官親屬。或詐稱事故。官負或假作行事。狡剌到處州縣。說誘官吏。擾害良善。誑騙財物。強占田地。索娶子女。宜備榜禁約。俾所在官司。詰無文憑者。

即械繫問理仍行各該鈔鐵煎鹽擺站處所察各犯姓名逐一開坐籍貫移文挨拏着役如或官吏容情事覺一體治罪事下行在都察院覆奏以腫所陳誠有之但欲出榜似爲繁瑣止行各該官司爲便從之。湖廣武陵縣民楊易貴妻王氏一產三男命給賜米鈔如例。乙卯行在兵部尚書兼大理寺卿王驥等奏太僕寺孳生牛計三萬二千九百有奇俱直隸鳳陽等府州縣人民牧養間有虧損如例買償臣切以爲孳牧馬牛本爲兵農之資今馬連歲給俵官軍採備惟牛他無所用而一槩倍償無益於官有損於民且鳳陽等府州縣比因歲歉民貧牛且缺少田地荒蕪乞命太僕寺官同各府委官取勘無牛小民就於原數內選取一萬給與收牧耕種實爲民便從之。行在都察院右僉都御史張純言保定府民大饑乞暫罷其採運柴炭

者三千九百七十一人事下行在工部覆奏京師柴炭日用所
急役不可罷第可令所司月給糧食之後秋成然後已從之。
行在禮部奏比者陝西文縣守禦軍民千戶所土番百戶阿章
赴京朝貢本部已照往歲岷州等衛招出疊州罕班等族頭目
及土官貢馬事例具奏賞鈔今阿章自陳乞照西番族頭戎者
等加賜綵段襲衣等物 上曰遠人尚化宜加意撫綏俾之得
所自然邊境寧謐爾禮部即察永樂年間招出生蕃人等事例
及將阿章等招撫始末奏聞區處。庚辰勅雲南總兵官左都
督沐昂右都督吳亮叅將都督僉事馬翔張榮及雲南都布按
三司巡按監察御史曰比得雲南安察司等衙門奏鶴慶軍民
府爲事土官知府高倫妻劉氏同倫弟高昌豪民洪春等糾集
羅羅摩些人衆執血爲盟肆行兇暴事覺不從拘問勅至爾等

即委公正官一人至彼勘實量調操備官軍擒獲首惡解京諸所脅從悉加寬貸仍催提十戶王蕙及高倫叔高宣按察司原監囚犯劉剛等三人亦解送來京令與高倫質問庶免冤抑爾等尤宜審度事勢酌量人情務在處置得宜俾事安人安以副朕之委任。以營建宮殿發各監局及輪班匠三萬餘人操軍三萬六千人供役。行在都察院右僉都御史張純奏直隸保定府慶都等縣去年旱澇田野無收驛馬缺乏料豆恐致瘦損不能接應乞將各驛見存料豆暫借支用俟秋成如數還官從之。辛巳陞禮部儀制司主事王士華爲精膳司員外郎支正五品俸加大常寺丞戴夔祖五品俸俱以考滿加陞也。行在光祿寺廚役白代有奏臣父家居年近八十無他子乞歸侍養事下行在禮部覆奏以爲例難放也。上曰在禮八十者一子

不從政何惜此役而使老者失所乎即日罷遣之。壬午進士張諫言僧道之數已有定額近因希求請給數千百衆奄至京師非寄跡寺觀即潛住民間黃冠緇服布滿街市究其所學無益於國而所食悉出於農且今饑饉之年尤宜痛加裁抑甚者其中亦有犯姦及爲盜賊者耗損民財傷敗風化莫此爲甚乞令錦衣衛五城兵馬司挨察除原隸在京寺觀者仍舊存留其餘悉令勒回本土如是雖不能遽弭天災而亦可以少甦民困矣事下行在禮部議僧道依 太宗欽定額數給度其恃頑潛隱民間事并罪窩家從之。○初直隸淮安府知府彭遠言永樂間平江伯陳瑄總督漕運於淮安西湖中築隄十餘里爲輓舟路令淮安滿浦南瑄三壩夫巡視之又令漕卒順載小木墜土積之隄上遇隄壞即修今壩夫止役故隄弗完請仍行瑄故事

事下巡按御史及總督漕運總兵官嚴實至是御史李彬等奏
宜令淮安府邳州等州縣發丁夫於旁近地採雜木運之河端
候漕舟還令載以往若土則令漕舟及高舟皆載以輸從之，
夜火星犯井宿。癸未署都督僉事李謙都指揮林叢同帥親
軍右十隊素不相能叢以謙貪狀訴於總兵戚國公未嘗謙疏
叢從軍規利事因御史李芳奏之叢被逮令其弟訴芳與謙同
陷己 上命錦衣衛逮謙芳等通問至是獄成法司坐謙叢監
守自盜斬芳奏事不實徒俱贖復職 上特命謙叢降爲事官
立功芳充軍俱發威遠衛。陝西岷州衛刺麻領占端竹雲南
羅次縣煉象闖己故土官巡檢子李訓廣東增城等縣撫瑤頭
目胡亮率瑤首廖文政等四川雜谷安撫司安撫阿漂孫朵兒
思加遣把事溫卜加思八藏卜等俱來朝貢馬及佛像等物賜

綵幣表裏有差，甲申勅行在都察院右僉都御史張純大理寺右少卿李畛曰：先因畿內八府州縣田禾被災，人民缺食，特令爾等往來巡視區畫賑濟。今東作將至，慮乏耕牛，已令戶部行移有司支給官錢收買爾宜體朕愛民之心，提督各該有司官員設法撫卹。凡有流移之民，省令各還鄉里，趁時耕種。如或缺少種子牛具者，亦宜措辦勸借，給與務令不失農業。庶有成效之望。蓋民之饑困者，皆苟且度日，不計久遠。惟在爾與親民之官提撕而振起之。若漫不加意，則負朝廷委任之重，爾其敬之勉之。給京城饑民飯。先是上從少師兵部尚書兼華蓋殿大學士楊士奇奏，命行在戶部於在京兩處原設飯堂，增米煮飯，以待饑者。兩月仍遣御史給事中等官往來提督。至是行在兵科給事中劉益奏，臣等巡視飯堂，趁食者日以千計，瀕死

之人蒙恩全活不可勝數今兩月之期將滿而京師米價尚貴
乞仍前賑卹俟米價稍賤却如舊數 上命復增米賑卹一月
。給營造京軍月糧五千鈔四錠鹽一斤外衛東操者增糧一
斗。乙酉命行在禮部左侍郎兼翰林院侍讀學士王直理部
事。陞浙江布政司右布政使石執中爲本司左布政使行在
山西道監察御史鄧榮爲陝西按察使。叅贊甘肅軍務右僉
都御史曹翼奏臣先奉勅叅贊都督蔣貴軍務兀魯乃之役臣
實與貴戮力殄寇貴論功封伯而臣止陞俸一級茲當往代尚
書柴車乞進臣一職 上曰翼先陞僉都御史後有功又陞俸
正協公論且往代車俟更有功處之。丙戌少師工部尚書兼
謹身殿大學士楊榮乞還鄉祭掃先塋 上從之且諭榮曰卿
爲國老成人不可一日去朕左右但致孝於其先此人子不自

己之心而朕素所嘉尚者故勉循所請畢事其即還朝毋緩○
丁亥定天下罪囚無力輸贖者事例先是湖廣按察司奏本司
囚犯例該徒流雜犯死者多無力納米贖罪欲照正統元年八
月事例笞杖的決徒罪依所徒年限流罪四年死罪五年旗軍
合餘俱發沿邊衛分備禦哨瞭民發附近遞運所擺站文職官
吏承差知印解京發落軍職發總兵官處立功滿日還職事下
行在都察院右都御史陳智以為前後事例不一宜命三法司
集議務求至當至是刑部尚書魏源等議凡罪囚無力輸贖者
沿海邊衛旗軍合餘照舊的決還役隨任陝西民雜犯死罪文
職官吏知印承差贓罪滿貫照舊發莊浪等衛安遠等遞運所
充軍擺站其餘各處軍職旗軍合餘笞杖的決雜犯死罪五年
流罪四年徒罪照依所徒年限福建浙江山東發本處沿海貴

州四川廣西雲南陝西湖廣發本處沿邊廣東發廣西沿邊江西南直隸發浙江金山等沿海北直隸河南發宣府俱送總兵官處定撥衛所立功備禦哨瞭滿日發回衛所還職着役民人陰陽人等俱發附近衛要去處擺站滿日踈放文職官吏知印承差犯贓私徒流罪俱解京照例運甓運米做工等項贖罪完日有贓者爲民無贓者各還職役從之。戊子山東布政司左叅政郭良老疾乞致仕從之。巡按浙江監察御史馬謹奏比因在外文武官員俸糧折支數多詔令有糧之處量加以米俾足養廉今審勘浙江杭州湖州金華三府實在倉糧除三年支用尚有一百四十餘萬石乞令照例添支其沿海衛所府縣無餘糧處官員亦令赴三府闕支事下行在戶部覆奏從之。己丑勅雲南總兵官左都督沐昂副總兵右都督吳亮左叅將都

督僉事馬翔右叅將都督僉事張榮得奏爾等領軍征勦麓川
叛寇思任發已抵隴把地方去賊巢穴甚近未能成功而還何
以懾服叛寇之心勅至爾昂仍在雲南總兵鎮守翔協贊軍務
亮即馳驛赴京計議邊務榮失誤事機法本難容今特寬貸亦
令還京爾昂等嚴飭金齒哨備官軍謹慎防守遇有警急相機
調度毋致疎虞仍提督雲南都布按三司轉運糧餉赴金齒倉
收貯備用務在斟酌人力體量事情俾人不勞而糧餉足庶副
委任之重。賜四川龍州宣撫司土官宣撫薛志昇誥命。庚
寅改山東按察司副使蔡錫爲順天府府丞錫先在宣府總兵
官處贊理軍機大書以允貞召回適府丞缺員故有是命。命
貴州按察司僉事周善致仕以有疾故也。命廣寧中屯衛指
揮僉事管安守備廣寧前屯衛先是遼東都司署都指揮僉事

畢恭守備至是命恭還司故以安代之。行在都察院右僉都御史張純奏直隸真定保定等府所屬州縣人民饑窘特甚有鬻其子女以養老親者割別之際相持而泣誠所不忍臣已倡率郡邑官負助資贖還數十口然不能盡贖上惻然即命行在戶部移文發德州常盈倉米麥十萬石驗口賑濟。行在大理寺右少卿李吟奏直隸真定府所屬三十二州縣民缺食者三萬四千八百八十餘戶已皆驗口賑濟其乏牛具種子者亦核有力殷實之家勸借給與及時耕種上善之。辛卯致書晉王美圭曰往者西河王奏欲往平陽侍養叔母懷簡王妃朕以書訊王今得報知懷簡王妃薪米不乏宮人足備使令王亦時遣人問候不致艱窘宜令西河王止養親母不必更往平陽惟王亮之。命左都督沈清少保兼工部尚書吳中提督官軍匠

作人等營建宮殿諭之曰爾等宜體朕愛養軍民之心必加意撫卹均其勞逸毋凌虐毋急迫毋科擾使樂於趨事則人不怨而事宜集庶副委任之重又戒把總管工官及工匠作頭人等毋培植糧賞毋假公營私毋受財故縱及生事害人違者許諸人陳懇必罪不宥。命兵部右侍郎徐琦叅贊襄城伯李隆守備南京機務仍理部事賜琦勅曰南京國家根本重地朝廷以爾賢能付茲重任爾其恪秉忠誠公勤庶慎周於慮事明於審疑母事曲隨毋循偏執庶副朕命。壬辰廣東按察司奏廣海衛指揮等官赦前違法事爲都察院所駁。上置不問但令按察使楊昂等自陳昂等服罪。上曰人孰無過責在知改昂等既皆承罪貸之仍命都察院移文使毋再犯。癸巳給寧王庶孫鎮國將軍莫墀冠服從王奏請也。行在戶科都給事中焦



起良等奏足國用者在於積糧掌收支者在於擇人如宣府叅政劉璉大同叅政沈固俱掌出納之柄而不能預為防範致姦人得以恣意侵盜至累鉅萬臣切見二處皆緊要邊儲之所軍民挽輸艱難萬狀而玩法之徒盜之如戲乞勅廷臣會議別選操行端正理辦廉幹者提督收支又德州并壩上倉場共二十七處相離路遠止有官四員兼理亦望添置上命行在戶部臣曰大同宣府提督糧儲不必別選仍付璉固若復縱容侵盜必罪不宥德州等二十七倉場令吏部添選廉能者五人往理之○廣西奉議州土官知州黃宗蔭科欽劫殺甚至欲殺其母母避之殺母侍者以洩怒為母所告分巡左江道僉事鄧養懼其貽害密以聞上勅廣西總兵官安遠侯柳溥等及都布按三司巡按御史等官訪驗如的即械宗蔭赴京另擇本族應襲

者權署州事以俟。○甲午琉球國中山王尚巴志遣長史梁求保等奉表來朝貢馬及方物賜晏并賜綵幣等物有差。禮部左侍郎吳廷用年七十一有疾乞致仕從之。○增設行在羽林左府軍後虎賁左金吾後四舍各置官攢仍撥軍斗各十名收糧其倉廩以舊天財庫空房三十五連爲之。○增設陝西靖虜衛大隈山樺皮嶺哈恩吉扯木硤白楊川烽喉五所從鎮守都督同知鄭銘奏請也。○巡按廣西監察御史陳濬勅奏著都指揮僉事馬文督哨不嚴致盜於大黃江殺死商人 上責文捕賊半歲不獲罪之。○乙未書復慶王秩燧曰所諭靈州草場已令巡按御史及陝西布按二司勘驗明白其山頭井至萌城樛子山仍與府中牧放尖山兒黃沙窩鐵柱泉月臺井與總兵官史昭等及土達官軍草場相接者其間雖有府中舊牧地近因

達寇犯邊調來土達官軍牧種已定猝難更改已令昭等照所
分地定立疆界不許侵越專此以復惟叔祖亮之。復除監察
御史徐傑於行在廣東道曹泰於行在陝西道周軌於廣西道
傑等以汰省放回至是復召用故也。命山西澤州陽城縣典
史趙智復任陞從九品俸智九載滿當遷屬民保其贖盡有方
乞留之巡按御史顏繼爲之奏請故有是命。監察御史陳濬
巡按廣西代回先是廣東右叅議李毅嘗奏濬壞法有旨待濬
到日令刑科舉奏至是給事中郭瑾等劾濬前事而瑾等封疏
失於用印 上命俱釋不問。是日夜南京大風雨壞北上門
春破官民舟溺死者甚衆漂官糧三百餘石。丙申陝西按察
司僉事許資言詔書文職無職者復職有職者爲民賞罰公矣
且如武職犯該死罪徒流止於邊衛立功還職此固朝廷念彼

父祖寬恤之典而此等不知感激愈肆害人臣愚以爲今後武職有犯科斂求索侵欺陷害等罪者降調極邊操備半其俸給則奸頑有警上命所司酌量合宜以聞刑部尚書魏源以資言深刻况所犯數多則所黜者衆其說難行寢之。丁酉命故金吾左衛指揮使張文子福馬俊子良指揮僉事侯賁子旺徐興子能賈敬子祥金吾右衛指揮同知劉信弟清府軍右衛指揮同知朱祥叔玉旗手衛指揮僉事徐通子恭府軍前衛指揮僉事張林子玉胡安子俊虎賁左衛指揮僉事席信子禮羽林右衛指揮僉事韓文子通俱襲職府軍右衛指揮僉事許真老疾命其子銘代之。給羽林前衛帶俸達官指揮石忠半俸忠先被罪發戍廣西至是有回令教習韃韃文書於四夷館忠後例乞休養贍故給之。免中都留守司鳳陽等八衛直隸睢陽

等四衛被災屯糧一萬四千一百八十八石大名等七府河南開封等三府四十一州縣被災田糧二十八萬四千八百八十餘石草九十五萬三千五百四十三束 命修南京通濟門外橋
○己亥○清明節遣官祭 長陵 獻陵 景陵△會川伯趙安自陳先於正統三年同左副總兵蔣貴分道出兵追勦胡寇蒙恩進臣伯爵其應給貂蟬冠朝服等物未曾頒賜命如例予之○庚子○都察院右副都御史朱與言奏南京 祖宗定鼎之地王氣所鍾官民人等往往擅於所居開池掘坎走洩地脉壅太平門等處河溝作池沼以致潢潦潴滯浸民居請令填補改革違者加罪從之△監察御史魏淡老疾不任事都察院朱與言勒令致仕淡建言行在文武官員親近日月之光皆能修省以成賢良而南京諸司不賢者多富而有勢者私相朋蔽

貧而在下者孤立無助若憑風憲考察少合公論守備太監劉寧忠直公平七令體訪各官或口談仁義心存欺詐或聽信親朋妄說是非或假公營私或以私滅公或先貪後廉或先廉後貪或詭異以邀名稱或縱志不顧廉恥月籍李上以備聖覽則臣知恐懼官皆賢良 上命行在都察院會官議之吏部尚書郭璉等言淡任御史受耳目之寄既知南京有此弊病所宜指實陳奏乃至老疾不退勒令致仕始言及此顯是挾忿逞私而所言太監劉寧係內臣臣等不敢輕議事遂寢△夜有流星大如鷄卵色亦有光出角宿東南行至近濁○辛丑○書復周王有燭曰所喻承奉等官缺員今除內使王信康福為承奉副金成舒寧為典寶副李正吉海為典服副惟叔祖亮之 命監察御史李純巡撫遼東提督屯種先是右副都御史李濬奏為風

砂眯目乞放歸治疾至是總兵官都督曹義等奏保純性資純
謹驍勇有力且善騎射自正統三年巡按遼東素為軍士信服
宜任邊方故有是命○壬寅○巡按廣東監察御史朱鑑奏廣
東欽州民黃寬等叛從安南連年招撫不服乞勅在廷大臣計
議移文叟寬復業優免糧差仍專委廉幹都指揮一員欽州守
備 上命寬等所遺稅糧悉皆停徵仍勅諭廣東三司田人情
莫不好安樂而厭疾苦寬等俱由前任方面郡縣貪暴虐害不
得已而為自全之計朕自即位以來以養民為務爾等皆出自
慎選宜體朕必摠忠撫諭誠可孚豚魚而况人乎其各推舉堂
上官一員同巡按御史親詣招撫但以善言化誘使其感恩悅
服庶幾事安人安其諭寬等勅書一道就付爾等齎去仍議欽
州果係緊要宜就于都指揮中推舉老成廉幹者一人前去守

備不許生事啟勞

大明英宗睿皇帝實錄卷之六十四

明英宗睿皇帝實錄卷之六十五

正統五年三月癸卯朔山東布政司右叅政劉璉奏萬全都司各衛所俱墩臺傾圮壕塹淤塞今天氣已和欲撥軍餘修理乞給與糧餉。上命總兵鎮守等官計議行之。令囚充富戶逃者捕獲充軍從戶部奏請也。太師英國公張輔訴其弟神策衛指揮使輓與其子瑄斌等罵已又毆守父墳聞者扯其髮曰即太師之髮唾其面曰即太師之面。上命行在錦衣衛逮輓父子究問獄具命囚禁之。甲辰巡按廣東監察御史殿陽洙會署都指揮僉事阮智按察僉事杜瑄等審決重囚失於奏報御史朱鑑論奏之。上命洙自陳洙雖服罪而情不盡命錦衣衛鞫之。乙巳巡撫河南山西行在兵部左侍郎于謙奏山西民已貧困所解大同折糧金銀諸物甚不易得近聞彼處巡撫

官以金銀成色不及抑令煎銷不惟延候日久且所用木炭黑鉛等物并虧折之數何從出辦乞令銀一兩折米二石金六錢折銀一兩收庫支用則民免稽延不悞農種官軍亦得其便上謂戶部臣曰謙所言良是其速行之。巡按山東監察御史徐璟奏會同山東都司勘得靖海衛係備倭處所其屯田皆在萊陽等縣離衛二百餘里先因倭寇登岸取回屯軍守城田地至今空閒乞令屯軍移去耕種子粒於本衛倉上納則屯守兩無相妨允爲便益從之。直隸淮安府鹽城縣奏伍祐新興二場運河壅塞阻商旅行舟乞浚之事下行在工部覆奏請下淮安府俟豐年興役從之。通州張家灣軍餘邵斌等九人各立郎頭鐵臉間王太歲先鋒土地等名號往來上下馬頭欺侮良善嚇騙財物肆惡恃強莫敢誰何行在錦衣衛奉命擒付三法

司鞠之獄具當贖罪寧家。上曰：斌等情犯深重，豈可以常律處之？皆決杖一百，與妻拏械發戍邊。再犯及逃處死。丙午書復周王有爵，所言欲加親母胡夫人位，號同於宗廟祀享。又言欲迎憲王貞烈鞏妃祀於宗廟，東一室南向，即下禮官議。今禮部舉春秋考仲子之宮及僖公成風事，謂胡夫人宜仍舊號祀於別室。又舉春秋傳諸侯不再娶於禮，無二嫡，謂鞏妃宜祔於定王夫人之室。禮官所云皆有經據，朕不能違。雖叔祖孝思無窮，然孔子有言：祭之以禮。惟叔祖亮之。賜會川伯趙安誥命鐵券，追贈三代。丁未，遼東寧衛寄住達官指揮阿成哥建州衛女直指揮佟觀音奴等俱來朝貢馬及貂鼠皮等物，賜晏并賜綵幣等物有差。初行在光祿寺卿柰亨奏直隸常州等府所納糯米多雜以粳米，不堪造酒供御，宜退出，令其補納。

上允所奏至是監察御史朱良暹言去歲各處薄收今米已進
內若復盤出糴買恐負累民難 上復從良暹言命收其米仍
命行在戶部移文所司今後不如法者罪之 鎮守陝西及提
督延綏等處右副都御史陳鑑奏延安等府青陽等驛俱係要
衝原設馬匹走遞不敷乞勅都布按三司巡按御史自今問擬
徒流囚人發各驛買馬擺站年限滿日更代從之 日生左右
珥色黃赤鮮明 戊申建 奉天華蓋謹身三殿乾清坤寧二
宮是日興工遣駙馬都尉西寧侯宋瑛等告 天地 太廟
社稷及司工等神初 太宗皇帝營建宮闕尚多未備三殿成
而復災以奉天門為正朝至是修造之發見役工匠操練官軍
七萬人興工其材木諸料俱舊所採辦儲積者故事集而民不
擾 命黎牙等簇剝麻匝利倉南卦尖巖為岷州衛僧綱司都

綱番僧落竹爲副都綱頭目嗟咱爲文縣守禦千戶所百戶仍各違勅諭之。陝西右叅議柴重奏莊浪各衛倉墊席因非本處所產糧戶買辦甚貴及倉糧支盡其席聽官攢斗級易鈔納官每一席堪用者納鈔一貫不堪者納鈔五百文此於利爲甚微而官攢人等因此收蓄以待糧戶之需作弊甚衆臣願選其堪用者仍留在倉鋪墊不堪用者計斤均給瞭墩軍士家小燒用從之。己酉命直隸松江府知府趙豫復任陞正三品俸豫九載任滿當遷耆民五千餘人保其廉靜愛民乞留之巡按御史以聞 上諭行在吏部臣曰豫治郡績最當陞民既懇留宜俯從之可增俸二級令其復任。陝西按察司副使陳斌等託土人爲鄉道捕盜於臨洮僅斬二級盜多土官會川伯趙安家僮及親戚斌奏安掌兵守邊家人親戚爲盜豈容佯爲不知其

捕盜官又安麾下畏勢不肯盡力俱合究治鎮守陝西副都御史陳鑑亦以爲言 上曰安爲勲臣而所爲如此命都察院移文責安坐出盜不許庇匿以取罪愆。庚戌書復慶王秩陞日所諭欲於護衛選其不堪操練代從正軍五百五十人內撥治田者二百二十三人補種屯田其餘仍留府中聽用己令兵部悉從所言惟叔祖亮之。命湖廣荊州府夷陵州知州耿輝復任陞從四品俸輝九載任滿行在吏部考最當遷以巡按御史爲民奏留故有是命。行在都察院右僉都御史盧睿奏大同宣府俱臨極邊每歲秋深調撥軍馬出境燒荒近年以來瓦剌使臣從大同入貢官軍隄備至十月纔往或遇雨雪又須延待宜於八月終使臣未到之前燒荒爲便 上曰事貴從宜命總兵鎮守等官議行。夜有流星大如鷄彈色赤有光出軒轅西

北行至井宿。辛亥行在刑部右侍郎何文淵奏五城兵馬指揮司所送竊盜多因巡捕校尉在於街市遇見擒獲就於各家搜檢財物拷逼虛招不無冤濫宜行前項官司今後捕獲竊盜須有失主認贓當時連贓送問從之。壬子都察院右副都御史朱輿言言二事一南京各衛所官軍將原闕馬匹馱載糧料且騎坐其上以致傷倒者多乞勅總兵鎮守等官各委官巡視如有違者旗軍執送法司問罪追罰馬匹若軍官先追罰馬然後類奏提問一天下鋪舍司兵將公文稽遲擅開窺泄事情及蔽棄增減其弊多端乞勅巡按御史及按察司分巡官往來挨查如有不悛者鞫問治罪發戍邊衛從之。巡按直隸監察御史丘俊言二事一各布政司因公事不完濫差屬官承差人等下縣守併擅作威福詐取財物不才官吏聽從應付以致小民

蕩產破家鬻妻貨子逃竄者多此等流離失所之民饑寒切身化爲盜賊害及良善乞出榜禁革除檢屍捕賊之類其餘各依律違牌定限入遞催銷如有說不完即同不才官例降黜一南京御史員多事簡似爲虛設乞令預赴行在一體點差其南京差使亦照行在闕領印信如此則御史不爲虛設事下行在都察院右都御史陳智言俊言不許差人催併公務宜行各處禁約違者依律究問其欲出榜事屬瑣細其言南京御史與行在一體差遣及南京差遣給與印信所言難准從之。浙江海門衛百戶羅賢奏海水次壩墩頭等處隄浸熟田七十餘頃爲鹵地潮漲輒灌挑渚千戶所城乞築塞之事下行在工部覆奏下浙江三司覈實請令俟農隙興役從之。癸丑唐王瓊坦疾上遣醫往療之。陝西臨洮府寶塔寺刺麻綽言朶兒只甘州

寄住撒馬兒罕回回馬黑木等俱來朝貢馬駝青鼠皮等物賜
綵幣等物有差。革山東德州衛廣川關以按察司副使王裕
言其密邇州城不係衝要故也。甲寅甘肅總兵官定西伯蔣
貴等奏莊浪衛都指揮同知魏榮不嚴守備以致達賊潛入土
豹嶺大肆殺掠及令西寧衛指揮袁海等追勦又畏縮不前俱
宜究治。上曰榮姑釋之再犯不宥其餘畏縮失哨官軍令巡
按御史執問如律。乙卯占城國使臣遁沙怕濟閣等陞辭命
齋勅及織金文綺等物歸賜其國王及妃。勅鎮守河州衛都
指揮同知劉永日得奏言烏思藏等處番使已遣入護送回還
至西寧劉木地方散於丹的寺等簇寄住內靈藏指揮輓奴巴
先居河州時嘗娶妻本衛因懷眷戀窺黃河冰凍復潛逃來又
誘溫遠里民王搔兒言往陝西都司告給俸糧慮其糾合諸番

將爲邊患勅至爾等即用心體覆若蕃使仍在彼處安分守已聽其暫住俟道通即遣之回并審輒奴已若止因戀妻逃來亦可就彼安插彼處不可即同其妻差人送京如有窒礙亦量度事情計議停當具奏處置。丙辰四川董卜韓胡宣慰使司遣頭目阿兒結等來朝貢馬賜晏并賜綵幣等物有差。行在都察院右僉都御史張純奏臣奉勅往順天保定等四府巡視民瘼訪得各處貧民有因荒斂缺食無力養親不得已將幼穉子女鬻斗斛之粟活旦暮之命者今已蒙恩賑濟因而復甦則父子天性又起眷戀之情而契責已成無復歸來之理由是哀號不已控訴無由臣以爲災沴之興實由人事已行存問設法取贖安州等處貧民鮑昇等所鬻子女三十九人給令完聚乞勅所司少加恩典以爲人子養親者勸 上覽之感歎命復其家

二年有親者仍人賜米二石爲贍養費。革四川播州宣慰使司長官司茶倉以本司茶課折收鈔故也。丁巳遣勅諭雲南麓川宣慰使司宣慰使思任發曰爾遠處邊方累修職貢是以朝廷施恩有加無替近爾遽變初心擅興兵衆侵掠隣境在廷群臣咸請發兵討罪兵雖已出朕又勅總兵鎮守等官榜諭招撫如爾能遵朕命即令罷兵後爾差陶孟刀等來貢象錦等物續又差忙孟放刀并硬來貢朕已知爾有悔過之心今特遣人齎勅有爾前罪爾等宜皆革心向化睦隣保境依例遣人朝貢庶幾永享太平之福如爾下情或有未達亦許詳具奏來朕爲處置若不體朕心違天逆理大軍復至身家爲戮雖悔不可追矣復勅雲南總兵官左都督沐昂左叅將都督僉事馬翔及雲南都布按三司巡按監察御史日往因麓川蠻寇思任發背逆

不道已令爾等率兵征勦今得爾等奏稱分路進兵至隴把地方思任發累遣人以象錦等物來貢是其悔過之心已萌然而自新之路未啓今特降勅一道悉有思任發等罪惡爾等即選有識見者二三人齋去諭令改過自新以爲一方生靈之福就察彼中人情事體嚴飭守備不許怠忽其前所遣來陶蓋刀派本等見留雲南者仍嚴切闔防毋致逃逸。監察御史丘俊言二事一令直隸府州并各布政司通行所屬每歲勘實見在人戶丁糧多者爲上次者爲中少者爲下其雖有糧而產去及雖有丁而家貧者爲貧難戶凡遇差役驗冊令充貧難者止聽本縣輕役其有那移作弊放富差貧者治其官吏之罪一令有司取勘寺觀田地無僧道管業者撥與個人耕種計畝徵糧勿令別寺觀僧道兼管收租有悞糧稅寺觀廢者毋得重修事下行在

戶部覆奏從之。給遼東都指揮鄒溶引鹽如例。先是巡按山東監察御史李盤奏溶令其子及無籍軍吏詭名中淮浙鹽共六千九百七十引內千餘引又侵剋軍糧所中者被人訐發宜治溶罪追糧給軍引鹽沒官。上宥溶罪并免追糧尋復遇赦并其子官吏俱原之。至是溶復乞支鹽行在戶部言溶奉榜例中納非律所載權勢者比宜准支給。上復從之。謫提督燕河營等闕都指揮蕭敬成甘肅教在營賣放軍士且私役軍種藝孳牧採榛造器又挾私拷逼人招承死罪總兵官都督王彧以聞下法司鞫之擬敬贖罪還職。上曰蕭敬貪酷屢犯不悛豈宜以常例處之命械發甘肅充軍立功。戊午命故黔國公沐晟子儼襲封黔國公。行在兵部右侍郎李郁丁母憂服闋赴京復除前職。命行在刑科給事中張良民等掌本科事。

守衛官奏長安右門朝官門籍不報者五人內有太常寺丞戴慶祖王一居 上以二人職掌祭祀不可累以小過宥之餘命錦衣衛鞠問○己未復書樂平王冲焚日得奏欲於有司暫撥夫匠協助修理房舍及請給只孫衣等件今邊郡之民艱窘朝廷凡百所需亦皆停罷惟叔祖體國愛民悉且仍舊又將安惠王守墳校尉撥補見缺於禮尤為未可江西僉補未到校尉六人宜令長史司移文催促缺用醫者已令該部移文於附近醫學選取一人送府聽用惟叔祖亮之○給遼府衛山王貴斌蘄水王貴燦祿米歲各二千石米鈔兼支時二王受封將三年祿米未給遼王貴煥為之請故有是命遼王又奏臣弟松滋王貴忻等九人已蒙人賜校尉十名使用其各校月糧宜如例支給從之○勅南京守備襄城伯李隆叅贊機務兵部右侍郎徐琦

得奏言二月二十二日夜風雨之異朕惕然祇慎爾等亦宜體朕心敬天恤人其江上所損漕運人舟既皆漂溺無存即令戶部驗數除豁不許復有科徵各門所損番眷獸牌等件悉令所司如舊修理不許託此以重擾人。故陽武侯薛詵男琮尚在襁褓其母陳氏屢乞祿米養贍上命行在戶部月給米十石養之。鎮守陝西都督同知鄭銘巡按陝西監察御史馮誠各奏陝西臨洮平涼二府貧民缺穀播種西安府屬民闕過糧無從陪納已令各府發倉借給及暫停徵俱候秋抵斗還官從之。福建都司奏福寧衛大金定海二所及鎮海衛六鰲銅山二所五城舊以碎石壘之時特損壞請造磚裹其外為經久計從之。庚申給周府襲封遂平王子瑋鎮國將軍子壘祿米歲各一千石俱米鈔兼支登封縣主儀賓劉祥獲嘉縣主儀賓王

紀光山縣主儀賓周澄新蔡縣主儀賓梁和益津縣主儀賓劉
綜臨潁縣主儀賓鞏和每縣主儀賓歲共米六百石濟源縣主
已卒其儀賓歐俊歲祿米三百石俱二分本色一分折鈔。勅
大同宣府總兵官武進伯朱冕都督譚廣等遣都指揮康能陳
友同危刺使臣往脫脫不花王及脫歡處至黃河邊遇達寇對
敵射死寇二人方散聞達寇今連結兀良哈之衆出外劫掠爾
等即嚴督各城池關堡如或寇至即飛報鄰境合勢勦滅寇去
不可窮追。鎮守陝西都督同知鄭銘奏西安府倉貯糧二十
二萬四千九百六十石有奇河南等府又輸綿布二十五萬而
倉庾不足露積於外臣恐其久而浥爛且難於防守事下該部
請令所司增置倉房從之。巡撫河南山西行在兵部左侍郎
于謙奏山西太原等府澤潞等州陽曲等縣各因旱傷田禾無

牧民甚饑窘今大同宣府種有倉糧而腹裏衛所軍士乏食臣切以爲積糧者守邊之本安人者爲國之本也當損有餘而補不足乞令山西該徵稅糧免運宣府惟量運大同餘悉撥偏頭關并腹裏倉分送納以備支用又言去歲起運稅糧所欠不多俱係災傷逃戶之數乞暫停徵以寬民力又言澤潞等州愚民無知因見有赦將運到大同糧十九萬餘石俱糶賣回還行在戶部移臣追收臣巡視各處委係艱難若復逼迫恐民愈失所除已追納外餘乞減半蠲免并收布鈔爲便奏下行在戶部請准其言 上曰宣府糧以備邊用宜如舊運納餘悉從之○福餘衛韃靼人馬車輛獵於石峯口外有四騎折木柞入境直至靜安堡探親守者弗覺遼東總兵官都督曹義論領軍都指揮裴俊胡源鈐束所部不嚴不即舉烽飛報 上命姑記俊源罪

○辛酉 上以兩京風雨為災遣駙馬都尉西寧侯朱瑛祭告
天地駙馬都尉趙輝祭告 太廟太子太保成國公朱勇祭告
社稷禮部尚書胡濙祭告太歲嶽瀆等神白屬以眇冲祗承大
統仰荷 洪恩特隆眷佑惓惓夙夜敬天卹民比聞南京風雨
暴作拔木飄瓦人罹溺亡匪德所貽悚惕思咎矧茲春暮北京
近旬連旬不雨烈風屢興麥苗將稿穀種未下歲計所係農用
憂嗟致自眇躬民實可憫伏冀 至仁恕其蒙昧頌矜黎庶錫
之休徵二氣調均雨暘時若四方遠邇咸獲豐穰災厲漸消民
物康阜無任懇祈之至。壬戌寧夏總兵官都督史昭奏慶陽
衛定邊營署都指揮僉事張通因追比田穀草肆為貪虐致軍
士五百餘人逃竄乞治其罪 上命巡按御史執問如律。行
在大理寺右少卿李吟奏直隸真定府靈壽等縣民各訴去歲

早滂無收今復起取採運柴夫乞賜賑濟臣已發官倉粟貸之
人給五斗候秋成還官 上是之。浙江沙園千戶所奏所城
薄海城外爲圩田比潮決圩田患將及城請令縣民修築之永
嘉縣縣丞方珍言沙園所軍月食官儲又假捕倭給行糧出海
取魚以爲利其所管頭目得賄置不問今所壞圩田宜令軍士
及耕圩田者協修毋煩縣民事下行在工部覆奏下浙江三司
覈實請如珍言仍禁軍毋出海從之。癸亥胎書靖江王佐敬
曰王遣千戶劉順齋奏分折奉國將軍佐敏誣訴之事朕覽之
已惡其本末矣王何以又出奏豪二紙付順既與順銀十四兩
又以黃金六條令順送與揚榮學士方便其事王以爲朝廷之
事皆出臣下乎初佐敏前後兩奏朕皆未信故令總兵官安遠
候柳溥及三司巡按御史體覆的實待其奏來然後處置蓋朕

於小民凡有訴訟必警飭法司不許枉人何況宗室之親豈肯輕易誣枉且朝廷一切賞罰予奪皆朕遵依 祖宗成法親自處決何嘗出於臣下王今所爲如此意必有在須從實奏來不可隱匿特書往諭王其審之其後王陳實謝罪言爲順所誘惑上命發順遼東邊衛充軍仍以書責王昏憤宜痛自改過以保富貴。巡按直隸工部左侍郎周忱奏直隸徽州府夏稅折收芋布緣非產有遼年員欠乞准例折銀從之。行在大理寺右少卿李吟奏太僕寺丞徐珙不當於東作之時考校孽牧以妨農事因撫珙在縣延緩等情事下都察院體覆巡按御史李匡言珙職專管馬吟志在撫民若論所行所奏雖各有所欠至原處事處心則互有所長 上兩宥之。行在兵部奏編發山西威遠衛并清解大同左等衛充軍囚人俱係宣府右等衛遞送

宜添爲事官三員往彼巡視毋令沿途衛所擾害從之。甲子
廣西按察司副使胡智言懷集守禦千戶所逼近賊巢請覓其
土城從之。丙寅遼東東寧衛寄住達官指揮官保番僧羅得
納發得納等俱來朝貢馬及貂鼠皮賜絳幣等物有差。命貴
州都指揮僉事郭瑛協同叅將都指揮僉事張善提督各衛軍
馬操備以巡按監察御史王通等奏瑛歷練老成膽畧有爲故
也。丁卯韓王冲域復奏請做工光軍月糧及容遣人勾取本
府逃故軍校。上復書曰承諭月糧一事去秋戶部謂屯軍既
免子粒月糧難於復支宜令有戶丁者自種自食無丁戶者照
守城軍例給與月糧已從之矣今叔祖復以爲言蓋數年來邊
儲備運頹艱幸體國愛民拓守前議其逃故軍校府中不必遣
人已令兵部行各布政司按察司并直隸清軍御史嚴督所屬

照名勾提不久當送補役專此以復叔祖亮之。鎮守陝西都督同知鄭銘奏陝西延安府所屬去歲夏秋旱澇田禾無收人民缺食其行都司并寧夏糧已足用乞將本府先年起運并存留欠納馬草俱暫停徵仍將今年該撥甘肅寧夏等倉夏稅俱赴延綏一帶邊堡交納庶甦民力從之銘又奏慶陽等衛屯軍先因負欠子粒追徵逼迫及今缺食又失賑濟以致逃亡者多宜治各衛經該官吏并管屯官罪。上命宥官吏罪仍俟充賑濟其子粒逋員者勿徵。停徵直隸大名府所屬員欠草束以人民被災饑窘從大理寺右少卿李珍奏請也。給宣府獨石等城堡官軍馬二千匹從右叅將都督僉事楊洪等奏請也。己巳以行在光祿寺卿郝郁子忠爲本寺大官署監事郁事太宗於潛藩爲典膳正靖難時守北京城有功累官至光祿寺

卿而卒至是忠陳情乞恩故有是命。宥定國公徐顯宗罪。行在錦衣衛指揮僉事王裕馬順有罪下獄時內使張能告內官僧保違法事逮能下錦衣衛獄死於拷掠裕等以病死聞上疑之命御史徐郁驗得其情逮裕順等鞫問獄具命錮禁之。庚午琉球國中山王尚巴志遣使步馬結制等奉表來朝貢馬及方物賜晏并賜綵幣等物有差。命增給修固安隄民夫口糧人三斗。辛未賜迤北來歸軍餘人等吳旺等綵幣鈔布等物。夜火星犯井宿

大明英宗法天立道仁明誠敬昭文憲武至德廣孝睿皇帝實錄卷之六十五

明英宗睿皇帝實錄卷之六十六

正統五年夏四月壬申朔享太廟○遣中官祭司竈之神○
上以是歲山西荒歉詔曰朕奉天命君天下夙夜祇勤保民
為重肆臨御以來悉罷不急之務與民休息惟違備不可以緩
不免煩民蓋非得已也此者山西境內荒歉百姓流徙朕聞之
惻然豈朝政有闕歟抑有司之乖于撫字歟民困若斯宜有寬
恤合行之事條列于後故茲詔示咸使聞知一正統四年夏稅
秋糧馬草起運邊儲并存留本處倉本色折色布花除已徵在
官外其餘未徵納之數及四年以前拖欠者暫且停徵一澤潞
等州縣官吏大戶人等管解宣德八年正統二年運赴大同倉
未完稅糧計一十九萬五百餘石因去歲詔赦二年以前拖欠
稅糧送一舉難賞侵用已令所司提問追糧還官今悉宥其罪

糧米除已追納在官外其未納之數蠲免一半餘一半半追官
布每石一匹半折鈔每石五十貫就所在倉庫收貯以備官用
一遮年逃民戶下拖欠稅糧馬草及一應物件自正統四年十
二月以前除已徵納在官外其未徵納者悉皆蠲免不許重科
有司官吏人等敢有故違處以重罪一各處撫民官務要將該
管逃民設法招撫安插停當明見下落其逃民限半年內赴所
在官司首告回還原籍復業悉免其罪仍優免其戶下一應雜
汎差役二年有司官吏里老人等並要加意撫恤不許以公私
債負需索擾害致其失所其房屋田地未回之先有人居住及
耕種者復業之日悉令退還不許占據違者治罪一逃民遺下
田地見在之民或有耕種者先因州縣官吏里老不驗所耕多
寡一舉逼令全納逃戶糧草以致民不敢耕田地荒蕪今後逃

戶田地聽有力之家儘力耕種免納糧草一逃民既皆因貧困不得已流移外境其戶下稅糧有司不恤民難責令見在里老親隣人等代納其見在之民被累艱苦以致逃走者衆今後逃民遺下該納糧草有司卽據實申報上司暫與停徵不許逼令見在人民包納若逃民已丁各處附籍明有下落者卽將本戶糧草除豁違者處以重罪一朝廷設府州縣官及撫民官本爲安養民人招撫流徙近聞其中多有不體朝廷恤民之仁不能安恤反加剝削及縱容吏胥里老人等生事擾害方面風憲坐視不言致民艱苦不得已而逃今後再有犯者從方面風憲官巡察得實就便拏問知而不舉一體治罪一凡山西軍民利病急務從巡撫侍郎并都司布政司按察司巡按御史及府州縣官具實奏未處置○賜鄭王瞻垓子名長曰祁鏐次曰祁銳次

曰祁銳次曰祁鏞○先是詣江王佐敬與弟奉國將軍佐敏互相訐奏 上命總兵官安遠侯柳溥會同巡按監察御史三司官覈之至是溥等廉其虛實相半以聞 上命王與奉國將軍姑不問仍命法司械其內使張信等詣京鞠之○癸酉陞行在浙江道監察御史軒輅為浙江按察使○巡撫大同宣府行在都察院右僉都御史盧齋奏山西行都司官折俸銀于北京取給而大同府贓罰金銀共四千餘兩例應解京如留給官俸可免徃後支運從之○宥景陵神宮監太監陳英內使僕林罪初英匿御馬監小廝陳喜後于家林挾私忿發之且誣英娶妻法司遠問獄具命囚禁之至是有詔錄囚法司列英等情狀以聞故宥之○甲戌勅鎮守陝西都督同知鄭銘右副都御史陳鑑等曰得奏言河州番民領占等先因避罪逃居結河呈招集人

衆立他力管族占耕田地不報籍納糧又藏匿逃亡累劫軍民
及往木高峽岷州衛指揮葉育等往彼體實受賂而還爾等欲
調官軍擒捕領占之衆并治葉育等罪朕念畜性生拗所犯亦
在革前若遽加以兵不免累及無辜爾等宜從長計議遣人
撫諭令其改過自新將聚集之衆各遣回本業所劫軍民牛羊
等物如畜人事例追給還主如彼冥頑不服卽斟酌事情調軍
擒捕務出萬全其葉育等體覆得實執問如律○乙亥改廣東
惠州衛後千戶所為信宜縣守禦千戶所隸神電衛設石康縣
石隆墟堡調廉州衛官軍五百人守之俱從廣東都布按三司
官奏請也○丙子哈密忠順王倒瓦谷失里遣使臣馬黑麻都
孫裝納都納遣使臣虎皮馬黑木等俱來朝貢馬駝鷹及貂鼠
皮藥品賜宴并賜綵幣等物有差○行在戶科給事中王弼言

各處布絹線綿等物應進內府甲字等庫交納者已有經收內
官及監收御史給事中主事辨驗收受今西女門上直官軍復
行揀送納戶被其擾害宜行禁革從之○廣西總兵官吳遠侯
柳溥奏羅城縣賊首韋萬川等糾合撞賊劫掠人民欲于今秋
率兵擄其巢穴緣官軍不敷乞于廣西靖江王護衛并廣東都
司調撥官軍各五百人協助剿滅從之○直隸保定府清苑縣
詣修吳家灣石橋蘇州府吳江縣詣修湖塘橋俱從之○丁丑
賜袁玉瞻塔子名長曰祁鏞次曰祁鉦○廣西富川
守禦千戶所言富川置所所以控制搖撞而城未堅完乞勅總
兵官及布政司督發軍民協力修築從之○戊寅 太皇太后
聖節 上率親王上壽先命婦朝賀賜文武百官宴○己卯賜
文武百官宴○太子太保威國公朱勇等奏府軍前衛軍士累

因選補別任操備凡有事故不能周知乞仍舊編伍令原管官
旗管領上曰選操已定不必再動但管操官旗不用心撫恤
不宥○夜有流星大如雞彈色青白有光出北斗杓入紫微東
藩○庚辰達右僉都御史盧齋下獄齋巡撫大同宣府瓦剌使
臣回至大同總兵官朱冕等欲增供給羊二百隻齋怒曰軍民
貧甚此何從出如此館待何日是了語聞上命齋自陳狀齋
飾詞不實于是給事中御史交章劾之械齋至京會官廷鞫論
罪應杖逐下獄○辛巳賜黔國公沐儼誥命并封其故妻張氏
懋室徐氏俱為公夫人○命行在吏部考功司主事宋瑛進士
錢溥丁內府授小內使書○壬午陞行在刑科掌科事給事中
郭瑾為本科都給事中以吏科掌科事給事中鄭泰等保其勤
恪故也○遣禪師萬藏昆舍為正副使封柏木竹巴薩項國師

吉刺思已永耐監藏已藏卜嗣其世父為闡化王賜之詔命錦
綺梵器僧服等物并賜葛藏等道里費葛藏等復私易茶絲數
萬以往乞官為運送至烏思藏禮部言茶絲出境有禁 上以
遠人特許之但令其自僦舟車○癸未命直隸大名府通判石
浩復任陞正五品休先是浩九載任滿詣京部民懷其善政詣
留復任巡按御史為之請故有是命○行在都察院右僉都御
史張紀賑濟順天并直隸保定河間永平四府饑民發官糧勸
借民糧共三十三萬一千七百餘石大理寺右少卿李吟賑濟
直隸真定順德大名廣平四府饑民發官糧勸借民糧共一十
九萬一千六百八十餘石又各勸借牛具種子給民耕種具數
以聞 上嘉之○興安伯徐亨言過者議改東直門內西庫為
燕山前衛倉及修葺羽林前衛倉之壞者皆未有臣役請金工

部發區與二批之○鎮守松潘都指揮趙得等言松潘邊地若
寒洪武特軍士歲給綿布三尺綿花三斤宣德以後始折半給
賜迨又三歲一給軍士貧窘今宜每歲一給庶不失所其小河
守禦千戶所亦係邊地恩例當均如四川布花不足宜令于秋
糧內折收給賜事下行在戶部覆奏俱從之○松潘總兵官都
督同知李安等奏比者松潘番蠻作耗奉勅剿捕今已寧妥
上勅安暫留撫綏原調官軍俱發還各衛○巡按浙江監察御
史李奎等奏平湖縣梁莊倭船易泊宜互塞堡輪檢官軍守備
從之○乙酉直隸保定府奏所屬清苑等縣蝗生行在戶部請
行僉都御史張純少卿李吟委官撲捕上曰如此緩不及事
責民患矣其速遣人乘傳令本處軍民官司督捕盡絕回報仍
行直隸各府遇有蝗之虞即捕絕之違者必罪不宥○巡按次

西監察御史趙敬奏延安衛及延安府所屬州縣軍民有餓死者官吏坐視不賑俱宜治罪 上命各官陳實至是其服
上曰既服罪姑宥之若再不用心撫卹必罪不宥○丙戌賜荆王瞻垞子名長曰祁鎬次日祁鑑○給神機營官軍馬二千一百七十二匹從行在後軍左都督沈清奏請也○復命松潘祁命族高巴為淨戒私慈國師初高巴與松滿鎮守都指揮同知趙諒有隙諒誘執之發兵圍其寺掠其財畜因與鎮守都指揮趙得誣奏高巴叛其弟小高巴遂率眾攻陷闔堡 上命都督李安僉都御史王綱往討之既而巡按御史言其枉初翱等審度進退翱至出高巴于獄遣人招其弟具奏彼實無反謀皆諒等生事所激于是朝廷命安駐兵邊地而還高巴所領銀印使留松州俟命至是小高巴等皆就招乃復高巴國師使還故地

而誅諒請得成廣西松潘遂平○丁亥命寧王孫鎮國將軍奠
蟬妻淑氏為夫人孫女樂平縣王道嚴傑分宜縣王道鄧僊命
傑信俱為宗人府儀賓賜誥命冠服等物○戊子擢陝西布政
司經歷計珩為行在山西道監察御史先是珩以廷臣薦舉送
行在都察院理刑至是考稱故擢之○命鄞國忠武公薛祿男
桓受學國子監持桓方選尚 上姊常德長公主 上以其未
聞禮度故有是命○行在太常寺奏見畜犧牲數少供祀不足
欲給官錢于山西收買其大祀所用牛犢請分遣官屬借養牲
軍旅馳騁于應天和州等處官畜數內擇取應用禮部尚書胡
漢言此奉詔書以山西荒歉一切之物悉從寬恤今復貸之于
彼恐乖風旨請改派于河南州縣又言軍旗營求差違因而擾
民宜罷止之 上悉從漢言○鑄總督管糧閔防二顆給參政

沈固劉瑾時固在大同瑾在宣府各率贊總兵官綜理邊務兼
管糧儲然皆無印信給記大移于事不便固以為言故鐫給之
○初罕東安定二衛合衆侵中藏族掠其馬牛雜畜以萬計裨
師江東已卒兒加訴于邊間且言畜產一空歲貢金牌馬匹無
從辦納西寧鎮守都指揮僉事汪清以聞于是 上勅貢罕東
安定頭目數其殘忍暴橫違國法毒鄰境之狀令歸所侵掠悔
咎自新如頑梗不悛則朝廷罰惡必不爾貸又命清等體覆中
藏族果被侵困之但令隨貢所有不限多寡俟財力稍紓如例
足之○己丑行在戶部言各處官軍俸糧折色絹鈔蘇木胡椒
赴京取給者多被原領委官侵盜或易他物回衛賂經該官吏
高價虛散官軍不得實用今後宜令宣府從本部委官郎中尹
聰并管糧舉政劉璉永平一帶從管糧通政司舉議狄隆大寧

部司并直隸衛所從所在府州縣委堂上官公同給散具數以
聞庶革弊端從之○巡按直隸監察御史吳昌衍奏山西平定
苛歲朔代等州壽陽靜樂靈丘等縣人民徃徃車載幼小男女
牽扶替疾老羸採野菜煑榆皮而食百十為羣沿途住宿皆因
饑餓而逃者況今四月不雨麥苗少長田土未耕民瘼如此臣
敢不以聞○上以其奏示行在戶部俾所在官司速行賑卹○
庚寅度王秩燧奏本府伴讀月給米一石五斗引禮舍人給一
石各訴不足乞准寧夏等五衛經歷并各倉官例俱給米二石
庶得養浩○上從之命陝西各王府官皆月給米二石惟長史
俸依舊例不增○南京守備襄城伯杰滄奏魯同右副都御史
周銓議得南京各衛所屯田餘糧若干在外官倉欠納全在京
官取給隔遠不宜全定赴南京利便水火聽各衛委官見數

允給其應納也所報亦令委官就彼覈准給也所官軍江社
衛分屯田亦依此例為便行在戶部請准其言不為通例從之
○河南開封彰德二府并山東兗州府所屬州縣俱隍 上命
行在戶部遣人馳驛令所存官司捕絕毋使滋蔓○停徵直隸
保定等府所屬負欠糧草以其地去歲災傷故也○湖廣常德
衛指揮使夏瑄奏本衛城垣塌差役繁多乞將先發為民餘
丁回衛協助正軍修理事下行在兵部議旨餘丁已經奏發為
民難盡取回宜行湖廣都布二司查審每戶止撥與一丁從之
○辛卯江西按察司提調學校僉事王鈺致仕時鈺以滿考詣
都察院都御史陳智怒其不跪訶斥之鈺遂引疾抗章乞致仕
鈺淹賁經史立心行己罔不以正其在江西勸誘開導品題得
所士氣勃然大學士楊士奇甚器重之至是以直道而去士論

惜馬○河南布政司右布政使虞信以老乞致仕行在吏部言其練達老成獨堪任使 上命留之○癸巳孫顏衛指揮朵羅干遣鎮撫哈剌等奉朝貢馬及方物賜宴并賜綵幣等物有差○行在戶部奏鹽尚因守支年久雜減輕開中少有上納者恐悞違儲請令雲南福建四川廣東河東鹽仍舊其兩淮兩浙長蘆每歲鹽以十分為率八分給守支客商二分令巡按監察御史按察司官見數存積過遠方急用糧日召商中納支給庶官民兩便不致悞事從之○湖廣叅將都指揮僉事張善奏平溪等衛倉糧不敷乞將摘撥輸運官軍發回原衛與同征進麓川官軍操練聽調從之○初巡按直隸監察御史吳昌衍奏鎮守山西偏頭關都督李濂擅更成規增設軍士貪暴無厭賊至弗拔致斃死指揮汪海官軍無罪為其杖死者數人又受指揮李

衛銀馬玉帶保其協同鎮守衛恃其威大肆貪婪于是六科十
三道文章劾之上以謙累惡不悛法本難恕第守邊方姑不
問命都察院錄狀示撫俾自陳情實械衛未東下獄至是法司
論衛絞上宥其死降指揮僉事調甘肅置衛守備○巡按浙
江監察御史馬謹奏巡按御史房威等劾百戶徐定縱家人下
海而奏疏誤書定為昇請正其罪上命治定如律威等其具
實以聞○裁省通州白河通積二抽分竹木局副使各二員撥
典各一人以給事中朱良言其事簡故也○乙未勅遼東總兵
官都督僉事曹義曰得奏言建州衛都指揮李滿柱與福餘衛
韃靼互相盜馬夫夷虜讎敵為盜循習舊俗無足怪者自古帝
王順其情以為治使彼不為違惠即己不能保其族類皆善也
况彼力有強弱情有真偽我若恣制以法未必能服其心或其


不從則事有不可已者大抵為將守邊以備禦撫綏為急自今
有若此者但當以道理諭之○嚴違例收息之禁先是駙馬都
尉石璟家奴訴領環銀鈔借與衛軍取索不遂乞為追理

上命行在戶部檢例言洪武舊制凡公侯內外文武四品以上
官不得放債永樂中亦常禁約今環家奴放債而欲官追于法
有違 上命行在都察院視問懲治仍揭榜申明舊制嚴加禁
約有有推委勢要仍前故違及有司聽囑司官百姓者俱罪不
宥○六科給事中十三道御史劾奏武定侯郭瑄令樂工造太
子冠帽環珞鳳虛等物又令樂婦教婢歌舞借分荒淫請寘于
法 上曰姑恕之如仍蹈前非不宥○丁臣道建平伯高逸為
正使給事中陽昂為副使持節封武陵王李悅為楚王妃傅氏
為楚王妃○是日陝西平涼等府大雨雹傷人及田禾畜產○

戊戌命騰驤左衛指揮同知孫得子懷景陵衛指揮僉事郭能
子秦羽林前衛指揮同知重安姪原羽林左衛指揮僉事高安
子銘金吾左衛指揮同知李榮弟廣指揮僉事王整叔賞金吾
右衛指揮同知盧捌兒姪旺指揮僉事時道子端府軍前衛
指揮僉事黃福子剛濟州衛指揮僉事劉信子通郝成子貴俱
襲職○口外永寧開平龍門懷來隆慶左右保安等衛并龍門
千戶所軍餘老幼各訴饑窘總兵官譚廣以聞 上欲以邊糧
賑之行在戶部言邊糧僅足備用且軍餘賑濟無例 上曰軍
餘亦人耳可視其困弗殺乎其發懷來衛長安嶺亦城堡倉五
賑之○是日直隸保定府滿城等縣大雨雹○庚子命應天府
上元縣主簿唐九萬復任陞正七品俸九萬專理馬政九載任
滿邑民奏乞留之事以巡撫侍郎周忱覈實以聞故有是命○

○行在大理寺右少卿李珍奏北直隸洪武永樂時人稱富家
隱藏逃戶開地多而納糧少故積有餘財而愈富貧家地少而
差役繁故典賣田宅產去稅存而愈貧又真定鉅鹿等府縣田
地多被汴水衝塌兼為七軍所占乞勅戶部委官大星見數均
給貧民并坍塌地土之家耕種則貧民少免饑窮而逃戶亦漸
還鄉矣奏下行在戶部言吟言可行宜遣官踏勘仍令豪強毋
得占怯役業戶田宅違者治罪從之

大明英宗法天立道仁明誠敬昭文憲武至德廣孝睿皇帝實
錄卷之六十六



明英宗睿皇帝實錄卷之六十七

正統五年五月壬寅朔給西河王校尉月糧各衣布花○甘肅
總兵官定西伯蔣貴奏紀錄幼軍零丁失所乞循例優給狝之
○順天廣德順德河間四府墮下上命行在戶部速令府州縣
官改法捕之○畿省遼東都司安樂自在二州同知判官各一
員○滿刑部主事黃瓚及邊初都察院副都御史周銓劾瓚提
牢掠杖竊盜強狎妓女為妓作文酬營諸貪滿狀遂命逮瓚瓚
亦訴銓不法事上曰銓在南京甚用心瓚所言皆末事不足
究第移文銓知之瓚又訴銓有淫行縱各倉作姦禁行在都
察院請遣官覈之上曰銓若爾瓚何初不言而今乃言之耶
不必遣官止令南京御史一人覈報戒毋枉人已而御史報銓
所劾其實而瓚所言多誣故有是命○行在都察院右參都御

文王綱奏少卿劉禎所遺官房乞賜居住 上與之○癸卯宥
順天府尹姜濤府丞蔡錫罪舊例順天府置簿發在京宣課等
司日錄客商姓名投稅物貨該納稅鈔數日季終稽驗濤等弗
為嚴督以致各司官吏侵欺作弊事覺右都御史陳智等劾濤
等罪 上命姑貸之不許再犯○宥萬全都指揮使馬昇都指
揮僉事汪貴祝銘等罪先是巡按御史孫毓劾奏昇等偷去不
共職政本司監候強盜四人越獄輸牟未獲 上命約限擒捕
至是昇等上疏日久曠職有誤邊務且輸情服罪故宥之○永
平大長公主金家人詣蔚州買松木千餘至盧溝橋奏乞先抽
分 上以舊制不允○甲辰命行在兵部左侍郎鄭辰都察院
右僉都御史丁瑄翰林院侍講學士曾鶴齡編修董濟清理武
臣貼黃○勅鎮守山西都督李讓及協同守備偏頭關都指揮

馬貴曰此得太原左衛指揮同知陳勝奏偏頭關地勢險阻易守今操備官軍數多人民餽餉惟艱欲量減軍士以省轉輸已遣監察御史覆視亦如前奏今兵部議宜于近關衛所見操官軍內簡選精銳者五千人更番操備餘復原衛所屯守過河凍仍于鎮西衛增五百人俟河開仍令回衛朕即位以來惟欲軍民各得其所况邊餉艱難須慮久遠之計勅至兩等會同按察司所委堂上官存其精銳汰其冗濫計議停當奏未處置不可偏執已見以妨邊備尤不可假公營私以爲己利而不恤餉餽之難自取罪愆○秦王志潔以母妃對氏噴地隄隘請廣之且求建門樓下所司計費言所費甚多民間艱難恐不能辦西安右護衛屯軍二千七百歲輸糧一萬六千乞免徵造赴秦王府用工上不從命王府自造○鎮守陝西都督同知鄭銘奏保

去王府內仗務堅訴本府小旗徐斌擅開官倉盜采易驢斌亦
訴堅與內仗王聰典仗朱九思買民淨身稱馬內仗擅選儀賓
隱占校尉非法用刑俱宜究治 上命都察院械堅等至京鞠
之○華顏衛都指揮同知恭羅于奏遣使朝貢還易得犁鐮馬
閃阻阻不得出乞縱之 上謂兵部臣曰遠人當懷柔農具故
未有禁聽其歸勿阻○宥犯總都指揮陳謙罪謙守備山西黃
崖口隱占軍伴月輪傭錢巡按御史邢端論以枉法應絞
上特命住俸十月仍令守備○乙巳命陝西延安安德德沿邊衛
所各寨堡軍餘閒種田野子粒聽其自給惟輸草束了官○瀋
陽中已衛軍有陳其操練不得息妻李鐵窘者乞于農時暫放
耕作以資養贍俟秋成赴操事下行在兵部覆奏 上允之因
著為令○丙午端午節賜文武羣臣府及宴○國子監司業趙

琬以監生聶琮違學規杖之致死給事中御史交章劾琬及祭
酒員秦監丞汪賓黨比罪法司擬琬運石還職秦賓宜逮治
上曰琬如所議秦等姑宥之○晚刻金星犯土星○丁未直隸
淮安府知府彭遠言滿浦淮安二壩及窩溝一帶隄舊用木石
修築輒為水所敗近者復欲如前修築恐虛糜財力乞更以貓
竹編簔盛石塊于中為數十礮筒以支水勢水不能撞激隄岸
則沙土壅積益堅久矣 上是之令于秋後興役○改遼東鐵
嶺衛懿路驛隸懿路城左千戶所石河驛隸金州衛前千戶所
以懿路驛舊隸在城左所石河驛隸復州衛道里遠遼故也○
己酉書諭永興王志堦曰通者得奏實到被傷男子許敬等八
人念府中少人仗令今已唯留但自後此等人不宜收買其中
或有別故恐累清德王其亮之○哈密使臣馬黑麻等陸辭命

齋初并綵幣等物歸賜忠順王及妃○西寧衛淨寧寺僧領占
臥河州衛軍民指揮使司白塔寺剎庥結列領占等四川長河
兩魚通寧遠等處軍民宣慰使司高日等寺番僧緯思恭等俱
未朝貢馬及佛像舍利子賜鈔幣等物有差○陞雲南大理等
衛指揮僉事胡直張磐吳雄俱為指揮使正千戶王寧魏興為
指揮僉事將軍四十七人授職有差以輸粟金齒故也○宜川
王志塔奏前撥醫士曾恕目昏不能治疾茲訪得咸寧縣民醫
疎真頗通醫術乞賜府中常用從之○鎮守陝西都督同知鄭
銘等奏延安府綏德州邊堡缺糧乞開中鹽糧奏下行在戶部
議將正統五年准鹽一十二萬引浙鹽八萬引如肅州納米例
每引米麥豆二斗五升召商于綏德州廣盈倉榆林莊嚮水寨
廣有倉高家堡雙山兒諸寨阜益倉輸納從之○辛亥沙州衛

都督周卽未遣使巨鎮撫也嘗卜花遠東自在等州達官指揮
可里忒克去樂州達官指揮弗撒奴等俱未朝貢方物賜宴并
賜珠幣等物有差○陞襄府紀善羅忠為本府右長史從襄王
瞻塔奏請也○壬子書諭永壽王志埴曰得奏因疾常許三年
皆以六月十五日往南五臺觀音寺行香聽王如期詣彼但境
內之民災荒艱窶又當木稼長育之時須戒飭從行者勿擾民
傷農則于賢德有光矣○楚府壽昌王孟焯薨王楚昭王弟四
子母妃王氏洪武十六年出三十二年冊封至是薨享年五十
有八訃聞 上輟視朝一日遣官致祭謚曰安僖命有司營葬
○復除監察御史竇和于行在貴州道和先以汰省放回至是
召用故也○浙江淳安縣奏境內石厚土瘠桑絲少產乞將夏
稅絹如歙縣例每一疋納銀五錢事下行在戶部覆奏從之○

應天鳳陽淮安三府多蝗 上命行在戶部速令有司設法捕
之○山東濟南府所屬州縣各奏連年災傷乞將無徵夏稅抵
輸布鈔事下行在戶部議每小麥一石二斗徵潤白綿布一疋
解儲京庫從之○直隸河間府獻縣請修葺家橋從之○癸丑
仁宗昭皇帝忌辰遣官祭 獻陵○增給邊官試所鎮撫創息
兒刀兒不花月糧二石舍人端都十月糧一石○先是雲南總
兵官左都督沐昂副總兵右都督吳亮左叅將都督僉事馬翔
右叅將都督僉事張榮太監吳誠吉祥奉詔征麓川賊思任發
至金齒運道不進昂等令榮率軍先至芒部等處出哨賊覘伺
至營榮但令都指揮盧儀與之敵致賊敢敗官軍榮悉棄符驗
軍器以適昂等相距甚遠弗為策應事聞六科十三道交章劾
之 上命記昂死罪降都督同知亮等械至京究治至是三法

司會羣臣鞠實議亮等應斬 上命國禁之○甲寅軍人夏諒
自逃北同韃靼猛可來歸命諒克勇士賜鈔布猛可授南京錦
衣衛百戶賜冠帶襲衣白金房屋器皿○行在戶部奏各衙門
知印教坊司俳長例該月報一石五斗除本色米一石外餘五
斗春夏折鈔秋冬折胡椒蘇木從之○乙卯貴州宣慰使司小
程番等長官司頭目程象女倭等未朝貢馬賜鈔幣有差○廣西
按察司提調學校僉事陳璉親喪服闋復除江西按察司僉事
仍提調學校○陞沙州衛所鎮撫月里卜花百戶帖木兒卜花
俱為副千戶以都督因即來遺報逃北事情故也○增給山海
關刑閔諸處守把哨瞭旗軍月糧米有宏小者八斗無者六斗
餘如例折支○丙辰致書代王柱曰此者多聞曾叔祖聽納宣
寧懷仁二王沈潤之言離間世孫致曾叔祖集肆怒責于世孫

聞見者咸所不平夫世孫曾叔祖之嫡孫而代國宗祀之主也
且前此未嘗聞其有過縱有小過亦須含容惟曾叔祖自今并
絕語言益致世孫之愛以圖代國之福并諭宣寧王遜料懷仁
王遜炳曰近聞爾兄弟二人過失頗多今畧舉一二事重者過
節進表皆不行禮是不有朝廷也過祭社稷未祭之先騎馬直
入壇內取猪腹鹿角鹿皮等物回宮中用是不有神明也世孫
者代府之宗嫡爾二人專于父前讎問致父切怒世孫爾兄弟
二人又常隨父及宮人用磚石鐵錘打破世孫府門意欲害之
世孫縣避得先是汝不有宗嫡也 先帝宣德五年命世孫代
祖裁決府事王府文武官每清晨至府門候見爾二人隨父或
步行或騎馬出靈星門外擱打本府官不容入府見世孫是陷
父子不慈也 祖訓離間親親明有正條爾二人自今宜存念

至親洗心易慮務隆敦睦毋蹈前非仍諭代世孫成錄曰此
聞曾叔祖及宣寧懷仁二王皆不足于世孫自今世孫宜益
敦孝敬毋失親親之意庶能以成全德以保福祿并勅代府官
屬宜協心盡誠勸誅毋容緘默○勅諭雲南總兵官都督同知
沐昂曰昔我祖宗之世爾父黔寧昭靖王鎮守雲南撫綏有
方蠻夷率服邊境用寧朝廷賴無西南之慮爾先繼之亦克康
靖皆爾所見知也此者思任發侵暴鄰境蓋爾素非拊循制馭
之道馴致猖獗乃敦請師討之朕以爾善之必熟慮之必當故
命先總兵統衆十萬冀能成功豈意爾怯懦無為行師失律夫
兵貴神速雲南去麓川不為甚遠乃逗遛彌月而進致賊得以
從容為計覘覷虛實遂致我師敗績辱國損威非惟負朝廷委
任抑有不爾父先今廷臣交章劾爾等罪吳亮等已下法司究

治弟念爾父先之故曲加寬貸降爾職仍充總兵廷戶奏章封以示爾其深省之勉以自贖毋怠○慶郡大長公主薨公主仁宗昭皇帝第二女洪熙元年兩封為慶郡公主宣德三年下嫁駙馬都尉焦敬正統二年進封大長公主至是薨訃聞上輟視朝一日遣中官致祭命有司營葬○直隸無為州奏本州民饑已發官稟貸之凡支過米一千八百五十九石穀一萬二千九百六十九石有奇○戊午甘肅總兵官定西伯蔣貴奏西去左等衛官軍備禦甘州者半未更番徃復煩勞請如舊一季一更庶少休息從之○雲南按察司僉事徐觀賢運金齒招徠南甸夷人刀門敬等二百三十八人 上勅總兵官善加撫恤毋致失所○庚申廣靈王遜祗奏有母年高多疾缺賢調治聞故賢常士教族子昂通賢術乞賜聽用從之○河南偃師縣

民閔春進白兔給鈔賞之。○行在戶部言寧化王濟煥奏比以歲祿并男美塔五人祿蓋違房屋費用浩大以致艱難乞將美塔等今年折鈔支米用度上以民方艱食姑仍其舊。○命直隸松江府華亭上海二縣今年折糧大三梭布五萬九千七百三十二疋先徵第徵中等三梭布二萬疋每疋折糧二石其餘折徵闕白綿布以其民困于水災故也。○行在戶部奏禪師葛藏奉命帶刺麻僧徒共二十名齋詣命勅書往烏思藏封禪化王等官給與鐳鍋帳房等物并馬騾犏牛馱載食用自出境日馬始給與本色糧料一月其餘以官庫之物折充悉取給予四川布政司及行部司從之。○陝西西寧衛中藏族刺麻禪師汪來已年老命其姪永隆繫裝為禪師。○癸亥陛行在文科字科等給事中鄭春禮科字科事給事中胡清俱為本朴都給事中

森寺以九載任滿各科字科事給予中薦其勤能故有是命○
湖廣荊州石首縣民畢么兒妻王氏一產三男命賞賜如例○
大同總兵官武進伯朱冕奏先奉勅大同蓄積糧料一百萬石
不許擅支近于大有倉發視有二版虫蛀浮面尺許又有三版
蒸腐浮面成塊乞將其未按月支用而新收歲用粟米六萬二
千餘石抵蓄積之數行在戶部覆奏從之○乙丑陝西右叅政
牛富奏慶府歲祿一萬石內撥與安化真寧二郡王各一千石
其未係西安慶陽二府輸納慶陽連年災傷供給邊儲艱難乞
將慶府歲祿如秦府例一萬石內折鈔五千石郡王二千石內
折鈔一千五百石 上以親王歲祿折鈔恐乏用度不允○丙
寅哈密忠順王倒瓦答失里等遣都指揮脫脫不花并烏思藏
鐵禪等寺判麻遠丹堅錯等俱來朝貢馬駝佛像銅塔舍利賜

珠幣等物有差○賜行在大理寺右少卿李吟父母誥命從吟
奏請也○陞山東按察司僉事楊潤為四川左叅議宋徵為山
西右叅議監察御史荆璞為福建左叅議徐傑為右叅議員外
郎楊輔主事楊和監察御史閔肅李安李運俱為按察司僉事
輔安山東和肅陝西運山西郎中李文珠衛宗孟員外郎喻義
府同知王佐俱為知府從行在吏部會官舉之也○設湖廣斬
州大同鎮巡檢司以其地去州治三百餘里山深多盜居民請
設官警避故也○丁卯旌表孝子劉鏞等三人鏞直隸邢臺縣
學生父真任五臺縣學訓導母吳氏俱卒于官鏞迎喪回葬廬
墓種瓜盧旁風雹傷稼瓜獨無損張讓山東陵縣人任虎賁左
衛經歷母史氏大明讓朝暮焚香跪紙諭年復明母沒盧蓋三
年食粥不飲鹽醬吳任坤四川南川縣人父任濟寧州副官卒

迎喪歸葬廬蓋臥苫枕塊俱旌其門曰孝行○城通州衛開荒
田種初永樂間通州荒地許軍民間種正統二年始每畝徵糧
一斗既而連年災傷追徵無措至是軍民具奏各欲退還前田
故減輕起科每畝第徵五升○增給廣西桂林中右二衛馬軍
月糧一石總小旗餘糧如例折鈔從總兵官安遠侯柳溥奏請
也○翰林院修撰施槃卒槃字宗銘蘇州府吳縣人幼警敏異
常見甫成童從父游學淮揚間巡撫侍郎周忱見而奇之遣為
縣學生正統四年廷試進士第一人授翰林院修撰時年二十
三從大學士楊溥為師學為古文其志甚勤至是以疾卒丁官
士大夫惜之○戊辰命改陝西都指揮僉事張寬子貴襲為指
揮使金吾前衛指揮使朱能子廣府軍衛指揮使呂金子信金
吾左衛指揮同知王義子雄孝陵衛指揮僉事王珍子玉大興

左衛指揮僉事陳貴子通燕山衛指揮僉事馬俊子隆江淮衛
指揮僉事馬旺子俊俱襲職羽林右衛指揮同知徐仲善子愷
指揮僉事孫智子勝金吾左衛指揮僉事劉興子順俱代職○
命故四川車塘安撫司土官同知宋陸子廣秀襲職○旌表節
婦趙氏等三人趙氏直隸德州衛小旗盧教芳妻教芳北征殲
于陣或勸之嫁趙曰夫既忠于國妾雖貧可妾身更適人乎守
節三十餘年朱氏山西陽曲縣民胡原妻周氏榆次縣民趙旭
妻俱夫卒殯葬如禮誓不更適旌其門曰貞節○行在兵部尚
書兼大理寺卿王暎奏各都司衛所官多非其人玩愒苟祿貪
墨無耻私役壯卒而以老弱就操況其中不識行陣不諳方畧
者尤衆臣集在廷大臣議宜分遣兵部屬官往湖廣四川雲南
貴州同三司官及巡按御史摘選指壯軍士并調征麓川回還

官軍以時訓練各委廉能都指揮一人提督其直隸衛所亦如
之庶兵政整肅有備無患并推湖廣等都司都指揮使鄭通等
十二人以聞 上曰然其勅通等盡心提督毋事虛文南京武
備尤重亦勅襄城伯李隆一體訓練雲南仍命沐昂選練不必
更遣官○浙江湖州紹興二府各奏自正月以來雨水傷麥○
日生石珥色黃亦鮮明○己巳嘗復秦王志傑所言庶人尚蚡
長子不孝克惡已遵 祖訓命皇親議其所犯皆云十惡之罪
法所難容今遣錦衣衛指揮徐恭前去叔可遣官校同恭管解
至京須令官校緣途嚴切閑防勿致竊戾所傷毋及弟叔尚念
至親加意調護其所毆傷餘人亦用存撫已死者悉與掩瘞仍
具見存人口報來○行在戶部奏雲南金齒軍民使司大理府
用糧數多蓄積數少宜召商納米中淮浙雲南鹽各三十萬引

金盞足食倉納未者淮浙雲南鹽每引二斗大理崇盈倉納未者淮浙鹽每引一斗五升雲南鹽每引三斗上從之令不次支鹽仍命雲南布按二司各委堂上官一員于兩處倉提督收支以革官撥侵欺之弊○庚午太保忠勇王金忠先賜永清縣草場于內西北隅荒地六頃九十七畝有奇為行在金吾左衛養馬軍人所占忠安白氏具奏上命行在戶部同錦衣衛勸實仍以賜之命忠表弟都督蔣信等牧放○直隸鎮江府民陳達江西吉安府民周仁俊浙江温州府民周善柳青周伯靜紹興府民高宗哲周端吳淵各出穀千石有奇佐官賑濟詔賜勅旌勞勲其後

大明英宗法天立道仁明誠敬昭文憲武至德廣孝睿皇帝實錄卷之六十七

明英宗睿皇帝實錄卷之六十八

正統五年六月辛未朔遣中官蔡中雷之神○雲南呵叱力僧
綱司土官都綱李久廣東陽春縣徭老黃漢山等俱未朝貢馬
賜襲衣鈔緞有差○德州等衛達官指揮僉事滿哥卜花副千
戶脫罕沙在寧夏為總兵官緝導至是貢馬至京以邊境寧靖
乞還原衛從之人賜紵絲衣一襲鈔一千貫○行在戶部奏雲
南夏秋稅糧數少都布按三司等官俸月支米一石乞將南京
庫藏海肥運去折支餘俸 上命支五十萬斤戶部選官管送
不許違悞仍勅雲南布政使司務依時直准折以稱朕養賢之
意俟倉廩有儲卽具奏聞如舊支米○築涿水縣葉家橋壩濟
膜脂河初涿水縣廣通鎮之西有圍城湖入大江鎮之東有三
塔堰河入太湖東西之間陸地十五里水不相通洪武間鑿通

固城湖水入三塔堰河舟行甚便後水溢為災築壩于廣通鎮以禦之而三塔堰河水不能至壩下故復改築壩于葉家橋臨時河自涇水入古秦淮蘇松船皆自此達南京近馬沙石壅塞故濬之○云申勅諭行在都察院右僉都御史丁璩曰今命往雲南同左布政使戴新及按察司廉幹堂上官一員自雲南至金盞一路預備糧料爾等同志協力從長設法務使官有儲蓄人不廢因大抵雲南頻歲供給煩勞人情厭苦朕甚念之故茲遣爾必律撫恤之誠惇獎勸之道金盞除軍官准休職田外或有空閑田地即勘撥附近衛所旗軍屯種如例徵收子粒但有豪強占據治之如律其餘官民訴訟悉付巡按御史理之軍機邊務兩有所見便于事者宜與總兵及三司官議協而行凡事因大體及利害之當建革者悉奏未釐置用副朕委任之重

欽哉○勅雲南總兵官都督同知沐昂及雲南都司按察司并
巡按監察御史前已違勅諭麓川聞其自新之路如其能悔罪
向化卽爲奏達凡外夷有未歸服者兩等須善撫恤勿致失所
○今故浙江都司都指揮僉事劉綱子瑄襲馬杭州衛指揮僉
事○癸酉勅甘肅總兵官定西伯將賁等比因虜寇侵莊浪敵
傷官軍已宥兩等失機之罪但令察此寇部落以聞今乃以地
方曠漠寇賊譎詐馬辭夫馬違將寇至不知其來寇去不知所
向其所故違哨之人何用爾馬將之道何在勅至爾等宜深思
改過飭勵士卒毋枉于宴矣因循惰慢非分之恩不可再得其
深省之勿貽後悔○行在禮部言廣西鎮安等府州湖廣施州
衛散毛宣撫司等衙門所進慶賀正統四年冬至 聖節表文
各有謬訂當罪其不敬 上命姑宥之○甲戌陞行在禮部祠

奉司郎中馬駿為福建都轉運鹽使司運使。陝西都指揮僉
事陳紀私通義女怒其義男亦與之通聞為大者又強奪軍妹
為妾以償私債實放操軍占人田地以私茶令軍餘入番貿易
事覺上命按察司鞠實以聞。乙亥復除行在翰林院侍講
學士陳循仍舊職以母喪服闋也。鎮守大同太監郭敬奏沿
邊自大夫山至馬頭山東西百里平坦空曠正胡寇出沒要路
宜為深溝以防奔突更立堡伴官軍往來巡哨者得以安處奏
下總兵官武進伯朱冕等議冕以敬言誠守邊長策請摘操練
軍士次第濬立上從之命行在兵部選委廉能都指揮董之
母貪汙產下以取罪愆。鎮守延安綏德都指揮使王禎守備
土門寨都指揮劉福受舍人賂妄奏功次事覺上命禎自陳
其實餘下巡按御史收鞠之。丁丑先去年災傷田土糧草鈔

貫順天保定真定大名順德蘇常淮安八府糧三十九萬六千
一百七十一石草四百六十七萬二千一百八十六束在京蔚
州左等二十二衛在外通州左等十八衛所糧二萬一千二百
五十七石草九十一束鈔七萬二千六百貫○戊寅書諭靖江
王佐款并各輔國將軍奉國將軍曰朝廷封建宗室祿未已有
定制曩目王及各將軍每遇歲徵先令火者人等下縣不收本
色加倍折錢民用訴苦 先皇帝曲貸不問但諭令改過仍勅
廣西布按二司巡按御史但有再犯者執送京師無辜欲其知
警而國保全之道也今按察司奏輔國將軍贊德復合家人口
賸雷格收與委等縣祿未每石逼折錢七百文甚至一千五百
文比時價加三四倍民何以堪且法令力 祖宗之法令百姓
力 祖宗之百姓今棄法令虐百姓如此而求保全殆不可得

已令按察司將滕等解京發落。惟今宜痛自警飭嚴戒下人謹守法度仍通先皇帝勅書勿差人授官州縣庶幾可以長保富貴以副朝廷親親之意。○今右春坊在中允吳餘慶署掌左右二春坊事。○巡撫南直隸工部侍郎周忱奏蘇松常鎮四府屬縣自去年八月至今五月大水民饑已發廩賑之具數以聞。○行在戶部言大同宣府偏頭關永平山海密雲及山東備倭歲歲用馬車人民供給艱難乞令總兵鎮守備禦官武進伯朱冕等及時摘撥官軍廣採秋青草備用仍令各都御史羅亨信等提督從之。○上諭法司官曰今歲暑罪因駢首就繫熏蒸煩鬱寧得無病宜即檢看情輕者休律發遣重者即具奏所犯處置勿全久淹法司具疏以聞。上命教人及應死者俱如律。其非真犯死罪者杖一百發戍邊餘皆宥之。○省陝西都指揮

同如戴壯罪先是巡按御史馮誠劾奏壯私役軍餘占種田土
飲酒宿倡命壯自陳至是壯輸情服罪 上曰壯既輸情姑貸
其罪都察院仍錄狀示之如再犯必罪不宥○己卯羊湖廣歸
州登雲驛以地過僻使客不經故也○庚辰先山西各府州縣
逃戶該徵秋糧凡六十五萬四千七百四十五石有奇○給萬
全宣府左等衛操備官軍馬一千一百一十五匹○先是行在
都察院右都御史陳智等劾奏雲南按察使賴吳既知都督僉
事孫榮夫機候事不即奏聞及考滿至京聞榮被劾方具奏掩
飾詔下法司究治擬杖逐職 上曰吳失職如此豈可復居風
憲命吏部改用之至是吏部擬所改職以聞 上復命逐職○
山東按察司副使鍾祿公幹濟南府等處後夫昇轎又擅用官
馬與從人私乘事覺刑部論贖杖逐職從之○壬午宥都督吳

亮太監吳誠吉祥亮等坐征麓川寇失快軍機應斬至是遇
恤刑詔法司以聞 上俱宥亮降亮為都督僉事○宥行在錦
衣衛指揮僉事王裕馬順罪○癸未陞刑部主事鄭敷張維寇
深林准宗為本部郎中羅崇本為本部員外郎○甲申宣城王
貴煇奏蒙給歲祿二千石內本色米一千石于荊州府常積倉
闕支軌運實難乞如先松滋王事例撥附近府州縣稅糧自行
收受從之○命安定衛指揮使魯古塔兒子乞不魯代職從矣
定王亦攀丹奏請也○陞赤斤蒙古衛都指揮使且旺夫加為
都督僉事指揮使可兒即為都指揮僉事正千戶把丹為指揮
僉事副千戶切領等六人為所鎮撫可兒加等十三人各人因
匪夫加等十五人陞授有差先是朝廷遣使哈密且旺夫加備
候糧驛馬達切領等與俱 上嘉其誠故陞授之○陝西延安

府宜川縣奏四月兩雹傷稼人民乏食 上命有司發粟賑之
○乙酉行在禮部言今歲例度僧道天下僧童至者三萬七千
有奇有首止度一萬餘令俟後再度道童先至者二千三百俱
度矣今至者又二千五百宜令俟後再度 上曰僧道舊有定
額今所度已濫甚未度者姑已之○丙戌湖廣施南宣撫司宣
撫李彥昇遣把李向懷并雲南北勝州土官舍人章英廣東博
羅等縣糧長李應山等俱未朝貢馬及方物賜絲帶鈔絹等物
有差○浙江衢州府錄以廣盈倉糧七萬六百餘石難給民用
凡得銀一萬二千七百五十餘兩○命行在戶部于花園并通
州衙草場輪月放支上直將軍錢馬草束○命山西偏頭關滑
石洲諸堡夜不收官旗軍人每歲自冬十月至春二月增給行
糧二斗以其出境襲賊勞苦故也○錦衣衛奏直隸太平府丹

陽湖五月雨水濟沃草場羣象無食已俾原差官旗軍奴領回
本所象房移文戶部暫如舊閱夫草料飼之俟湖水消日仍發
牧放○丁亥陞行在吏部大選司郎中吳敬為北京行太僕寺
卿行在刑部山西司郎中仲昌為南京太僕寺卿○命大河兩
魚通寧遠故灌頂國師完卜綽丹刺卓兒已藏卜襲國師賜之
諾命○添設萬全都司萬德庫副使一員以庫收銀兩布雜款
多無人接管從衆政刻璉奏請也○戊子以權州民李灝為泰
府伴讀從奉王志潔為其能詩甚賢故也○湖廣按察司副使
曾昂言竊見內外庶官庶_魚能者少貪刻者多適者御史王受建
言准令有司正官開具僚屬臧否事跡巡按御史并布按二司
覆驗其間寧無互相牽制容隱不實乞勅吏部別為裁處使貪
暴病民者無所逃竄謹治事者有所勸庶幾官得其人 上謂

行在吏部尚書郭璉曰朝廷累遣大臣考覈有司不職者黜罷之今賜乃謂容隱不實賜司風紀必知其人宜令指陳姓名實跡未聞若知而不以言亦不職也○己丑致書永嘉大長公主曰得奏言所買淨身人楊敬因盜金兩自經夫自淨身者

祖宗有禁買之違法及其為盜力不送官而致其死又違法矣曾祖姑高丰慮不及此必皆指揮郭璉之罪今念至親宥璉不問自今望戒璉凡百謹守禮法庶金親親之誼○陞甘州左衛指揮同知馬馴為指揮使行在金吾右衛指揮僉事季鐸為指揮同知以出使外夷擒獲逃叛故也仍給賞如例○庚寅初諭平末衛都指揮班麻思結等曰近赤斤蒙古衛且旺失加等奏本衛指揮鎖合者因故人逃往兩衛又令其子往烏思藏取毒藥且欲率衆侵害又言兩衛可兒即切阿北誘去鎮撫哈剌苦

出等三十家不肯遣還朕以 天地之心為心推恩布德無間
遠通勸善懲惡一出至公惟欲使四方萬國之人各得其所爾
等宜體朕心諭鎮合者改過遷善可兒即切阿把所誘去三十
家其悉還亦介蒙古衛今後各宜約束部屬安分守法永敦和
好以保境土毋結黨私相讎害則爾與一方之眾均享太平之
福于悠久矣○山東德州清平觀城臨清館陶范疇丘恩八縣
蝗○趙簡王妃翁氏堯妃常山中護衛鎮撫陸之女永樂二年
冊封王是堯計聞 上遣中官致祭命有司營葬如制○辛卯
河南固始縣學署訓導舉人黃俊言 太祖高皇帝御製孝慈
錄已常頒布天下今四方學中鮮有存者乞仍敕印頒布念士
民誦誦以隆孝道 上曰朕親孝慈錄所諭仰 太祖聖見卓
冠百王定萬代不刊之盛共宜家傳而人誦者禮部亟印頒之

○命湖廣德安府月給遷居土官知州阮公庭俸米三石并頭
目范元亨口糧○運河水漲決龍王廟南石隄詔遣侍郎李庸
往治之○壬辰復刑部主事唐海謝璘李棠于本部濼等皆以
冗官待次于家及是以例召至改有是命○癸巳 上以內外
管軍官員侵欺糧賞致軍士逃匿命兵部刑部都察院議禁例
以聞右都御史陳智等議今後剋減糧至五十石布至五十疋
綿花至一百斤以上者擬死罪官充軍立功總小旗充軍守哨
五年滿日遷徙其計贓四十貫以下者擬徒流罪官稱馬事官
立功總小旗充軍守哨流罪四年徒罪照年限滿日各復職後
調遣衙差操諸出榜禁約從之○甲午勅諭北京國子監恭酒
司業等官員春等曰夫太學者國家成賢育才之地昔我
祖宗臨御教之用之咸有定規朕嗣統以來一切庶政咸循舊

章諸司亦皆修職爾北京國子監官不務敦慎隳弛學規玩愒
歲月洪武永樂中六堂諸生成有季試者第高下以伸勸勵今
南監尚循舊規北監廢而不舉其間為師能勤講授為弟子能
勤問學大率計之什不二三此非師長之情慢乎尤有甚者莫
之顧義惟利是與有入監數月或一二年即得擢諸司辦事者
有生監十餘年不得出身者又與諸司交通凡辦事一人有闕
即被干求者得之借曰為勢所逼何為不親以奏師之所行如
此何以表勵學者朕推天地之量姑皆曲宥不問自今宜洗心
滌慮改過自新凡洪武永樂監學常行之規不許隳廢擢歷事
者必依資次不許僥越辦事者亦須公當不許徇私但有私相
囑託輒便聽從不奏聞者必罪不恕繼今務明聖賢之道正己
以淑生徒毋背義苟利以壞名禍已如復不悛悔將無及○勅

諭六部都察院通政司大理寺等衙門大小官員曰朕嗣承祖宗大統代天理人風及親業慎簡賢良分理庶事與共成治功所望在廷大臣咸秉一德以匡不逮今同心同德效輔弼之勤者固多若正己奉人之道或亦有未至歟未方而郡守率由舉保得人能潔己奉公然京官尚有未能盡革舊習者只如舉官一事凡君子所舉皆賢其間亦有不賢者是舉者之不明或溺于私也于舉知縣作葬尤甚賄賂公行肆無畏忌其令給事中監察御史體實以聞近知縣多缺未舉者尚多豈果無其人歟抑為常例之所拘歟進士監生皆國家作養成才以待用者何以不見薦舉自今進士親政一年者監生歷事考中并坐監三年以上有學識者由吏員出身授官曾歷兩考能廉潔守身忠厚受民才識相稱者悉聽舉保送吏部照例考用後犯贓

罪並連坐舉者爲舉雖命庶官選任專委吏部選之不稽吏部之責爾其慎之凡在別處辦事而帶俸者不必責其舉官由技藝出身與曾犯贓罪官員俱不許舉刑罰責于平恕近者或以好惡爲輕重欲重之則飾以非情之罪欲輕之則畧其真犯之情何以服人兩法司其慎之凡言事之職須明大體近者或用小罪加大惡或假公法報己私念或進諂說以希進用或泛言請司弊事悉無實跡皆非公正之道自今慎之如有交通屬託以私滅公顛倒是非並須直言不可黨比亦不可誣枉朝廷于百司改正佐官俾共理政事凡正與佐皆當以誠相與有善相輔有過相規彼此協和事力有濟不可專恃己見不衆衆善屬官中賢者須禮之不及者須教之不肖者須明其罪黜之如或悅諂說納沒潤則賢者受抑不肖者得志孰與成功兩等有

即改之無則加勉自古明君良臣必務交修兩大臣者宜體朕
心見諸實行庶幾表率尊條永保祿位欽哉○鎮守陝西都督
同知鄭銘奏陝西旱災民飢乞訪禮部差未監生王璵言道經
鞏昌府寧遠伏兔二縣見民俱食樹灰草根有婦餓死荆傍其
孩捉猶呱呱哺乳民困至此臣出行都布按三司各委官逐發
倉廩賑貸派移者招撫而驗口給之其有司坐視民患者另行
具奏嚴治 上命行在戶部即移文賑恤○巡按直隸監察御
史李匡奏順天真定保定三府民永樂中常領在官牛羊一十
三萬三千七百五十六隻逮今死亡已盡每遇先祿寺徵取皆
市以納且市價薄賣民不能堪時真定府知事衛景巖亦以是
為言下行在禮部議三府民所領牛羊歲久宜有亡失况今歲
荒民貧有派移者自今先祿寺所需享祀牛羊宜移他處令給

公帑錢市用從之。○中軍都督同知王貴徇魏國公徐顯宗囑
擅令軍士一百名與之供役事覺六科十三道等官交章劾之
法司論當罷職成邊。上命圍禁之。○南京守備襄城伯李隆
奏積雨壞南京中新河上新河隄并濟川衛新江口防水隄請
俟水退量撥丁夫修築從之。○乙未四川長河西魚通寧遠宣
慰司刺麻綽吉監參達溫卜三竺監參并烏思藏刺麻達丹監
錯工加祝六等俱未朝貢馬并佛像舍利碾砂等物賜絲幣裝
水鈔絹有差。○行在翰林院侍講劉球奏天雨連綿宣武街西
河決漫流與街東河會合二水泛溢淹沒民居請修築以消其
患仍會官計議了城外宣武橋西等處量作減水河以洩城中
諸水使毋壅滯命行在工部右侍郎邵旻會同太子太保成國
公朱勇勘視旻等報球言實具修築事宜以聞。上從之仍命

欽天監正皇甫仲和等審視作城水河利否仲和言宣武門西
舊有凉水河其東城河南岸亦有舊溝皆可疏通以泄水勢不
利新作上復是其言○南京守備襄城伯李隆奏瓜州鎮巡
檢司巡得魯府長文司軍周雄徃直隸常州府市茶婦以武進
縣婚載之茶無引照上以玉自賞用且宥其人令領茶還府
戶部移文長文司不許再犯○丙申寧化王濟煥奏臣諸子婚
配難以同居奉旨聽臣自蓋房屋所買木石磚瓦諸物皆用臣
及諸子歲祿今已空乏乞將諸子美壤等該支本色米麥五百
石內每人先支一百石以濟急用從之○浙江臨海縣民吳納
妻余氏一產三男命給米鈔如例○陝西按察司奏署都指揮
金亨圖金索西寧衛千戶鮑玉善馬二匹玉欽軍賞止供其一
金銜玉杖之致死請寘諸法上命巡按御史執鞫之○行在

工部言大明門以西地勢卑下雨潦所集以是民皆徙居留者無幾近日取上者又相尋不絕遂成坑塹其留者亦不能安且今將徙置兵部衙門宜預填築以俟興役徙之○修順天府郡縣中馬頭等處河隄○丁酉命行在右軍都督僉事吳佩征蠻副將軍印克副總兵鎮守湖廣貴州都指揮僉事孫善仍充叅將○浙江都指揮僉事朱興老疾以其子亮代為杭州右衛指揮同知○戊戌廣東新會縣北峯等山獠首李總成等隨撫羅生員鄧鉞貢州鎮寧州土官包鵠等竟犯事李剛俱未朝貢馬及方物賜絲幣等物有差○陝西延安衛中所軍劉清奏木廠連年災傷軍衛男婦飢殍流移者衆雖蒙賑濟然人多而給有限奏下行在戶部議遣官馳驛往陝西會都布按三司各委堂上官詣延安鞏昌二府驗口收貸毋致失所俟秋成還官徙之

○蜀府良醫正鈕豫儀衛副田木奏右長史劉仲珩貪贓借分
杖判親王仲珩亦奏豫木險猾多端親密王府上命巡按御
史執封具實以聞○夜有流星二枚大如雞彈一大如杯俱色
赤東行至遼瀋○己亥行在刑部右侍郎何文淵奏自今往順
天保定等府州縣收糧故粟儲備惟恐愆期民月將盡若欲及
時身難周歷詣令本部主事孫用瀚同往分理從之○成寧大
長公主薨公主 太宗文皇帝第四女母 仁孝文皇后洪武
十八年生永樂九年冊封成寧公主下嫁駙馬都尉西寧侯宋
瑛二十二年進封長公主正統二年加封大長公主至是薨享
年五十有六訃聞 上輟視朝一日遣中官致祭命有司營葬
○庚子雲南總兵官左都督沐昂奏南甸騰衝等州頭目刀貢
罕等率衆歸順移置雲南等衛宜良縣等處撥與空閑屯田耕

種及灣甸路江等州土官知州景辦法等移于金齒司任一體
給與口糧俟秋成後任夫從之○山東濟寧州汶上縣雨水淹
沒田禾○應天府溧水縣民孔去山東郟城縣民孫鑄直隸江
陰縣民徐南丹徙縣民李聰三河南開封府民薛嵩王善早嘆
郵讓劉成李榮司憚王亨秋春秋亨王俞汪象王興李安徐敏
李碩李銘白科王順牛金彰德府民趙周李榮韓景式賁鄭亨
李興衛輝府民王春張貴宋佐李和甫素整汪仲成周公直山
西洋州民李盈徐織各出粟麥千石有奇佐官賑濟詔賜豐書
旌勞之仍復其家

大明英宗法天立道仁明誠敬昭文憲武至德廣孝睿皇帝實
錄卷之六十八

明英宗睿皇帝實錄卷之六十八終

明英宗睿皇帝實錄卷之六十九

正統五年秋七月辛丑朔饗太廟○遣中官祭司門之神○
遣官修備荒之政先是少師兵部尚書燕華蓋殿大學士楊士
奇等奏自古聖賢之君皆有預備之政我太祖高皇帝惓惓
以生民為心置倉積穀以備饑荒濬陂築隄以備旱澇皆有成
法自後有司不能修舉每遇凶荒民輒流徙請勅該部移文諸
司舉行洪武舊典其有廢者聽風憲官糾舉上嘉納其言
遂命行在刑部右侍郎何文淵往順天并直隸永平等八府行
在戶部主事鄒來學往直隸揚州等七府州行在刑部署郎中
劉廣衡往浙江監察御史薛希璉往江西行在刑部郎中王瑄
往山東行在戶部郎中王綸行在禮部員外郎王士華往湖廣
其應天并直隸鎮江等十府命巡撫侍郎周忱山西河南命巡

撫侍郎于謙陝西命鎮守副都御史陳鑑分理其事四川兩廣雲南貴州福建則命布按二司正官理之賜文淵等勅曰朕惟鐵錘之志雖治平之世不能無惟國家恩惠豫防斯其有濟自古聖帝明王登我祖宗咸重于茲著在令典民用賴之比年官不得人隳廢成法間遇饑荒民無仰給今特分命爾等往修預備之政仍精選各府州縣官廉公才幹者委之專理務在得人爾等往來提督凡事所當行者並以便宜施行汝等尚精白一心以副委任其徃懋哉一切合行事宜條示于後一見今官司收貯諸色課程并贓罰等項鈔貫雜物可以貨賣者不拘稻穀米粟二麥之類貿易儲積並須照依時直不許虧官損民凡州縣所積預備穀粟須計民多寡約量足以備用如本處官庫先儲鈔物不敷於本府官庫或本布政司官庫支買如又不敷

移文戶部奏聞處置一凡丁多田廣及富實良善之家情愿出穀粟於官以備賑貸者悉與收受仍具姓名數目奏聞一糶糧在倉須立簿籍二扇備書所積之數用州縣印鈐記一在州縣收掌一付看倉之人但遇饑荒百姓艱窘即便賑貸並須州縣官一員躬親監支不許看倉之人擅放二處簿籍放支之後並將實數具申戶部所差看倉須選有行檢老人富戶就兼收支不許濫設一洪武年間所置預備倉糧多由州縣不得其人視為泛常全不留意以致土豪姦民盜用穀粟捏作死絕逃亡人戶借用虛需簿籍為照是以倉無顆粒之儲甚至拆毀倉廩間遇饑荒民無所賴深負祖宗仁民之心爾等於所屬府州縣並須親歷查勘前項官倉糧儲原數實在幾何百姓借用未還虧折幾務何務要報究的實著落前後經手人戶供報追償不許聽

其誦詐指板瓦絕逃亡人戶塘塞遮掩追完之後令照例納米贖罪若限外不完者毋論赦前後檄赴京師發戍遼東邊衛一比先所建預備倉廩或為豪民所據責令還官或年深毀壞量加修葺其倒塌不存者官為起蓋如本處有空閒官房許令拆用並須完固可以經久一洪武年間於各州縣開濬陂塘以防水旱蓋永遠之利亦因後來有司不得其人視農事如等閒委而不問以致土豪姦民掩為己有或埋塞為田爾等須一一親歷踏勘如有前弊責令自備工力如舊修築堅固還官悉免其罪如隱占不還及違限不即修築者亦檄赴京發戍遼東邊衛一凡各處開壩陂堰圩田濱江近河隄岸有損壞當修築者先計工程多寡於農隙之時量起人夫用工工程多者先修要緊之處其餘以次用工不許迫急其起集人夫務在受利之處驗

其丁力均平差違勿容徇私作弊凡所作工程務要堅固經久不許苟且府縣正佐官特常巡視毋致拍壞一各處陂塘圩岸果有實利及衆比先有司失於荒報許令開陳利民之實踏勘明白畫圖貼託具申工部定奪如利不及衆不許虛費人力一但遇近經水旱災傷去處預備之事並暫停止待豐年有收依例整理一所過州縣倉粟穀粟充實陂塘隄岸完整者必其正佐之官得人若有空虛廢壞等項其正佐之官必不得入悉具名奏聞如或貪酷害民驗有實跡就便拏問一今後府州縣官考滿赴吏部者並須開報預備官倉所儲實數及修築過陂塘隄岸等項吏部行該部查考虛實以憑黜陟一爾等所至有布政按察二司官者須與協心計議共成其事候勿偏執己長有所妨誤一爾等所至凡有訴訟干係倉糧水利者即與理斷非

千倉糧水利者悉付有司爾等不必預之一本為恤民選擇命爾須先正己惟廉則公惟公則明而所行則當尤須嚴切禁約跟隨吏卒里老人等不許一毫私下擾害百姓犯者即便究治所歷郡縣周徧事完即便回京仍將所備穀粟及所修陂塘圩岸開墾備細造冊具奏以驗成功一凡勅諭或該載未盡爾等所至遇有興利除害之事難於處置者具奏來聞○命番僧卓鋪大戒律師高日瓦為崇修禪師賜銀印袈裟帽子命刺麻結攝刺麻巴領回給之○命內外諸司官吏軍民貪盜例於長蘆運司支給者暫於山東運司支給○陝西華昌臨洮二府屬縣直隸揚州府高郵州寶應縣各奏比因歲歉人民缺食已發廩賑濟俟秋成償官從之○叅贊寧夏軍務右僉都御史金濂奏近制軍民輸米千石或穀二三千石助官賑濟者輒以墨書其

不及是數者不與切見陝西連年凍收穀米甚貴諸有能於內地輸米麥五百石雜糧一千石邊地輸米麥三百石雜糧五百石者悉褒以墨書其不及是數者官為立石題名則應者必多而官有備矣從之○壬寅命山西大同府山陰縣知縣慕寧獲任陞正六品俸寧九年任滿當遷邑民保其公勤愛民乞留後任巡按御史布按二司覈實以聞故有是命○少師工部尚書兼謹身殿大學士楊榮卒榮字勉仁福建建安縣人初名子榮由諸生鄉試第一會試第三廷對賜進士出身入翰林為編修太宗文皇帝為更今名初建內閣簡翰林之臣七人專典密務且兼稽古纂述之事榮預焉旦夕承顧問歷進官終撰侍講諭總侍呈太子講讀嘗命往甘肅視師規畫稱旨陞右庶子侍講如故父喪馳傳歸葬起復尋喪母乞歸守制不許命從巡幸北

京虜酋脫脫不花等率衆來歸復命榮往甘肅與守將何福議所以處之者既還又命持節至亦集乃之地封福爲寧遠侯且命過寧夏與寧陽侯陳懋飭邊務歸奏便宜事皆見嘉納從征北虜至驢駒河還又乞終制乃許奔喪遣中官宋成護其往還既又奉皇太子令與諸皇孫講學甘肅守將言叛寇老的罕等將爲邊患復命榮往視歸奏小醜無能爲不足煩大軍既而叛者果歸附 車駕親往瓦剌皇太孫侍行榮輔導之 太宗問榮兵與食何由以足榮對曰擇將屯田訓練有方耕耨有時食足而兵精矣遂受詔集諸儒修五經四書性理大全榮預總裁書成陞翰林學士仍兼庶子榮言積弊十事章留中不下陞文淵閣大學士兼翰林學士三殿災榮陳便宜十事皆見施行駕隻北征榮必在行軍中職務多叅預焉甲辰師次榆木川 太

宗不豫召榮等受遺命已而晏駕惟榮與親密中貴二三人
在側榮慙歛如禮戒勿發喪整軍旅嚴號令外無知者榮密與
中官海壽星夜馳報仁宗即位念榮之勞陞太常卿兼舊職
尋陞太子少傅兼護身殿大學士賜以銀章文曰繩愆糾謬且
諭榮曰朕有過舉卿即奏來以此識之又陞兼工部尚書三俸
俱支宣宗嗣位益見委任漢王反首贊親征及累出巡邊榮
皆扈從久之念榮先朝老臣命輟翰林之務惟朝夕備顧問贊
謀議進位少傅再進少師上即位務學以榮同知經筵事榮
立朝凡四十年未嘗一日不趨朝考京闈鄉試者一廷試讀卷
者九修四朝實錄皆與總裁累朝眷遇錫養之隆元勳世威
不及也是歲春以久建先塋乞歸登榻上命中官偕往欲其
速來還至杭州得疾卒年七十訃聞上哀悼輟視朝一日遣

官諭榮贈特進光祿大夫左柱國太師謚文敏又命中官護喪歸勅有司營葬事仍官其子恭為尚寶司丞榮為人疏闊果毅遇事常為奮前不疑論事不肯苟同議獄率歸寬恕凡邊徼險易邊將勇怯靡不周知故其謀畫多見施行尤喜賓客善交際雖貴盛無崖岸士多歸心焉或謂榮處國家大事隨機應變無媿唐姚崇而有所不檢亦似之云○順天保定河間順德廣平并浙江金華衢州山東兗州諸府自六月迨今淫雨連綿江河泛溢河南懷慶衛輝二府蝗生陝西臨洮府狄道等縣六月初十日雨雹山西行都司及蔚州六月初二日至初六連日雨雹其深尺餘傷害稼穡事聞上命行在戶部遣官覆之○中都大龍興寺火○命故永清右衛指揮使劉廣子海府軍前衛指揮同知王恕子俊金吾後衛指揮僉事王斌子俊府軍左衛指

揮僉事王英子玉陳賁子瑄虎賁左衛指揮僉事席禮子貴俱襲職○命番僧程汪科兒為靜乾禪師羅藏為弘淨禪師袞令為都綱并賜銀銅印○給樂舞生一百四十八人并僧童九千九百七十四人度牒○巡按湖廣監察御史時紀奏荊州府路當衝要而門禁無防城池不整軍士不操姦盜自如三衛指揮皆坐視不省乞推武臣一人往督之 上曰朝廷設城池置軍衛所以禦暴保民有城不守倉卒有警何以制之勅紀悉取三衛指揮死罪招伏令復任應管官以時巡視若仍前墮廢必罪不貸○浙江盤石衛蒲岐千戶所舍人何福奏近制歸附胡人驗口給糧今年久弊滋多買漢人詐為己子冒支糧餉請令歸附年久已成家業者戶止一人給糧餘悉停止其所買漢人令歸本籍從之○甲辰 仁孝文皇后忌辰遣官祭 長陵○秦

王志傑奏廣人尚喻先因謀為不軌發泗州為民今不守禮法
又遣回陝西守秦岷王墳人口最多其衣服食用本府錢糧數
必供給不敷上命陝西布政司依情供應口修金河壩壩在
淮安山陽縣上接官河下接鹽城永樂間置絞關以通舟楫後
絞關壞舟楫輟阻又恐人竊毀壩以洩水遂築塞河口而往來
舟楫皆紆繞不便至是鹽城知縣乞修舊壩置絞關以利往來
從之○乙巳命四川都指揮僉事王呆高廣鎮守松潘先是鎮
守都指揮趙諒以罪誅趙得以同惡亦誅成廣西○上勅總兵
官都督同知李安會僉都御史王綱及四川三司舉堪鎮守者
至是安等以呆廣舉故命之○行在刑科給事中陳傳勅奏右
都御史陳智監察御史陳詔被旨出榜禁約括剋軍賞于中外
無付科備照本定罪之○上以智等司風紀而不謹本當治罪

姑宥之○丙午四川長河西魚通寧遠等處刺麻鎖南官着林
木威州通化里土官舍人董泰并麓川宣慰使思任發遣陶益
乃乃貢掃等俱來朝貢象馬及金銀方物賜綵幣等物有差○
命山西澤州陽城縣知縣韓謹復任陞正六品俸謹九載秩滿
去任邑人奏保謹守法奉公民心愛慕事下行在吏部覆奏故
有是命○延津縣主辛遣中官賜祭命有司營葬事○丁未馱
馬都尉西寧侯宋瑛奏感寧大長公主臨終遺囑片及子女等
曰不幸之後務歸葬於原籍溧水縣俾後之子孫便於祭掃從
之○遼東安樂州故達官所鎮撫奴章子委黑來朝貢願居京
自劾上命隸錦衣衛月支米二石給房屋器皿○命番僧桑
兒者先結為都綱其徒長和尚為刺麻以先結等化導番人密
報邊情曾効勞也○雲南總兵官都督同知沐昂奏麓川賊思

任發糾百夷數萬衆屯孟羅殺擄人民搶掠象馬據者章硬寨
與官軍抗敵臣等督署都指揮僉事方瑾及指揮柳英土官知
府陶瓚等率軍進討破其寨斬首五百級餘賊宵潰而威遠州
土官知州刁蓋罕亦敗賊於威江 上勅昂等曰寇雖猶敗然
根柢尚存爾其慎之以夷攻夷古之良法爾其行之有功官軍
其具實奏聞○戊申宥陝西都指揮僉事劉福罪初福守備大
亮鵬等寨私役邊卒牧羊及携妓飲酒陝西按察司劾奏之有
詔命自陳至是福具罪狀待命 上曰福守邊庭不恤軍士而
貪淫是縱在法宜罪第念武夫姑識之後爾必罪不貸○武安
侯鄭能統五軍右掖於通州各草場牧馬受賂縱官軍四百餘
回原籍闕其月糧指揮張廣等發其事六科十三道交章劾之
上命多官鞠問法司論律贖斬例當發克軍 上曰能於法難

恕但念前人之勞姑降為事官發獨立功贖罪○謫廣東右叅
議李毅成保安毅初坐貪賄為御史陳濬所劾濬按廣西不
法事奏之下法司論毅奏事不以實當贖杖罷為民 上曰毅
官方面而肆為貪詐如此不可論以本律特命編成保安衛○
有僧妄稱彌勒佛等會蕪指惑衆執至京法司論當絞 上曰
僧為此固可惡但愚民無知亦當矜之其宥死發戍遼東邊衛
○己酉加景東府土官知府陶瓚階為太中大夫資治少尹封
其祖母阿囊為太淑人詔詞曰爾者麓川叛寇犯邊爾能奉承
祖母之命奮忠賈勇躬率民兵協同官軍斬賊賊徒致其敗走
朕甚嘉之茲特隆恩命加爾官封并賜金帶錦綺以旌爾勞爾
其益建事功永光朕命○增給鳳陽右等八衛所旗軍月糧米
有家屬者八斗無者六斗從監察御史侯壽請也○雲南總兵

官都督同知沐昂奏奉勅令諭木邦發兵共勦叛寇思任發遣使從間道齎勅諭之近得木邦報其祖母美罕板率其孫宣慰罕蓋法陶孟刀板放等與叛寇戰於孟彌孟臉殺賊首二十人斬首二萬餘級獲象馬器械甚衆請褒之以爲後來勸章下行在兵部議以木邦恭守臣節尊事朝廷乞如昂請授罕蓋法爲高懷遠將軍封其祖母爲太淑人賚以金帶綵幣從之○庚戌夜有流星大如雞彈色赤有光出宗人西行至雲中○辛亥修南京鑿駕庫○陞四川壘溪千戶所掌所事指揮使孫敬爲本都司都指揮僉事提督松潘掌茂州事府同知陳敏爲四川布政司參議管理松潘軍務威州守禦千戶所正千戶魯明爲指揮僉事仍掌所事先是掌四川都司事都督同知徐甫等奏敬等皆能撫安人民蠻夷信服乞加獎用上命總兵官都督同

知李安僉都御史王翱及布按二司議之至是安等奏松潘疊溪威茂皆在極邊而敬等段懷撫集皆如甫言宜從其請故皆擢之○字浙江都司事署都督僉事張真奏禮科劾臣違例委蜀官進慶賀萬壽聖節表蒙恩命臣疏陳其故臣惟彼特堂上官員各因公出止存臣獨員在司理事故委蜀官代進應合有罪上曰既獨員理事姑宥之○壬子廣東廣州府連州陽山縣民鄧臣貳等奏臣鄰境黃蓮大羅諸山徭民二百戶有奇素未馴服時為民患請遣官同臣等招之俾附籍供役則頑根向化良民得安從之○總督備倭署都指揮僉事戴琦初坐奏章未用印上命都察院移文示琦至是琦具陳罪狀特宥之○惜薪司內官陶鎔等二十六人坐令柴夫辦納月錢上命俱發南海子種菜○久雨水決容城縣杜村白等隄七處即家

口等隄三處有司以聞詔令隨宜修築無妨農事○癸丑封祀
思巴監藏為淨修三藏國師卓兒巴藏卜為灌頂弘慈妙濟國
師俱賜誥命○甲寅夜木星犯曼壁陣○乙卯中元節遣官祭
長陵 獻陵 景陵○廣西總兵官安遠侯柳溥奏柳州府羅
城縣賊首韋公振韋萬川等累年聚眾劫殺人民數奉勅招撫
梗桷不服近愈猖獗請候秋涼發兵撫捕從之○丙辰行在禮
部尚書胡濙等奏直隸太平寧國大名等府官恭過 萬壽聖
節不躬親捧表稱賀禮科給事中李性等劾以不敬之罪蒙恩
寬宥令自陳狀今各府同知等官尹自道等奏稱患疾公出考
滿給由等情然皆未審虛實請行巡按監察御史通行究察如
有欺詐明正其罪以警將來從之○丁巳命永康侯徐安為正
使給事中李詢為副使持節冊荊州衛指揮使楊昇妹為華陽

王友瑱妃○封常德衛指揮使夏瑄女為蜀府鎮國將軍友壁夫人太原左衛千戶陳寧妹為晉府鎮國將軍美塔夫人侯祥妹為鎮國將軍美坊夫人賜誥命冠服○勅諭哈密忠順王倒瓦答失里都督皮剌納赤斤蒙古衛都指揮革古者等曰鄉者沙州衛都督同知因即來奏因本處艱難其都指揮等官阿赤不花等一百四十餘家逃往哈密居住朕已令都指揮張信等齎勅諭爾等悉遣還比聞都指揮桑哥失力等八十四家已遣還矣尚有指揮哈刺苦木等六十八家仍留不遣朕體天心愛民以天下為家無間遠邇皆欲其和睦相安爾等當體朕心以受人豈可有彼此之間其未還者不知其家業已成不肯回還乎抑不知爾等及下人拘留不遣乎彼此各有統屬拘占不還實啓爭端初至爾等即換究答刺苦木等家悉付沙州差來人

領回役業庶見爾等敬遵朝命和睦隣境之心如此不特爾子
子孫永膺富貴而爾一方之衆亦皆安生樂業同享太平之
福於悠久矣復諭因即來曰爾奏逃移人戶今發勅諭二道爾
即遣人分投齋去忠順王及都指揮華古者處追取原逃人口
毋怠毋忽○給浩嶺豐峪榆林土木各庸雲門等驛馬九十匹
○戊午 太宗文皇帝忌辰遣官祭 長陵○調監察御史鄭
觀于行在江西道○命順天及直隸諸府民虧欠官馬者悉於
本處納米償官○致仕行在刑部尚書金純辛純直隸泗州人
訃聞遣官賜祭○曉刻四方有濃霧至辰漸散○己未命各處
按察司見任僉事一員專理屯田從巡按廣東監察御史朱鑑
奏請也○初行在刑部尚書魏源等奏律凡殺死軍者處死仍
以餘丁抵充軍而無殺死總小旗抵充之條蓋總小旗由併鎗

征戰功授之非平人可得而抵也况殺軍有因鬪毆殺者比之謀故殺亦難繫論今司刑者往往無分輕重豈得其平乞今後凡謀故殺死軍者如本條其鬪毆殺死軍及謀故殺死總小旗者悉免抵軍 上初是其言既而監察御史張善等奏源所言非律意乞百官廷議於是太師英國公張輔右都御史陳智等言洪武間不分鬪毆謀故殺死軍旗俱處死抵軍請仍遵律之本條 上曰律條實酌古今之宜宜如律行之其總小旗有丁欲自補者亦聽○迤北韃韃虎力來朝奏欲居京自効 上命為副千戶隸錦衣衛賜金織袋衣綵段銀鈔牛羊房屋器皿 安挿哈住○設四川芒兒者寨阿角寨安撫司潘幹寨長官司 陞芒兒者寨寨首多兒者少阿角寨寨首酸南占截為安撫司 安撫潘幹寨寨首沙卜林占甲為長官司長官先是松潘百戶

汪凱言臣近招出各番寨生番一萬三千餘戶乞設衛門轄之
上命總兵官都督同知李安右金都御史王翔及四川三司議
其可否至是安等奏宜如凱請故有是命○疏刻四方濃霧王
已漸散○庚申釋山東按察司捕囚官副使韓墨等令還司視
事從僉事薛瑄奏請也○辛酉哈密忠順王倒瓦答失里遣都
指揮脫脫不花貴州永寧州遣已事阿畢并四川沐川長官司
土民鄧阿章雲南趙州蔓神寨故土官巡檢子董禎高思載判
麻領而兀等俱來朝貢駝馬及方物賜宴并賜綠幣襲衣等物
有差○癸亥疏刻四方濃霧至午漸散○甲子先是有例汰冗
官每道止存御史五員至是右都御史陳智言差多人少請量
增員數 上命增五員於事冗之道仍選廉正忠厚識大體者
授之○增給陝西延安備邊千百戶鎮撫俸米每員月二石○

乙丑陞應天府治中揀凱為府丞先是屬邑耆民千餘人奏保
凱有才幹宜補丞缺不允至是凱年秩滿去任巡撫侍郎周忱
又言凱端謹有為吏民畏懷乞陞府丞以慰民望事下行在吏
部覆奏故有是命○賞征麓川叛寇思任發有功官軍旗甲人
等凡一萬二百六十二人斬首三級以上并陣亡都督方政各
鈔二千貫綵段四表裏都指揮各鈔八百貫綵段二表裏指揮
各鈔七百貫綵段一表裏千戶各鈔五百貫絹三疋百戶各鈔
四百貫絹二疋旗軍人等各鈔二百貫絹布各一疋斬首二級
以下及失陷傷故指揮各鈔六百貫綵段一表裏千戶各鈔四
百貫絹二疋百戶各鈔三百貫絹布各一疋旗軍各鈔二百貫
布二疋見在有功官軍都指揮各鈔六百貫綵段一表裏指揮
各鈔五百貫絹三疋千戶各鈔三百貫絹二疋百戶各鈔二百

貫絹一疋旗軍人等各鈔一百貫布一疋并賞木邦土官宣慰使罕蓋法及其祖母美罕板等各綵段五表裏絹五疋景東府知府陶瓚并其祖母阿囊等各鈔一千貫綵段三表裏陶蓋頭目刀板放等各綵段三表裏絹三疋巡檢把事張忠等各綵段二表裏絹二疋其陣亡者亦加賞一倍○丙寅命逮治陝西都指揮僉事施政王信等罪特改守神木縣信守高家堡不及時督軍採積秋青草重斂其財縱之間逸妄奏地寒無草按察司僉事李昇發其姦上曰平時尚忍欺君臨陳豈能効死命迺按監察御史逮治之○丁卯召河南汝寧府知府李敏至京陞應天府府尹從行在吏部會大臣舉之也○召監察御史趙全等二十八員馳驛赴京選用先是全等以冗員及守制省祭家居至是行在吏部言御史缺員故召用之○廣東布政司右布

政使劉永清自陳老疾乞致仕從之永清湖廣石首人由進士
歷官行在翰林院檢討修撰侍講正統初陞布政使至是年未
七十以病乞休致云○提督福建備倭都指揮同知張翥初坐
桃渚城失機諸罪上每曲宥之翥愈驕肆不奉法巡按御史
成規奏其狀行在都察院請寘于法詔翥詣京自陳翥至後不
輸罪於是六科十三道交章劾之上命三法司鞫問坐失機
論斬錮之都察院獄○行在禮部奏譯出撒馬兒罕使臣剽法
兒言欲往哈密地方貿易貨物乞人護送不無勞擾邊軍今哈密
使臣都指揮脫脫不花等朝貢在京宜俟其回日令與同歸
為便從之○修宿遷縣邵店社至黃墩社一帶隄○戊辰行在
禮部尚書胡濙等奏通者慶王獻兩岐麥同帶瓜蓋由陛下
德同天地至和充溢所致請上表稱賀上曰不足賀也其勿

賀○夜有流星二俱大如雞彈色赤有光一出天市西垣一出羽林軍俱南行至近濁○前軍署都督僉事李謙卒謙河南南陽人父岳河南都指揮同知卒於官謙襲為羽林前衛指揮使宣德中以兵部薦陞都指揮僉事久之陞署左軍都督僉事至是卒

大明英宗法天立道仁明誠敬昭文憲武至德廣孝睿皇帝實錄卷之六十九

明英宗睿皇帝實錄卷之七十

正統五年八月庚午朔貴州按察司副使茹琪以老疾乞致仕從之○先是北京國子監生撥歷多弊有勅戒諭祭酒貝泰等至是泰自陳伏事因請遵舊制定年限三法司寓本分巡一年出身者於應該歷事內取用兵部戶部清軍窩誥天財庫辦事三年出身者於入監五年內取用印綬監清黃績黃三年仍歷事二年共五年出身者於入監三年內取用從之○初靖江王佐敬與其弟奉國將軍佐敏互以貪淫不法白奏詔逮其府屬及內使至京下皇親太師英國公張輔等驗治至是輔等上其狀事多實且請逮佐敬等詰之上曰府屬內使治如律佐敬等念是宗親其以勅切責如不悛朕當論以祖訓不曲宥也○陝西右叅議郝敬有罪謫戍大同敬以督屬府公務乘傳過

華池驛呼驛丞張耕野不至命從隸卽其家執之杖死事覺陝西按察司奏按之驗當赦贖徒還職 上曰故以小忿杖驛官至死不仁甚矣不可拘以常律其編成大同○辛未命浙江嚴州府壽昌縣知縣范衷復任衷九年任滿當遷邑人保其廉恕乞留之巡按御史馬謹覈實以聞故有是命○壬申命金吾左衛指揮同知吳欽子勝指揮僉事魏信子安俱襲職○命侍郎邵吳董修德勝等門城垣初以指揮陳友督工友坐視不加意修輒復壞遠抵友罪而命吳董之○癸酉陞巡撫而直隸行在工部右侍郎周忱為本部左侍郎仍理前事以九年任滿故也○行在戶部左侍郎王佐奏各倉收受米粟但經期月則濕氣蒸浮於上米汜爛者厚尺餘近從人言以草覆之則濕氣浮於草面而米汜爛者僅二三寸許請自今收米每廩於附近草場

給草二百五十束覆之為便從之。○宥廣東署都指揮僉事張演罪初演提督雷廉海南諸邊衛而靈山等縣為賊所殺擄巡按御史劾其失職罪詔演自陳至是演具服。上命姑識其罪住俸六月。○宥陝西左布政使郭堅右布政使王暹罪恃有例汰吏役之冗者堅等復違例補之行在刑部尚書魏源等劾堅等罪。上特宥之。○甲戌哈密來歸人崔敬等進馬二匹給賞收敬充勇士餘送原衛完聚。○乙亥貽書秦王志潔曰前聞尚跡長子毆傷其母故遣人執至今衆皇親鞠之渠具對云因醉怒擊多人母起勸救致有誤傷實無傷母之心鞠之再三堅不承伏遂遣皇親武定侯郭玘同叔西詢其母王氏玘還奏王氏所言悉同其子蓋致傷多人死者其罪有之傷母初非本意朕今恭體。太祖高皇帝之心特宥遣歸令其母以家法自治懼

令叔宜深體愍王之心厚待其母子兄弟勿令失所則叔之令德也○楚王李琨奏明年正旦欲赴京朝覲華陽王友燿奏弟友璧新受誥命冠服及夫婦受封成婚欲赴京謝恩 上以道遠跋涉艱難各貽書止之○交城王美完奏府中缺官進表乞授妃兄曹諒職事 上以 祖宗之制王妃家推恩惟官其父餘無所與貽書不允○甘肅總兵官定西伯蔣貴言得沙州衛都督因即來與赤斤蒙古衛各報虜情言控列骨同陝西丁率人馮攻圍冷容甚急而忠勇王弟猛哥卜花新違於祀恩闕之地率兵大敗控列骨之衆又言脫脫二子不睦其長子也先住於見合兒淮地次子住脫脫卜花王部下恐賊虜無聊擾我邊防 上是其言勅各邊明斥犍謹巡邏將士秣馬礪兵以備倉猝之警○烏思藏剌麻三竹藏卜等奏求布施大寺院食茶五

萬斤刊印板的達語錄祖師秘訣及於番漢地面往來遊方修行并勘合護持。上不允。○丙子免追鎮守山西左都督李謙所受贓物初謙生受所部白金玉帶諸物六科十三道交章劾之。上曲宥其罪名巡按御史追取所受贓物入官至是謙以窘迫訴且乞以俸祿米鈔抵還。上乃免之。○丁丑釋奠先師孔子遣少保禮部尚書兼武英殿大學士楊溥行禮。○夜月犯東成。○戊寅祭太社。太稷。○遣順天府官祭宋丞相天祥。○置河東陝西都轉運鹽使司儒學教授一員。○勅董卜韓胡宣慰使克羅俄監祭等曰容迭九族和尚朵兒只領占等奏爾所管道士湛刺葛刺堅屢領軍搶占鎖族等處欲加害容迭九族凡地界相接宜保境睦隣豈可恃強凌弱爾即戒之勿長禍不俊以達天討。○修山西解州鹽池隄堰。○復除監察御史

張禮于行在福建道張鏞于行在貴州道禮等以汰省放回至是召用故有是命○己卯貴州金筑安撫司遣頭目趙榮廣西利州遣頭目何忠廣東新會縣撫徭土官廖謙遣男繼祖同徭人李有住等各來朝貢馬及方物賜綵幣等物有差○增置江西吉安府通判一員專督糧稅○交趾土人梁貴玉來歸賜綵段衣服等物給房屋居住○賜行在鴻臚寺通事序班祁全鈔五百貫以全齋勅往諭董卜韓胡及雜谷疊溪茂州番蠻多見信服也○爪哇國通事八致那陽等回國遇颶風船毀頭目曾奇等五十六人溺死惟昭陽等八十三人仍留廣東命市船提舉司與稟給口糧撫養住坐候有本國便船附之以歸○行在戶部尚書劉中敷等奏大同宣府今歲豐稔請以綿布折旗軍兩月糧 上曰邊士執戟豈暇耕乎雖豐稔亦給以米○巡撫

大同宣府右僉都御史羅亨信言大同宣府諸邊倉比年以來官攢斗庫多受輸納者賂虛出倉鈔通關與之動以萬計後有亡賴輩名為代納詐取其直而逃至於出支之際諸都司衛所皆委官督稅其官攢斗庫百方指索之得賂始聽出支留難盜竊姦弊百出乞嚴禁之奏下都察院議右都御史陳智等請揭榜大同宣府遼東陝西四川諸邊倉禁戢從之○庚辰書復蜀王悅聖曰承諭稅課司子務及抽分廠事即命戶部查考本部言抽分廠祖宗時不曾有明文設立其子務今仍舊前未有明文設立者可罷之凡竹木等物應稅者如例納稅於府中用○福建布政司右叅議尹銜親喪服闋復除山西布政司專理軍政○陞行在金吾左衛都指揮僉事張信為都指揮同知行在錦衣衛達官指揮同知雅忽為指揮使皆食祿不視事以使

冷憲有勞故也尋各賜鈔二百錠○鑄降芒兒者塞及阿角塞
二安撫司潘幹塞長官司印命番僧林占王匹為善化禪師離
八刺麻為崇善禪師給銀印賜勅并衣帽以其能勸導三寨番
民悉心向化也并賜招撫百戶汪凱等有差○直隸揚州府浙
江杭州府各奏所屬州縣歲歉人民缺食已發庫賑濟俟秋成
備官從之○江西南昌饒州九江南康河南開封彰德諸府自
五月至七月淫雨江河泛漲直隸河間真定諸府河南洛陽等
縣蝗陝西洮州衛六月二十八日臨洮衛七月十三日甘州中
護衛七月十八日直隸保定府八月十一日各大雨雹深尺餘
傷民稼穡事聞 上命行在戶部遣官覆視○辛巳雲南大理
府浪穹縣下江甯巡檢司已故土官巡檢男何鏞烏思歲刺麻
鎖南兀些兒等俱來朝貢馬及方物賜綵幣襲衣等物有差○

壬午朝鮮國王李禔遣陪臣崔致雲并沙州衛指揮保童等俱來朝貢方物賜宴并賜綵幣等物有差○命直隸常州府知府莫愚復任陞正三品俸愚在任勤慎詳明吏民畏服以九年秩滿去任屬邑耆民具奏保留巡撫侍郎周忱等覈實以聞故有是命○中軍都督僉事馮翔下獄翔充左叅將同征麓川失機至是逮至行在都察院論以斬罪從之○癸未浙江備倭都指揮僉事吳凱與署都督僉事張真素不協凱屢奏真所為不法章下行在兵部及都察院議尚書王驥等劾凱自受命以來未聞設邊備以保軍民惟務扶私難以逞宿憾章凡四上言輒萬餘且真乃朝廷命官而曰偽署稱臣固臣子之常禮而稱本職况其論真又無指實虛飾繁文誑惑 聖聽乞逮凱及真治之庶令有警 上曰真凱姑勿逮俱令從實自陳○修鄒縣南管

等處隄○乙酉陝西涼州衛帶俸回回指揮同知恪伯赤雲南
鎮南州英武關巡檢司土官巡檢張寺男木各來朝貢駝馬賜
綵幣等物有差○禮部左侍郎兵廷用辛遣官賜祭○丙戌祭
山川城隍等神○遣旗手衛官祭旗纛之神○宣府右叅將都
督僉事楊洪奏臣巡視邊徼每與賊遇惟神機箭有功箭用次
菰鏃鏃塗藥發輒中傷但箭發之後須用鎗叉追擊臣欲於鎗
叉上置鐵葉穴孔安箭籠以皮囊令下露鏃過賊去囊發箭就
用鎗叉乘機而進庶便於勒殺從之○寧夏總兵官右都督史
昭等奏守備都指揮劉源擅從軍騎出攢口外及貪暴不法罪
狀 上命巡按御史執治之○華江西南康府蘆潭批驗茶引
所以茶引於蘆潭巡檢司批驗○行在錦衣衛指揮僉事王息
奏先世居朝鮮國海洋唐鐵嶺今朝鮮使臣金振即息親兄息

家有姊年七十五父別欲求與振相見并延款諸使從之○丁亥宣城王貴嶸奏所居房屋十二間與弟枝江王貴熠分居臣止得六間况年深腐朽不堪居止見有湘府舊子粒倉地空閒乞賜臣造房以居從○戊子命陝西都司布政司各處鎮守總兵官并各衛府今後遇有刺蘇番僧人等進貢免其赴京將所進馬辯驗就彼給軍騎操具奏給賞從行在禮部奏請也○巡按山西監察御史曹泰奏山西都指揮僉事陳亨張瑄不繕城郭擅田墾地及諸罪狀事下右都御史陳智等請逮亨等究治上命勿逮第行巡按御史責取亨等罪狀仍俱罰俸六月○行在工部言衍聖公孔彥縉請修先聖廟樂器上曰民庶艱難俟年豐成之○己丑復添監察御史陳質子行在陝西道以丁憂服闋故也○陞直隸淮安府同知楊理為本府知府理以御

史秩滿陞府同知通知府員缺祈蜀州縣官民奏其執法抗直
凌橫畏戢小民業業乞陞補其缺事下行在吏部覆奏從之○
庚寅書諭靖江王佐教曰比者王與奉國將軍佐敏交構訐訴
遂達至祈于連之人審閱悉得真情蓋爾兄弟作過惟均王之
過如於幼女墳前起造享堂外築周垣十餘里建屋五十餘間
常縱妃及宮人內使四十餘人往堯山廟全真觀於水清泉二
寺遊玩就墳祈宿三五日方回正統三年十二月於承運殿前
作鰲山令軍丁四十餘人作雜劇盛集軍民入內同觀而縱妃
沈氏於廊下簾內窺視四年二月又於宮門前作鞦韆架令文
武官之妻入內嬉戲又與小旗李榮軍丁楊斌等銀買羅殿等
貨及織金龍鳳旆匹同輔國將軍贊徹家人素剛等往文社境
內買夜明珠等物 祖宗定制凡見無名帖子即便燒毀不許

用王輒聽魯儀賓秦長史進無名帖子說王妃事令唐鎮撫擒奉國將軍家人劉信又令宮人劉氏等九人擊壞將軍之家器皿房屋又誣奏奉國將軍打死何普賢奴等五名又誣使女二人與將軍私通此皆昧心造偽上欺朝廷內枉親戚及官闈之人又令軍丁戴福泉等入府誦經祈禱後賜僧帽袈裟又容奉祠徐善慶男徐義令與鎮撫唐理協同幹辦生事害人捏報護衛軍朱榮等十一家富實虛稱各人曾借府中銀兩又捏軍人趙忠作證令儀衛司逼打招認納銀一千三百兩內以五十兩分給捏害之人唐理徐義趙忠等又府中祭服不堪輒令儀衛司拘喚道士九十餘名樂舞生二百名拷打追索得錢二十五萬有餘因護衛軍校餘丁衆多每正軍月辦錢五百餘丁老幼又辦三百不足則令儀衛司杖追致其自絕死者數人此豈賢

王之所為乎今以親親之故姑置不問王自今宜深思速改修
德務善整肅官闈親睦同氣去暴戾利庶幾 祖宗鑒佑富貴
可保不然悔無及矣王其省之諭奉國將軍佐敏曰爾累累奏
王皆是重惡今還一干人至問之虛實相半蓋王雖有過爾過
亦不少矣如每過正旦冬至等節及進表之日皆不隨王行禮
上違 祖訓不有朝廷忠孝之行何在汝誣奏王擅竊妾何氏
又誣捏王妃與徐義唐理私通又誣奏王織造赭黃段匹繡日
月龍鳳衣與妃服用又誣奏王怨詈朝廷及造金銀戰桿鏢鎗
六百餘條以傾陷王此皆昧心造禍天地不容鬼神所共怒者
又聽信妾何氏讒譖王妃與王不和離間至親又買故典寶男
劉信為家人又收陳迪為道童名色在府出入違背禮法所為
如此豈是正人君子之行今以親親之故特宥不問宜深思改

過母蹈前非論輔國將軍贊儼曰爾不遵朝廷法度擅令家人
素剛素壯素真領銀隨王府校尉私往交趾境內買賣交通外
夷此過非小特以親親之故不問自今宜思過改行無蹈前非
復勅儀賓魯瑄陳廣李端孟林李賢曰爾等共取無名帖付長
史秦良等進與王觀致王與奉國將軍不和交構日深離間親
親皆原於爾數人以祖訓論之皆應重罪今姑屈法寬宥如
再不悛悔無及矣○宣寧王遜料奏同弟懷仁王遜炳俱缺教
授內使上命除教授二員遣內使四名分給二王府○辛卯
貴州安順州西堡等長官司遣把事張理及湖廣九溪衛桑植
女撫司土官舍人田亮各來朝貢馬賜綵幣等物有差○給方
山王美坦校尉月糧及冬衣布花○壬辰命山東東昌府聊城
縣縣丞黃惟慎貴州府益都縣縣丞仇運復任俱陞正七品俸

二人皆九年任滿考稱當遷者民各保復任巡按監察御史叢實以聞故有是命○陞沙州衛指揮僉事薛令為指揮同知正千戶昂克為指揮僉事副千戶猛哥不花為正千戶百戶谷達枯木兒為副千戶舍人薛荅兒等六名為所鎮撫以採探哈密聲息故也○命四川雜谷安撫司進貢番僧完卜乞羅思巴藏卜為淨範禪師給銀印衣帽以右僉都御史王翱言其能勸化番人衆皆服從宜量加封號遣回以繫蕃衆之心也○浙江按察司僉事尚賢以老疾請致仕從之○增給陝西官吏人等俸米時右叅政年富奏今陝西有十年之儲恐歲久紅腐請每歲於青黃不接之際增給官員人等本色米一季五品以上四分六品以上五分雜職二石教官全給旗軍生員一石吏六斗餘月如舊制支給從之○甲午廣西利州土官知州岑顏奏本州

原額地方二十五甲被房姪泗城州知州岑豹與兵攻占母章被囚妻財被掠累奉勅撫捕反猖獗不服頭目黃祖亦奏豹殺其弟籍其家故土官知州岑瑄女定亦奏豹占奪土地人民囚其母盧氏 上勅豹曰爾世受朝廷恩命乃不守禮法滅絕倫理連年構禍道害善良屢遣人齎勅諭爾令革心向化使臣至日爾即面從及其回京仍肆侵暴反復詭詐肆無忌憚今利州知州岑顏等連詞奏告論爾之罪即當調兵勦滅朕體天地好生之德憫爾無知姑宥爾罪特遣行人黃恂朱昇齎勅諭爾并勅廣西貴州總兵官及三司巡按御史各委堂上官來爾處從實分割拘擄人口一一還之爾宜思朝廷優容之恩追省前愆睦隣保境俾福流子孫如執迷不悛必罪不貸復勅廣西總兵官安遠侯柳溥貴州副總兵兵亮等及都布按三司巡按御史

親詣其地諭以利害令悉還所侵擄如其不服相繼擒捕不許因而生事騷擾激變違者重罪不宥○乙未四川長寧縣土民逆事羅阿慶招萬里寨村頭阿舍等來歸各貢馬賜綵幣等物有差○擢進士戴瑞為吏部主事周觀為行在大理寺左寺副揚玉為大理寺右評事關得為行人司司正○停徵陝西民戶口食鹽鈔以比歲凶荒故也○先是從少師楊士奇言遣官修備荒之政於內地至是都察院右副都御史陳鑑請併行於各邊 上是其言遂勅叅贊甘肅軍務右僉都御史曹翼叅贊寧夏軍務右僉都御史金濂巡撫遼東左副都御史李濬巡撫大同宣府右僉都御史羅亨信及各邊總兵等官如例舉行○丙申廣東按察使楊昂以老疾疏乞致仕從之○詔免直隸真定府平山縣償官馬牛八十餘匹以其為大水漂沒故也○丁酉

勅甘肅總兵官定西伯蔣責等曰爾等嘗奏捏列骨陝西丁劫掠哈密為猛哥不花所敗今得哈密使臣言捏列骨陝西丁既敗皆遁而猛哥不花尚圍哈密未解蓋虜情譎詐未可遽信况猛哥不花曾有寇沙州之意也先失于亦欲來追猛哥不花其情俱不可測爾等在邊宜慎之慎之○復除劉紹為湖廣按察司副使奉勅往鎮守廣西總兵官安遠侯柳溥處贊理文書紹以丁憂服滿故也○陞沙州衛都督同知困即來為右都督子都指揮僉事喃哥為都指揮同知以緝探哈密聲息有勞故也○陞雲南景東衛指揮同知柳瑛為指揮使正千戶魏壁等五人為指揮僉事百戶秦通所鎮撫孫中等十三人為副千戶賞其破者章硬寨之功從總兵官沐昂奏舉也○贈淖亡右都督方政為威遠伯謚忠毅四川都指揮僉事陳翔貴州都指揮僉

事王輅頭身為鎮國將軍都指揮同知皆遣官賜祭其陣亡傷
故官軍龍福等二十七員名并斬首級李榮等九員名俱
陞一級該襲者襲補○夜南方有流星大如雞彈色青白尾跡
有光出抵天東南行至雲中

大明英宗法天立道仁明誠敬昭文憲武至德廣孝睿皇帝實
錄卷之七十

明英宗睿皇帝實錄卷之七十一

正統五年九月庚子朔勅諭朝鮮國王李禔曰比者爾奏凡察誘姪童倉逃住建州慮其與李滿住同謀生釁侵擾本國朕遣勅諭凡察等仍還鏡城守父境土如其回還玉宜解釋舊怨寬以撫之仍勅守邊軍民毋使侵擾朕又慮其疑懼不還已勅李滿住等嚴加戒飭不許纖毫有犯若其不順天道不遵朝命自生釁端天災人禍必不免矣王為朝廷東藩宜體朕至懷復諭建州左衛都督凡察等曰朝鮮國王與爾等皆朝廷臣子往者以爾等遷徙不常之故累諭李禔善待爾等禔皆奉朝命不敢有違爾等既奉勅居鏡城今乃無故擅自遷徙致禔疑慮皆爾之過今已悉置不問勅至爾等即領部屬人口頭畜復還鏡城居住牧放仍與朝鮮永敦和好毋懷小忿輒有侵軼朕已再

遣勅諭陶令其仍善待爾等如爾等不願回還鏡城願與李滿
住等同處亦聽其便不許故生釁端侵執隣境以取罪愆○行
在前軍都督府右都督韓偕卒遣官賜祭命有司營葬追贈泌
陽伯謚榮襄○浙江定海衛奏本衛地邊海洋城南二門俱無
月城燕接久燬于火請如制建造從之○上復晉王美圭書
曰所諭弟雲丘王欲娶儀賓陳斌庶次女昔我太祖高皇帝
華胡元之俗定制立禮姑舅不許為婚此雖庶出姑實嫡母人
其謂何書至可於本府及附近府衛官員士民之家別選賢德
具名來聞庶免清議王其亮之○辛丑陞山東濟南府德州知
州常景先為直隸保定府知府先是行在刑部右侍郎何文淵
言本府軍民雜居政務繁劇而掌府事山東布政司左叅政周
監耆疾不堪任事須選廉公剛果者代之行在吏部會官舉景

先以聞故有是命○咨密忠順王倒瓦答失里使臣指揮撒蠻赤等奏彼處都督皮剌納潛通胡寇猛哥卜花等謀殺忠順王倒瓦答失里弟兄撒蠻亦同弟馬答失力頭目猛哥禿等奮力以衛之殺其兇者忠順王始免於難行在禮部尚書胡濙等言其忠義可嘉請褒寵以勵將來 上命陞撒蠻亦為都督同知倍加賞賚達之○給陽曲王美琿雲丘王美瑪寧河王美福三府採尉月糧○四川行都司鹽井衛中左千戶所副千戶歐遵奏本所與本衛相隔二程屯田子粒每歲運赴衛上倉又後每月關回所給軍往返不便請於本所城置倉收受按月給軍又言本所官軍歲用米一千六百九十石而屯糧止三百六十石有奇請令有司於歲運本衛糧餉之中量撥本所收受則運者減二程之勞而關者有就食之便從之○壬寅 御製觀天之

器銘曰粵古大聖體天施治敬天以心觀天以器厥器伊何璿
璣玉衡璣表天體衡審天行歷世更代垂四千禩沿襲有作其
制寔備即器而觀六合外儀陽經陰緯方位可稽中儀三辰黃
赤二道日月躔星運行可考內儀四遊橫蕭中貫南北東西低
昂旋轉簡儀之作爰代璣衡制約用密疏朗而精外有渾儀反
而觀諸上規下矩度數方隅別有直表其崇八尺分至氣序考
景咸得晷表在天制器在人測驗推步靡忒亮分昔作今述萬
制彌工既明且悉用將無窮惟君勤民事天首務民不失寧天
其予顧政純於仁天道以正勒銘斯器以勵于敬○勅雲南總
兵官都督同知沐昂等曰往因麓川未非自相讎殺屢勅爾等
撫諭勿致騷擾爾等不遵朕命數請兵征討及方政奮勇當先
爾等不行應授以致殞身於賊爾等怯懦又無智謀勞師費財

不能成功如今冬此寇不遣使請罪來歲必須發兵爾等熟計當以何月進兵兵分幾道官軍土軍宜用幾何兵於何處調遣糧於何處具辦領兵運糧當用何人其詳悉以聞○勅雲南都布按三司口朕嗣位以來惓惓以安養黎元為念肆於民黎屢用寬卹矧雲南邊徼之地所屬多夷民比因麓川弗靖用兵征勦轉輸供億民實煩勞其正統四年以前拖欠差發金銀馬匹等項及追陪官物勅書至日皆暫停免煎鹽囚犯亦令准納米例減半兩等皆朝廷慎選付以方面之寄宜體朕心敬承母息欽哉○命故福建都指揮僉事朱成子義廣西都指揮僉事范春子義俱襲為指揮使署都指揮僉事事馬文子瑄襲為指揮同知○給寧府樂平縣主并儀賓嚴傑分宜縣主并儀賓鄧曉歲祿各六百石○癸卯柳城地面頭目米兒咱阿都刺罕束衛

都指揮班磨結案衙指揮董養百貴州西堡兵備司把事
張禮等供奉朝乘馬及方物賜宴并絲幣等物有差○行在奉
節言北者秦王秦保民人李潁除補本府伴讀已蒙准撥移夫
余潁就彼列任金陸西布政司奉潁本道官俸餘初以剪守習
醫出入秦府令西事見監羅州獄漢錄舉條乘速馮錄等不能
善正供金完治○由令行在都察院械潁歸西勸治令操察司
取長史重罪招伏仍貽書戒王自令毋蹈前愆○移置直隸和
州牛屯河巡檢司於西梁山鎮以牛屯地僻而西梁地衝要也
○甲辰復除監察御史趙全子行在山東道王魏子行在江西
道李俊子行在河南道全魏以汰省放回取至俊以親喪守制
朕聞故有是命○永興王志璞奏先蒙撥屯田旗軍五十名改
作從人跟隨臣弟鎮國將軍志塔然各軍歲納子粒又復月給

糧餉請飭該部除其子粒糧餉令自種食尚使從之○修正陽
崇文二門城垣○行在禮部尚書胡濙等奏裕宬等處使臣都
指揮脫脫不花等來朝進貢欲將賞絹貨換食茶紗羅等物回
還茶係出境違禁之物未可許其紗羅等物宜聽於街市兩平
交易從之○日生左右珥色黃赤鮮明○乙巳賜鎮國將軍志
塔庶子名長曰公鈞次曰公鈐次曰公鎧○命故山西行都司
都指揮僉事馮旺子俊襲為指揮使燕山右衛指揮同知裴忠
子信羽林前衛指揮同知鬼里赤子伯家驢李道子勇金吾左
衛指揮同知李廣弟旺指揮僉事董政子泉濟州衛指揮使李
輝弟論府軍後衛指揮僉事李興子廣俱襲職○旌表孝子崔
鑑節婦陳氏等五人鑑直隸獻縣人父瑛任工部主事歿於萬
全都司鑑奉柩歸葬廬墓表其門曰孝行陳氏隸西綏德州民

郝郁妻守節二十八年劉氏江西永新縣民江繼文妻守節四十九年教子玉琳擢進士為監察御史諸氏直隸丹陽縣民王得華妻守節四十二年祝氏直隸吳縣民諸士賢妻守節五十年教子質為國子監丞俱旌其門曰貞節○行在吏部言山東博興縣知縣梁吉湖廣襄陽府儒學訓導馮進俱坐匿母喪經法司論斷請罷為民從之○丙午賜常德長公主駙馬都尉薛桓陪命冠服儀仗鞍馬等物 上諭行在戶部臣曰去歲北京直隸諸府旱澇災傷軍民饑窘官曾給糧賑貸比聞今歲頗收有司遽責還官非寬卹下人之道爾戶部即遣人馳令各府悉止勿收如已收入倉者仍給還食用其往年賑貸未還者亦且停徵俱待來年豐熟府縣具奏處置不許故違○丁未雲南車里軍民宣慰使司土官宣慰使刀霸美八百大甸軍民宣慰使

司土官宣慰使乃招三各遺頭目來朝貢象馬金銀器皿及象牙犀角諸方物賜宴并賜綵幣鈔緡等有差○改河南衛河提舉司為山東衛河提舉司從山東右布政使王質奏請也○省行在錦衣衛指揮同知劉源僉事劉勉等罪初有詔命五城兵馬及錦衣衛官校緝盜文之未獲監察御史姜永等劾奏其罪命錦衣衛鎖其項限緝獲以贖不獲且連生源等源等乃奏各官仍冠帶否 上曰任汝為於是行在刑科都給事中郭瑾等劾其煩瀆專擅源等懼亦陳狀服罪 上乃宥之仍戒其再犯○併應天府句容縣東陽馬驛入龍潭水驛改龍潭水驛為水馬驛○曉刻四方濃霧至己漸散○戊申重陽節賜文武百官宴○命監察御史陳詔往陝西朱良暹往廣東侯爵往福建趙全往浙江李俊往江西清理軍伍○修浙江海鹽縣海岸○辛

亥浙江布政司奏都司欲遵勅諭發民夫修觀海等衛所城垣而不顧人之豐窘時之可否且舊制城垣凡有頽散守備官軍隨即築之近來督兵者非人城垣少損略不究理及日久頽甚却欲理然沿海居民屢遭旱澇稅役艱辛今西成之日農務未遑不可復勞其力事下行在工部覆奏以為城垣不可不修民亦豈可不卹宜令有司審視之工力用少宜如其言果工力用多以十分為率發民三分協助從之○修河西務及直沽等處河隄○壬子行在吏部奏襄垣王府教授王智以母喪服闋懼仍舊職私自挑斷右手無名指筋奏稱殘疾難勝前任又於奏本內錯寓字樣被行在吏科參出蓋欲故坐過名意圖改用似此欺罔豈宜復用上命罷黜為民○有監生訴淹滯言比年例監生率以坐堂月日多寡為年之淺深其入監月日雖居先

而依執日多坐堂日少者顧以爲年淺置之後因此監生往往
改易日久而官不之察先後倒置姦弊不勝乞付法司查究事
下行在都察院右都御史陳智等劾奏行在禮部及北京國子
監官不嚴查究罪請治之上命姑識禮部官罪國子監官俱
住俸三月○赦免老疾工匠六十八人○甲寅致書慶王秩燧
曰此者護衛軍匠劉神保具訴府中事情朕度其妄即下錦衣
衛檄既而鞠之所訴果詐已杖一百發戍遼東但逃必處之以
死其家屬今在寧夏者即令本衛械送京師轉發隨住叔祖爲
國親藩素稱賢德而府中小人往往告訐如此尚宜以禮自度
以全令譽焉○浙江按察司副使胡幹親喪服闋復除山西按
察司○宥廣西巡按監察御史陳濟都指揮僉事胡成右布政
使孫曰良按察副使胡智罪初廣西都指揮僉事陳鑑坐失機

貪暴罪當斬會赦亡命至京訴為都指揮田真所誣今真充叅將恐見害刑部擬鑑當贖調都御史陳智論鑑非赦所原并劾濟成曰良智等不奏鑑罪命自陳至是濟等服罪 上俱宥之○乙卯寧陽侯陳懋奏臣於先朝以太保燕侯對二保燕支僕鎮守甘肅坐失機宥死聞住俸祿停止近蒙 聖恩給臣侯爵日奉朝參伏望令臣仍為太保燕支二保 上不允○寧夏總兵官都督史昭等奏境外煙火非一處 上勅沿邊各處總兵鎮守官嚴加隄備○八百大甸軍民宣慰使司等司土官宣慰使刀招散頭目刀三板浩等奏遞年進貢象馬方物金銀器皿等物本土夷民不識禮法不通漢語乞依永樂年間例仍令進貢齎捧勅諭金牌信符依特准督進貢驛路令軍卒護送庶無失所 上曰今後有公事總兵官務令公正官及通事同去通

達下情不許因而擾害違者不宥其善人來朝貢者亦宜沿途
護送毋致違誤○丙辰賜雲南麗江軍民府知府木森誥民加
授太中大夫贊治少尹以殺獲麓川蠻寇功也○置直隸揚州
府通州狼山巡檢司設巡檢一員○省廣西桂林府理定縣入
本府永福縣其橫塘驛亦從隸焉以本布政司都事王怡奏民
稀事簡故也○初巡按廣西監察御史陳濟劾奏總兵官安遠
侯柳溥貪忌失機及忝將田真都指揮姚麟阿溥諸罪上命
溥等自陳仍命巡按御史執其屬及家僮按狀既而溥等所自
陳與御史所奏狀異行在都察院右都御史陳智及六科十三
道交章劾溥等居官既恣不法自陳後不輸罪乞正國典為將
來者警上曰官屬家僮悉如律朕念溥等舊勞不忍即罪姑
藏之○戊午寧王權奏臣第二子臨川王盤嶧第三子宜春王

盤硯第四子新昌王盤炷歲祿各二千石然折鈔者四之三日
用不足請中半兼支從之○行在禮部尚書胡濙等奏比者選
東總兵官都督僉事曹義言海西哥吉河黑龍江等處野人女
直苦納亦里加納等皆生拘番夫茲者輸忱慕化欲赴京朝貢
蓋由 皇上化被萬方之所致也請勅鎮守太監及總兵等官
如遇海西黑龍江等處夫人赴京朝貢務令體曉夫情官員伴
送加意撫卹以悅其心更在密切關防毋令生釁從之○山西
都指揮僉事陳亨奏通歲山西饑饉軍民艱窘其各衛年例柴
炭已蒙優免其半俟秋成輸納今民田薄收軍貧愈甚請并免
其半庶不迫人逃徙從之○己未給惠安伯張昇歲祿一千石
米麥兼支○監察御史閻偉初照刷行在光祿寺文卷所有遺
漏不收吏究問及是事覺孽致任將歸右都御史陳智等勅奏

其罪命下行在都察院獄鞫之。○行在兵部奏罕東衛指揮韓班兒加安定衛都指揮那南奔等劫擄申藏族人口財物已蒙降勅鎮守西寧都指揮僉事汪清等遣人齎勅撫諭使還所掠各番生劄俱不聽化又縱容部下頭目阿朶千官切汪兒加等劫奪勅諭殺害官軍宜仍勅總兵官蔣貴等選通曉夷情者再齎勅往諭如其革心悔過令還所奪勅書及申藏族人畜否則權兵番境擒其首惡因押解京釋其脇從撫令安業從之。○勅諭建州左衛都督凡察等曰鄉已勅爾等回朝鮮鏡城居住今總兵鎮守官又奏爾等已離朝鮮鏡城同原叛土軍馬哈剌等四十家來至蘇十河家口糧食艱難今已勅遼東總兵官曹義等安插爾等於三土河及婆猪江迤西冬古河兩界間同李滿住居處爾等若果糧食艱難即將帶回男婦口數從實報與總

兵鎮守官給糧接濟聽爾自來關給其土軍馬哈刺四十家已
赦其前逃叛之罪仍令各帶家口回三萬衛著役照舊關與月
糧養贍不許再犯爾等既改過後歸須要始終一心敬慎天道
不許復懷二三之意尤宜約束所部人謹守朝廷法度自在耕
牧安分生理永享太平之福毋仍侵犯隣境以取罪愆○廣東
道監察御史王受下獄特受九年考滿匿其前任遂安縣丞二
次過名行在吏部以為言 上命法司執受鞫之○壬戌賜都
察院右副都御史朱與言誥命并贈封其祖父母父母妻特與
言自陳臣鞠父母育教祿不逮養欲得推恩獎贈若候九年恐
臣年老不可得乞憫愍懇先賜頒給庶少贖不孝之罪 上以
與言老成廉介特允其請○陞河南按察司副使鄭柱為布政
司右叅政柱在任專理軍政九年考稱當遷巡按河南監察御

史苑恪奏其公勤廉潔請陞補叅政仍理軍政事下行在吏部
會官廷議稱當故有是命○行在禮部尚書胡漢等奏洪武永
樂間天下府州縣儒學歲貢生員不分地理遠近俱本年正月
以裏至部聽候考試已有定例近年各府州縣提調官并學官
恣肆怠惰罔守成規不依限催促赴京聽考以致各生遷延過
期間有無籍不該應貢生徒畏懼提調學校官考試朦朧前來
應貢欲行浙江等布政司并直隸府州縣轉行各屬提調官及
教官今後起送應貢生員自正統七年為始先將本生姓名年
甲食糧年月預申本部知會俱限正月以裏到部聽考若有仍
前故違舊制過期不到及縱容不應歲貢生員朦朧應貢者提
調官教官生員究問如律從之○癸亥陞刑部主事周南巽彭
謙俱為本部郎中以九年考滿也○行在兵部言陝西綏德衛

指揮使馬興奏軍人缺食野多餓殍太衛指揮同知趙恕具告
陝西叅政年富乞給糧賑濟被其鞭撻富既坐視民瘼不知矜
卹又故違舊制擅奪軍職宜行巡按御史體勘如其事實即將
富解京發落從之○月犯軒轅星○甲子行在都察院右都御
史陳智等論福建盜采銀礦者以徒杖罪特有新例益為首者
卽其處斬以徇從者發戍雲南智等所論與例異 上命查例
以聞智等覆奏犯者在例前行在刑科都給事中郭瑾等劾奏
智等擅出凶罪且奏不輸情乞正以法 上特宥之第命犯者
悉從新例○江西饒州守禦千戶所奏本所城邊湖港北因久
雨水泛濫六百餘丈請於附近有司倩民夫同軍餘相兼修築
從之○乙丑夜有流星大如雞擘色赤有光出五諸侯入參宿
○丙寅方山王美垣奏蒙賜叔慶成王舊府與弟臨泉王美塔

分居然其房屋多損敝乞賜工匠物料修葺從之○丁卯順天府尹姜清等奏本年十月初一日例應舉鄉飲酒禮是日祭無祀鬼神正當齋戒請移於初二日從之○提調直隸學校監察御史程富生受教官屬論密雲縣丞以法事覺行在都察院請逮問其罪從之○太僕寺丞陳洵坐贓當贖徒罷職上命徒違為民洵屢以冤訴行在都察院請逮諸所連者問狀上曰洵罪既明即遣之辭所連者俱勿問○戊辰建洲左衛女直指揮穎亦即大爾亦安樂等州指揮三保奴塔山衛指揮弗刺出毛憐衛指揮每哈女直頭目打必納等俱來朝貢馬及方物賜宴并賜綵幣等物有差

大明英宗法天立道仁明誠敬昭文憲武至德廣孝睿皇帝實錄卷之七十一

明英宗睿皇帝實錄卷六十九之七十一終

大明英宗睿皇帝實錄卷之七十二

正統五年冬十月庚午朔享 太廟○下元節遣官祭 大陵
獻陵 景陵○遣中官祭司井之神○是日陝西蘭縣莊浪空
中有聲如雷地震○辛未復除監察御史高瑛郭原陳恕羅綺
房威俱行在瑛原以親喪服闋恕等以汰省回至是召用故也
○壬申書復靖江王佐啟曰得表慶遠衛指揮陸忠程普相計
昔者寔妃親慮為所連今朝廷王公至明雖細民爭訟亦不使
有冤抑况宗親乎府中果無可言之事人固不敢厚誣也王宜
安分省事不必多虞王又奏欲令本府軍校陶於附近山場以
沾宗廟社稷山川諸壇及所居宮室 上允其奏仍復書令戒
勅下人毋做此擾民為王清德之累○雲南卑里并八百大甸
二宣慰使司頭目刀三等陞辭令齋初并織金文綺絨錦等物

歸賜其宣慰使刀霸美刀招散及妻嘉其勤修職貢也○於西陲塔山衛女直指揮同知弗刺出馬本衛指揮使○今陝西行都司并所屬衛所承差典史月給口糧三斗從總兵官定西伯將貴奏請也貴又奏陝西行都司并甘州左等一十四衛所與閑糧之處相去千里往役費耗今諸衛所倉皆有蓄積請斟酌就於本處閑支為便事下行在戶部覆奏以為軍糧宜暫於本處給之官員俸仍每歲撥程閱支四月從之○今江西布政司屬縣存面并起運淮安邳州倉糧減半折支銀布以歲荒民饑從守且奏請也○甲戌行在刑部言舊例軍丁力士犯盜者皆戍邊比者詔從律斷但令輸作後從以是人輕於犯盜此輩徒加以恩不知感激不宜以常律治請復舊例庶使知懼從之仍令獨榜曉諭○乙亥陞行在山東道等衙門監察御史李昇為

湖廣左叅政許中龔虜馬廣東左叅政王事汪凱評事陶成推
官董敬俱為浙江按察司僉事給事中李象昇中鄭安僉事侯
與治中楊銜推官王英知州蕭奇俱為知府從行在吏部僉官
舉之也先是上慮各官所舉或有浮濫之人賞緣假託令吏
部從實研覈至是尚書郭繼等言審得所舉數內御史蕭清等
五人不能與論上曰書云舉能其官惟爾之能今所舉當者
權用不當者舉主罰俸兩月以愧其心且人目以薦賢為名繼
今有推延不薦及薦而未當者爾即以聞不可有所觀望違就
○伊王顯狀以本府儀仗朽敝乞工部重造上以民艱不允
令王自造○直隸蘇松常鎮浙江嘉湖等府先被水災上勅
巡撫侍郎周忱躬詣勘視至是忱言應天太平寧國池州等處
徽州等府廣德州并各衛所亦罹旱災請一體勘實以聞上

可其奏○浙江杭州台州嚴州紹興寧波等府湖廣武昌常德
黃州荊州漢陽德安岳州長沙直隸鳳陽淮安揚州等府各奏
自五月至今水旱傷稼秋糧無徵 上令行在戶部勘實以聞
○丁丑巡撫大同宣府右僉都御史羅亨信奏萬全都司都指
揮張義等年老不能領軍 上令行在兵部會公侯伯都督等
官擇其人代之於是叢舉義勇右衛指揮同知王良義勇前衛
指揮同知牛整金吾左衛指揮同知陳智濟州衛指揮僉事庫
龍克堪其任 上命俱著都指揮僉事務在遵守法度不許苛
虐軍人仍戒兵部曰今後舉武職須精察允當不然爾為深
首○行在戶部郎中楊寧為其子城武主簿政托事於乞祿寺
吳溥蔚能事覺羅當杖詔枷示長安左右門及六部都察院門
首各三日以為徇私者戒○戊寅遼東自在州送官指揮同知

三官保湖廣保靖州軍民宣慰使司土官舍人彭來谷鍾等俱
來朝貢馬及貂鼠皮賜絲幣紗絹等物有差。調陝西延安府
宜君縣知縣王立於慶陽府合水縣勅主馬合水丞秩滿陞知
宜君縣既而宜君舊官復任主當赴部通合水知縣缺員合水
民相率赴布政司告乞遷主布政司以聞故有是命。給三千
大營五軍等營官軍馬八千九百六十一匹。行在工部奏先
令河南布政司織染局將宣德三年以後歲造段匹餘剩麤絲
改織細絹今輸運到京多純薄不堪顏色淺淡兼有汙跡其官
吏工匠請治罪倍償。上今有罪茅追償不堪者。宥行在都
察院右都御史陳智澤先是山西按察使徐永達劾奏巡按御
史顏繼醜刑擅杖軍職繼以此得罪降職智憾永達未有以發
因監察御史吳昌衍孫睿績從山西巡按智令其搜求永達罪

二人以永達清正無所按劾智怒違己命因昌衍方滿方其持
祿保身不稱職又指搥香徹過奏請調用昌衍與審不服各奏
智前情○上察其實命昌衍復職於是六科給事中劾智挾私
害人作威凌下 上命行在吏部會官詳議以聞尚書郭璉等
言智器識膚淺操行刻薄不可以享邦憲乞如給事中所言正
其罪 上曰都察院仲理天下寬抑糾舉百僚邪惡居是職者
宜處心公正而智乃以私憾枉害良善似此悖謬尚何望其振
綱維肅憲度邪卿等所言良是但念大目姑屈法宥之仍任俸
三月俾自警省繼今以往若不改悔仍蹈前失其同列及掌道
御史均以案比之罪罪之必不輕貸○命修葺河縣白河堤從
知縣張嵩言河水衝決民田被涂故也○己卯魯荒王妃茂氏
薨尤以洪武二十三年同封至是薨訃聞 上輟視朝一日遣

中官賜券命有司營葬。○庚辰書後山陰王遜堪所喻風嬰風
疾欲得大同縣民醫別經在府治瘳已令該部移文豫用俟疾
瘳日仍給本縣充醫。○陝西蘭縣莊浪自是月朔地震十日乃
止壞城堡官民廬舍壓死男婦二百餘馬騾牛羊八百有奇事
聞 上勅三司修葺賑恤之并勅總兵官嚴督邊備。○辛巳賜
惠安伯汝昇誥券封其妻為夫人。○陞行在河南道監察御史
周璵為鄭府右長史時鄭王瞻埈屢暴怒杖人至死 上命擇
風力御史為長史改以命璵乃遣書諭王曰聞叔近頗多怒內
外官員人等稍不如意輒射擊之幾無虛日左右微有諫者則
怒益甚此必下人不律或進諛言激使之然惟叔為國親藩奉
有封土以貽子孫自今宜以禮律身以寬御衆凡有觸犯輕則
下於審理重則聞之朝廷庶幾不昭非議 祖訓云文武官有

能守正諫王保全其國者毋輕凌辱朝廷聞之亦宜以禮優待
此在子孫當恪遵也况昔人待下過嚴而卒致肘腋之患者此
尤宵是叔不可不知而鑒戒之也是後王稍斂戢。癸未監察
御史兵鉞親喪服闋復除行在河南道。行在兵部言麓川叛
寇思任發致番書於雲南總兵官處謂始因潞江安撫司線舊
法逸已以執警其後線舊法乃誣已為入寇致是大軍壓境不
勝恐懼今欲遣使謝罪乞為使人導去并代奏於朝求賜哀憐
免加誅戮臣竊謂思任發詞雖懇切然其歷世荷國厚恩授職
官愆六十餘年却乃侵犯邊境殺擄軍民師臨其疆猶敢逆命
及至班師詎言順服宜仍勅總兵官沐昂等使人與其來使同
歸撫諭如其誠心向化即將前罪盡與洗滌如其仍前梗化具
實奏聞勅減。上命遣勅責問且有其罪今改過自新如不悔

改大軍仍徃征討。甲申行在金吾左等衛帶俸都指揮使康
能泰七奉命齎勅并綵段表裏徃賜脫脫不花王及平章伯顏
帖木兒等脫脫不花王既受賜後因索所與諸酋長者且等不
得已借衆官軍練段六百六十八表裏三被布五千八百七十
匹與之乞賜給還事下行在禮部議曰夷狄豺狼也貪求之心
曷有厭乎能等使彼正宜宣揚朝廷恩威舉大義以折服其無
厭之求庶幾克盡奉使之職奈何輒歛官軍所有以遺之長其
姦計且故異時援例之請豈不愧使職而吞君命乎矧隔越
遐荒所借及與誠偽莫明難允所言從之。廣東欽州民黃寬
等自宣德初誘脇居民二百九十餘戶并田土投獻安南先已
勅巡按御史及三司官齎勅檄諭至是各官具奏寬等不服招
撫及考本州圖誌自漢馬援討平以銅柱界之於西南以分茅

嶺派之於西北其界限之內自洪武以來俱隸欽州今分茅蒞
之內三百餘里銅柱之內二百餘里悉為安南所侵如遣勅諭
安南王令還所侵地則民不招而自還矣事下行在兵部議宜
候安南國遣使朝貢之日勅其國王還所侵地仍曉寬等如能
勅順等家來歸悉宥其罪并飭守邊者不許侵軼以構邊釁從
之○乙酉朵顏衛都指揮同知朵羅干遣指揮把蘭恭寧衛都
指揮僉事火兒赤白遣指揮亮者克等俱來朝貢馬賜安并賜
絲帶等物有差○丙戌行在禮部言麓川思任發為邊患其所
遣朝貢頭目陶孟忙怕等宴覲常例宜有損 上曰思任發
久蓄不廷之心已與所徃討之矣彼之朝貢豈誠心哉不過欲
窺事機緩我師耳然朕方以至誠治天下敢不逆其詐不拒其
來庶彼萬一感化爾禮部其毋損常例齎之第不錫之宴使知

朝廷之明不為其所罔也。○駙馬都尉趙輝奏宣德間貢直隸保定府雄縣自宮人劉昇在家給使後昇潛赴行在通政使司告乞內官乞賜發與。上曰自官律有明禁在諸藩王不敢擅留而揮乃私買及昇自告復萌欲得之心姑識揮罪後若弗悛必罪不赦。○戊子遼東安樂州達官指揮僉事哈刺三萬衛土人餘丁曹元良哈并湖廣施州衛龍潭安撫司舍人黃敬崇廣東瓊州府儋州土官同知男王懋等俱來朝貢馬及貂鼠皮賜綵幣紗絹等物有差。○己丑四川按察司副使高英年老乞致仕從之。○直隸淮安衛奏本衛分遣軍餘修理淮安府長盈倉皆運糧退出老弱者比因貧窘多致逃竄而守倉旗軍三百餘人皆本衛帶管食糧餘無差役况皆精壯豈足欲將各軍不妨守設凡過倉廩損壞相兼斗級修理庶不誤事從之。○庚寅給

常德長公主并附馬都尉薛祖歲祿共二千石米麥羔炙。行
在戶部奏先祿寺歲用香油分派諸處稅粮折納芝蔴於通州
并大興宛平二縣分散油戶道油供用今諸處客商輿販香油
者止納稅鈔請行都稅司每香油三十分抽取一分供用免其
納鈔。上不許。給遼東定遠等衛官軍馬一百八十五匹。
夜月犯軒轅大星。辛卯賜雲南麓川宣慰使司宣慰使思任
發及大小頭目人等勅曰朕為天下生民主仰體 祖宗仁愛
之心 天地包容之德故凡自作弗靖之人多屈法伸恩開其
自新之路未嘗即肆顯戮爾麓川自爾父思倫法爾兄思行發
皆受我 祖宗大恩建立衙門授以官職爾父爾兄皆知感恩
恭修職貢故得傳襲及爾爾宜體父兄之心修父兄之德汝恭
朝令和睦隣境庶幾保有爵土永享安樂乃逞不軌之謀侵奪

本邦孟養潞江等地殺掠緣邊人畜諸物守將屢請發兵問罪朕念造罪惟爾一人而慮大軍傷及無辜故屢却所請第遣勅諭爾而爾罔有後心乃不得已令雲南總兵官沐昂率衆至爾境撫諭莫爾改悔爾復恃險抗拒原爾之罪天地鬼神所共怒者今總兵官遣人送至爾所遣忙怕刀線觀并訴詞一紙朕觀爾所言懇切似有悔過之意乃復遣勅悉宥爾罪爾果能改過自新為一方之人造福即歸所侵掠或親身或遣子姪及親信頭目赴京朝貢則朝廷待爾恩慈如舊而爾子孫并一方之衆皆得永享太平之福夫如爾情未達心有欲言亦詳奏聞朕為處置必使爾等咸得其所爾若不體朕心不從朕言敢率此時之衆與王師角勝負則我軍貫勇而前爾等於是時求免蓋粉胡可得乎爾等其重省之。起復山西保德州知州田叫仍

舊任畊以母喪去職州民百餘人保畊為政仁恕乞起復以惠
邊民布政司以聞事下行在吏部覆奏 上以民情不可拂特
從之○曉刻月犯靈臺中星○癸巳廣西右布政使孫曰良聞
父喪適命總督廣西諸郡預備倉穀水利之政曰良自陳目已
離職守制者釋服滋事非惟有虧人子報親之心抑且有負朝
廷孝理之道 上以民務方急命曰良棄喪畢即赴任理事○
甲午遣行在吏部左侍郎魏驥為正使給事中陳常為副使持
節問求成兵馬副指揮楊郁女為代府宣寧王進妯娌○以代
府壺閔郡主適秦安命安為宗人府儀賓選訓導董元女為周
府鎮國將軍子壘夫人俱賜誥命冠服等物○命直隸揚州府
寶應縣縣丞黃致復任陞從七品俸致九載任滿當遷者民言
其佐理勤慎乞留之行在吏部移文覈實以聞故有是命○先

是上今行在戶計檢視各王芻牧地至是其頃畝方向及
原據民人莊宅田地共三千餘頃圖列以聞上命以一百八
十八頃給邸王祁鈺餘撥神機三千等營令其芻牧所侵奪民
地悉給還之○恭贊寧夏軍務右僉都御史金澹言賀蘭山所
以障腹裏要害往者林木生翳騎射礙不可通比未官校多倚
公謀私深入斬伐至五六十里無障蔽有如樵採者得為虜所
得致如我虛實豕突入寇即無以阻遏之請自今凡百材木需
用於雪山取之不得於賀蘭山縱伐以規利目前貽患無窮
上從之勅寧夏總兵官都督史昭嚴加禁約○乙未勅行在戶
部曰朕第邸王年已長成其歲祿一萬石今在京歲支米三千
石鈔萬貫俟之國全給米○陞翰林院侍講儀銘為邸府左長
史修撰楊嵩為右長史○丙申參議衛都指揮完者帖木兒達

指揮帖木兒并沙州衛千戶窩帖兒福餘衛千戶說歡達來女
樂州達官指揮哈刺等俱來朝貢馬及方物賜宴并賜綵幣等
物有差○監察御史嚴恭親表朕闕後除行在湖廣道○雲南
大理衛政指揮使陳宜子俊襲澄雲南都司都指揮僉事以宣
征蠻有功也○給密雲中等衛及榆河驛馬五百十四匹○丁
酉奉府鎮國將軍志塔卒遣官賜祭命有司營葬○己亥朝鮮
國王李禔遣陪臣尹炯齋表及方物未賀 萬壽聖節賜宴并
賜綵幣等物有差○行在禮部奏行在錦衣等衛帶係都指揮
僉事等官穆肅等并廣東等都司都指揮同知等官李瑞等二
十三員相繼卒請如例賜祭從之

大明英宗法天立道仁明誠敬昭文憲武至德廣孝睿皇帝實
錄卷之七十二

大明英宗睿皇帝實錄卷之七十三

正統五年十一月庚子朔行在欽天監進正統六年大統曆
上御正朝受之給賜親王及文武羣臣頒行天下。勅桑顏衛
都指揮完者帽木兒及大小頭目等曰此奉本衛頭目委塔委
心朝廷無他異懷無多識見欲保協同視事已允所言但命謹
守國憲安處邊疆恪修職貢用副朕懷。○陞明天府通州同知
李經為本州知州經有治才能處繁劇時知州缺負耆民三百
餘人保經宜陞知州以惠黎庶巡按御史上其事行在吏部言
例不當陞上以民情宜俯從之故有是命。○給華陽王弟鎮
國將軍友璧祿米二百石友璧既封而未給祿米王為之請行
在戶部覆奏鎮國將軍歲祿米一千石今友璧尚未出府上
命歲給二百石。○辛丑命汝都指揮念事黃誠子端襲為府軍

後衛指揮使府軍後衛指揮同知吳迪第寬羽林前衛指揮同知韓義第禮燕山右衛指揮僉事王用子政俱襲職金吾左衛指揮同知晃忽兒不花子政任金吾右衛指揮僉事將旺子賞俱代職。壬寅調行在都察院右僉都御史張純於都察院刑部右侍郎吾紳於禮部陞史科都給事中鄭泰為刑部右侍郎先是上諭行在吏部尚書郭璉等曰比聞南京刑獄不清紀綱不振豈共職日條愉情致然邪爾吏部會羣日詳議以問璉是璉等言刑部尚書施禮都察院右副都御史朱輿言俱老或若得有風裁者叅佐之庶能振舉百度惟刑部右侍郎吾紳疎於法律宜調別部上從之故有是命因諭純曰南京國家根本之地所繫至重今爾往尚當恪恭迺職申明憲典苟再猶習政常方今廢事邦憲具在不爾貸也遂勅南京六部都察院

大理寺首衙門曰南宮國象根本重地 祖宗勤勞筆創定鼎
於此萬幸之統繫焉朕嗣承天序祇奉鴻圖夙夜恪懷顧南宮
之在念肆簡任六官及憲紀之職付託至重何意所任未盡得
人比聞六官之屬下至吏胥縱橫放肆全無忌憚甚至貪濫無
耻堂上官陽若不聞御史問而不舉御史亦或縱恣不守禮法
目睹奸惡緘口不鳴 祖宗憲綱凡風憲糾舉之事必要指陳
實跡近日南宮御史糾言人罪詢之咸無實對輕佻譎詐上聞
朝廷下誣良善凡此所為皆由爾六部都察院堂上官不能秉
禮持法以端表率或肆情寬緩用致廢弛或酣酣詠息怠政
事或別生支節或執己偏見或徇私意用致乖戾向官不和下
大觀瞻無所效法苟有不問其即革心改行嚴謹禮法以率厥
屬凡政事廢弛者舉行之姦弊夙積者革去之屬官不律罷軟

不堪任事者奏懇之。祿在振舉綱紀。用照庶績。今命刑部右侍郎鄭春都察院右僉都御史張紀。前來佐理刑名。協贊風紀。爾等須同心合力。以副朝廷委任之重。如違朕言。怙終不悛。祖宗之法。具在朕不爾貸。○擢進士葉造為刑部主事。古鏞為大理寺右評事。○巡按浙江監察御史馬謹奏。近嘉湖二府被災。行在工部右侍郎周忱遵奉勅書。已出官庫賑之。今台州紹興寧波金华處州早災。益甚。民食尤艱。雖令有司勸借。恐奉行不足。請如嘉湖二府例。捐官庫賑濟。俟豐年贖償。上從其請。命行在戶部行之。○癸卯。遣北毛刺脫脫不花王遣使日引失刺等男婦六百四十四人來朝。貢馬一千六百七十四匹。銀鼠裘皮三百二十張。賜宴并賜絲帶衣帽等物有差。○裝封衍聖公孔彥緒來朝。上表進馬賀。萬壽聖節。賜宴并賜鈔幣等物。

山西著都指揮僉事李庸以指揮陳勝許奏都督李謙詞有違
詔違旨而都指揮使馬貴亦發庸貪溢狀巡撫兵部左侍郎于
謙奏諸將多挾私告計大平番猶互致排抑安望其臨敵能協
力成功乞會廷日議所以更置之庶邊城得人 上以爲然命
侯鞠庸處之○甲辰江西布政司奏南昌等府衛所屬地方自
正月以來雨水滄沒早禾六月以後亢旱晚禾枯死稅糧子粒
無從輸辦 上令行在戶部勘實以聞○乙巳襄王瞻塔鄂王
瞻塔各奏欲赴京朝覲 上念遠道跋涉貽書止之○陞奉寧
衛指揮僉事完者克馬指揮同知頭目伯都爲指揮僉事乞出
爲副千戶朵顏衛頭目委塔爲指揮僉事命湖廣龍潭安撫司
故土官同知黃敬中子應豪襲職山西行都司故都指揮僉事
劉儼子珠襲馬指揮僉事○丙午朵顏等衛指揮伯木兒等陞

解命齋勅牙織金紵絲綵帶等物歸賜其都指揮完者帖木兒等。○行在戶部奏口外宣府大同陝西綏德州等處遼東三萬等衛所永平遵化雲南大理府等處廣東瓊州府四川益井松潘等衛集奏准召商中監納糧年終例應差官監驗給軍食用其宣府獨石馬營諸處已奏委叅政劉璉監驗陝西有鎮守右副都御史陳鑑遼東有巡撫左副都御史李濟大同有巡撫右僉都御史羅亨信永平一帶有通政司右叅議張隆宜委各官監驗雲南廣東四川則就委按察司馬使從之。○哈家忠順王倒毛蒼夫里達舍人也先帖木兒奏母幹難蒼里達疾乞賜醫藥上遣醫官哈先給所宜藥偕所遣人往療之仍賜勅獎諭令俟母疾愈即遣哈先回京。○巡撫直隸監察御史李臣奏順天府密雲縣隆慶倉官史張玘陳貴等犯罪例應解京問擬後

職緣玩弄經收粮料五萬三百八十餘石恐誤防守乞不為常例就發家室納米贖罪先日守支錢糧從之○丁未行在工科給事中吳昇奏言路之開所以達四方之視聽決天下之壅蔽自古聖帝明王之治天下未嘗不以此為首務欽惟皇上嗣登大寶累詔臣下直言無隱甚感意也夫何皇上雖宥網諫之量而執政乃進拒言之議適幸中外陳言有為切直之論者會議之時執政因其所言或中己病所見或與己乖故輟回護欺令指實且怨此風一肆則言者之心懼而方來之日杜矣寧復有敢直言者乎乞勅該部會議之時於諸人所言可行則乞不可則止務協輿論毋議言者如此則下情得以畢達于上而嘉言罔伏于下矣上嘉納之命自今議事毋追究實迹以阻言路○以大興冤平二縣缺粮賑濟命法司見問罪囚俱

納米贖罪於二縣預備倉收貯雜花元罪七十五流罪五十五
五五徒各以五石遞減杖每一十二石當每一十一石五斗。
戎中朵顏衛都指揮倒斤道指揮把孫春寧衛都指揮脫火赤
福餘衛都指揮彭赤不花男禿兒兀乂達東安樂州達官指揮
僉事阿里千戶忽法提自在州達官指揮僉事保都四川播州
官僉使楊炯道長官韓仁壽等俱來朝貢馬及方物賜宴并賜
絲幣等物有差。行在戶部主事鄒來學言奉命預備直隸淮
雲等七府州撥備而各處官錢所糴不多乞將今年七月以前
民間所負官馬官徵者暫令視馬直入粟以備賑濟庶事易集
而民不困從之。湖廣都司奏衛州衛鎮守常寧中千戶所祿
無賦垣止用木柵幸遠隨修隨壞宜改爲土城庶不徒費人力
而可保障也方請以本衛所旗軍不妨征差協力築之。上可

其奏命用工宜緩勿極以擾人。庚戌 萬壽聖節遣官祭
長陵 獻陵 景陵 上詣 奉先殿 太皇太后宮 皇太
后宮行禮畢出御正朝文武羣臣及四夷朝使行慶賀禮。擢
行人司左司副判充彥為行在山西道監察御史充彥先以廷
臣為舉理刑至是方通法律故有是命。御製大藏經序朕惟
如來之道廣大包天地光明起日月沂萬億劫之前不見其始
推萬億劫之後莫測其終清淨為宗慈憫為用濟利為德化導
為教無幽而不燭無微而不入無叩而弗應無感而弗通蓋化
洽庶彙福溥一切政自其教入中國以來歷二千載凡具樂善
之心高明之智者不問上下貴賤皆至誠為敬歸向慈尊洪惟
我 皇曾祖太宗文皇帝德全仁聖道法乾坤同 上帝之好
生同大覺之普濟禮教適于百王惠澤周乎八表泰和之盛實

字肯春惟大孝之誠尊尊夙夜孔懷切勞報本之道圖為 考
此在天之福於是博采竺乾之秘典海藏之真詮浩浩乎獲獲
乎經書利科用廣傳施功垂統緒 龍御陟遐洪慶所貽傳序
暨朕恭嗣大寶統理萬方追惟 聖考之隆敬忘維述之格大
藏諸經六百三十六函通六千三百六十一卷咸畢刊印式遠
流布妙法玄文備祇園之獲受要旨精義啟慧日之昭明字字
真如語語實際乞成 皇曾祖之聖志乞成 皇高祖之實福
善切斯感嘉虔可知 九廟神遊參佛金蓮之座萬品亨過承
佛玉毫之光家邦永底於清寧華夷均安於熙皞三界十方咸
臻淨域九幽六道並際闡明種種如祥不可思議是用敬序首
簡牘紀成績云○辛亥權河南鄧州寺儒學學正沈衡訓導陳
永張斌史濡為監察御史先是御史俱以廷臣薦舉理刑半年

考稱授職後工科給事中吳昇言御史宜歸吏部擇用上從
其言自是屬吏部送都察院理刑考擢○工部右侍郎吳政言
近者江淮銜奏准開疏泊船新舊二河欲用應天府衛軍夫萬
人今旱澇相仍人皆艱食請暫罷俟年豐疏濬從之○壬子頒
賜朝鮮國正統六年大統曆○詔免直隸蘇松常鎮浙江嘉興
湖州諸府太倉鎮海蘇州三衛嘉興守禦千戶所水災田地糧
一百三十四萬六千五百五十五石有奇單四十八萬餘石○行
在工科給事中吳昇建言四事一近例方面官今在京三品以
上官舉薦縣令今在京五品官舉薦然此可暫而不可常若久
則必有賄賂請託之弊乞歸吏部選用庶杜弄統之風一近例
給事中御史九年任滿今本堂上官及掌科給事中連名舉保
陞用如此則人各取悅求進誰肯待正見忤於人乞歸吏部奏

謂庶免牽制之失一給事中乃朝廷葉近之日近年方面有缺
大臣惟薦僚屬郎中等官而給事中乃不得預乞亦不得擬
一二以爲勸勵一朝廷下詔求賢立爲賢良方正文學才行等
名而各處所舉多係勢豪膏粱子弟徒負虛名英克實用乞令
今後果通經者名曰儒士有才幹者名曰秀才不必立爲前項
名色庶人敢實行 上令行在吏部詳議以聞尚書郭璉等議
奏方面數少宜仍會舉縣令缺多宜從本部選用其言給事中
御史不須保舉伏乞 聖裁言欲薦舉給事中向年曾奉
旨給事中不必舉待九年不次推用今 聖諭具在言賢良方
正改爲儒士秀才徒改名色均起身就宜但令所司不可濫舉
口上曰方面及府州正官仍遵 先皇帝初旨會舉其知縣吏
部於進士監生及聽選官內擇有學行者授之給事中有才行

者同御史例舉九載任滿者考覈擢用餘如所議繼今薦舉人
才吏部先秉公庶嚴考察毋容朋比請託苟或濫薦即以奏聞
○甲寅命浙江布政司叅議武達按察司副使王豫專理杭嘉
湖三府預備之政巡撫侍郎周悅言杭嘉湖三府水患未消流
移未復總理庶務必得專官故有是命○山東樂陵縣奏九月
起土桑倉得白金九錠重三百九十餘兩上命易振於預備
倉貯之以賑貧乏○命山東犯人納米贖罪者俱於本處缺糧
地方預備倉收貯從刑部評中王璵奏請也○乙卯初雲南總
去官都督同知沐昂等曰邇得按察司僉事陳璇奏維摩河逆
彌勒三州土獠沙人寫妖書張旗幟招集人馬作亂擾邊朕惟
朝廷守爾一方重鎮軍民賴以撫輯賊勢如此而略不以聞何
耶其即遣三司官往彼宣布德威諭以禍福悉宥其罪令還生

業如其不從然後量調官軍勒之務在計出萬全慎勿輕動激
變以滋邊患又聞爾等平昔不以邊備為重縱下人恣為虐害
軍政不修凡月日因而風憲官又相比不言是致邊夷敢為侵
侮今後其各滌心改行剋副委託○初有勅凡官吏人等犯枉
法職者不分南北俱發北方邊衛充軍至是行在刑部都察院
大理寺議稱洪武初年定律之時鈔賤物賤所以枉法贖至一
百二十貫者免絞充軍即今鈔賤物賤若以物估鈔至一百二
十貫枉法贖俱發充軍不無輕重失倫今後文職官吏人等受
枉法贖比律該絞者有祿人估鈔八百貫之上無祿人估鈔一
千二百貫之上者俱發北方邊衛充軍其受贖不及前數者照
先行例發落從之○丙辰以運奉天殿林梁五道成國公朱勇
禮部尚書胡濙工部尚書吳中益司工并止陽十門之神○

家僕日早丁念賜宴不備肆言諸通事都指揮僉事陳友奇乞
擢早丁下法司以懼其餘從之。丁巳冬立節遣官致 長陵
獻陵 景陵 上詣 奉先殿 太皇太后宮 皇太后宮行
禮畢出御正朝文武羣臣及四夷朝使行慶賀禮 太皇太后
皇太后俱免令婦朝賀。有僧年九十餘自雲南至廣西給人
曰我建文也。朕天師言我有四十年苦矣。為僧期滿宜函送拜
國以黃紙為書命其徒清進持詣恩府土官知府岑瑛既送
總兵官柳溥械至京會官鞠之乃言其姓名為揚行祥河南鉤
州白沙里人洪武十七年度為僧歷遊兩京雲南貴州至廣西
。上命錦衣衛銅葉之凡四踰月免獄中其同謀僧十二人俱
誦戒遼東遼衛。戊午文武羣臣朝覲王於奉天門東廊。己
未封駙馬都尉沐昕母鞠氏為夫人賜誥命從昕奏請也。庚

中以營建宮殿勅守備南京襄城伯李隆等徵軍民工匠二百
餘人赴役北京○辛酉勅哈密忠順王倒瓦忒失里曰朕體
天地祖宗之心懷柔萬方見曰失遣使朝貢皆優待以禮而
使目亦皆感恩奉法固弗度謹迓王差千戶早丁進貢未京緣
逆凌辱驛官嘗苦驛卒需索虐人所司請治其罪朕以王所遣
特宥不問及至京即命所司宴賞其早丁乃敢傲慢放肆哨管
通事後大宴四夷使日於朝又對衆發惡毀管通事人等略無
忌憚大失觀瞻全不知朝廷禮法罪不可宥已命法司收問仍
留其子俟給敕食此雖小人無禮實王所遣不當王誠能致
天事上欲保境土自今遣使須擇謹惡誠悛之人仍嚴加戒飭
令其謹守禮法庶幾保全令名永享太平之福○壬戌建州左
衛衛士直舍人阿木泰赤斤蒙古衛千戶河耆都并四川宣慰

使司長官韓仁壽廣東高安縣猶首恭福深等俱來朝貢馬賜
宴并綵帶等物有差。行在禮部奏雲南四川布政司類進廣
南府并石柱宣撫司賀。 天皇太后 天皇太后 皇上冬至表未至而將
正統六年賀 天皇太后 皇太后止旦表誤進請治各官不
謹罪 上曰姑宥之第移文示戒若再不謹必罪不宥。凡有
姑苦貧數逼其婦與餽已者通婦輒惡詞色拒之山西道生婦
以苦姑致既而移勅貴州道辨其可矜 上曰然此婦居貧苦
為姑挾以非禮何得罪其不孝其釋之原勅御史泥文法虧節
義吏計其斥以他用。癸亥行在戶部奏南直各衛屯軍無他
差占專一屯種比日荒歉既蒙蠲其餘報今守備官又請官糧
接濟宜移文勸其缺食是實今與貧民一體賑給秋成還官若
將有收屯軍買支者罪其該管官從之。甲子遣北瓦剌使日

卯夫刺等續貢馬九十匹給賞如例。乙丑監察御史陳仲華
親喪服闋復除四川道。勅諭朝鮮國王手掏曰得奏凡察等
逃者建州李滿位所慮其生蒙揆遣朕即遣勅諭凡察等仍還
鏡城如其懷疑不還聽與李滿位同處但不許侵犯王上邊境
蓋以小人去就不足為重輕也今凡察等奏將率眾還為王軍
馬追逐搶殺內有一百七十餘家阻當不扶朕惟凡察疑懼不
還此小人心無足怪者而使其父子兄弟夫婦離散情則可
憫此或下人所為王不知也勅王可遣人覆實果有所道人民
一百七十餘家即遣去完聚如凡察妄言或某人在彼不欲去
者王善加撫卹俾遂其生亦用奏來并諭建州左衛都督凡察
指揮董山曰北爾凡察奏本衛印為七姓野人搶去朝廷給與
新印後董山來朝奏已贖回舊印凡察來朝又請留新印乞

所言令凡察暫掌新印與董山同署衙事道人進繳舊印令爾
凡察又奏舊印傳自父祖欲俱留之朕惟朝廷自祖宗建立
天下諸司無一衙二印之理此必爾二人以私意相爭然朝廷
法度已有定制爾等必當遵守勅至爾凡察仍掌舊印爾董山
獲封如舊協心管事即將新印道人進繳不許虛文延緩以取
罪愆爾等又奏所轄人民及開原女直馬哈刺等從朝鮮國回
內一百七十餘家為朝鮮所留土人百戶高早化等四十一家
被毛憐衛都指揮卞兒罕等所留朕已遣勅諭朝鮮國王李
禔及毛憐衛都指揮卞兒罕等令悉還所留不許沮遏弟恐
各人亡安於彼不期回還爾等當從其便勿令失所特諭知之
○勅雲南總兵官都督同知沐昂及都布按三司巡檢監察衙
史邊關招誘百夷小待君等一百九人至金齒其印遣人驛送

小待召及其題目二三人未末餘尚雲南及先次遣回忙怕乃
緣視亦姑留之俟小待召回日一時遣去但當贖其飲食毋令
失所仍須嚴家防守毋泄事情○雲南元甸長官司長官罕貴
為思任發所獲殺其守者十七人罕家未歸 上嘉其忠順命
所司褒賞以罕貴為安撫賜繒幣四表裏給授誥命○命萬全
左衛東閔驛懷安衛東門驛天城衛天城驛陽和衛陽和聚落
二驛隆慶衛榆河驛宣府前衛鷄鳴山驛及居庸閔榆林二本
宣府四驛各置吏一人其未閔東門聚落陽和天城五驛舊無
印記今新給之聚落陽和天城三驛擺站軍因各八十八名舊無
糧今依宣府擺站甲軍例月給糧六斗○雲南師宗州賊金郎
刺金福阿年等偽稱皇稱后稱總兵誘聚州民及羅羅白劫蠻
農人沙人數千為亂總兵官沐昂與賊於回者鄉敗之追至發

呂寨橋阿年王發文寨斬金福并獲其僞后金卽刺奔貴州馬
土官儀郎舉所敗衆逆潰昂以阿年及僞后奏捷 上命誅之
東其首以徇○丙寅復書襄王瞻塔曰承喻府中任倩人區所
司不肯奉行欲摘襄陽衛軍區四十三名補本府軍校應用第
今軍伍已定重以逸務操備不教府中人區已令工部行襄陽
府衛在用最此報知○復書度王秩燈曰承喻小旗王保妾陳
府中事法司鞠出本人的馬盜贖官牛不納糧食及目追作餘
丁以故赴京妄告已械本人編成遼東令所司起取當房妻子
隨任叔祖宗藩王親素謹禮法豈彼小人所能問哉○遼王貴
峻奏第衛陽王貴賢應山王貴燭枝江王貴熠沅陵王貴燭麻
陽王貴煥歲祿俱於荊州府常積倉閩支無_股運艱難乞於本處
附近府縣稅糧內撥納日為收受 上從其請○丁卯命改陝

西都指揮僉事趙恭孫玉襲為指揮同知威遠衛立功署都督
僉事孫讓子震襲為指揮使。召總兵官都督同知等安選京
命鎮守松潘都指揮僉事王果等攝其事。先是 上以麓川
久無成功勅雲南總兵官都督同知沐昂等議所以攻取之策
至是昂等言麓川地方險遠夷情譎詐必欲攻取非十二萬人
不可今官軍上兵東征增調者止有四萬六千其七萬四千宜
於湖廣貴州四川行都二司選調各委善戰指揮率領於秋盡
各物分三道由灣甸芒市騰衝約日並進直搗巢穴併力公攻
其軍糧金齒止有二十餘萬宜於屯糧內借用十分之二并圍
其山川險易之狀以聞 上下行在兵部集文武大臣議太師英
國公張輔等以馬軍馬糧餉宜如所擬但三道進兵兵分勢孤
賊或據險逸我恐非萬全宜推選智謀勇畧武職大臣充總兵

官往雲南訓練軍馬專其統令責其成功多方籌畫振我威武
賊聞驚懼耕作失業不過歲月自然困敝仍遣應幹文日會同
總兵官相度地利分布屯田廣積儲蓄賊苟革心悔罪躬親入
朝奏聞裁處如其稔惡不悛相機勦滅以彰天討 上覽其議
稱善令即行之○河東沃西都轉運鹽使司奏黑龍大等堰歲
久傾壞山水衝溢流入鹽池 上命修築之○徙浙江樂清縣
北監巡檢司於白沙以舊治迂僻而白沙鄰海故也○戊辰起
復浙江紹興府知府羅以禮仍舊任以禮丁憂去官繼者不勝
其任屬縣耆民保以禮有治才乞還任巡按御史馬謹以聞
上命起復之以從民望

大明英宗法天立道仁明誠敬昭文憲武至德廣孝睿皇帝實
錄卷之七十三

大明英宗睿皇帝實錄卷之七十四

正統五年十二月己巳朔 上省郊祀牲。勅行在都察院右
僉都御史丁璠昨令爾蓋提督雲南各衛所官軍操練今以爾
所理振儲事重特命監察御史嚴恭專督選軍操練爾仍總督
其事迨聞雲南軍士精壯富實者俱投託大官或充伴當跟隨
或私耕種田土並不曾操練須于細查究革其舊弊其與土官
衙門勅書一道爾與總兵官沐昂等量度而行若其所管土軍
土民除原調見操外其餘果有精壯可用者再選一萬名或二
萬名就令土官詢日管領於其本處操練聽調其饋運報儲一
事今得總兵官都督沐昂及三司巡按御史計議欲令雲南軍
民相兼量派饋運及於屯田糧內十分借陔二分爾與布政使
戴新按察使賴英協同整理務要相度人情事勢從長區畫或

於官庫支銀收雜務要及用仍將已運到金齒等倉及起運在
途并見在未起運之數具實奏來爾為重目當以國事為心但
彼中合行事宜及變夷事情所見聞者皆須奏未用副委任毋
怠毋忽。陝西布政司管糧左叅政年富奏此者行在戶部奉
准將銀三萬六千六百六十兩運至陝西行都司易米給軍今
甘肅諸處豈收兵食自是請以所運至依准作本處軍官俸米
每一兩折二石五斗事下行在戶部請仍移文鎮守官并叅都
御史曹翼斟酌時宜給與從之。修中和韶樂器。行在大理
寺右寺正等從督太洪熙宣德間詔罪人妻子連坐法第以處
謀逆者本法司不體 祖宗仁孝恩典徃徃施於非謀逆者法
司議謂此乃 太祖高皇帝定律今從督叅亂舊章請治其罪
。上曰置之。庚午楚王季規奏壽昌安堡王薨子女四人俱

未受封無祿養贖 工命歲給米五百石○行在工部左侍郎
李庸言國安通濟河省已建祠設像而祀典未秩稱謂無名
請令禮官定議封號太常歲修時祀事下行在禮部議尚書胡
濙等言洪武中以徵鎮海濱封爵不經五稱爲其撤某濟之神
一說相沿之迺今國安通濟無緣復襲繆典至欲秩祀太常則
永樂中開濟濟寧通濟爲萬世利其祠廟尚未有常祀今崇報
之典不應有加於彼請但於朔望令耆老土人供奉香火其國
安堤稱爲滙溝河之神通濟河稱爲通濟河之神於禮爲官從
之○先是太常寺光祿寺廚役月糧八斗至是副都御史周倫
以南京倉儲頗充請有室家者每月添作一石從之○直隸淮
安府桃源縣楊州府江都縣四川夔州府萬縣俱水旱凶荒人
民缺食有司發官倉弁預備糧驗口賑濟各具數以聞○辛未

命寧遠伯任禮佩平羗將軍卞克總兵官鎮守甘肅代定西伯
濟肯還京。旌表烈婦王氏節婦陳氏等十人。王氏直隸興州
前屯衛正千戶胡海妻。趙氏陝西都司舍人王敏妻。夫之自
經。以從旌其門曰貞烈。周氏江西宜春縣楊友慶妻。友慶為蔚
州同知。歿於任。周氏親歸葬。黃氏崇仁縣民饒仲高妻。仲高從
役。歿於外。黃歸。其骨葬之。皆事舅姑。以孝不改適。王氏福建閩
縣民楊和妻。夫之守志。擇師教其子。永擢進士。馬監察御史
趙氏雲南曲靖衛中所軍王子誠妻。熊氏江西新建縣民魏友
梧妻。楊氏湖廣孝感縣民陳政三妻。吳氏順天府永清縣民張
亨妻。周氏龍江左衛中左所百戶鄧忠妻。高氏陝西西安後衛
中所軍犯貴妻。胡氏江西臨川縣民聶同文妻。俱年少喪夫。甘
貧守節。事聞。旌其門曰貞節。宋氏江西吉水縣民周祐鳳妻。夫

早二道腹生子藍氏梧鳳弟翔鳳妻夫亦早二俱刻苦持婦道
同蒙無異志旌其門曰雙節。壬申靖江王伍敬奉奉國將軍
佐勦平歲祿任支所遺妻女無祿以贖。上命歲給米四百石
。陞赤斤蒙古衛正千戶班麻為指揮僉事百戶課葛春為副
千戶所鎮撫阿莽等四人俱為百戶舍人阿達為百戶阿著等
十三人俱為所鎮撫喀密衛指揮同知格來為指揮使頭目猛
哥克等三人為正千戶克者哈木兒等七人俱為副千戶。癸
酉復除監察御史陸儕于福建道桑茶春於山東道張彥於河
南道儕景春彥俱以次有放回。壬辰召用改有是命。陞毛儕
衛指揮使李哈兒克為都指揮僉事指揮僉事速都為指揮同
知頭目鎖羅翰等六人俱為所鎮撫。福建永寧衛指揮僉事
高壽嘗役所督海舟賈利致軍士溺死。又縱焚所忿者乞延燬

兵甲庫其餘違法受賂不一事覺獲之具有驗 上命再辦不
枉卽斬以徇○甲戌益實衛士直千戶沙路達來自在州達官
衛鎮撫召直等俱來朝貢方物賜宴并賜綵幣等物有差○乙
亥復韓王冲斌書曰米喻嬰疾未痊慶賀之禮欲令開城王代
行具見恭謹之心繼今一應行禮皆如所喻叔祖宗藩王親風
者賢德國家所倚重者惟善加調攝早見康和以副親親之念
○陞雲南左衛指揮僉事張麟看本都司都指揮僉事提督也
田○命沃西行都司都指揮僉事徐原寧涼州衛事將真掌莊
浪衛事從總兵官寧遠伯任禮請也○司禮監火者賞參兒以
私事囑吏部尚書郭璉戶部尚書劉中敷皆從之事覺 上命
宥中敷戒勿再犯參兒送法司論如律擬示於司禮監之新
房○鎮守延安綏德都指揮使王禎奏署都指揮僉事劉瑛監

鬻官卑下巡按御史違問之。丙子臘前賜文武百官宴。修
南京鐘鼓樓。西寧衛署都指揮念事金玉鐘監鬻中監者
官茶玉慮鐘復罪執中監者誣以自鬻陝西按察司官按其罪
命逮玉鞫之。戊寅行在吏部右侍郎洪璵有疾。上遣醫士
視之。命赤斤蒙古衛使目阿者都齋銀絹歸賜其指揮切領
賞擒達賊功已。庚辰行在工部左侍郎周忱奏浙江輸納行
在光祿寺白熟糯糧近以米色不純責令換納仍令納戶揀選
查得今年起運并補納共米二萬八千六百四石有奇。每
粒揀選發在糧大音純一時年不能備。况江南小民所種糯米最少
收成之時必日色清明暉暉透徹方得米色精純。比因水旱相
繼天時既失人力不齊米不精純實此之故。請勅有司選其精
純者進造。上用酒米純者造。支應酒庶供應不虧。糧用亦足。

從之。鎮守陝西右副都御史陳鑑奏：「邊令日理預備之政，訪得陝西都司所屬衛所亦有富實軍餘及土著人民可支價與之雜買糧米及設法勸借或四五千石或二三千石就於附近儲之軍民艱食隨發以賑或有河渠水利亦以所貯疏濬修理誠為便利。」上從其請。○辛巳，鄭府儀衛司與仗蘇敬數為王杖責懼詭以奏王不法如京師。上命械先威遠衛軍。○壬午，先應天府并直隸淮安揚州鎮江浙湖州山東萊州東昌河南彰德南陽開封衛輝懷慶諸府被災糧草并泡爛，鈔凡先撥五十六萬九千三百三十七石有奇，草六十五萬四千七百六十七束，鈔三萬一百四十錠，倉糧四十六石。○宥行在工部左侍郎李庸、淮朔順天府知事朱孟端舉庸貪墨事。上命庸自陳狀，庸對不以實。六科十三道交章劾其欺罔，刑部尚書魏

源等亦請速治其罪。上特宥之，戒庸勿蹈前非。○巡按浙江
監察御史馬謹奏：浙江左布政使黃澤九年任滿，乃以催科為
名自臨所屬府縣督併，不無情弊，詔下獄鞠之。○癸未，起復宣
南右叅政張鉞，仍舊任。鉞徙督金齒等處糧儲，以母喪當去。
上以邊徼重務，令鉞起復，不拘常例。○甲申，朝鮮國王李禔遣
陪臣鄭麟趾等奉表貢方物，謝恩。李名晨等奉表貢馬，賀明年
正旦賜宴，并賜綵幣等物有差。○命行在中軍左都督陳懷宇
府事。廣義伯吳玘留居京師，玘初襲爵，居直隸定州，衛至是未
朝乞留許之。○雲南麓江軍民府土官如府木森、嶺峨縣土官
巡檢易買，并奉寧衛都指揮隔干、恒木兒等，遣指揮失哈塔木
兒等俱來朝，首馬賜宴，并賜綵幣等物有差。○行在兵部尚書
蕭大理、寺卿王驥奏賞以示勸罰，以示懲宥，罰既行人，心思奮

朝廷用示不吝賞賚乃可成功人心趨利必逐其私方能効死
近者戶部奏准以雲南布政司原收差發等項銀二萬七千八
百餘兩運赴大理金齒易糧給軍請以所易之餘就為功賞之
用或有不足請於附近之處或於京庫量給銀段絹布以徃
上命以易糧餘銀備賞○蜀直隸淮安邳州山陽等州縣山東
採木人夫從知府黃禮言其也遭旱澇民艱衣食故也○浙江
右布政使方廷玉疏陳民事而以珠白請之通政司奏其違律
例殊大體請治以罪 上宥之○乙酉陞右春坊右中允吳餘
慶為通政司右叅議仍管寫武職誥命○丙戌復除監察御史
楊永於江西道官受於四川道永等以汰放回至是復召用故
有是命○公家忠順王例免奉天道使日哈斤等貢馬駝玉
石梧桐藤等物賜宴并賜綵幣等物有差先是四火朝貢者正

仗而下朝。後以入資給馬。至是始令止。終正副使者為令。○丁
亥勅四川都布按三司巡按監察御史。近得都指揮僉事王果
奏茂州畢松潘五百餘里。道險城孤。番寇叛服靡常。而備禦官
軍數少有警。猝難乘應。欲分官往彼守備。爾等其公議分守茂
州。與同守松潘何者。為便務求至當。必使蠻人畏服。邊鄙無虞。
可為永久之計。或果廣自分彼此事。有相礙。皆具實以聞。○介
玖山西都司都指揮僉事段通子勝襲為武城後衛指揮使。羽
林前衛指揮使荆英子通指揮。同知陶真子麟。濟陽衛指揮僉
事王綱子宣。永清左衛指揮僉事跋廣第。能金吾左衛指揮僉
事林北斗。奴子廣俱襲職。燕山左衛指揮使魏剛子榮。騰驤左
衛指揮僉事刻聚子鑑俱代職。○萬全都司奏宣府地臨邊境。
軍馬糈草。悉於此萃。而其城樓門房。皆年遠損敝。宜修飾。以壯

外夷往來之觀從之。戊子擢進士胡拱辰焦寬為監。參御史
毛鳳為兵部主事。吳震剡。嚴馬經。張鉞。周濬。劉芳。何子聰。薛智
單。宇。秦中。陳瓚。李璩。蕭翼。俱為知縣。起復蘇州府嘉定縣知
縣。展昭仍舊任。昭以親喪去職。繼任者被詔赴京。民相率保昭
多惠政。乞復其任。事下。巡撫侍郎周忱覈實。政有足命。增鄉
試會試取士額。先是。祭酒陳敬宗言。此者解額。有定副榜數。少
以至天下。教官類多缺員。吏部遂建議。兼考監生。補除教職。往
往僥倖。遂列不稱所範。竊以為縱科舉取人之濫。猶愈於監生
考試之精。請量寬解額。專取之於副榜。庶幾誨導得人。賢才無
滯。於是行在禮部議。增會試為百五十人。順天府近已增至八
十人。其應天。浙江等處各增舊額有差。上定為應天府百人。
浙江福建各六十人。江西六十五人。河南廣東各五十人。湖廣

五十五人山東四川皆四十五人陝西山西皆四十八人廣西三十人雲南二十人其監生學業無愧者仍除教職○給直隸保城守紮千戶所官軍俸糧本所官軍洪武中以上人應募自初永樂時令守海口自食其力不給俸糧至是所鎮撫黎得覽言徃時不曾差操可以耕食今輪徃京師操備無暇耕種請給其食 上令操備行糧如例給之在所之人每月給米三斗○陝西都指揮僉事劉福私取冒報邊功者賊法司逮治坐斬贖罪運職○鎮守湖廣貴州副總兵都督僉事吳亮奏四川山都掌等處蠻賊聚眾劫掠商旅不行 上命亮及四川貴州三司捕治之○南京江東馬驛及巡檢司皆濱江岸江水敗岸幾及其署守備襄城伯李隆等請退徙以遠其害命隆等督工徙之○己丑設廣東新會縣規岡水馬驛及新會運運所○陝西都

司奏都指揮僉事王永所督屯田糧儲其數不盈復不循例報
數以行賞罰下巡按御史鞠治當贖杖復職詔免贖第罰俸兩
月○法司奏陝西都指揮僉事施政王信妄言所守地無草可
刈且私歛所部以資入奏者當贖杖還官從之○庚寅勅南京
守備及五府六部等衙門官曰朕以南京祖宗根本重地
郊廟社稷陵寢及百神祠壇皆在焉宮殿禁闕之嚴城池
兵衛之固百官庶民之富天下四方所共瞻仰所係甚大朝廷
簡提爾等守備及任內外官員分理庶務宜體朕心共圖康濟
凡開城外湖江水齒隄岸日久日甚神壇公館至欲內徙所以
致此寧無其由時政之有闕歟抑爾等官守者之匪職歟往者
有盜持兵連艘公取私盜而莫之敢問者有以捕盜為名而越
境虐人者官守者不能弭盜反以虐民又違理肆情擅作威福

裁判諸司或出入多用野從清肅道路甚至乘輪婦士亦叱下
橋或從家人子弟強取商人貨物欺壓良善軍民被害道路側
目人因訴告為惡如此寧不致災自今爾等守法奉公宜益
加勉用稱厥職貪刻不律者改行為善用弭災咎毋狃私瞞公
母虐人取利嚴戒家人並守國法庶幾鬼神佑爾長保祿位若
不遵朕言不有陽禍必有陰譴可不慎歟可不戒歟其都察院
即委公正嚴明御史詢察如有仍前僭分擅作威福官員其實
奏聞若家人子弟有犯就使孳問知而不舉一體罪之其坍塌
江岸守備官即丈量畫圖奏來○勅宣府大同陝西山西遼東
等處緣邊諸將今西北邊境雖頗寧靖然禦寇之道恃我有備
以過其侵犯不可謂無寇而惰其守備冬不春初正夷虜出沒
之時其各練兵秣馬以備不虞嚴督城堡墩臺謹慎瞭備未則

勒殺去勿窮追庶幾不為所誘○陞九刺使日卯失刺與魯忽
馬都指揮僉事○韓王冲域薨王韓憲王長子母妃馮氏洪武
三十年生永樂二年兩馬韓世子九年襲封韓王之國平涼至
是薨享年四十有五訃聞上輟視朝三日遣官賜祭曰王孝
友恭儉樂善循理著聞中外謚曰恭僉有司營葬地○辛卯起
復山東右叅政洪濂豫奉勅措置備荒賑儲聞母喪當去行在
吏部言濂所理民食急務乞令起復視事從之○行在刑科給
事中廖莊言頃因江南北水旱分遣郎中御史備所以賑濟且
徵民所逋負且慮遣者所臨不無急迫况麥未熟穀未登米且
必湧殆有流離顛沛忘肆為非者乞令遣者凡諸水旱處有道
負姑毋徵徐俟秋成其勸借亦宜量所有毋強所出 上令該
部議行之○山西署都指揮僉事李庸遠既至具得都督李謙

貪酷狀庸亦引伏右都御史陳智知謙蒙受賂舉陞指揮手銜
署都指揮僉事幸直不問乃今貪酷復滿不可當一面寄不宜
再有 上曰然命嚴繫庸做讎下獄○壬辰道中官祭司寇之
神○行在戶部奏天下錢糧之數無歲預報本部如有違錯例
應速治今陝西等布政司并直隸揚州等府道報實徵稅糧見
在食糧之數非但違期羨亦差錯委解之人取問如律其僉書
官吏左右布政使郭堅等五十八員名俱合速治 上命姑宥其
深再犯不宥仍移文示之戶部又泰山東江西浙江福建河南
南北直隸各府州縣解納折銀絹布驗出稀鬆不堪者責令補
納解送之人既俱違問其僉書官吏亦合究治 上曰事既究
姑宥之○直隸淮安府海州秦州民所納牝馬及孳生馬駒歲
凶多覓民方艱食乞令侯豐年償官從之○癸巳起復淮安府

邳州和州郭廷仍舊任任以母喪去職屬縣民數百人保廷蒞
政廉明撫恤不怠乞令起復以終惠民行在史部覈實從之。
給萬全都司官軍盈八百八十甲刀背千五百有奇。羊湖廣
永州府湘口大橋百里洲三閘以有司言其不隘要衝而守者
復虛客行旅故也。○甲午山西所屬府州縣人民因歲荒聚食
流移各處特設撫民官招撫至是招回復業者共一萬一千五
百三十三戶。○直隸池州府屬縣河泊所原額魚戶二千一百
三戶元已者一千三百九十六戶其課金見在戶陪納至是知
府葉恩以馬言覆視得實。上令免絕戶課鈔四萬七千七十
三貫有奇魚油折黃麻三萬一千七百斤有奇翎毛一十三萬
七百九十根魚鯨六十八斤有奇。蜀府長史劉仲珩良醫正
鍾豫儀衛副曰禾五計不法事論俱斬。上曰王府官僚不思

匡輔王乃各爾造蒙其俱杖之敵乞請成遠東。○慶府枝尉二人欲發王府官私役軍人諸罪詭云赴京自劫下法司鞠之詞頗連王王亦奏二枝尉素無賴。上曰此輩技獮命編成遠東詞所連惡不問其私有役者令王自治之。○乙未陞行在武選司郎中李黃為行太僕寺少卿浙江按察司副使江鏡為廣東布政司右叅政江西按察司僉事汪泳為貴州布政司右叅議黃等俱以九載考最而缺泳又以大目會舉故有是命。○命遠東三萬衛土軍總旗馬哈喇為百戶小旗木力亦餘丁呼囉俱為所鎮撫先是土軍四十餘家叛入于虜遣人招之至是三人首孛家來歸故有是命。○鎮守延安綏德都指揮使王禎奏備邊官軍道已及原衛潛匿者六百九十餘人乞加究治行在兵部尚書王驥以為宜令所在按察司治罪如例立功贖一年。

復其職役 上曰此輩姦頑玩法罪誠難容今姑記之官換俱
任俸糧三月再犯充軍軍發極邊守瞭終身○四川松潘軍民
指揮使司經歷劉全言本司地臨極邊番人雜處叛服不常今
倉糧有備而兵器不足且番人強掠惟畏火器乞勅該部令布
政司修造送用市下行在工部覆奏請移文巡按御史及三司
方面官議其可否奉聞從之○行在工部奏今成造官殿兩各
處工匠恃頑逃避屢催不至旨有司怠慢之故請移文各處械
送問罪有司敢仍前怠慢者一體懲治不宥從之○丙申設福
建侯官縣竹崎福寧縣柘洋同安縣茅溪橋德化縣高鎮安仁
清流縣石磯頭南靖縣九龍嶺長泰縣朝天嶺龍溪縣海門社
漳浦縣盤陀嶺甌寧縣管頭街十一巡檢司革閩縣安仁寨古
田縣谷口二巡檢司○貴州都指揮使官聚發所討麓川而

受其不發者金法司當以徒罪

上曰聚方有所委任第徵其金以愧之○丁酉歲暮享

太廟○以明日止旦遣官祭

長陵

獻陵

景陵○遣太常寺官祭五祀之神○遣旗手衛官祭旗纛之神
○勅在京文武羣臣曰昨欽天監言正統六年正月朔日食凡
九十一秒故事食不一分者不救護朕惟事天之誠雖微必謹
敬天之變豈以微恙况茲歲始陽德方亨致災有由敢忘祇畏
是日在京文武羣臣悉免賀禮及期啟護如制○福餘衛指揮
僉事昭不忠遣指揮隔于台并奉寧衛都指揮納哈出建州衛
女直頭目阿都赤等俱奉朝貢馬賜宴并賜綵幣等物有差○

是冬湖廣衡州府寧遠衛郴州等六所大疫。○是歲天下戶口
戶九百六十八萬六千七百七口五千一百八十一萬一千七
百五十八田地四百三十二萬二千四百六十八頃一十七畝
田賦米麥二千七百七萬九千四百二十一石一斗納一十八
萬六千三百一十九匹絲一萬七千斤綿一十八萬四千九百
二十九斤布一十四萬三千九百七匹綿花一十八萬八千一
十四斤折色鈔七萬七千一百三十二錠有奇雜課鈔八百八
十四萬六千三百九十一錠有奇米麥八萬三百三十一石鐵
七萬四千五百八十三斤有奇布一千七百四匹鹽課鹽二百
四十六萬九百九十四引折色鈔一千九百一十一萬二百七
十三錠有奇米五十九萬二千七百石布七百八十六疋茶課
茶五十五萬三千七百五十一斤折色鈔一十八萬九千四百

七十四貫屯田子粒二百六十九萬三千七百七十六石有奇
採納銀五千五百五十兩有奇水銀九百四十四斤硃砂一百
六十二斤石綠二百五十五斤雄黃三十斤滑蓮北京償運過
報四百五十萬石各處運納糧七十二萬九千五百石減免天下
官田等項稅糧計米麥五十九萬六百九十二石有奇

大明英宗法天立道仁明誠敬昭文憲武至德廣孝睿皇帝實
錄卷之七十四

大明英宗睿皇帝實錄卷之七十四終

大明英宗睿皇帝實錄卷之七十五

正統六年春正月乙亥朔 上詣 奉先殿 太皇太后宮

皇太后宮行禮以是日日當食免文武羣臣朝賀筵宴 太皇

太后 皇太后免令婦朝賀○庚子行在禮部尚書胡濙奏今

年正月朔午刻日當食 皇上敬謹天戒預勅羣臣敬護至期

天氣清明太陽正中無纖毫之虧此益 皇上至仁大德上格

于天是以當食不食禮宜慶賀 上曰 上天垂眷君臣當益

加敬慎不可怠忽慶賀禮免行○朵顏衛指揮兀者免奏寧衛

指揮伯顏帖木兒千戶把連免兒等俱未朝貢馬賜宴并賜絲

弊等物有差○辛丑 宣宗皇帝忌辰遣官祭 景陵○行在

禮部尚書胡濙等奏湖廣靖州衛并思州守禦千戶所歡毛宣

撫司等衙門正旦等節進賀表文俱有水跡宜罪其不敬 上

命宥之。○壬寅，秦府保安懷僖王妃陳氏薨，地致仕千戶壘之。
孫士永樂元年，兩封王是薨，計開。上遣中官致祭，命有司治
喪葬。○癸卯，立春順天府官進春。上御正朝，受之文武羣臣。
行慶賀禮，賜宴。○書復慶王秩，瑤曰：杖封孫，播兒千戶湯盤，姪
童兒赴京告府中事，及指揮倪淵等隱占軍人，即下二人法司。
鞫問，備知其詐，已命依律決杖，械發遼東。遼衛充軍，取其妻子。
隨位淵等隱占中人，聽叔祖自審實，發遼，惟叔祖亮之。○乙巳，
東寧衛指揮蒼當哥等自在州指揮，弄曠等幹朵倫衛，女直指
揮滿哥安樂州，送官千戶哈木俱來朝貢馬及方物，賜宴，并賜
鈔錢段表裏，納布有差。○勅諭建州衛都指揮季滿，位曰：近聞
必先開原逃叛土軍馬哈刺等四十六家，能悔過遷善，願回原
衛住坐，內舍人古魯，各餘丁卜勒哥二家，馬爾，向留不放，勅至。

所發遣回銜庶見兩款順朝廷之意。丙午孟春享太廟。遣中官祭司戶之神。以三錢。土木遣官祀司工之神。夜有流星大如雞彈。色青白。有光起張宿西南行。至逆濁。丁未。以大祀。天地。上御正朝。誓戒文武百官。致齋三日。○甘肅總兵官定西伯將貴陝西行都司都指揮使任啟等奏莊浪銜苦水灣驛去歲十月三十日地震。十一月二十二日夜地震。有聲。牆壁草棚多傾覆者二十四日。夜天鼓鳴。二十五日地震。如初。上曰。此上天垂戒。朕當警省。待大祀後。祈告上下神祇。仍勅總兵鎮守官同陝西三司行都司。巡按御史嚴飭所屬軍衛有司。用心整理。邊備。撫恤軍民。凡有一應機務及軍民利病。卽其實來聞。不許坐視。怠慢違者。必罪不宥。○庚戌大祀。天地于南郊。上還謁太皇太后。皇太后畢出御。止朝文。

武百官行慶成禮。福建按察使郭智丁母憂服闋復除廣東按察使。辛亥以人祀慶成。上御奉天門大宴文武羣臣。及四夷朝使糾儀官監察御史劉克彥陳永直行王路監察御史官受勅其不歌。上曰克彥等自不能止何以糾人姑怒之再犯不宥。復除監察御史史鑑於行在福建道。以丁憂服闋故也。壬子命行在都察院右僉都御史王翱鎮守陝西盧壽春贊寧夏軍務時右副都御史陳鑑在陝西右僉都御史全瀛在寧夏數年不更會數官王宣言故命翱春與鑑瀛歲一更代以均勞遠。行在工部奉代世孫仕壘以樂器燬壞無以供祀事請令山西布政司修其壞者南京工部補造其不足之數。上從之。設四川會川衛七條溝堡建昌衛分水嶺堡從指揮僉事徵忠等奏請也。廣西總兵官吳達侯柳溥遠法被彈。上

封其章以示溥而宥其罪仍命有司追溥所受銀器及家人私
販鹽價溥祈免乃貸之○改廣西河池守禦千戶所倉隸思恩
縣○惠安伯張昇卒昇河南永城縣人 太皇太后弟也洪武
間以功累官至羽林衛指揮僉事 宣宗為皇太孫時命昇隨
侍輔導小心恭謹 仁宗即位陞後軍都督府都督同知尋陞
左府左都督宣德十年 太皇太后詔不許昇預議國事大學
士楊士可等言請昇議事誠出公論不用過慮卒不允正統五
年加封奉天羽衛推誠宣力武臣特進榮祿大夫柱國惠安伯
食祿○ 石子孫世襲至是卒訃聞 上輟視朝一日遣
官諭祭安葬昇存心公正循禮守法卒之日 遺囑子孫戒勉
諄切士林稱道之孫琮嗣 夜月祀軒轅大星乞苦和接 都
督同知任甫卒甫鳳陽人父貴為北平都司都指揮僉事甫為

大興左衛指揮僉事從 太宗清難戰白溝河歷陞都指揮僉
事永樂初陞浙江都指揮同知洪熙初陞左府都督同知改右
府宣德二年出掌四川都司事阿昔祈命等叛賴甫安輯馬
癸丑上元節賜文武百官宴并假十日召都督僉事劉聚選
京 行在戶部主事邵未學奏國初積粟備荒不為不多今未
百年而空虛者十常八九蓋緣出納之際委之於民是以侵欺
者多至勤 聖慮遣臣等修舉令所積者動以萬計若不禁防
功恐後踵前跡近時雖有州縣官監支然更代無常首尾不清
設有侵欺罪將安歸請專委一官不妨本職兼督守倉大戶謹
其出納遇有他故申達上司別委官代之務令授受明白則事
有統紀而姦弊息矣從之 增置南京并在外各衛知事各一
員從巡按山東監察御史何永芳奏請也 甲寅命戶部陝西

司署員外郎事主事張讓實授員外郎仍支正五品俸以任滿
九載故也 命廣東潮州府知府王源復任源以三載赴部考
績屬縣民間其欲告致仕相率詣闕奏其興學頌盜乞留之故
命復任 行在刑部右侍郎何文淵言唐虞之時有苗弗率帝
舜命禹徂征三旬苗民逆命帝乃誕敷文德舞干羽于兩階七
旬有苗格然彼不臣服於大禹徂征之時而未格于帝德誕敷
之日此其慕義之心終不可得而泯滅也今麓川叛寇思任發
逞兇造禍反道敗德廷臣合辭請兵征討臣竊以爲麓川之在
南隴一彈丸之地而已疆里不過數百人民不滿萬餘以大軍
臨之曰往無不克然得其地不可居得其民不可使何若寬其
斧鉞之誅興我羽旄之舞命雲南總兵官都督沐昂量調官軍
回會都御史丁瑄於全商操備且耕且守仍令雲南都布按三

司各委堂上官一員躬詣彼處宣揚聖化使之感虞舜之敦德
同有苗之格心計不勞征伐而稽首來王矣如是而更冥頑弗
率然後命昂等調發官軍相機勦絕豈徒王法之所不容而亦
神人之所共怒也事下行在兵部尚書兼大理寺卿王驥等會
同公侯伯都督尚書侍郎都御史等官太師英國公張輔等議
文淵所言與今日事勢似有不同蓋唐虞之時去古未遠其地
不過九州要荒之外止於羈縻而已然苗民來格猶不免有三
危之竄今我國家混一四海華夏蠻貊罔不率俾思任發自父
祖以來荷國厚恩授職宣慰殆今六十餘年乃敢糾集醜類屢
抗王師雖蒙貸罪馳恩彼却怙終稔惡擇此不誅誠恐木石車
里八百緬甸等處覘視窺覷不惟示弱外邦抑且貽患邊境乞
於先選定西伯蔣貴都督李安并今選都督劉聚都指揮宮聚

丹保內命三員為總兵官及左右副將其副將二員分統南京湖廣貴州四川等處官軍土軍人等教習訓練仍命戶部左侍郎徐晞往未巡督兵行之日與先差僉都御史丁璿協同饋餉然猶先遣彼處通曉夷語頭目人等諭以禍福曉以順逆賊若革心或詣軍門輸款或遣子姪來貢復還所掠取自上裁如其不然會合各處軍馬也聚金齒先期遣人齎勅諭木邦車里八百緬甸大候等處起集夷兵或分道或併力或左右夾攻或內外相應剋期並進直搗賊巢擒其渠魁獻俘闕下誅其黨魁象首葉街以震天威以靖邊境庶洩神人之怒快遠邇之心此實臣等區區之至願也 上從其議○乙卯 太皇太后勅諭行在禮部尚書胡濙等曰 皇帝婚期伊迺皇后之位必在得賢蓋以上配 宗嚴敬奉 宗廟表正六宮母儀天下而隆國

家萬世之本也爾禮部其務諭北京五隸南京鳳陽淮安徐州河南山東山西陝西於大小官員民庶有德之家用誠簡求務擇其父母克修仁義家法齊肅女子年十三至十五容貌端潔性資純美言動恭和咸中禮度者有司以禮令其父母親送赴京吾將親閱焉 以陝西莊浪衛苦水灣驛地震 上祭告

天地 宗廟遣行在禮部右侍郎王士嘉齋香帛祭告西嶽華山西鎮吳山之神 命遣中官儀仗輦轎一副紅杖二清道旗二黃麾二絳引幡六傳教幡四告止幡四信幡四龍刻竿十儀鎧斃十戈斃十戟斃十吾杖六立瓜六卧瓜六儀刀六班劔六鎧杖六金鉞六骨朵六響節十二羽葆幢四紫方纛二紅方纛二黃銷繖一黃繡曲柄繖二紅繡繖一紅素圓繖一紅繡雉方扇六紅繡花圓扇六青繡方扇四紅羅素圓扇六黃羅素圓扇

六拂子二紅紗燈籠二紅油紙燈籠一魷燈一金交椅一金脚踏一金水盆一金水罐一金香爐一金香盒一金唾壺一金唾盂一行障二坐障一輅一安車一四川長河西魚通寧遠軍民宣慰使司本卜魯奈國等寺刺麻僧宜言千陝西洮州衛管下著落簇永福寺蓄僧攝刺藏卜等來朝貢馬及方物賜絲帶等物有差 命定西伯蔣貴佩平蠻將軍印充總兵官都督同知李安充左副總兵都督僉事劉聚充右副總兵都指揮使官聚充左叅將都指揮僉事丹保充右叅將行在兵部尚書兼大理寺卿王驥總督軍務統率大軍征討麓川叛寇思任發蔣貴王驥先往雲南會計軍餉相度方略李安官聚統領四川貴州官軍劉聚丹保統領南京湖廣并安慶等衛官軍以俟調用仍各以制勅授之 兩浙巡鹽御史張淑等奏臣先奉勅凡煎鹽

徒究問如律回禁具奏定奪令臣前後所問多者不過萬斤少者或止百斤若一槩俟請發落不免淹禁艱難臣愚以為果係權豪勢要之人聚船成艘列兵拒捕其鹽多至二千斤以上者如所奉勅餘依律取問照例發落為使從之仍命各處巡鹽官皆如淑奏施行 行在光祿寺大官若著丞張冕奏本寺卿奈亨指以供祀郊壇為由掩取猪鷄肉及麵食以為私用 上命亨具實以聞亨惶愧服罪 上曰爾為堂上官乃貪饕若此論法本難容既服罪姑宥之 神武中衛小旗高益素恃健訟詐人財物姦占指揮十戶等妻妹為妾至是誣本衛指揮韓英等誅為不軌下錦衣衛又誣指揮劉源通已虛招所告英等微密重事赴登聞鼓訴之百官廷議以益罪當流聽贖但其狂妄怙終若照常例恐姦人得計請別處分 上怒命斬於市籍其家

○丙辰行在兵部尚書兼大理寺卿王驥奏陳征勦麓川事宜
一選得曾歷戰陣可使領兵都指揮董斌馬讓王喜指揮魯全
等十一人十百戶旗軍九人一訪得勦衛陳儀出自將門頗有
才略如分道進兵可使叅贊副將軍務一雲南官庫見貯銀兩
令充賞有功官軍今彼處土官衙門數多凡遇調遣土軍土人
及備運借辦糧儲其所隸頭目必須量加賞勞乞令行在戶部
計議先遣官運送絲段五百表裏布絹各五百匹以備邊用一
雲南貴州湖廣四川所屬衛所官多老弱聞葺及不諳武略在
任不能理事臨陣豈望成功欲會同五府并各營把總官於見
操多餘官內推選年力精壯才識頗優指揮千百戶三百員隨
去如遇彼處各衛所官不堪任事征差者改調騰裝衛所帶俸
左操就將過去官補缺任用俟賊滅之日通行具奏庶幾邊衛

得人糧賞不為徒費一雲南貴州四川都司屬衛軍職土官及
湖廣邊衛今征調軍職土官如有老疾亡故子姪應襲替及該
比試官貧乏不能赴京者乞照監督甘肅軍務勅諭內事理許
臣召官舍保勘明白就准槃比領軍征哨其有無賴官旗為軍
民之害并城池屯堡驛站等項不便軍民事務許臣從長計議
便宜處置仍具實奏聞庶號令可行賞罰不僭將士奮勇滅賊
有期而臣亦罄竭駑鈍選朝有日矣 上覽奏命多餘官止選
一百五十人布絹各加五百匹餘悉從所議○先行在金吾左
等十一衛直隸真定淮安等二十六衛被災屯田米二萬五百
餘石車四千八百餘束○丁巳守備寧夏中衛都指揮劉源坐
濫取財物罪贖選職○廣西鬱林州北流縣言洪武末設容山
關其後水塞關廢至今四十餘年關夫三十九人絕無所事宜

裁革為便從之。惜薪司外廠監工大者鄧昭用健廠夫三五
質反賢自經死刑部坐昭用當贖杖。上命禁錮之。○戊午今
行在金吾右等衛帶俸都指揮同知方瑛王斌都指揮僉事徐
定署都指揮僉事李信黃讓從拉麓川以瑛等先嘗征討故也
○陞建州左衛指揮使董山為都督僉事董山故都督拉哥帖
木兒子初嗣其父為指揮使王是其屬塔察兒等來朝為董山
乞恩故有是命。○行在翰林院侍講劉球言帝王之奴夷狄必
寬宥於其小而謹防於其大所以適緩急之宜為天下久安計
也故周伐崇不克即退修德教以待其降至於獫狁則今兩仲
城朔方以備之漢征南越不利即為罷兵賜書以通好至於句
奴雖已和親猶募民徙居塞下入粟實邊復令魏高守雲中以
拒之以成周西漢之力破滅崇越易如振槁皆釋不誅惟汲汲

撥執匈奴之備何也蓋不窮兵於小敵以傷生靈惟防患於大
寇以安中國也今麓川殘寇思任發本依山負谷竊廣納貢之
夷逆將失馭致動大兵雖未殲厥渠魁亦多殺其羣醜 皇上
念此小夷僻居南徼滅之不為武釋之不為恤特降璽書原其
罪惡使得自新是即周漢修教賜書之意也奈何邊將不能宣
達 聖意役議大舉欲已十二萬兵於雲南以急其降不降則
攻之而不慮王師不可輕出夷性不可馴馴地險不可用衆宋
兵不可久淹是皆兵法所忌也况江南近年水旱相仍軍民俱
困若復動衆恐至紛檢目竊以爲終宜緩謀如周漢之於紫越
也至如北虜猶言撥執匈奴世爲邊患今雖少抑然部曲尚墜
戎馬尚衆未可保其終不寇邊苟安思危此維其時迺欲移甘
肅守將以事南征恐沿邊將士意謂朝廷必以此虜爲不足慮

遂生怠心弛其邊防卒然有警恐致失錯且竊以爲宜防其患如周漢之於獫狁匈奴也伏望 皇上罷大舉之議惟令大目推選智謀之將輔以才識大目仍舉內外文武之目無分見任諫降但有才幹者十數人隨往雲南量調見操官軍分屯於金齒等處要害之地如趙充國屯田湟中以降叛羌故事且耕且練廣其儲蓄習其水土固結木邦諸夷以爲我援一則東問覲寇虛實不時進攻一則因便諭以禍福撫其向化明加賞罰責以成功如此將不煩大兵而寇自可服至於西北邊境及今無事宜勅諸將及叅贊文臣巡視塞垣當築者築之溝澗當濬者濬之城堡烽燧當增修者增修之仍勤訓練廣儲蓄利器械嚴守邊圉備邊之事急令修舉以防不虞是誠國家萬萬年太平之計也幸下行在兵部覆奏以爲麓川之征已有成命難允

所言其言西北邊境所宜慎固封守防患未然實國家要務乞
勅鎮守大同宣府遼東寧夏甘肅等處總兵等官各將所部軍
馬整樹訓練毋致怠忽失誤事機 上從之○己未陞史部考
功司主事夏瑜為員外評文止五品俸以任滿九載故也○庚
申命哥吉河衛指揮同知可成哥孫末希納襲職泰寧衛都督
阮大赤子討勤襲為都指揮使授都督拙赤第失南帖木兒為
止千戶俱賜勅諭○命直隸蘇州府知府阮鍾復任陞止三品
俸鍾九載任滿當遷者老軍民二萬餘人赴巡按御史張文呂
處陳其能抑強扶弱乞留復任文呂以聞故有是命○山東青
州府安東倉火○辛酉命南京守備皇城侯李賢等給征勦麓
川官軍八千員名鎧甲兵器○塔麻達衛指揮使土利兀者衛
女直舍人木奴考郎兀衛指揮古郎加達東自在州千戶別里

哥安樂州所鎮撫赴京奴等俱來朝貢馬及方物賜宴并賜綵帶等物有差○壬戌哥吉河衛野人女五木帶納朶倫衛女直滿哥自在州指揮兀丁哥陝西岷州衛番僧綱司廣福寺刺麻鎖南差即等俱來朝貢馬賜綵段表裏有差○梁王瞻堉薨王仁宗昭皇帝第九子母貴妃郭氏永樂九年生二十二年冊封王是堯年三十訃聞上親視朝三日遣官致祭王資度英佛好學不倦謚曰莊命有司治喪葬○命直隸真定府灤城縣知縣傅善管馬主簿雷震復任俱陞俸一級善震俱以九年任滿屬民告留故復之○癸亥調守備赤城都指揮僉事趙玠往獨石守備從右叅將都督僉事楊洪奏也○誦守備滑石澗堡署都指揮僉事李庸甘肅充軍庸多縱卒圖利恣部伍妻為協同守備偏頭關都指揮馬貴所奏故也○巡按福建監察御史

嚴敬等奏：「海等衛補造海船，有詔刻期，今或過期未完，或尚未採木，請罪其千百戶慢事者，都指揮同知孫安都指揮僉事劉海、鄧安、賈忠亦當治罪。」上曰：「都指揮及已興功者姑宥之，未興工者，任俸三月，俱責取罪狀，再限半年不完，必罪不宥。」

甲子，命造中宮朝參樂器：衣袍、大鼓、杖鼓、方響、二十弦琵琶、箏、頭管、笛、紫竹笙、紫竹簫、戲竹花、梨木串版、紅羅、銷金、寶相花、圓領夾襖、夾裙、抹額、紅羅、絳鼓衣、青綠羅衫、畫直纏雲肩、描金牡丹花、黑漆唐巾、抹金釵、花銅帶、皂靴等物。○命晉府慶成王美靖第三子鍾鐔為鎮國將軍，給賜誥命冠服。○瓦剌使臣卯失剌、郁魯忽等陞辭。上致書其可汗曰：「自古聖明之君，皆以天下為一家，一視同仁，無有彼此。我祖宗體天行道法古聖人，以為治是以海內海外無間，遐邇同歸，心朕嗣承。祖宗

大位主宰北姓惟奉 天之道體 祖宗之心以安養土民故
臨御以來海宇清晏民生樂業可汗聰明仁智在我 先朝遣
使往來和好如同一家迨于近年和好愈厚今復遣知院卯失
剌哈納你牙等遠致良馬覓書詞具見可汗誠意朕深嘉悅茲
因使回仍遣正使都指揮廉能陳友副使都指揮王政指揮李
全等齎書幣以復惟可汗聖衷至誠益順 天心永相和好始
終一致則 上天悅鑒錫福於無窮而令名亦永世不磨矣可
汗其亮之賜可汗五色絲段并紵絲蟒龍丘領裕襪曳撒比甲
貼裏一套紅扮皮圍金雲肩膝襪通袖衣一皂鹿皮藍條銅線
靴一雙硃紅獸面五山屏風坐床一錦褥九各樣花枕九篋字
孝經一本銷金涼織一油絹雨織一瑩篋火撥思二弦一副并
賜其妃胭脂絨絨絲線等物其丞相平章都督知院內使俱賜

有差又書與其太師淮王也先曰太師繼承祖父爵位恭事朝廷遣太尉平章幹列苦圖公知院察占等來朝繼修前人和好朕覽奏詞并聞都指揮陳友等言太師之誠心深用嘉悅茲因使回遣陳友等齎勅諭禮物回賜惟善人能敬順 天道惟

上天必祐善人太師其益順 天心永相和好宜爾子孫部屬永享太平太師其體朕至懷賜也先蟒龍段一麒麟等獸段四五色段五十絲絢一百二十妃三人絲段并紵絲衣一套雲肩通袖膝襖衣一套并鞋靴盛甲弓刀臂手馬鞍涼織琵琶等物 哈密使臣打刺罕哈斤等陞辭命齎勅并絲幣賜忠順王倒瓦答失里勅曰先差故都督僉事木納次男副千戶撒滿赤來朝并奏撒滿赤發覺皮剌納謀叛之事朕嘉其為爾盡忠准襲父職厚加賞賚遣回及王差千戶早丁朝貢到京又得王母與

哈只書云撒滿赤與皮剌納有同謀殺害之情乞朝廷不必放
回庶免後患已准所言遣人驛召至京就留居住特諭王知之
○賜赤斤蒙古衛指揮切領哥泰等衛都指揮隔干帖木兒都
指揮僉事火兒赤台都指揮哈散男款赤不花頭日安察朵顏
衛都指揮使完者帖木兒指揮僉事苦列兒都指揮同知朵羅
干頭日都連帖木兒乃兒不花福餘衛都指揮同知倒斤指揮
僉事帖木兒阿兀歹頭日伯台絳幣表裏有差并賜勅諭之○
省大同內地守墩官軍行糧先是守墩者不分內外遠通悉給
行糧至是從僉都御史羅亨信等議其境外衝要及離城百里
之上者給行糧其內地不及百里者省之歲省米四千三百石
有奇○陝西左布政使郭堅言大明律載府州縣官有犯所轄
上司不得擅自勾問止許開具所犯奏聞其倉場庫局陰陽醫

學問壩驛遞等衙門官犯罪俱不該載所以各處此等有犯問
有徑行勾問又有具奏提問所行不一請勅法司議事下行在
刑部尚書魏源會都御史陳智等議以為宜從布政司問刑科
給事中康莊言律載在外五品以上官有犯奏聞請旨六品以
下聽分巡御史按察司并分司取問臣竊以為倉場庫局律雖
不載其曰六品以下聽御史按察司分司取問則是此等官員
亦載其中而布政司不得擅問明矣蓋布政司所管者戶口錢
糧軍需差役等項而倉庫等衙門實為所屬事體相關或一時
幹辦不及或有時逢迎失意必有多被取問若御史按察司分
司可得徑問布政司亦可得徑問則此等官員將不勝其去故
迎新而見任者亦無以自立矣他日又豈無奏巡檢司與學官
律不該載者亦乞照此例者乎 上從莊議○直隸廣德州建

平縣湖廣衡州辰州長沙府衛及沅州衛郴州四川重慶府各
奏去年自六月至八月不雨田禾枯槁上命遣官覆視以聞
○宥中軍都督同知王貴罪先是貴守肅州納軍餘畜彘男婦
四十八人為奴及為僉都御史曹翼所奏被逮赴京發遣其奴
各著役貴既蒙宥留理府事乃移文拘其奴隨任奴懼詣巡按
御史訐貴與子漸違法事翼具以聞給事中御史亦交疏劾貴
上特宥之○乙丑上御奉天門諭右都御史陳智等曰朝
廷命將出師伐叛討罪紀律嚴明愛恤軍士責在帥領遵守號
令勇敢立功効歸士卒帥領世享官祿軍士歲支衣糧若過征
調全給俸糧又有盤纏口糧恩養如此不過為除害反今命總兵
官定西伯蔣貴等統兵前往雲南征勦蠻寇以御史二員巡視操
練緣途禁約為帥領者若不守法度虐軍縱暴送總兵官處區

處為士卒者若不遵號令侵擾百姓輕則同管軍官量責重則
加釘送總兵官處斬首號令若御史知而不舉事發一體治罪
爾都察院宜以朕意榜諭官軍經過去處咸使遵守○少保兼
工部尚書吳中疾 上命醫往療之○丙寅書役松滋王貴姪
曰得奏言使女二人逃走及言比先容留在府使用之過今悉
不問但子女被人誘引入府又踰牆而出及所與同逃者皆非
良善府中不可再用已令戶部行荊州衛發與親屬收領自今
宜守禮法跡絕邪佞存恤下人庶幾以全令德○巡按浙江監
察御史李奎言近日新例旗軍舍餘人民有犯無力納米者俱
送總兵官處立功哨備例後者固所當遵而例前者尚未定奪
請不分前後俱照新例為便從之○丁卯擢江西饒州府推官
艾茂為行在山西道監察御史茂先以會舉理刑至是考稱故

擢之○革貴州銅仁府滑石江巡檢司○河南開封府民祝儉
等三人汝寧府民劉義等五人山西太原府民楊璟等十八人
各出穀千石有奇賑濟賜勅獎諭并復其家

大明英宗法天立道仁明誠敬昭文憲武至德廣孝睿皇帝實
錄卷之七十五

大明英宗睿皇帝實錄卷之七十五

大明英宗睿皇帝實錄卷之七十六

正統六年二月戊辰朔命陝西按察司副使陳斌協贊延安綏德軍務先是鎮守陝西右副都御史陳鑑奏延安等處先有按察副使周蕙兼理邊務官軍畏法莫敢輕犯近者蕙緣事去官止存都指揮王禎在彼督守事多專制人情稔熟以致指揮鄭宣等大肆貪婪酷暴乞仍推選副使或僉事一員往與禎相兼莅事 上命行在兵部推選至是兵部以斌名聞故有是命 巡按山西監察御史曹泰奏臣聞之書曰凡厥正人既富方穀夫衣食缺於家雖嚴父慈母不能制其子凍餒切於身雖巢由夷齊不能固其節今在外諸司文臣去家遠任妻子隨行然祿厚者月給米不過三石祿薄者一石二石而已其所折鈔急不得濟九載之間仰事俯育之具道路往來之費視故問道之需

滿罷閒居之用其祿不贍則不免移其所守此其所以陷於罪者多也乞勅廷臣會議量為增益俾足養廉其仍貪污冒法者寘之重典則貪風息矣 上命行在戶部詳議以聞尚書劉中敷等言官自俸祿已有定制難以增益從之 直隸滁州衛奏比因歲歉軍士缺食者九百四十五家請發公廩賑濟俟秋成償官從之 己巳雲南定遠縣黑鹽井巡檢司土官巡檢樊真湖廣客美宣撫司土官舍人黃瑛貴州鎮寧州十二營長官司土官舍人阿烏陝西階州孔提峪阿木等簇土番頭目巴肖等甘州住坐回回火者倒兀等俱來朝賜鈔緡有差 庚午 皇太后聖節 上率親王上壽免命婦朝賀賜文武百官宴 命故虎賁右衛指揮使李宜童子咬兒金吾右衛指揮同知楊林忽兒子洪集職長陵衛指揮僉事姚忠老疾命其姪聚代之

命故貴州都指揮僉事顧男子能為指揮同知勇鎮遠候成之
子初以舍人授流官指揮同知既而陞都指揮僉事比領兵征
麓川斬獲賊首十餘級進攻刀招漢寨與賊戰死之至是能請
襲父原職行在兵部以勇原係流官例不承襲 上曰勇有軍
功且死於王事不准其子承襲何以示勸其令襲之 陞湖廣
按察司僉事楊紹為陝西布政司叅議陝西僉事王增佑監察
御史劉智俱為按察司副使增佑廣東智貴州監察御史申春
給事中李昇俱為知府從行在吏部會官舉之也 辛未復除
監察御史張斌於浙江道斌先以冗員待次于家至是召用故
有是命 壬申遼東兀者衛女直都指揮莽剌老哈河衛野人
女直阿冲加木蘭河衛女直得申哥等俱未朝貢焉及方物賜
宴并賜絲幣等物有差 陞山丹衛指揮使鄭鉉為陝西行都

司都指揮僉事提督涼州操備時總兵官定西伯蔣貴以都指
揮包勝年老薦鉉廉能勇畧宜加委任故有是命 裁省河南
布政司并懷慶衛裨彰德河南府撫民官 裁省行在光祿寺
珍羞大官良醢掌醢四署署正四員署丞五員監事七員先是
本寺卿奈亨以供應事繁奏增各官至是亨又奏事簡官多故
有是命 癸酉交城王美烷奏舊患頭風瘡疾及宮眷感患乞
醫調治 上命平陽府遣醫療視之 韓朵倫衛指揮滿哥等
辭歸令齋勅及絳幣賜其衛指揮脫亦脫 甲戌以征麓川叛
寇思任發遣祭告 天地 宗廟 社稷山川仍命行在兵部
尚書王驥祭告雲南境內山川之神 勅戶部左侍郎徐晞曰
茲命總兵官定西伯蔣貴總督軍務兵部尚書王驥等征麓
川叛寇已令總兵官都督同知沐昂鎮守地方兼督糧餉特命

爾於南京湖廣四川貴州直抵雲南大軍經歷之地緣途整備
芻糧以備支用進兵之日仍與僉都御史丁璠分督轉運朕以
爾廉能勤慎故茲委任爾其夙夜盡心從長區畫務在人不知
勞而糧餉給足欽哉 陝西涇州道正司奏本司在王母宮其
殿閣廊宇舊嘗蒙恩繕理今復傾頽乞仍命有司修繕 上曰
陝西兵民艱難已甚豈可作無益之勞其自葺之 行在錦衣
衛奏山東都指揮僉事張安奉詔征麓川避難辭以疾兵部尚
書王驥等執允之俱宜宥治 上命宥驥禁錮安 初京師多
盜法司集議奏請腹裏衛所旗軍餘丁力士犯搶奪偷盜掏摸
盜官畜產律該徒流絞罪者俱杖一百南人發廣西北人發遼
東邊衛充軍原係邊衛逃來為盜者俱照年限守墩哨瞭三犯
竊盜免死充軍逃回者照前地方發極邊衛所常川守瞭從之

出榜曉諭至是大理寺右寺正李從智言榜文禁約止於在京未嘗通行天下又無不分榜例前後一體發遣之語今法司問遣例後者亦如例前在外者不殊在內有未朝廷仁政之施上以其疏示法司刑部給事中廖莊言從智所言固善不知盜律本以得財多寡所犯再三重罪之輕重今若一槩發遣違衛不但有乖革心改過之化且行之既久衛所見在軍士數少差操不無重役使不得休息盜賊不免愈生臣愚以為乞罷此例有如屢犯不悛法司具奏取裁奏入上從命法司酌量通宜以聞尚書魏源都御史陳智等言宣德間旗軍人等犯盜調發邊衛遵行十餘年盜息民安近因請旨裁革不逾一年致盜蜂起從智所言固難准而莊之論亦違律條所載盜賊編發充軍事意宜仍依法司集議所定行之為便上曰然乙亥命

行在兵部左侍郎鄭辰仍理部事先是 上命辰同右通政呂
爰正清理武臣貼黃至是尚書王驥任雲南總督軍務故命辰
遷新 廣西思恩府土官弟岑端遠東阿者逆河衛野人女直
者的克等未朝貢馬賜絛帶等物有差 陞鎮守延安綏德等
處都指揮使王楨為右軍都督僉事以黑木溝獲虜功也 陞
兀者衛指揮僉事忙懼台為指揮同知命故指揮使別里該子
兀里哈指揮僉事咬納子海散塔麻達衛指揮僉事忽失八子
失即哈俱襲職 命湖廣郴州永興等五縣戶口食鹽俱於廣
東短峒等場鹽課司闕支 夜月犯井宿 丁丑擇奠先師孔
子命少保禮部尚書兼武英殿大學士楊濟行禮 浚京城西
南河 戊寅祭 太社 太稷 遣順天府官祭先農之神
命行在戶科給事中党恭掌本科事 命以布絹折大同官軍

兩月俸糧先是行在戶部嘗有是請 上慮邊士之食未從至
是人多言便速從之 給雲南木邦緬甸車里八百大甸威速
大候施甸各長官司信符金牌各一命其合兵勦麓川叛寇思
任發也 行在福建道監察御史鄭顛奏諸處上納行在光祿
寺米粟穀糠諸物其該收官員不恤民難往往轉運到寺方行
視驗稍不可意悉令退去甚者往返數次其上納者皆速鄉溥
民覓人肩負為費已多次出入內府尤所不便請今後上納者
到部即令呈樣戶部辨驗堪中包封送寺如樣收受果有濕碎
止於本寺箬榜曬曝則民免往返之費又言光祿寺月市品果
鮮魚令市民定直官償以鈔然民務愈得多倍其直頗傷公帑
今後須令府縣委官同原委監察御史及本寺官面集市民視
時物貴賤償之則公私兩不相傷從之 行在錦衣衛帶俸都

指揮僉事陳友等言遼東東寧衛及安樂自在二州寄住遼官人等累年進貢不限時月多帶家人貪圖賞賜所過勞擾軍民妨廢農務乞勅遼東鎮守總兵等官諭令今後皆候農隙之時進貢毋容多帶家人仍踵前弊從之○己卯永順伯薛綬嫡母太夫人李氏卒今賜葬祭○行在禮部祠祭司郎中黃養正自陳以官生入翰林習字屢寫實錄進至今官己食從三品休乞賜服用預宴與三品官同 上不允○行在禮部言廣東都司南海衛等衛門指揮僉事等官曹忠等送占城國進貢象犀赴京一年死於道當治忠等不謹之罪 上特宥之○遼東建州左衛女直指揮易使加等嘔罕河衛女直指揮帖木兒哈考郎兀衛女直指揮古郎加等受河衛野人女直阿塔出雲南明寧府土官知府猛蓋達犯事馬埒四川建昌衛昌州長官司土官

長官盧聚遣祀事河直俱未朝貢馬及方物賜宴并賜誅幣等物有差。賜征麓川將士鈔都指揮各一千貫指揮千戶衛鎮撫百戶所鎮撫旗軍人等邊城一百貫俱於南京庫給之。右軍都督府都督僉事羅文幸輟視朝一日。命有司治葬遣官賜祭。命陝西鞏昌府知府韓福赴任。陞從三品休福。九年任滿行在吏部考最當陞巡按御史及鞏昌衛官俱上章言民懷其惠乞保留之。故有是命。直隸保定府蕭縣舖兵翟五兒。辛酉幼受場毀棄所運公文法司論贖徒。上曰彼童稚敢爾。壯當何如其發。附近衛分充軍。庚辰遣官祭宋丞相文天祥。命直隸保定府安州高陽縣知縣王弼復任。陞從六品休弼。九年任滿。縣民言其能與廩補。赦乞留之。行在刑部右侍郎何文淵。巡按監察御史李匡以聞。故有是命。命發四川丁壯將運蘆

州官倉未赴重南曲靖軍民府供給軍餉 巡撫河南山西行
在兵部左侍郎于謙奏竊謂立法非難守法為難伏觀洪武間
預備之法區處詳盡非徒欲為萬民之利而實欲為萬世之利
厥後因循日久遂至廢弛茲蒙 皇上渙布德音興舉舊制臣
奉命總督河南山西二處預備糧儲今在倉各以數百萬計第
恐有司不謹復如前日他處事體臣未經歷不敢妄言其河南
山西臣欲於每歲三月初令州縣記其缺食之家申達布按二
司斟酌得宜方令支給其所給者大口月三斗小口半之至五
月蠶麥既收隨即任支仍將所給之數申報上司及戶部俟秋
成抵斗備官歲終仍報所償之數果有貧乏及篤廢老疾不能
償者官為設法補完毋損原數其放支之序先菽次芻秣次黍
麥次米稻後无有倫毋致紅腐州縣官有能設法經營使新陳

相易不致汜壞者聽當滿而預備糧儲未完者不得離任仍令
風憲官稽考伺察如此則出納以時而所貯不腐防閑嚴密而
姦弊不生矣從之 山東昌邑縣民王坦言漕河時時水淺舟
行不便漕卒至終年不得少休往者江南嘗海運自蘇州太倉
轉輸山東膠州膠州有河故道可浚之轉運至掖縣再浮海至
直沽可避東北海險數十里較之漕河似為便近章下行在工
部言漕運已有成規事遂寢 辛巳魯府鄒平王妃項氏薨妃
肥城守禦十戶所百戶通之女正統二年冊封至是薨訃聞
上遣中官致發命有司營葬 行在禮部言錦衣衛寄住達官
指揮同知劉員等九人濟州衛致仕指揮使李林行在旗手衛
指揮僉事凌鐫前後卒請如例賜祭從之 禮部辦事官王文
等奏臣等俱雲南土人切見麓川寇叛道路險隘稅運艱苦米

一石易銀四兩其姚安等府司州縣土官蓄積甚豐請令各官人輸軍餉一萬事畢償之又言叛寇負固當以計破竊意木邦緬甸孟良威遠等處夷人與麓川接境不無瘴癘熱道路請遣官同臣等發二十萬人令自備象馬米芻與大軍刻日夾兵分投從間道先進大軍從金齒騰衝潞江景東諸道繼進擣其巢穴則叛寇腹背受敵必成擒矣直隸高郵州知州韓簡言州官河西接新開湖東通興化縣舊設上下二閘以時啓閉舟行甚便今閘壞河不通且子嬰溝塞溝旁田皆荒蕪又減水陰洞常閉塞其岸東田旱澇輒不收請俱浚治之事下行在工部請令揚州府覈實興復毋輕擾民從之夜月犯上將星壬午葛林衛女直指揮得英哥實山衛野人女直兀察野木河衛女直指揮塔麻赤等四川雜谷安撫司土官舍人定日思伽遣番

僧刺麻偏出并招致角木脚等四塞生番刺麻八當僧結等未
朝貢馬賜宴并賜絲帶等物有差 命雲南總兵官都督同知
沐昂都察院右僉都御史丁璿及雲南都布按三司官督運軍
糧二十萬石於金齒 癸未勅諭木邦宣慰司土官宣慰使罕
蓋法曰爾木邦自爾先代以來世篤忠誠恭修職貢故朝廷眷
待之恩久而愈厚比者麓川叛寇思任發背逆不道侵奪隣境
搶掠人畜朕初不思加兵但屢遣勅撫諭彼終不悛悔貪噬之
心未有厭足必欲併吞爾等此 天地鬼神之所不容已勅總
兵官進兵勦滅茲特遣人齎勅并信符金牌往諭爾等宜預集
人馬俟大軍至日即與協力或徑擣其勒穴或夾攻其左右或
截其後路俾賊首尾受困進退無所必成擒矣如此則 上天
必祐爾忠義朝廷旌爾功能加爾官賞爾之境土亦得永安而

爾之榮名偉績載諸青史傳之無窮與古忠賢之臣並矣爾其
欽承朕命母怠 勅雲南總兵官都督同知沐昂及雲南都布
按三司巡按御史等官曰得奏言師宗州及廣南府州賊徒阿
羅阿思等糾合行劫蓋自去冬維摩等州蠻寇作耗已勅爾等
補其餘黨今乃滋蔓如此延玩之罪姑置不問勅至爾等即從
長計議委的當官自前去招撫俾還本土悉宥前罪如梗化不
服待平賊麓川之日即與兵部尚書王驥等計議相機勦滅務
俾寇賊屏息邊境安寧 命故老哈河衛野人指揮同知付刺
荅子安出哈襲職 調行在山西道監察御史房威為直隸保
定府涿水縣知縣先是金吾衛千戶孔文母龐訴其婦徐不孝
刑部逮問徐罪當絞徐稱冤調威辦理威問擬如初徐復稱冤
又調行在貴州道辦理得寃狀以聞 上諭行在吏部臣曰御

史執邦憲當為人伸寃理枉而威乃不能其出之。為風憲官
之戒故調之。行在刑部右侍郎何文淵奏掌直隸順德府事
右叅政張時年老昏倦不能理事。上命行在吏部取時至京
驗之果如文淵言遂命致仕。巡按浙江監察御史康榮等奏杭
州府地狹人稠浮食者多仰給於蘇松諸府今彼地水旱相仍
穀米不至杭州遂困又湖州府比凶歲凶米亦甚貴竊計二府
官廩有二十年之積恐年久紅腐請發三十五萬糶于民間令
依時值價銀上納京庫則朝廷不費而民受其惠矣從之。甲
申愛河衛女直指揮把失塔隨清河衛野人指揮坎失兀木蘭
河衛女直指揮卜正哥野人指揮撒赤哈陝西孫甘靈藏管經
南恰兒監藏遣使臣永祿兒監藏俱來朝貢馬及方物賜宴并
賜緜幣等物有差。命右監丞吉祥鎮守雲南俟麓川寇平回

京○總兵官定西伯將賞等陞辭 上勅諭之曰命爾率所
往討麓川叛寇思任發務在殄滅此賊用安邊境其各竭忠殫
慮效誅奮勇以成厥功仍示下合行事宜一為將之道不特一
己之見必采衆人之長乃能成功古之良將率由此道爾等既
至雲南須廣求有知能謀畧諳知夷情及道路夷險之人以恩
待之與之計議然後行事所領官軍及土官土軍有智謀出羣
者亦加意行之專心委任必能效用一勦滅叛寇兵行之際惟
在賞罰若官軍人等有能奮勇當先殺賊或巡哨得賊實跡即
錄其功具奏陞賞如有畏避偷安及妄報功次希求陞賞者即
許聞發邊衛先軍一古之名將皆與士卒同甘苦饑不先是渴
不先欲近聞頭目人等不恤軍士多帶行李役占強壯者扛糧
背負以致其勞苦嗟怨爾等宜深革此弊但有犯者罪之一變

夫之境山嶺險惡氣候瘴毒不可久處大軍既入須及時月勇
猛向前為將者尤當作與士氣一鼓而進則功必成矣不可這
道以誤軍機若官軍有故意躲避不前者自都指揮以下皆斬
之以徇一進軍之際或為一路或分二路須與眾熟計而行不
可輕率一各處上官多有忌義可用之人傾爾等撫綏何如若
撫之不吾又或侵擾以致激變則爾等雖有功亦不贖罪夫一
軍機重務最須慎密萬人效謀一人泄機則取雲南多有失人
難處及軍民之中亦有與蠻夷相通透漏聲息者以此賊得縱
橫自今凡有軍務謀議爾須與總督鎮守官密切計議古人有
言幾事不密則害成戒之戒之一言南衛所官軍及舍人旗軍
人等中間有智謀出衆勇力過人處在下僚及居行伍者許眾
推舉試驗得實悉聽委用務得真才以成厥功不許徇私濫舉

一顧等至雲南凡官軍人等不遵號令沮壞軍事透漏事情及
遇賊退縮以致失機者會總督鎮守等官公同審實就彼斬首
示衆仍具奏聞一變夷專恃山谷深險以裝據取勝或於溪澗
上流及沿傍池沼窟井置毒以害人凡軍士過渴令掘新井而
飲免墜賊計一都督沐昂久在雲南周知人情土俗已勅其謹
守城池總督糧餉相機來應爾等至日凡軍馬起行糧餉供給
必須與之計議取其所長斟酌而行一為將務在紀律嚴肅部
伍齊整器械鋒利衣甲鮮明不許雜亂無統將帥換士卒必如
父兄之愛子弟士卒銜將帥必如手足之得期日上一心功
必成矣一朝廷命爾為將須以國事為務不可以營己私况雲
南數年用兵供給頻竭軍民困弊朕甚念之爾等切須守廉尤
當戒約下人不許私取人財或致激變為爾之累一今勅不邦

緬甸八百大甸大侯州威遠州車里拖甸軍民宣慰司等衙門
之官軍孟法寺令其聚集人馬候爾等進兵之日會令征勸令
達勒七道并信符金牌付爾等至彼遣人分投齋去爾等仍須
審度各處人情事勢熟計可合切勿偏執一國家興師伐罪以
安民為本雲南連歲用兵饋運艱餉軍民供給頗勞況土官所
轄夷民易致激變爾等尤須加意撫綏務在事安人安一土官
土軍必撫綏得宜不可纖毫侵擾不許各官受其賄賂亦不許
下人需索或致激變犯者即以軍法處之一軍行以糧餉為先
宜毋原運官員務數充足凡輸運軍民宜厚加撫卹毋令失所
一雲南近邊城池首領守備嚴謹守城官軍時加操練以防不
虞一雲南所屬衛府官員軍民除叛逆不孝人外其犯徒流
及雜犯死罪者俱令戴罪官軍令殺賊立功有功即復其職役

無功者徒流罪依年限滿日各復職役免罪無功者終身立功
大官吏凡量其所犯輕重令輸粟金齒贖罪一勅書內該載不
盡者悉德爾等從長計議便宜處置具實奏聞○山西代州岢
縣民婦戴兒於陽武河灘其夫告仇家張子祥誅殺子祥當斬
許不已大理寺卿王文吉戴兒無顯跡情有可疑上命宥子
祥免杖遣戍邊○丙戌河間殷思播兒地面納兒哥哥等呈吉
監聚等六人奏市茶二萬斤攝利呈吉等十三人市一萬三千
斤上諭行在禮部曰曰茶不可過與弟令人市三百斤○丁
亥少保禮部尚書兼武英殿大學士楊溥奏乞歸省先登上
從之命馳傳以往遣中官護送○陞陞中河衛都指揮同知乃
勝馬都督念事以乃勝遣本衛指揮帖木兒等八人進馬請陞
也○命直隸鳳陽府太和縣管馬主簿齊翼復任陞從八品休

夔九載任滿鳳陽府為屬民太其有能乞留之行在吏部移文
巡按御史覈實以聞故復之○戊子設直隸保定府安州僧止
司從本州奏請也○庚寅陞金台右衛帶俸指揮使蒞試署都
指揮僉事以太子太保成國公朱勇等言試老成能幹堪領將
軍守衛也○監察御史李廣丁憂服闋至京建言日廣西處邊
人也竊見廣西自永樂二十年以來宣山思恩忻城縣徭獠貴
公種韋萬廣等偽稱王侯都督入寇我境大肆焚掠時後遣使
勸興祖率兵往征賊皆奔入巢穴俟官軍既退仍復入寇不已
後都督山雲與師遙剿斬殺無算忻城殘賊則姜土人英賢撫
化至今聽朕惟宜山縣之英往清潭南鄉述况史羅夷江等村
峒思恩縣之川山廣南中州茆灘等里猶復不悛招撫則朝降
暮叛守備則出沒不常軍民累世被其荼毒無有寧息蓋此賊

實頑難以德化可以威服乞勅總兵官安達侯柳濤會同布按
二司及巡按御史大集官軍攻其巢穴殄戮渠魁置長官司
以撫安其餘衆遣土人之有智識兵力如莫賈者保為長官從
府管轄則猛獍畏服地方寧謐寔為軍民永遠之利不然則賊
患日深將有不可測者矣 上嘉納之○監察御史陳蕤言近
來雜犯及流徒之刑皆令納米贖罪無力者聽於附近驛遞擺
站免罪五年流罪四年徒罪照所徒年限滿日釋放者為定例
此天地生物之仁帝常歛恤文王慎罰之意也然自永樂以來
犯該前項罪鈔鐵擺站終身者雖經詔赦未復鞫跡且請亦照
新例則恩澤優霑矣疏上以示法司刑部尚書魏源等言犯罪
鈔鐵擺站者照洪熙元年詔書止將軍官總小旗將軍力士校
尉舍餘等宥免而文職史典人材承差知印僧道民人廚醫人

等不宥監生坐身承充吏役者亦多今竊欲如例寬釋請聽裁
處 上不從○熙浙江左布政使黃澤為民初澤通過監運使
丁鑑嘆其主在輿內為慢已槌之為鑑所奏澤亦許鑑通火監
謀首事下巡按御史馬謹諭澤鑑贖徒復職都察院言謹不職
澤鑑赴京亦還制請并還謹時澤已考滿自出行縣飲民銀三
千兩補償官物且越境回家謹并槌之既供下獄鑑謹供贖罪
還職澤亦當贖還職 上曰澤作威福獲槌三而官職私歸
重飲害民不才如此豈可復為方面官其罷為民○辛卯命改
翰林衛指揮念事和出和子塞無知納哈襲職○命南京守備
坐城侯李賢禱于江神以江水災隄故也○壬辰行在都察院
右僉都御史丁謙奏嘗南邊歲用兵事務紛未明幸當親觀之
期其布按二司堂上官府州縣正佐官乞不為常例存留著事

督運糧餉將須知文冊付首領官齎進庶事理民安而述職常
典亦不廢從之。廣東陵水縣土官舍人王茂崖州土官舍人
黎珉寧遠縣藤橋巡檢司土官舍人黃政卽溫峒首陳堡俱未
朝貢馬及方物賜絲帶等物有差。朝鮮國王李禔遣陪臣金
乙賢奉表謝恩進方物賜宴并賜絲帶等物有差。勅諭朝鮮
國王李禔曰王爲國東藩恭事朝廷簡在朕心用圖寧永往年
凡察葉其本土逃君境城後得罪於王而後逃回朝廷憐其猶
逃困苦赦宥前過加之撫綏給糧接濟不失所矣王近奏言凡
察同李滿位謀欲俟王之使臣回國引領野人邀掠於路朕已
遣人齎勅嚴加戒約今聞其境來朝者言凡察約其黨類將以
今歲掠王之境不于四月卽九月朕入遣勅戒之然恨予野心
未可必其信從否持勅王知不可忘備如彼革心自止王亦棄

其前過勿與校也。勅諭建州左衛都督僉事凡察曰：近聞爾懷扶舊怨，欲於今年四月或九月間去朝鮮搶掠。未知虛實，朕惟我祖宗臨御之時，授爾官職，令於本土管領部屬。爾後逃居朝鮮境城，及得罪於朝鮮，又自境城逃回，往來播遷，訖無寧日。朝廷憫爾困苦，差人撫取，未遑安插，給授賑濟。又勅朝鮮聽爾回還，不究前過。爾當感恩知報，以圖長遠。宜復謀搶掠前者朝鮮國王奏本國逃民童者音波說李滿住任同爾謀，欲使朝鮮使臣回時引領野人於東八站搶劫。已勅爾等不許妄為。今又聞爾所謀如此，豈遵奉朝命之道？朝鮮為國，東藩爾受朝命守禦邊境，皆朝廷臣子。豈可潛謀劫掠朝鮮？聞爾等所謀亦必有備，不可圖也。且凡忘恩肆患之人，不有人禍，必有天殃。爾等若果有此謀，即須改過為善。如爾部下之人假爾之名為非。

爾宜嚴加戒飭毋為爾累若部下聽爾鈴束不致非為爾仍與
黃山輪次未朝恩養之典必不爾吝復勅諭建州衛都指揮李
滿住兀者衛都指揮使剌塔嘔罕河衛都督僉事乃騰勸諭凡
察勿令為惡亦戒滿住等勿濟其惡○置山東大嵩衛儒學從
本衛奏請也○起復貴州按察司僉事屈伸善撫夷民戢姦
暴逆境以寧以父喪回家守制土官及寨長奏乞奪情其言甚
懇上曰夷民最難馴屈伸能得其心可謂賢矣其即令起復
莅事免河南開封彰德山西大同并順天直隸保定大名河
間鳳陽鎮江諸府被災糧草凡免米八萬四千三百石麥五千
九百石草一百七十七萬九千九百束綿花二十七萬斤有奇
○雲南總兵官都督同知沐昂奏木邦宣慰司報麓川叛寇思
任發欲來攻初乞為開通孟定道路率領官軍前來救援上

命封昂所奏示總兵官定西伯蔣貴總督軍務兵部尚書王驥
令其星馳赴彼與昂等計議停當行之不可延遲○癸巳除山
西大同府銀億庫大使副使各一員裁省本府雜造局并其官
庫自洪武間已設降印記今本府經歷司帶管至是巡撫右僉
都御史羅亨信言收積官軍銀鈔絹布事口就繁宜置官專理
又言雜造局久無造作官吏閒曠宜裁省故有是命 甲午免
兩浙鹽運司水災鹽課凡鹽四萬五千九百餘引 命轉運雲
南順德鹽井鹽課司見貯鹽於金齒司易木餉軍從按察使賴
翼奏請也 定征進雲南官軍俸糧例官費月俸米鈔中半支
給其該支米願折絹者聽旗軍全給米合人餘丁月給米一石
乙未戶部左侍郎徐晞言鹽課盈虧儲盈虧之候也此見
淮浙歲課較其簿籍則有餘驗其實積則不足蓋由官不得人

非貪糞壤法則柔懦廢事是以高賈守走動經數歲每遇開中
人壞疑貳其首爭起其妨邊務誠非細故今行在戶部主事鄒
來學廡潔有為見在江北公幹乞以兩淮鹽課委之無理工部
左侍郎周忱練達老成見在江南巡撫乞以兩浙鹽課委之無
理則彼必能肅清前帶鹽課充而邊儲實矣事下行在戶部尚
書劉中敷等議曰晞言切當宜從所請今又兩淮運司缺官本
司同知耿九疇處事公廡見在淮安掣鹽乞令回司理事必能
有濟，上悉從之 起復山東按察司副使王憲憲舊在遼東
理邊務以親喪去僉事李棗代任其事至是巡撫副都御史李
蔭奏棗近例卷平棗乞起憲與棗分理邊務庶事無壅滯故有
是命 復除監察御史章廣於湖廣道 增給遼東沿邊城堡
操備巡邊鞍馬守墩哨瞭官軍行糧八月給米四斗五升 丙

中命山東青萊登三府并各衛罪囚於登州諸營納米贖罪
巡撫大同宣府右僉都御史羅亨信等奏各邊哨備官軍月支
行糧其費不少欲令分定班次更代哨備其在邊者給與行糧
回衛者省之歲可省米三萬四千八百石有奇從之 丁酉朝
鮮國王李相奏近日凡察等奏臣進殺其部落又阻留一百七
十餘家蒙朝遣勅臣放與完聚臣聞命兢惶不知所措伏念小
邦遭遇 聖朝 太祖高皇帝改臣國號優臣鐵領一帶地土
太宗文皇帝賜臣父以九章冕服賜臣母以冠服 宣宗章
皇帝賜臣以御條環寶帶賜臣世子珣以冠服玉帶今聖上賜
臣以九梁連遊冠服又蒙 列聖褒獎戒諭之勤至至於陪臣
下走皆蒙賞賚之厚錫宴之榮軍士小民或逋逃或被倭或漂
海轉至上國之境者隨遣之還凡可以寵侍小邦者無所不至

目累世感激而未嘗少忘者也彼凡察舊居鏡城阿木河即
太祖高皇帝賜復之地其親兄猛哥帖木兒等被深處子狄哈
攻劫不能自存且祖憫之後以萬戶職事為創公廨終以婢僕
衣糧鞍馬撫綏備至且又又陞以上將軍職事後被七姓野人
等攻殺之并殺其子阿吉志焚掠其房屋財物凡察等俱各失
所且撫恤之一如乞且撫恤其先既得所矣忽於近歲先以耕
農打圍為由移住本國邊陲東良地而後乃潛逃與李滿住同
處此時且不及知安有追殺之事其在此留任者或因婚姻懷
土不去或被同類開諭而還非且阻之也李滿住昔居婆羅江
在且國邊方隨其所索米糧鹽醬益皆給與恩惠不少後且引
忽剌溫殺掠且邊不心今凡察與之同惡又謀引忽剌溫乃勝
及哈音着察音等俊掠且邊約日同發延復誣且前事妄噴朝

廷其背恩作惡一何甚哉。且父祖及且荷。聖朝寵遇之隆。獲守其國。且民亦被罔仁之化。各安其生。而彼凡容滿任人面獸心。天地間一種醜類也。敢懷兇狡。必欲送忿於且。而且邀舍外。服不能自明於。黜竊之下。且實痛之。夫且子有懷遠之君。父而無德情之至也。伏望諫且。荷寵於。聖代憫且。受侮於小人。特令凡容等。造遷舊居。庶小國遠民。獲免寇賊之患。未感。聖明之德。且不勝幸甚。上覽奏。復勅。祠曰。朝鮮自王之祖。考暨王事我。祖宗以王于今。數十年間。恭謹之誠。久而益篤。肆朝廷禮待。素加。常等彼凡容。享滿任。革朝廷。不過異類。畜之。機竊未歸。則於憫而。芻豢之所不絕之者。亦意彼得所止。則或者不肆。鼠竊於王之境。非有厚彼之施也。彼之貢王。煦育之德。朕既屢勅諭之。其誠心。確焉不移。蓋其志已難勢難。復合強之。復令終

不為用不若姑聽之耳其所遣人口在王國者王加厚撫綏勿致失所彼如感德自無異志比聞凡察有侵軼王邊之謀朕已遣勅嚴戒之及戒李滿住乃勝等皆不許作過猶慮獸心非可必也故亦有勅諭王備之自今王惟加謹邊防其還與否不必計也 給宣寧王進料歲祿二十石米鈔燕支 山西太原府民陳立等五人平陽府民盧淵等十四人澤州民宋仕隆等十人直隸徐州民楊榮等四人直隸鳳陽府民廖冠平等二十二人淮安府民岑仲暉等十三人山東東昌府民王良等十五人兗州府民侯昇等四人濟南府民吳顯等六人各出雜糧粟麥十石有奇賑濟賜勅褒獎後其家

大明英宗法天立道仁明誠敬昭文憲武至德廣孝睿皇帝實錄卷之七十六

大明英宗睿皇帝實錄卷之七十六

大明英宗睿皇帝實錄卷之七十七

正統六年三月戊戌朔勅諭太師英國公張輔及五軍都督府
兵部臣曰治國之務兵備為要將兵之道智勇為先必知之有
素然後用得其人京師操練官自都指揮以下其間有通曉兵
法才堪馭衆者知畧優長能達權變者經歷戰陣勇敢當先者
武藝熟閑臂力過人者卿等具舉以聞朕將親閱焉自古安不
忘危今雖小康宜存遠慮卿等先朝老成職專兵政務得真
才以副朕望廣西恩恩府知府岑瑛受囑挾詐勸報事覺
上以其土表姑記罪命法司程文戒之增大同宣府屯田旗
軍先是上諭總兵官朱冕譚廣等曰大同宣府歲用甚夥而
屯田所入不及十一餘皆仰給於民今邊境寧謐軍士優閒宜
廣屯田以紓民力至是二邊增屯田者六十七百餘人歲增子

粒四萬二十有奇其省歲費入二十萬有奇○己亥四川按察
司按察使龔銓以老疾上疏乞致仕從之○旌表孝子賈貴節
婦盛氏烈婦彭氏等八人貴山東臨清縣人母有疾親嘗湯藥
衣不解帶及卒負土成墳廬墓三年表其門曰孝行盛氏直隸
吳縣民桃宗敏妻鄒氏直隸長洲縣民陳復妻周氏陝西乾州
民吳珩妻劉氏江西廣昌縣民陳希溫妻周氏江西泰和縣民
劉仕鴻妻蔣氏江西泰和縣民蕭壽妻俱喪夫不嫁守節自誓
表其門曰貞節彭氏陝西平涼衛指揮僉事甘忠妻忠亡自經表
其門曰貞烈○庚子命出直隸蘇州府官廩米二萬石造備倭
船下行在兵部左侍郎于謙獄也撫河南山西自陳在外
年久乞召回京舉叅政王來孫原貞自代右通政李錫等劾其
方命不忠上置之不問已而行在六科十三道交章劾之

上命紀其過至是譴還朝六科十三道復劾之遂下都察院獄
辛丑書復宣寧王遜料曰承喻府中缺人使用已令兵部核
文山西布政司於附近府內僉掾尉二十名送府應用特用奉
報惟叔祖善過之 樞罕河衛使臣帖木兒哈等辭歸命齋勅
及絳段表裏歸賜其在衛達官 大同總兵官武進伯朱冕有
疾遣醫馳視之 山東昌邑縣為事縣丞陶克敏奏臣交趾人
於黎利寇叛之際挈家來歸朝廷憫臣微勞命以官職近者坐
法當落職徒徃遣伏望 聖恩俯垂矜惻 上曰遠人歸順不
可繩以常法其令於通州為民 巡按貴州監察御史王通言
比檢閱兵器損缺者多皆由所司不能以時修葺恐各處皆然
宜戒諭之事下行在工部請移文各處巡按御史及都司按察
司會閱其可修者令修之不可修者改造之有侵欺者罪之

上曰可。士寅御馬監故太監劉順家人奏先臣存日欽賜并
自置庄田塌房米園草場共二十六所其薊州草場等十所計
地四百六十八頃謹進入官餘十六所乞留與臣供祀儀之
癸卯命廣西柳州衛指揮同知孫麒著都指揮僉事初監察御
史韋廣言麒才畧優長招撫蠻寇有功至是都司以缺官聞故
擢任之。設廣西桂平縣大黃江口巡檢司置巡檢一員從知
縣余孫言也。行在大理寺卿王文等上于譙罪狀坐譙使罰
贖還職。上以狀示六科給事中完恭等言譙為臣不忠罪不
止徒逐并劾右都御史陳智及文等曲法庇譙。上命葉鈞譙
而宥智等。甲辰清明節遣官祭長陵。獻陵。景陵。書
諭靖江王佐教曰朕惟國家封建宗藩其禮制文移。祖宗已
有定制子孫當世世遵守况同氣至親尤須篤恩義相處用圖

寧水北開王與奉國將軍佐敏數扣搆怨不知何為又聞佐敏非禮妄為欲自來朝及各輔國奉國將軍有事亦多專擅自行今遣勅戒飭佐敏不許來朝如已起程王即諭令回府并戒飭各輔國奉國將軍俱不許違禮犯分此皆於王至親王宜推誠善待兩盡其道永敦和睦不可互生嫌隙以傷大倫庶幾保守宗祀副朕親親之意惟王亮之書諭靖江王府輔國將軍贊儼及奉國將軍佐敏等曰此者聞佐敏與靖江王興詞搆怨相視如讐朕念親親屈法寬宥勅其各守禮法用篤親好今聞佐敏欲親來京謝恩不啓王知私令家人擅於都司給引其男長成當請名冠帶婚禮等事俱不啓王自擇桂林衛指揮之家葛霖女成婚凡進表文不赴王府陪禮遇冬至正旦節行禮畢不與王行禮及各輔國奉國將軍凡所行事亦多不啓王知恣意

專為 祖宗之法爾等可故違乎書至宜各革心悔過謹遵禮
法用圖保全佐敎屢諭不改不許朝如已起行亦即回府今後
各將軍凡有合行之事悉須路王而行敢有仍前故違者 祖
宗之法具在爾等慎之 乙巳直隸鳳陽府臨淮縣請修
紅心大石橋以便兩京驛傳往來從之 丙午北京行太僕寺舉
直隸大名府及山東濟南等府正統五年孳生馬騾駒六萬一
千六百六十四匹 復除監察御史張謙於行在湖廣道葉清
於山西道謙以給假召回清以丁憂服闋也 戊申戶部右侍
郎王瀛以老疾上疏乞致仕從之 己酉命北京武臣俸祿該
折銀者暫於淮安府常盈倉給米二月以其積多故也 順天昌平
平縣民趙福貴等十七人盜掠 山陵採木例當徒 上命分
抽各處山口揭榜號令以戒將來 庚戌命故金吾右衛指揮

使張本姪七十金吾左衛指揮同知石青子剛濟陽衛指揮同
知高敬子銘羽林前衛指揮僉事姜英子廣金吾前衛指揮僉
事朱義姪玉通州衛指揮僉事王信子敏俱襲職 中都留守
司奏 皇陵諸衛所歲款人飢 上命有司發廩濟之俟秋成
償官 賜帑朵克河等衛野人女直色中哥等四川雜谷安撫
司番僧徧出等西番夷人永隆監藏等鈔絲段表裏絹疋衣服
靴鞮有差 行在刑部主事楊祖言近日事例官吏人等犯枉
法賦者發北方邊衛充軍臣按古者民年二十而兵六十而免
蓋取其平力少壯也邊衛軍士晝夜守禦不徇寒暑今以老疾
充軍不堪操守虛糜糧原有名無實臣請今後發遣充軍遇有
年及六十而有疾病者止發終身擺站煎鹽炒鐵則行伍得人
而糧不虛費囚犯被役而罪無幸免矣事下行在刑部尚書魏

源等集議以為犯賊充軍者政欲抑挫姦貪果如祖言則人不
懣懼非所以示戒將來不可聽也 上以為然 辛亥兀者右
衛女直百戶苦奴等亦也吉等衛女直指揮阿正哥達東安樂
等州達官指揮田打水等俱來朝貢方物賜宴并賜絲幣等物
有差 太師英國公張輔等奏臣等奉勅推選武臣得署都指
揮僉事事指揮紀廣等四十四人驍勇有膂力及試弓馬熟閑
可以應詔 上曰為將非諳韜畧不可廣等其讀武經百將傳
講究方畧練習武藝俟試而用之 命故朵兒必河衛指揮僉
事以僧哥子阿出弗朵克河衛指揮僉事阿苦察子阿剌孫扎
重衛指揮僉事猛哥克子塔哈納俱襲職 調行在刑部右侍
郎張鳳於戶部時戶部侍郎王淪致仕行在吏部言鳳堪代淪
故調用之 壬子行在戶部奏正統七年例當重造賦役黃冊

請預申明舊章榜示天下令民遵守從之。罷行在大理寺少
卿李吟為民初吟奉勅考察官吏民有告肥鄉縣知縣許顯者
吟送刑部鞠而黜之顯訐吟帶皂隸田廣辦事官李福駢驛馬
宿察院以私意黜已都察院為顯論辯欲追廣福對理吟怒都
御史陳智不直已而庇顯即撫智諸違法事及稱初無廣福自
隨等情奏之。上命智自陳戒該道御史完顯務在公平智伏
罪。上貸智仍命刑部六科該道錦永衛通理吟事於是給事
中御史交章劾吟及智且言右僉都御史丁瑄經歷熊尚初都
事金思廉御史何永芳亦合逮寃。上曰吟為理官朝廷因恤
民瘼俾專考察既寵私人上事又扶私意陷人不服法司對理
妄捏風憲死罪不才如斯豈堪再用其罷為民智等其罰俸三
月瑄被差姑宥之。癸丑淮王瞻煥奏欲赴京朝覲。上念其

道途遙遠復書止之 掌遼東都司都督同知王真卒真泗州
盱眙人以定遼前衛指揮使累陞都指揮使洪熙元年陞都督
僉事仍掌司事宣德十年進都督同知至是卒遣官賜祭命有
司治葬事真資性質實臨事果決在遼三十餘年廉勤著聞邊
人信服 甲寅新建三殿以是日巳時上梁遣禮部尚書胡濙
祭告司工之神 致書代王桂曰聞世孫仕壻再娶有期其用
粧奩幣帛等物不能自備曾叔祖慈愛之厚宜分與祿米聽其
買用并復書世孫及勅長史紀善等官酌量給與不許稽悞
乙卯周府復嘉縣主麓遣中官致祭命有司營葬 鎮守陝西
都督同知鄭銘言三事一關中旱澇相仍前後發官廩七十餘
萬濟之若責償於一時則民不堪命請量歲之豐凶以漸償官
其累歲逋負鹽鈔亦乞蠲免一各邊驛馬往者月給料豆九斗

近從人言盡革之甚不便乞仍支給一延安綏德通祖尤多請
量收布絹庶幾人易為力 上悉從之 山東備倭署都督李
福達令人張斌巡捕獲盜劉海縱之為人所訐按察使黃翰
因奏福另芳假以捕盜給批遣斌擾民俱當逮究 上命福自
陳福分辦辭直乃宥之 丁巳元培里等衛女直指按布羊古
等阿剌山等衛女直亦出哈等布朵充河衛女直指揮歹真加
等俱未朝貢方物賜宴并賜綵帶等物有差 宥司設監太監
吳亮罪錦衣衛奉內使范好火者未福同管本監外麻私以麻
內閉地役人匠五十餘人與太監吳亮等種菜縱容人匠置飲
食之具以致火延廠房內竹木白藤車輛等料一百五十餘萬
盡焚之把總內官福安等不行嚴督亮等托言廠房日火俱當
鞫罪 上命司禮監記亮死狀宥之福安范好等并匠人錦衣

衛杖之令偵官物。戊子行在錦永衛指揮僉事掌鎮撫司事。王裕老疾乞以子瑛代職兵部言瑛例代裕前職副千戶。上以裕勤勞有年特命瑛代為指揮僉事。亦馬剌衛指揮僉事谷當哈老疾以子阿塔代之。韋直隸徽州府績溪縣西坑寨巡檢司。翰林院侍講學士曾鶴齡卒。鶴齡字延年江西泰和縣人。永樂辛丑進士第一擢為翰林修撰。庚戌秩滿陞侍讀。正統戊午陞侍講學士與修三朝實錄。至是卒。鶴齡為人和厚易直交際以誠作文典實似其為人。己未勅都督梁成署都指揮僉事許瑛提督官軍牧放馬匹。巡按陝西監察御史馮誠奏延慶等衛軍士選調數多之人操禦請以舊募各衛軍餘一千三百有奇給糧收操命下鎮守等官議僉謂宜從誠言。第今春深恐妨農作候秋成河凍赴操。選春仍令屯種為便從之。

命行在都察院右副都御史陳鑑理本院事以右僉都御史
王翺代回故也。復雲南楚雄府定遠縣黑鹽井巡檢司土官
巡檢樊真職真先以受賂事覺法司論當死遇赦免為民至是
果陳其故父隨征功乞復職。上曰違方土人當寬宥以懷之
樊真令復職若仍蹈前愆不更貸也。戶部侍郎張鳳將赴任
奏乞便道還家展省父母墳塋從之。庚申行在府軍衛百戶
黃輔奏。太祖高皇帝御製大誥武臣及勅諭宣諭訓戒錄護
身保身勅具載將士撫綏之道也守之法古今武臣善可法惡
可戒者書訓萬世為武臣者宜服膺而恪遵之通者承襲幼官
未嘗講讀罔知戒勉往往貪暴罹法乞勅五府及兵部申明舊
章俾時熟誦庶廣智識知勸戒亦以保祿位於悠久。上允而
行之。起復順天府宛平縣知縣馮俊後聞父喪將去任部民

三百餘人奏其蒞下寬平乞留復任故有是命調監察御史李奎於行在山東道先是行在都察院以金判員咨送行在吏至是山東道闕御史故調用之鎮守陝西都督同知鄭銘等請修建西鎮兵山神廟上從其請仍戒所司毋過費毋重勞民毋貪酷取罪平百給萬金陞慶左等衛官軍馬二百七十匹命試中書舍人陳學蔣宏黃米王崇余誥王謙王琮俞拱徐瑛何觀凌信俱資授中書舍人學等先以膳寫宣宗實錄完授試中書舍人給半俸至是歷三年行在吏部以聞故有是命士戍湖廣九溪衛寨官舍人唐容等松潘等處番僧紳領等俱來朝貢馬及方物賜絳帶等物有差雲南按察司副使劉潔奏雲南各衛所官軍之家多餘丁家人久服水土亦願自効請選撥各衛操練以備調用上勅行在兵部尚書王驥

等議而行之。癸亥起復浙江金華縣知縣余寬寬以父喪去
知府蔣勸等為民奏保其能革吏帶得民心乞奪情視事故有
是命。直隸淮安鳳陽揚州三府滁和徐三州浙江杭州紹興
二府各奏歲歉民饑已發廩賑濟俟秋成償官從之。是日南
京大風折。孝陵樹三百餘株壞官民舟溺死者五十餘人。
甲子命行在翰林院編修江淵賴世隆檢討李紹何瑄復任先
是淵等以利員待次于家至是少師兵部尚書兼華蓋殿大學
士楊士奇等言本院闕官故召用之。韋直隸興州右屯衛禦
河仄嶺二驛。監察御史章珪等下獄初有旨做工犯人起土
填街申丙等二十七人因便掘土於。天地壇禁地行在刑部
以珪等係巡視等官俱合究治。上命如律罪之仍枷號丙等
等於掘土之處。丙寅亦里察河衛女直古里麻等東寧衛達

官千戶歹出等海州衛達官指揮王宣等阿剌山等衛女直亦
出哈等俱奉朝貢馬賜宴并賜鈔絲段表裏綃匹衣服靴鞞有
差 山西太原府僕從信等十八人平陽府民崔爵等二十六
人澤州人郭諒等二十二人潞州民張復旺等四十五人沁州
人程碧等三人直隸真定府民劉雲等三人保定府民趙祿等
六人河間府民王伯林等三人各出米麥雜糧十石有奇賑濟
賜勅褒將復其家

大明英宗法天立道仁明誠敬昭文憲武至德廣孝睿皇帝實
錄卷之七十七

大明英宗睿皇帝實錄卷之七十七終

大明英宗睿皇帝實錄卷之七十八

正統六年夏四月丁卯朔東太廟○遣中官祭司竈之神○
戊辰荆王瞻垌奏欲以來年正旦至京朝覲上念其江湖跋涉復書止之○己巳行在禮部奏去年聖節冬至今年正旦慶賀表文廣西忠州等衙門字樣差錯湖廣忠峒安撫司等衙門未到俱合問罪上憲宥之但令移文省示○命故阿剌山衛指揮僉事咬納子亦出哈襲職隨滿河衛指揮僉事巴思塔木子歹剌代職咸山東濟南府稅課司高稅課鈔一十萬二千九百貫併省巡攔一十六名○禁僧道傷敗風化及私創寺觀先是巡按直隸監察御史彭鼎言天地闢而人生不知其幾何時矣而人道之立則肇於三皇至堯舜禹湯文武而後大備自時厥後膺天眷而居皇極者莫不咸有是青而多不能全是

道者由異端撓之也古聖人所以立人道者其教有四曰士曰農曰工曰商相資以生無有匱乏其為人也固易而居皇極者亦易秦漢以來異端並起或撓於申韓或撓於釋老為居者每被其欺為人者恒苦其費故上下俱難為矣我太祖高皇帝肇位四海申明五常制為條章律令以示人慮釋老之或惑乃歸併寺觀為叢林不許私創庵院私自剃度慮人心之或流乃禁褻瀆神明不許修齋設醮男女混雜其立人道之心勤且周矣夫何近年以來民無儻石之儲亦或修齋設醮富者尤爭事焉以致釋道日興民貧愈甚夫人之為惡明有天討幽有鬼責今日皆因齋醮而消滅豈理也哉且修齋起於梁武設醮起於林靈素固非盛世可傳之典而至于今不絕愈盛詎非惑耶孔子曰攻乎異端斯害也已今寺宇遍天下以僧人之情言之幼

嗜慾心未動被僧誑誘及年長慾動歸俗則安逸難捨住寺則
慾心難忘不免通於所親所交之婦其傷風俗為人害一也為
僧者惟以穿殿宇飾佛像為功業故恒設巧計進諛言以求媚
豪官富民之施予極其侈靡心猶未足彼豪官富民亦必攘奪
剗剗而後有此其費錢財為人害二也其屋室深邃地勢幽僻
罪惡渠魁多匿於中身雖出家心實觀囊一有可乘即皆蠅起
其害甚惡為人害三也據此三害觀之豈非蘇子所謂非異端
之能亂天下而天下之亂所由出也歟今朝廷清明天下無事
申韓之禍已熄獨釋道之害方橫如兩京僧寺其中所費不計
况天下僧寺之多手乞勅大臣會議行移天下凡僧尼未度者
悉令歸俗民間男婦無子年近五十以上願出家者許其落髮
入寺為僧為尼隨例給度其寺庵原係叢林有佛像者許其修

整非叢林者不許創立容留之人務要置立板牌掛於山門備
寫籍貫年甲使人周知仍行都察院備榜禁約不許官民之家
修齋設醮求福利以崇不經之典如此則風俗自淳治化興行
為千萬世之盛美矣 上令禮部都察院考舊禁例以聞禮部
尚書胡濙都察院右都御史陳智等具錄 太祖高皇帝洪武
間某約條例入奏 上覽之諭濙等曰釋老俱以清淨為教近
年僧道中多有壞亂心術不務祖風混同世俗傷敗風化者爾
都察院即遵洪武舊例再出榜各處禁約違者依例罪之不恕
新創寺觀曾有賜額者聽其居住今後再不許私自創建○禮
部左侍郎陳璉以老疾上疏乞致仕從之○庚午命巡撫南直
隸行在工部右侍郎周忱兼領浙江嘉興湖州二府稅糧從民
奏請也○浙江按察司副使王豫言蕭山縣長山浦等處海塘

去歲八月為潮水所決者三千餘丈今歇修築其費鉅萬而蕭山數旱澇民不能辦請令三司及杭州等府衛獄囚罪當贖者罰輸木石等料以就之庶民不困事下行在工部請行巡撫侍郎周忱會議以聞從之○辛未永興王志堦奏有子公鈺等三人俱選良家女為婚欲預令各女赴府教訓禮儀俟年長成配上以非舊制不許○行在光祿寺奏 宣宗皇帝有旨都督胡榮月俸之外特給白粳米五石今榮已沒請已之 上曰朝廷優禮大臣豈間存沒榮雖沒其妻尚在命照舊給之○命掌行在吏科事給事中張振行在兵科給事中薛謙復職振謙皆九載任滿當遷自陳乞復原職故有是命○壬申命行在通政使司通政使李暹復任復除左布政使蕭寬於湖廣布政司按察司僉事陳黼顧侃於山西按察司黼提調學校俱以親喪服

闕故也○建州左衛都督兀察等以朝鮮國王李洵奏其欲糾
連人謀劫貢使蒙降勅戒諭遣人詣京奏曰臣荷國厚恩享受
爵祿安敢為非如其所云罪當萬死 上曰兀察似有悔過之
意然狼子野心未易料度復賜之勅俾恪守禮法修睦隣好命
總兵官都督曹義遣人齎往諭之并庶其情偽事勢以聞○癸
酉 太皇太后聖節 上率親王上壽免命婦朝賀賜文武百
官宴○勅南京守備太監劉寧羅智唐觀袁誠曰得豐城侯李
賢泰贊機務兵部右侍郎徐琦奏神宮監種菜軍人周遊子等
首稱監工官安招李真保擅領軍匠伐孝陵山後舊種柏樹二
十餘株作薑糊私用又窆馬鞍山下大樹三株周圍見根又伐
山前大松樹一株作猪槽此事未審虛實勅至爾等即同賢暨
琦體勘如果實即執安招等送都察院問明奏來務洵公嘗不

許枉人及寬縱有罪○陝西臨洮府正覺寺番僧完卜刺麻三
丹領占等四川松潘等處番僧禪師綽領等俱來朝貢銅塔及
馬賜鈔綵段表裏紵絲製衣靴鞵有差○行在太常寺贊禮郎
張海舟以孟夏享太廟入供祀事穢污壇垣行在刑部擬海
舟罪流輸贖還職上曰奉事神明不敬如此可復用乎其杖
之如律謫戍威遠衛○甲戌賜文武百官宴○乙亥命行在戶
部右侍郎陳瑋通政司右叅議王錫大理寺右少卿顧惟教左
寺丞仰瞻光祿寺少卿王賢分往順天保定真定河間順德廣
平大名淮安鳳陽等府州捕蝗各賜勅戒諭之先是行在戶部
尚書劉中敷等言去歲蝗生近郊所過州縣遺落種子今已有
復生者雖嘗命各府官屬設法巡捕緣無官統領恐至誤事故
有是命○行在刑部尚書魏源等劾奏前軍左都督馮斌不行

嚴飭巡風人員致火延燬府治及案牘諸物請正其罪 上特宥之○山西都指揮王友為衛卒殺其姦貪罪下巡按御史論當贖徒還職從之○宥浙江管都司事署都督僉事張真備倭都指揮食事吳凱罪先是凱言巡海事因及真諸不法狀詞語不謹行在兵部都察院劾凱舞文弄法詔令凱及真以實自陳詞皆文飾於是右都御史陳智等請俱逮治之 上曰真凱不悉心供職嗣以私忿相排訐復虛詐不輸情罪之良是但念其劾勞姑置不問令巡按御史責取死罪招狀真住休三月凱住休半年○丙子江西布政司言寧縣武寧縣建昌縣江通舟楫而多灘石兩岸樹木叢生乞興役修除從之○書後宣寧王暹焯曰得奏欲仍留原撥代府軍使用今世孫奏此軍係代府隨侍之數代府之軍事故已多兼世孫將軍邸主數處皆乏人用

叔祖既得校尉二十名足備使令其原撥軍宜悉還代府况曹
叔祖在府其墻垣廊房損壞急缺人修理為子之道當致隆於
父不可只取自便也仍貽書代世孫仕壻知之○朝鮮國王李
洵遣陪臣李渲進表貢方物謝恩并貢獻 太皇太后 皇太
后賜宴并賜織金紵絲襲衣絹布靴鞵等物○行在兵部尚書
柴車有疾命太醫院治之○丁丑直隸安慶府望江縣奏比因
歲歉民饑發廩賑濟請俟秋成備官從之○迤北把老兒來歸
願居京自効授百戶給賜冠帶廬舍○己卯 上因天災屢見
分遣官祭告 昊天上帝 后土皇帝祇 太社 太稷太歲
風雲雷雨嶽鎮海濤山川之神曰初鎮仰荷天眷祇承 祖宗
之位以安民為職夙夜惓惓惟民在念自去冬迄今遠邇之地
雨雪稀少比者烈風屢興加有蝗蝻萌發為農之憂不德所致

凜乎兢惕謹禱誠籲伏冀矜憐特賜雨暘均調蠲滌災沴靡聞
遐邇咸遂豐穰庶保下民均霑洪賜無任激切祈恩之至謹用
告知伏惟鑒格○勅南京守備豐城侯李賢等曰所奏周遊子
等首安招等不法事情既實勅至即將周遊子等釋之今已勅
神宮監太監徐亮等自後孝陵山內凡有枯樹可用者務湏報
知爾等及太監劉寧等公同看過方許照例取用仍具數以聞
敢有違例擅取用者必罪不恕○庚辰行在工部奏通者修飾
鹵簿駕而錦衣衛言傘扇節旛之類年久色退雖修無益請令
改作。上曰第修之不必改作○辛巳賜周王有燭六子名長
曰子厘次曰子墮次曰子墀次曰子墀次曰子墀次曰子墀○
恭贊寧夏軍務右僉都御史金濂奏臣所部寧夏等衛旗軍出
納細糧三百石麓糧五百石者已許旌表中間有出百石至二

百者止該立石題名別無編徭事例緣邊境糧儲以腹裏餽運計之一石可抵數石請仍復其徭後庶可激勸將來上命戶部定議出細糧百石者復一年二百石者復二年出倉糧倍其數者復如例遂著為令○監察御史計珩馬謹下獄先是興州後也衛正千戶洪政以罪械至行在都察院政使其弟璽持白金賂珩受之為言于該道御史馬謹謂政乃已親謹從之戒政斬罪為絞事覺行在刑部尚書魏涼等請逮珩謹驗治從之○巡按直隸監察御史程富逮順天府大興等縣吏責其不復生員不植桑棗吏久不至富奏劾府尹姜濤占愾不發以奏辭不謹為行在通政司所駁右都御史陳智等請俱正其罪上曰富為風憲不謹學校農桑濤之首務而漫不知省俱當究治今姑記其罪若更蹈前非不再嘗○壬午東寧衛達官鎮撫哈

里等貴州宣慰使司合人安隴富遣把事阿意等廣東儋州昌
化縣土官縣丞男符應乾等俱貢馬及方物賜鈔幣有差○給
代府壺關郡主并儀賓安泰祿米八百石本色米五百石折鈔
三百石○戶部左侍郎徐晞奏朝廷興兵征勦麓川命臣沿途
整理糧草臣見湖廣布政司積有官布八萬疋別無支銷而貴
州布價甚貴乞輸五萬疋於彼變易食用為便 上曰此固可
行然沿途轉運甚艱且以二萬疋與之○在京歷事監生告月
廩太薄不給食用乞如舊制及今令典知印事例有家小者月
給一石無者給六斗行在戶部尚書劉中敷等言于 上從之
○癸未命行在都察院右僉都御史金濂理本院事以右僉都
御史盧睿往寧夏泰贊軍務代濂回也○勅廣義伯吳玘還定
州玘留京師而所轄鞏鞏官軍在定州者無人統領故命之還

○鑄降松潘衛僧綱司印并護持勅給都綱桑兒者先結令於本處建寺管束番僧時總兵官都督同知李安奏本僧勸化番人曾為鄉導及通報軍情有功請量加慰勞故有是命○甲申裁省廣西龍州同知判官各一員永樂間征交南以龍州當要衝增置同知判官至是以事簡省之○乙酉行在兵部左侍郎鄭楚奏宛平縣民鄭寬等孽牧馬死飢窘不能償乞俟秋成還官已蒙聖恩許之今直隸山東各府州縣俱荒歉而買馬者尤衆請如例緩徵以甦民力從之○革湖廣賓慶府資江驛新化縣新化驛○丁亥復除監察御史徐朝宗于行在江西道以親喪服闋故也○宥四川按察司僉事陳治罪初治照刷夔州府文卷至梁山縣其從行書吏受縣吏白金知縣李政發其事械縣吏詣治治但坐縣吏自取其金書吏得免政奏其代下巡

按監察御史覆實劾治閑防不嚴 上宥治戒其再犯○戊子
命行在金吾左衛指揮僉事劉青掌四川威州守禦千戶所事
撫安番民○元判使臣把克兒來歸進馬三匹命為錦衣衛帶
俸百戶賜馬及冠帶銀鈔綵段表裏織金紵絲襲衣并房屋器
皿等物○遼山西布政司左叅政王來下獄以巡按監察御史
曹泰劾其催糧酷急杖人至死也○己丑山東滕縣民王欽掘
地得金九十九兩銀八十八兩來獻命賞以鈔○宥陝西右叅
議柴重罪初重監收莊浪邊儲右倉都御史曹翼劾其屯種子
粒數重不報翼議增夜不收月糧重復不即給至是重不俟代
者至輒還原任會有勅令見收官提督預備之務而重已在道
翼書勅詞追與之重竟去不顧翼遂奏重姦情不供狀詔重
自陳重具伏罪 上宥之第任俸半年○庚寅書諭靖江王佐

敬曰得奉言儀賓孟琳屠鑄業祀進表來京沿途延緩及枉道而行又在會同館使酒毀爲同來內使等情具悉此雖小過其敬謹之心則無皆琳等平日輕薄驕恣不顧禮法所致今且寬貸書至王可量情發落使改過自新仍諭奉國將軍佐順令其嚴切戒飭琳等自後必須奉法循禮不可恃恩怠肆庶幾永保祿位以稱親親之恩如仍不悛 祖宗之法具在○復命監察御史分述陝西寧夏等邊衛從右僉都御史金濂奏請也○復除戶部湖廣司主事翟善於本司以丁憂服闋也○辛卯勅諭靈藏灌頂國師贊善王喃葛監藏及朶甘衛都指揮使司大小頭目人等曰昔我 皇曾祖太宗文皇帝臨御之日念爾喃葛監藏父祖遠處西徼能忠事朝廷特封爾叔着思巴監藏爲靈藏灌頂國師贊善王違我 皇考宣宗章皇帝嗣位之初爾爾

襲封王爵已有年矣今爾遣永隆監藏鎔南端竹前來朝貢并
奏見今年老欲令長子班丹監剽爾封簡善王次子巴思恭藏
卜為都指揮蓋帝王為治無間遠通推恩錫命必徇輿情今授
班丹監剽為都指揮使代父管本都司事巴思恭藏卜為指揮
僉事協贊兄管束本處人民如果爾喃葛監藏年老必欲爾長
子襲封王爵則爾與衆人復共奏來朕不爾吝○壬辰勅南京
守備豐城侯李賢恭贊機務兵部右侍郎徐琦曰得奏言烈風
為災此實上天垂警非偶然也當謹修人事祇答天威今特祭
告 孝陵及鍾山大江之神一應祭祀合用儀物悉令禮部太
常寺備務在精潔其損壞官船令工部修理滄死人口令戶部
就所司每口支與米一石鈔一百貫優恤其家南京國家根本
所繫朕寢食不忘爾等皆朝廷簡拔付以守備之寄宜夙夜盡

心撫恤軍民咸令得所不許一毫侵擾操練軍士務要精熟不許擅自後使審察往來閩防姦偽不可怠忽尤不可假此生事擾人爾等須安分守法潔己奉公勿縱容家人從人怙勢虐下自取罪愆凡事具聞不可隱蔽庶幾以副委託之重欽哉遂遣駙馬都尉趙輝祭告 皇高祖考太祖聖神文武欽明啓運俊德成功統天大孝高皇帝 皇高祖妣孝慈昭憲至仁文德承天順聖高皇后曰 初鎮恭承大統以來夙夜祗慎懼弗堪荷廟惟冲昧有愆于道上貽天威烈風示警撓及陵樹延傷民物聞之稅惕弗遑寧處中誠省過不怠忘仰冀聖靈俯垂祐佑兩賜時暘災害不生國家生民均承亨吉茲遣駙馬都尉趙輝恪奉香幣詣陵祭告伏惟鑒知遣徐琦祭鍾山之神李賢祭大江之神曰 比者氣候愆和烈風為沴山拔陵木江覆行舟人之陷溺

深可矜惻致自朕躬允懷省咎惟神享祀于國厥有司存福之
佑之雨暘均調災害不生永世有賴特用祭告惟神鑒歎○命
直隸寧國府照磨所照磨荆瑜復任陞從八品俸瑜九載任滿
民乞留之下巡按監察御史覆驗以聞故有是命○國子監祭
酒陳敬宗言本監每月朔釋菜酒三瓶舊皆市買欠潔宜於太
常寺閒用書庫內文獻通考等板殘缺不完宜委官盤點命工
部計料刊補舊收貯進士巾服角帶五百副俱各完好宜委官
見數差人於順便船內帶送北京國子監收貯在逃膳夫宜行
移原問衙門提問以懲姦頑仍命法司於見問徒罪囚人內撥
鞫 上悉從之○四川右叅政田銜始以盜劫涪州民家謫為
事官其後捕獲正盜惟所連者二人未獲銜得復職仍令捕二
人至是銜任滿攀善捕盜者以自代且自陳老疾乞致仕從之

○陝西署都指揮僉事劉英坐盜鬻官草贖新還職○癸巳
上諭行在戶部尚書劉中敷等曰詢備之政本以為民今農事
方殷民多艱食爾等急移文各處整理預備糧儲官員已完者
即便回京各司府官仍不妨本職嚴督所屬照管見積倉糧不
許作弊未完及該追者亦俟秋成從容整理民願輸糧以助賑
貸者聽不願者不許威脅更須嚴約下人無令生事違者罪在
不宥○命壽永甯右衛指揮使李成子興濟州衛指揮同知王
文子聚金吾右衛指揮僉事嚴元魯思不花子政大興左衛指
揮僉事宋興子義俱襲職金吾左衛指揮同知程善子政武驤
左衛指揮僉事留護子經俱代職○陞直隸淮安府知府彭遠
為廣東布政司右布政使河南南陽府知府宋珉為陝西布政
司右叅政行在江西道監察御史郭原為陝西按察司副使○

陞江西臨江府照磨劉以文為泰和縣知縣以布政使焦宏為其庶能也○行在兵部左侍郎鄺楚奏永樂中各府州縣管馬官考滿吏部移文大僕寺考覈然後黜陟今則不經本寺動情莫稽無所懲勸是致為政日弛請自今從所轄上司及太僕寺考訖方許赴吏部庶官知警而馬不虧從之○通州抽分竹木局言馬快等船私貨竹木不赴局抽稅請行通州把總都指揮同知劉斌禁之違者治其罪沒入其貨且凡軍民告拆船隻小者過廣利關得至局前大者不能過則白之工部俟得報方拆不無瑣屑請自今不必白工部從之○江西左叅議田忠以老疾乞致仕從之○甲午命改奉化伯滕定子福襲為指揮使萬全都司都指揮僉事張義老疾以其子慶代為懷來衛指揮使○勅監察御史等官詳審天下疑獄初上以災異數見諭三

法司臣曰今天下司刑官多非其人往往真無事于法卿等宜各於屬官內慎選廉明公恕四五員往詳審之於是右都御史陳智等推選監察御史張驥李匡方冊姜永刑部郎中林厚周得琳彭謙方勳員外郎蕭維禎主事竺淵大理寺正李從智評事王亮馬豫奏令分往各處會同先遣審囚官及巡按御史按察司官於凡囚犯事可疑情可矜者悉心審讞務在平恕上從之驥等陛辭賜之勅曰朕自臨御以來夙夜倦倦上體天心上下恤民命不敢怠荒一切徵斂無及於下獨通貨濟窮乏庶其盡心冀以此為事天之實也然通年以來水旱蝗蝻蕪歲無之深惟所由必刑罰有失當歟不然何以天戒之數也夫死者不可復生絕者不可復續自古仁聖咸致謹焉今簡命爾等往直隸并浙江等處清理重獄此朕祗體天心特以命爾爾宜

體朕心不可違天其專志篤慮無或怠忽用副朕欽 天道恤
民命之誠克舉厥職惟爾之能爾或弗敬又幸於私明有國憲
幽有陰誅可不慎哉可不畏哉其令行事宜條示於後一兩京
直隸見監重囚先因罪犯不明及訴寃不已行移體勤有年久
未報者有所司恐累原問官吏逼令里老鄰人扶同或不令里
老隣人知而虛寫其姓名惟憑成案回報者若此之弊非止一
端汝宜錄其始末徃彼同親臨有司拘集十年里長親管旗甲
及老人鄰人詳細審問必明必慎不可纖毫怠忽務得實情具
奏處置一在外方面三司并衛所即縣見監重囚除真犯明白
外其有情犯本輕而原問官吏故入失入罪重者或有全無情
實而里老旗甲人等挾讐陷害者致其嚙寃赴京伸訴朝廷已
令所司辦理或行保勘其原問并經該官吏畧不關心以致淹

禁歲月死於非命爾等須親臨犯人鄉里閱其原發及翻異情詞詳詢里老族甲之人既得其實即令監候鞠奏處決不許展轉註累平民果係冤枉即與辦理如有情罪可疑難於剖判具實奏來一方面三司并衝所府州縣見監輕囚如戶婚田土等項有捏故飾詞纏綿糾結所司不能剖斷者有官吏人等欲求賄賂不得不與剖斷者又有偏受賄賂徇私遷延不決者如此之弊非止一端動經二三年或七、八年監繫不決歲月既久死生難保爾等公同其親臨官司從公問斷有罪者即依律照例發落無罪者即皆疎放庶獄無冤滯之弊一拘集衆人審問之際原經手回中官吏不實之罪已宥不問但慮其護短文過不可不妨一今專為疑獄未明照勘不實有冤枉者命爾往求真情其有證佐已明招承已定擬議已當無冤無疑實犯之人必

有畏死埋詞妄訴以求生者汝可一槩寬恕以縱有罪一為政
以持廉為本能廉則公能公則明如有一毫貪慾之心不能自
戒殃禍之來必所不免凡所至之處須簡靜行事戒飭官吏不
許預先拘集里老生事擾民或有所識親故及致仕等官干謁
囑託者就執而罪之重者奏聞汝若苟徇不戒罪不輕恕○河
南開封府民許信等三十九人南陽府民牛顯等十五人彰德
府民馮壽等三人河南府民袁剛等八人懷慶府民張文獻等
四人汝寧府民劉謹等四人俱出穀麥千石有奇賑濟賜勅獎
諭復其家

大明英宗法天立道仁明誠敬昭文憲武至德廣孝睿皇帝實
錄卷之七十八

大明英宗睿皇帝實錄卷之七十九

正統六年五月丙申朔○丁酉戶部進糧價銀先是 上以南
京軍民艱食而官廩充積命戶部依時值糶之民間至是以所
易銀未進計一千錠重五萬兩○給事中張佑言南京後湖庫
收貯天下圓冊今與監生廚房相連所供飲食浩大日夕炊爨
不絕恐風火未便請於湖中小渚上置廚房以舟來往庶可無
患從之○直隸九江衛城壞二百九十三丈臨近江岸處壞一
百九十餘丈指揮孫達請修所壞城其臨近江岸處乞內徙數
丈以避水患從之○貴州布政司左叅議張諒以老疾乞致仕
從之○戊戌毛刺太師也先等遣使臣扯列把失等來朝貢馬
駝玉石等物賜宴并綵幣等物有差○贈故中軍都督府都督
僉事胡榮妾陳氏為淑人賜誥褒之陳以榮卒自經以從故有

是命○行在刑部郎中林厚奉詔四川審獄言八事一在京監禁重囚有累訴冤枉逮人照勘久不獲斷者請勅各衙門類錄各犯繫閹冤情付諸審獄官即與辦理具奏處之一在外見監重囚有曾經訴冤及申詳三法司以論擬不明駁回再詰者請亦錄各犯所訴冤情及駁回詞語付諸審獄官令詳讞具本處之一辯過重囚若俟奏允方與踈去枷杻歷日既久未免瘦死乞將合奏者俱暫踈去枷杻仍繫鐐鍊俟奏允處之一各處有禽酷官員或挾私怨改禁勘平人或受賕故入人死罪者除軍職及文職五品以上官奏請外其六品以下即彼逮問械京處之一四川州縣至京不下數千餘里審覆奏本若非馳驛齎赴不無久淹人難而各衛府無給驛例乞將奏本送至都布二司類集三五起馳驛奏報一內外見監照勘徒杖輕囚請亦類付

諸審獄官嚴督回報一獄情宜密乞令臣等所至各府州縣與按察司委官俱宿分司庶免嫌疑一臣等帶去吏典乞水路俱與乘一船陸路亦給與馬所至與俱宿分司其文冊案牘沿途有司量給兵夫衛送奏入上悉從之仍命通示審囚官知之○廣西潯州有賊十一人都指揮僉事史雄馬文等以兵勦之慮所獲者寡功賞不大因殺平民四百八十餘人悉誣以為賊事覺巡按御史上官尹按劾其罪并劾叅將田真親總戎機慢不鈐束總兵官柳溥身膺主帥知不舉奏俱宜正之以法上謂都察院臣曰設兵勦寇正以衛民此輩反戕良民以邀功賞其令按察司同巡按御史逮雄等鞠狀具聞慶之柳溥田真俱乞自陳若復欺罔必罪不宥○己亥行在光祿寺奏新造上用膳亭器皿共三十萬七千九百餘件除令南京工部修造外

其金龍金鳳白瓷罐等件令江西饒州府造硃紅膳盒等件令
行在營繕所造從之○設雲南雲南府陰陽學置正術一員○
直隸滁州含山縣民張全廬州府六安縣民江文禮葉添稅陶
景誠薛貳繆敦徐士安徐州衛軍賈圓善民劉芳蕭昧民張威
沛縣民蔡昉碭山縣民苗興豐縣民李保六安衛軍謝俊保定
府新城縣民劉士名等各出穀千石有奇佐官賑濟詔賜璽書
旌勞復其役○庚子端午節賜文武百官扇及宴○賜晉府榆
社王鍾鉉徐溝王鍾鐸錢金銀印○陞都指揮僉事劉福為都
指揮同知署都指揮僉事劉瑛寶授都指揮僉事指揮千百戶
旗軍三百六十三人陞授有差以黑木溝獲虜功也○辛丑命
河南開封府扶溝縣典史李翔尉氏縣典史楊青復任俱陞從
九品俸翔青皆九載任滿民乞留之故有是命○巡按陝西監

察御史馮誠奏享夏僻在黃河之西密邇夷虜實關中要地自
高橋驛至河七十餘里四曠無人請於岸東西各立寨堡撥官
軍守瞭庶盜息民安從之○給遼東屬衛及行在錦衣衛官軍
馬二千八百九十匹○巡按山西監察御史曹恭奏都指揮僉
事陳亨挾讐繫死無罪墩卒請置于法從之○行在工部奏浙
江海寧縣請濬大東門外官河小東門園花塘河北門狹石橋
塘河城中水門及築瓦石堰二所其請皆便民宜令農閒時委
官督工修理從之○壬寅萬全都指揮同知李信老疾以其子
敬代為懷安衛指揮使○開設京衛武學除教授一員訓導六
員先是太子太保成國公朱勇等奏准選驍勇都指揮等官紀
廣等五十一員熟閑騎射幼官趙廣等一百員至是 上命置
學授官以訓誨之○行在通政使司右叅議王錫奏近奉勅往

北直隸捕蝗訪得保定府新城縣知縣周義善於撫民今六載
任滿例應赴部乞暫留協同捕蝗 上謂行在吏部臣曰蝗為
民患宵旰在心考課固不可廢而民事尤所當急其從錫請○
甲辰鄭王膳竣疾久未愈 上命良醫帶藥往療之仍以書喻
王善加調護早遂痊愈以副親親之望○給永興王弟鎮國將
軍志塔長子公綺歲祿六百石米鈔中半兼支○淨戒弘慈國
師高巴羅只兒監藏番僧盼波彥等四川建昌衛土官千戶保
安等俱來朝貢馬賜綵幣等物有差○宥陝西右叅議戴弁罪
弁提督肅州鎮夷諸倉邊儲期滿代者未至聞妻女喪輒還司
右僉都御史曹翼劾其姦情不供職詔命自陳弁實以狀聞請
罪 上曰弁以妻女俱亡改暫回情亦可矜姑宥其罪○叅贊
甘肅軍務右僉都御史曹翼移文陝西布政司右叅政年富赴

邊議增夜不收月糧富不至翼自擬增之有司以未經富議留
難不與翼劾奏富不赴公議專擅妄為詔富自陳富言臣所職
距翼治五千餘里非疾馳經月不能至且邊儲有限而夜不收
諸邊俱有之此例一興恐所費不貲上曰富去翼雖遠亦當
移文與議姑記其罪○丙午應天府江浦縣蝗命戶部會同監
察御史嚴督捕瘞毋使滋蔓○掌潼關衛事都指揮僉事姚深
擅執永樂鎮巡檢李資問擬杖罪令輸贖河南布政司官奏深
違例深具疏伏罪遂宥之○丁未仁宗昭皇帝忌辰遣官祭
獻陵○馬邑縣主儀賓楊貞卒遣官賜祭○命沙州衛故都
指揮同知阿赤不花子班丹正千戶板丹子阿卜牙俱襲職○
戊申賜行在禮部左侍郎兼翰林院侍讀學士王直行在禮部
左侍郎兼翰林院侍講學士王英誥命封贈其二代特制文職

非九載任滿不得給誥勅直英方歷任三載上疏請給 上念
其文學老臣特賜之○行在都察院右僉都御史丁璠奏雲南
所屬闕官二十餘員今邊事方殷饋運軍餉尤為急務 上命
行在吏部擇任才能兼傳之任勿稽延怠事○山西右叅政熊
觀以老疾乞致仕從之○行在鴻臚寺卿賈庠卒遣官賜祭○
行在戶部奏直隸撫寧縣知縣姜忠言北京順天等府州縣遷
民先因水土不宜生理不繼逃移他鄉寄住或在中路死亡原
籍配所兩無歸着近奉詔書凡遷民年七十以上者放回不分
逃亡身故除其名籍本部先慮其中有冒妄脫免者請悉送配
所揭籍查考今諸處送到之人多是老弱如舊行之徒致煩勞
乞通行天下見提之內年及七十殘疾可驗者就令除豁免致
徃復其或有扶捏脫免從風憲官糾舉以聞從之○雲南總兵

官都督同知沐昂奏奉勅今冬進兵征勦叛寇思任發命臣等備運糧餉二十萬石於金齒給軍臣等已設法雇僦人力將雲南屬府見貯并屬衛二分屯糧如數運付收貯今金齒見在并起運在途及大理雲南楚雄曲靖等府一路官軍經過之處實在倉糧共計四十萬九千三百二十九石又奏臣先遣署都指揮僉事李福領兵八千前往哨瞭灣甸兵至老姚有火頭莽周通事楊宣招到情斯等十一寨火頭阿查四等率其五十九村民來迎攻賊鎮康州水寨及情斯山寨克之斬頭目控抗刀樂秤及從賊五十餘級至細甸賊據要不得進分兵三路攻之破賊十二寨斬首一百五十級獲其戈甲弓弩諸寨地方分委火頭及土官守之官軍駐彼日久天向炎熱地多瘴氣議暫還金齒操練俟秋再進 上允之○己酉賜遼王貴煇妃杜氏冠服

○行在禮部奏四川都司差百戶陳淵等管送番僧赴京貢馬
淵等不行用心提督養飼以致倒死六十餘匹宜執送法司究
問追陪 上俱宥之○廣東按察司僉事彭珣言五事一崇節
義以勵俗古今忠臣烈士孝子節婦旣蒙旌異中間有年遠子
孫不振墳墓傾圮者請令風憲官巡視時加脩葺未蒙恩典者
採訪以聞一體旌表庶忠義暴白人知奮勵一重士祿以養廉
傳曰忠信重祿所以勸士洪武中為士者尚給全祿永樂中營
造事繁量為撙節過者歲豐人和儲積漸廣請令廷臣斟酌在
京文職見支之外俱於原籍開支本色全俸在外有糧之處就於
任所開支其缺糧或供應邊儲之地亦於原籍全給以米歲有
豐凶則權其多寡給以絹布衣食既足庶可以養廉而無貪墨
之慮一舉祀典以勸忠禮謂有功於民則祀之昔宋之徽夏狀

亂華人紀將廢而陸秀夫於崖山死節英風義氣振耀今昔祀禮未行誠為缺典請勅有司就於崖山立廟以祀豈惟有以慰忠臣於九泉而亦可以作士氣於千古一均監利以實邊廣東瓊州府海外極邊控制諸番誠為要地糧餉之積不可不備而其所屬新安等監場自永樂至今積監甚多無箇中取請勅廷臣熟議令彼竈丁暫停煎辦聽本處軍民每監一引於所屬州縣倉納米五斗以近就近支作戶口食監俟其盡絕仍舊煎辦庶官民兩利邊儲有積一儲載籍以養士廣東僻在遐荒絕無箇取往來凡百載籍目所未見故人不知學成才甚艱乞給兩漢史記諸書勅令有司刻印以廣其傳仍令各學生員自備紙墨或於罪犯紙中量給印用庶士類得以誦習可冀有成上命有司議之○庚戌勅諭鎮遠侯顧興祖安御伯張安都督同

知王或通政司右叅議張隆鎮守密雲都指揮陳亨鎮守居庸
關署都指揮僉事事指揮同知李璟鎮守通州都指揮劉斌大
寧都司都指揮張銳等曰今順天府及薊州遵化等處蝗蝻為
災所食禾麥有至盡者爾等坐享厚祿受命在彼日覩民患恬
不留意勅至即不妨本職往督軍衛有司廣積軍民人丁急早
撲捕盡絕毋得踐傷禾麥朝廷惓惓恤民爾等宜深體朕心庶
潔公勤撫恤軍民使不困於饑渴庶得盡力如官吏頭目有貪
酷害人及懶惰慢事者重則具奏處置輕則量情責罰爾其勉
之○起復浙江杭州府知府陳復復在杭持已廉靜為政寬平
大為吏民所畏服以母喪去職著老民人千餘乞留之巡按監
察御史布按二司亦連章奏請 上曰既有耆老民人告保復
其任○修克國復聖公廟完五十九代孫顏希仁請建碑以紀

其事從之○金星晝見午位○辛亥封代王第七女為保德郡主配常濟周王第七女為冯池郡主配凌達汝陽王第六女為確山縣主配劉彬鎮平王第三女為偃師縣主配鄭弁第六女為閭御縣主配樊盛內鄉王庶長女為扶溝縣主配張鎰楚府通城王第三女為慈利縣主配章銳命濟等為儀賓俱賜誥命冠服鞍馬等件○遼東總兵官都督僉事曹義奏奉勅遣人往建州衛都督凡察處取逃亡土人馬把連等三十八戶把連等皆陞海西惟取回阿剌孫等十三戶八十八人上曰人情戀土其逃亡皆因不得所而然耳今取回者總兵鎮守官其用心撫恤勿令失所○徙浙江瑞安縣城去海三文五尺以避潮患○壬子賜楚府鎮國將軍季坡夫人田氏誥命冠服○命造宣武門東城河南岸橋修江米巷玉河橋及堤○勅沙州衛都督用

即來等曰近見剽淮王也先差使臣朝貢并奏彼處朝貢使臣及買賣回回道經哈密來甘肅者多被爾處人民劫殺此事未知虛實或爾部下所為爾所不知今使臣回經過爾處爾等洎戒約部屬以禮相待護令出境勿縱小人搶劫自啓釁端○湖廣貴州副總兵都督僉事吳亮奏湖廣偏橋清浪平溪瞿塘鎮遠九溪永定諸衛近因屯軍選征麓川秋糧又以旱傷除豁所積甚少供軍不敷今辰州常德長沙糧儲稍積乞勅有司量起人夫暫運至諸衛每處一萬石以備支給事下行在戶部覆奏先因巡撫侍即會議湖廣餽運諸衛糧溪灘險惡舟楫不通高山壘嶺挑負甚艱故應徵秋糧半輸金帛今諸衛缺糧止宜移文都司布政司設法以官儲輕齎量給接濟為便從之○山東武城縣直隸靜海縣各奏蝗旱相繼麥盡稿死夏稅無徵上

命行在戶部覆視以聞○貴州都指揮僉事侯義求白金象牙等物于所屬官軍為監察御史吳鎰所劾上命黜為為事官從總兵官蔣貴立功如其無功即留金齒充軍○癸丑復除刑部陝西司主事王晟于舊任以刺負侍次故也○甲寅賜行在翰林院侍讀學士苗衷侍講學士馬愉誥命并封其父母衷愉三年考滿以例未應給誥上章請給上念儒臣特賜之愉又言臣母劉繼母張先受勅封而故繼母魏以例拘不獲褒典上命併封之○命行在刑部右侍郎何文淵大理寺卿王文審在京刑獄巡撫南直隸行在工部左侍郎周忱行在刑科都給事中郭瑾審南京刑獄賜之勅曰朕恭嗣祖宗大位夙夜倦倦上體天心以恤民為務凡一切科徵悉皆停罷至於蠲免通角賑給貧窶恒如不及然比年水旱蝗蝻屢為民患京畿尤

甚僭者厥咎致自朕躬或刑罰之過有傷陰陽之和歟蓋因圖之中有淹禁三四年者八九年者遠有一二十年者含抱冤抑不為伸理天實鑑之今特命爾等會同內官審實在京諸司重獄大抵刑罰務在當情有情輕而議重者有情過而論故者有情法不相當者有情罪可疑者實覆得實並具奏聞朕為處置合行之事條示於後一原問堂上官及該道該司官吏縱有故入失入等罪悉已宥之不問爾等不必糾舉但於審實之際不許干預其該吊查案卷各堂上官用印封識違首領官齋來亦不許其干預一審實過罪犯當奏請者陸續具奏不必候齊一爾等各於本衙門選揀通曉文案精細勤慎監生或三名或四名跟隨書寫不許帶吏一好生惡死人同情其有真情實犯之人證佐已明招承已定議擬已當者不許聽其捏詞妄訴一

獄囚有見照勸未至者今夏暑方甚令原問衙門暫脫其枷仍
固鎖俟候照勸至日發落○北京會同館大使姬聖等奏大慈
恩等寺分住國師禪師刺麻阿木葛等三百四十四人占用館
夫二百一十三人有放回辦納月錢牧放馬匹及供給馬草及
至外國四夷使臣到館乏人供應不得已而顧覓市人代之乞
取回在寺館夫議定多寡之數而與之國師禪師每員二人覺
義都綱每員一人刺麻十人共一人務令恒在寺供應不許踈
放今後朝貢番僧刺麻止在本館安歇聽賞不許私自擅入各
寺混雜生事 上曰大國師班丹劄失阿木葛每員與十人刺
麻十人與二人其著為令○江西按察司僉事張琦奏瑞州府
倉收受各色糧米四萬二百四十八石有奇每歲放支本處官
員俸糧止四百餘石別無支銷江南地卑收貯既久不無陳腐

虧折請存留官員俸級二年之外其餘量為斟酌區處事下行
在戶部請以所積米給與本府屬縣民人食用折收苧布輸赴
南京內府備用仍勅布按二司凡定撥糧必視出納多寡量為
存留毋使多積以致陳腐從之○行在戶部奏甘肅茶馬司收
貯官茶歲久即今為貴茶賤別無支銷請將正統元年以前者
每茶一斤准糧一斗與在邊各衛所官員折色俸糧支用其正
統二年以後在庫者仍令如法收貯以備買馬從之○免中都
留守司所屬諸衛所旱傷屯種子粒八千七百四十五石○降
行在兵部左侍郎于謙為行在大理寺左少卿謙在河南山西
巡撫擅自回朝被劾久禁錮至是右都御史陳智等以暑盛讞
囚錄謙名以進遂降之○宥鎮守偏頭關左都督李謹罪謙以
禽暴下行在都察院論當斬至是亦以讞獄宥之但令不視事

○廣東昌化縣去昌化守禦千戶所十里許運糧者必三渡河然後至所縣有急所亦不能赴援至是徙縣治及儒學於所城內設分司於東門館驛於西門從按察司副使賀敬言也○直隸淮安府知府楊理言本府貧民以供給繁重將屋宅典與富民期三年贖以原本過期即立契永賣以是貧民往往趨食在外莫能招撫臣請過期不贖者許富民復住三年准原本以宅還貧民事下行在工部議許富民復住三年仍以原本之半贖之經十餘年者即給還從之○乙卯陞彭城衛指揮同知甘雨署廣西都司都指揮僉事從總兵官安遠侯柳溥奏請也○遷廣西南丹衛於賓州千戶所奉議衛於平南縣向武千戶所於守禦貴縣中前千戶所先是總兵官安遠侯柳溥奏廣西所屬南丹奉議二衛向武千戶所城池俱在煙瘴之地氣候不正官

軍相繼死亡者不知其數而存者百有二三亦多疲病不堪備
禦乞遷南亢地方以免其恙章下行在兵部左侍郎鄺楚等請
令溥擇其地以聞至是溥上所擬地方故有是命○初以營建
宮殿取南京工匠至是畢工遣回詔每人賞鈔五錠給以便船
○修江西吉安府城南近江隄○丙辰頒降陝西都司武學歷
代臣鑑三十部從巡按監察御史朱鑑言也○丁巳湖廣唐崖
長官司遣舍人黃通陝西隴西縣土民張仕鐸等來朝貢馬賜
綵幣等物有差○賞延安綏德等處殺賊有功官軍一千八百
四十三人總兵官銀十兩綵段二表裏衝鋒破敵都指揮各銀
四兩綵段一表裏指揮各銀三兩綵段一表裏千百戶等官各
銀二兩絹二疋旗軍人等各銀二兩布二疋齊力當先指揮各
銀二兩絹一疋千百戶等官各銀一兩絹一疋旗軍人等各銀

一兩布一疋官旗士卒陣亡者加賞一倍仍勅有司賜祭被傷者加賞半倍○廣西總兵官安遠侯柳溥奏行人黃恕朱昇同貴州都布按三司委官撫諭泗城州土官岑豹令其退還原占利州地方與土官知州岑顏其時豹面從之及各官回後占如故臣以蠻夷讐害亦其常性今顏欲以利州利甲等莊易泗城州古那等甲開設利州衙門宜如其請發附近官軍送顏赴彼撫治夷民僮豹仍前詎逆則率兵勦捕從之○雲南景州衛百戶李榮李良奏指揮同知柳瑛正千戶魏壁土官知府陶璿前所奏破者章硬寨之功皆虛詐乞治之用警後來上命右僉都御史丁璿會雲南布按二司及巡按御史察其虛實以聞○直隸池州府知府葉恩奏有田則有租有身則有庸故驗田出糧隨丁應後古今通制本府屬縣六共九十六里人少而賦繁

較之安慶三百餘里民三倍之寧國六百餘里民六倍之而歲時科辦三郡相同以是民不聊生乞勅諾司計議凡有徵收令計里分派則賦役均平從之○戊午命直隸繁昌縣夏稅綠絹折納銀兩每絹一匹折銀五錢從本縣奏請也○以陝西延安所屬州縣直負稅糧中半折收布絹絲綿從鎮守右僉都御史王翱奏請也○設宣府偏嶺兒及柵子門墩臺五座從右叅將都督僉事楊洪奏請也○陞雲南千崖長官刀怕便為長官龍川江百夫長刀烏孟為百戶各賜綠幣六表冀初怕便烏孟二人皆為思任發所拘二人脫身歸順來雲南其家屬又皆被害後屢立功總兵官都督同知沐昂請褒卹之故有是命○庚申增置行在刑部主事十三員以尚書魏源等言其事冗故也○巡按湖廣監察御史張鑄言武昌長沙德安常德漢陽黃州荆

州衛州岳州辰州等府汙陽柳州連年旱澇人民斃食已發預備倉并官倉糧驗口賑貸俟秋成還官從之○免浙江麗水縣福建寧德縣銀坑歲課先是麗水縣民隴坑歲課銀一百四十三兩寧德縣寶皇山坑歲課銀三十六兩近詔書俾免開辦而歲額未除坑首額戶以為言行在戶部覆奏始免之○陝西鳳翔守禦千戶所副千戶劉勰言祖祥緣事立功延綏年力衰憊勰少壯乞代之 上嘉之特宥祥○征麓川兵卒肆掠南京市有敵人至死者都察院上其狀且劾總兵官劉聚監察御史曹璋不嚴鈐束事下行在都察院請先收斂人者論以軍法俟師還然後逮聚等罪之 上是其言復降勅戒聚等保悉心鈐束如再蹈前非連其統帥坐之雖有功不宥○辛酉命陝西花馬池營哨備官軍糧料俱於定邊營倉閔支先是花馬池營糧料

於寧夏聞支至是寧夏總兵官都督史昭言定邊稍近聞給不
勞故有是命○應天府奏歲歉民饑倉糧不足賑濟請以正統
六年該徵夏麥量留屬邑以備賑給事下行在戶部覆奏本府
稅麥共一萬一千六百餘石除光祿寺神宮監等衙門歲用一
千五百二十石之外餘一萬有奇許存留備用從之○癸亥擢
進士周天民王章甘敬修俱為刑部主事○行在禮部奏太醫
院醫士事故者一百五十五人已嘗奏請移文浙江等布政司
直隸府州取補應役今經二年之上十無一二至者以致乏醫
應用欲行巡按監察御史嚴督催促赴京應役若有司徇情受
囑縱容托故者拏問如律上可其奏○乙丑行在通政使司
李暹劾奏行在戶部尚書劉中敷侍郎吳璽等先因萬全都司
具奏賞賜軍士冬衣布花直隸隆慶衛倉所收不數要於本司

萬億倉湊支中數等不為覆奏專擅定擬移文支給請正其罪於是給事中御史交章論之上命三法司於內廷雜治法司言據法應流請如例運磚贖罪上曰論法固難容但所那移物仍充官用情亦無他姑宥之再犯不宥○從張家灣至西務沿河民舍三百十三家以礙運船牽路故也○湖廣漢陽府民陳善信等二人長沙府民彭文政等三十九人德安府民譚忠等十人常德府民朱貴等十人黃州府民陳繼等二十六人武昌府民熊得勳等二十四人衡州府民周試等四人岳州府民許綱等六人荊州府民王仕恭等十六人甯慶府民張必興等二人襄陽府民范仲良等八人安陸州民郝從仁等八人沔陽州民陳俊等四人各出穀千石有奇賑濟賜勅旌褒復其家大明英宗法天立道仁明誠敬昭文憲武至德廣孝睿皇帝實

錄卷之七十九

大明英宗睿皇帝實錄卷之八十

正統六年六月丙寅朔遣定國公徐顯忠為正使給事中孟錕為副使持節冊西域兵馬副指揮杜文女為代世孫仕孀妃○勅諭哈密忠順王倒瓦答失里曰得奏言罕東衛都指揮班麻思結等虜掠滿城外居民孳畜遣人取索不復歸還朕已遣勅諭班麻思結等令其遷善改過戒約部屬悉還所掠勅至爾可遣頭目往彼照番俗體例謀和取索自今尤宜消釋舊怨陸鄰保境以共享太平之福於悠久復遣勅諭罕東衛都指揮綽兒加班麻思結等曰爾等於往歲冬搜率人馬至哈密城外虜其居民老穉百餘人馬百匹牛羊無算及哈密遣人取索爾等執法不還朕以爾與哈密境土相鄰尤宜輯睦自恃強橫先啓禍端甚非保境之深計也勅至爾即着諭部屬使哈密使來忠

還所掠如或別有所言亦許奏聞臣處朕已勅哈密與爾消釋
舊怨不許懷忿互相侵犯爾宜恪遵朕命毋取愆尤○丁卯四
川播州宣慰使司土官舍人楊綱等來朝貢馬賜絨錦綵幣鈔
錠有差○免直隸淮安府所屬災傷糧草凡免米麥一十八萬
一千二百二十餘石羊四十二萬六千八百六十包有奇○戊
辰命四川播州宣慰使司故宣慰使楊綱叔綱襲職○己巳以
脩社稷壇宇廚庫遣官祭社稷之神○朝鮮國王李洵遣
陪臣柳孝聞等奉表貢方物謝恩賜宴并賜綵幣等物有差○
書復寧化王美壤曰得奏言胡信馮完刁詐之狀已命法司俱
杖一百械發遠東違衛守墩哨瞭如再犯及逃治以重典彭貴
已置不問丁甫從所諭釋之丁立亦宥其罪但杖之仍留府中
應役自今府中供役之人敢有構詞妄訴者朝廷必治以公法

不宥○庚午行在禮部尚書胡濙等言今年四月以來亢陽不
雨蝗蝻為患揆之天意驗諸人事皆由臣下才德疎庸政事缺
失有乖陰陽之和以致下累民生上貽 聖慮臣等不勝惶悚
乞令文武百官自本月初七日為始齋沐思過仍令大臣於在
京各寺觀行香及行道錄司慎選道流畫誠祈禱庶幾少回天
意 上曰應天以實不以文今上天降災在脩德以弭之豈區
區禱祠所能免也○不必行○行在兵部左侍郎鄭瑩等奏前勅
雲南總兵官都督同知沐昂等委官會勘廣西上林長官司土
官岑志威等謀殺侵占地方事昂等委雲南署都指揮僉事盧
鉞左叅議王善指揮僉事方才而鉞等皆延經不往乞速治之
上曰鉞等方命之罪固不可容但雲南正用人之際姑恕之
令其從實回奏○辛未 上以是日長髮祭告 奉先殿○降

山東都指揮僉事張安為都指揮同知初安率軍詣京操備命從
征麓川安畏避稱疾得不遣無何復謀歸山東事覺下法司鞠
治論贖杖還職 上以安欺詐降為指揮同知今往大同操備
○夜有流星大如雞彈色青白出天江西南行入尾宿○壬申
命故必里衛指揮僉事俺奔子汪東襲職○危刺哈密使臣扯
里把失等陞辭命各齋綵幣表裏歸賜其太師淮王也先也先
第大同王也勒字羅并哈密忠順王倒危答失里及頭目人等
仍各遣勅諭之○宣寧王府教授楊普奏王狎近軍人武賓聽
用其言箠殺軍人武保兒與賓博戲惟日不足事下行在都察
院執賓及普至鞠問得實詞及王 上以書責戒王使自新○
癸酉命故羽林左衛指揮使陸真子璽指揮同知徐貴子昂金
吾右衛指揮使王祇子忠羽林右衛指揮同知徐愷弟梯羽林

前衛指揮同知毛亮子宣翊斌子勝旗手衛指揮僉事凌錫孫
繼俱襲職羽林前衛指揮使黃敏子綱燕山左衛指揮使閻帖
木兒帖失子聚俱代職○遣勅諭建州左衛都督僉事凡察董
山等爾等世居邊陲舊為親戚正宜同心協力撫率部屬用圖
長久往歲冬因爾一衛存留二印已嘗遣勅諭爾凡察董山協
同署事將新印進繳今爾凡察乃奏董山不應署事都指揮李
章加等又奏保凡察獨掌衛事此事朕處置已定豈容故違敕
至爾等即遵依前勅存留舊印隨將新印繳來務在安分輯睦
毋為小人所惑自取罪愆爾凡察所奏取回人口已勅還將如
例給糧接濟爾等其欽承之復勅遼東總兵官都督僉事曹義
等遣人往察其二人不和之故及多人之情并計議處置之方
奏聞處之○甲戌巡按山東監祭御史等官何永芳奏山東樂

陵陽信海豐因與直隸滄州天津衛地相接蝗飛入境延及華
丘歷城新城并青萊等府博興等縣已專委指揮江源添委左
恭議李雲等設法捕瘞 上命馳驛諭三司御史務在嚴督盡
絕稽遲怠悞者具實究問○乙亥南京 太廟 社稷壇殿宇
梁柱多有朽腐者詔太監劉寧等修理遣駙馬都尉沐昕祭告
○敕行在都察院右僉都御史丁璠曰往者鶴慶軍民府民楊
仕傑妻阿夜珠告土官知府高倫謀殺其子觀即命法司移文
勘驗既而大理衛千戶王蕙勤報倫擅率軍馬欲謀害親母楊
氏又稱其母告倫不孝及倫私斂民財多造兵器殺軍民支
解臬令等罪遂勅黔國公沐晟都督沐昂同雲南三司巡按御
史體覆後各官皆奏倫所犯為實及倫赴京訴冤憲又奏其妻
劉氏與百戶劉剛等協同為惡都察院已逮各犯問擬重刑聽

次今倫累訴止因與叔宣爭襲官職宣教令阿夜珠妄告及因
與憲爭娶周氏為妾憲挾讎誣陷其所勘殺死者多是病死其
中亦有強盜拒捕之人亦有家人佃戶今尚存者倫母楊氏後
亦至京訴稱倫無不孝之事實為宣等陷害朝廷累次行勘其
總兵三司官或利倫之田產或納宣等賄賂皆未嘗躬詣體勘
惟遣人代行所遣之人亦豈復有公道今憲遠至京師即翰款
與倫同詞除釋剛等六人械繫倫憲以俟體實外今特勅爾及
御史嚴恭宜潛自為計或令嚴恭托以他事親詣鶴慶地方公
幹設法密訪鄉印軍民夷人務得倫所犯及原勘保官陷害實
情奏來區處此是申理土官寬抑重情朕以爾二人庶能啟密
命爾兩洵體朕至意存心正大毋有偏徇以妨朝廷公道○行
在兵部左侍郎鄧瑩言奏贖甘肅軍務本部尚書柴車當往代

右僉都御史曹翼而疾甚不能行乞更命一人 上曰車有疾
令回鄉醫治其命大理寺少卿程富為都察院右僉都御史代
之○山西都指揮使馬貴為署都指揮僉事李庸訐奏其貪穢
不奉法姦收軍人妻女為妾下巡按御史曹泰詢問所違者皆
實 上特命貴戴罪視事賊之當徵者徵之事之當正者正之
○丙子靖江王府輔國將軍贊億卒遣官賜祭命有司營葬○
總督雲南軍務行在兵部尚書兼大理寺卿王驥奏雲南曲靖
衛及曲靖軍民府軍民皆舉衛鎮撫丁顯才幹乞與署職以撫
其人 上命陞顯為指揮僉事撫恤軍民夷人勿別差調驥又
奏貴州直抵雲南洱海等處自洪武以來初開道路因蠻夷叛
服不常兼山惡路險是以設立站堡編發為事充軍者二百人
接遞軍需又與附近夷人犬牙相制近來有司不知利害不加

存卹凡一經過扛擡私貨動役百人甚至不足則剝衣服後婦
女日夜不休以致逃竄流離十去七八且原站堡止有百戶無
印信是以詐偽莫辨乞鑄降印信仍出榜禁約從之又言雲南
密通賊巢聲勢相聞正會兵聚操發號施令之始軍威不振當
罰不行無以驚懾蠻夷激勸將士其管軍官有不遵號令貪虐
害軍不理邊備者欲待奏報懲治動經數月請依便宜事例處
置然後奏聞庶疏令歸一軍聲易振 上曰雲南都指揮犯罪
見征進者依前勅以軍法處之非征進者奏聞處之各衛指揮
犯罪者會總兵鎮守官鞠之仍以奏聞○鎮守延綏等處都督
食事王禕奏陝西布政司右叅政年富恕綏德衛指揮等官給
糧賑濟軍民輒杖辱之軍民因而饑死者甚衆富亦奏禎遇寇
出沒輒託言人饑馬瘦不敢追勅居常不訓軍士教場草生尺

餘及私後軍士買妻驕淫事下巡按御史同三司會勘當遠問
上俱宥之既而積復坐奏秋草場不實命陝西按察僉事
許寶勤之并勤得補其他不法如富言者教事事下巡按御史
鞠驗積罪多顯跡而寶所奏亦有虛者 上曰積肆惡不悛罪
本深重朕第念武臣再屈法宥之寶勤事以實罰俸一月○給
南京金吾左等衛官軍騎操馬五百六十一匹○丁丑行在鴻
臚寺通事序班初全奏臣先奉命往四川勘事切見松潘等處
和命等族寨番人雜處有大姓小姓之分僧教道教之別如國
師高巴羅只兒監藏等此道教為小姓禪師綽領等此僧教為
大姓各有管攝不相干預近年以來高巴因與離叭刺麻爭奪
境土糾集番衆互相讎殺乘機虜掠軍民孳畜以致邊境不寧
動擾兵衆深為未便今高巴及綽領見在京師乞各授勅一道

令照族姓分守地方鈴束蕃人毋相侵犯庶幾蠻夷知警邊方
寧謐從之○鎮遠侯顧興祖安御伯張安等官捕蝗事後還京
大同都司薊州永平亦奏捕滅已盡上曰畿甸多蝗朕日夜
為憂今已殄絕民其少瘳乎○己卯占城國王占巴的賴薨其
孫摩訶賁該以王遺令遣王孫述提昆等奉表來朝貢方物并
乞恩嗣位○戶部右侍郎張鳳言近日行在戶部以副總兵吳
亮奏貴州缺糧移文令於龍江益倉掣擊客商益內支五千七
百餘引於兩淮運司餘鹽及私鹽內湊撥一萬引運赴鎮遠等
府收貯備用緣龍江倉鹽多雜以灰土泥沙到彼價低不堪易
米給軍宜俱於兩淮運司支給欲俟奏報試慮遲悞軍餉已如
數給之上曰鳳司國計能任事如此良可嘉矣○直隸富塗
縣大信巡檢司前漕河南通大江舟行避險者悉由此行後以

江水泛漲沙土壅積不通有司請既濬從之○庚辰青州宣慰使司土官宣慰使宋祇遣舍人龍源等廣西利州土官知州岑顯遣判官蘇祖旺等來朝貢馬賜綵幣等物有差○賜占城國王孫述提昆等襲衣靴鞵綵幣鈔絹有差○行在山西道監察御史劉克彥言近命臣往順天府所屬捕蝗所過涿州等一十州縣穀麥間有傷損猶未為害惟房山縣地僻蝗多麥苗殆盡其民饑乏損傷仍復採薪燃炭以供驛傳之費又有軍校尉侵園戶守廠諸項差占官馬驢牛令老幼婦女代養頻年饑饉終日愁苦臣所親歷目覩若非朝廷曲加恩惠必皆轉死溝壑請勅該部將坐派軍需應徵夏稅陪補馬匹等事悉為俾免柴炭等項夫役亦量減免使其稍得休息及時布種黑豆蕎麥以為秋成之望然後於邊山之處深掘壞壑以防明年飛蝗遺種復

生庶可無害 上是其奏命該部即行之○行在戶部奏御馬
監光祿寺并象馬牛房草束俱取辦於山東河南并北直隸府
州縣錄今順天等府蝗旱穀草少收先嘗奏准行在後軍都督
府并本部差官摘撥運糧軍採刈秋青草運至在京通州及花
園草場收貯今年七月至十一月應運草六十二萬束請就令
運赴近便水次霸上等八馬房收積備用從之○辛己免直隸
徐州并豐沛二縣被災糧二萬二千四百餘石草二萬二千一
百三十餘包○總督雲南軍務行在兵部尚書兼大理寺卿王
驥奏五月初七日得木邦報已起軍馬於境上俟候接應官軍
其孟定府已奉來刀門班等俱各來降而叛寇亦保等皆屯於
孟定欲催大軍攻之臣等議以為盛夏多瘴難於進兵候總兵
官定西伯蔣貴兵至即分路進討 上勅貴等曰比得驥奏欲

待爾等至日合兵前進爾等宜同心協和精深計慮務出萬全
更須極卹軍士甘苦同之知人善任獎勵作興則大功未有不
成者勉之勉之○賜祭延安綏德等處陣亡官軍百戶錢聚等
十人○壬午陞大寧都司都指揮僉事張毅為貴州都指揮同
知貴州布政使司右叅議李睿為按察司副使先是尚書王驥
奏貴州官軍月糧皆於四川關支相去甚遠舟車不通各衛差
一二人總領其糧動以千數皆賤糶之而軍士不過得鹽一斤
半斤而已況四川之糧皆百姓肩挑背負積之甚艱而出之甚
賤以致軍士妻子衣食不給皆剝蕝根度日而親管官員又不
矜恤剝削萬端按察司及御史以地方廣闊巡歷不周俾被害
軍士飲恨吞聲無可控訴切見貴州等二十衛所屯田池塘共
九十五萬七千六百餘畝所收子粒足給軍食而屯田之法久

廢徒存虛名良田為官豪所占子粒所收百不及一貧窮軍士
無寸地可耕妻子凍餒人不聊生誠為可慮乞選堂上官一人
及推能幹按察司副使或僉事一員照陝西例於行在錦衣衛
管事官選調一員署貴州都司事使其提督衛所鎮撫蠻夷經
理也田詢察賢否庶幾姦弊可革邊境寧謐 上曰驥所言甚
善吏部即會官保舉廉能公正官一人為按察司副使兵部於
都指揮指揮內推保廉幹善撫卹軍士者一人管都司事至是
吏部兵部以魏魯舉故命之○巡按山西監察御史曹泰奏欵
親勅諭今歲以來災沴數見京畿尤其洪範咎徵皆由人事爾
等皆與國同體自今其體朕心以敬天愛人為心毋懈夙夜庶
幾以回 天意以固 宗社生民之福此誠 皇上克謹天戒
懷保小民之深意也續該都察院右副都御史朱與言奏今四

方間有水旱四時未盡差謬七曜未皆紊度是蓋大臣之過乞
罷大臣尸位者以應天變其時義思勉令脩省不勝黜罰今南
北互隸蝗蝻又生水潦荐至此必大臣中尚有稔惡怙過屬官
中或有背公向私以致災沴不息乞勅御史給事中指實奏聞
去其一二仍令堂上官考察屬官選擇廉公大臣分行天下考
察外任官此端本澄源興利除害之要道也疏奏 上是之令
給事中御史奏議以聞於是都給事中胡清監察御史馬謹等
交章勅行在吏部尚書郭繼少保工部尚書吳中都察院左副
都御史李濬太僕寺少卿崔奎通政使司右通政李錫國子監
祭酒日泰中軍都督府左都督陳懷右軍都督府左都督蕭授
老疾妨政工部左侍郎李庸新建伯李玉後軍都督府左都督
沈清中軍都督府都督同知王貴貪婪無守吏部右侍郎洪璉

戶部右侍郎陳瑞都察院右僉都御史程富行止不端通政使
司通政使李還數奏粗俗太常寺少卿蔣守約寺丞王一居戴
慶祖持身不潔順天府府尹姜濤不諳撫字國子監司業趙琬
性刻傷教乞將璉等罷歸田里王等勤還私第如此則灾患可
弭休微可致而有以行國家萬萬年無疆之休矣 上曰彼為
大臣而不能秉法循禮何以表率僚屬黜之固當然其中亦自
有賢否姑兼存之使改行從善如更不悛必不曲貸○行在後
軍都督府掌府事太子太保成國公朱勇吏部尚書郭璉等上
章言灾沴之興甯由臣等冒昧所致伏乞 聖恩涵貸許令戴
罪降着以圖自新其屬官中有不職者臣等考覈奏聞在外官
吏先行巡按御史考察然後選擇大臣偏歷咨訪務在官得其
人軍民安業以上回天意 上曰爾等宅心公私處事得失皆

朕所素知但念為朝廷重臣非有大故悉置不問奈何善不加
降過不知悔致茲物議之紛紛也繼自今宜革心改行以贖前
愆往歲遣人考外任官進退多有不公今姑已之其貪酷虐害
軍民者令御史三司官體實來聞○宣府等處管糧叅政劉璉
言宣府所轄各衛倉添設經歷各所倉添設吏目提督出納今
長安嶺鵬鷄赤城馬營雲州等堡指揮等官提督不便請如例
添設 上命於龍門守禦千戶所添吏目一員專司出納指揮
等官毋得干預○錫義勇左神武後會州潞州瀋陽中蘆燕山
等衛水災屯種子粒一千一百六十四石○癸未哈密忠順王
倒瓦答失里遣使臣馬黑麻等罕東等處都指揮綽兒加等遣
使臣鑽南兒加等俱來朝貢馬駝方物賜宴并賜綵幣等物有
差○命脩長淮衛城○甲申陞行在兵科給事中王永和為本

科都給事中永和九載任滿給事中宋傑等薦其詳慎乞仍留
侍從改陞之○日生左右珥色黃赤鮮明○丙戌行在國子監
祭酒貝泰致仕泰金華人由鄉貢任教諭進國子助教陞司業
以大臣薦陞祭酒善教洪熙間命魏國公定國公入監讀書寵
賜優厚至是以老疾乞休從之○丁亥遣中官祭中霤之神○
直隸海州并河間府屬縣各奏五月中大雨雹六月旱山東壽
光臨淄二縣各奏旱蝗民食不給稅糧無從辦納 上命行在
戶部覆寬除之○甯山東備倭署都督僉事李福罪初福受捕
魚戶訴狀杖登州衛指揮孫凱凱父通詆福福并執通杖之
十枷示衛門既而釋之通奏福諸不法事事下巡按御史逮諸
所連者鞠之有甯請治福罪 上宥之第住俸半年戒以再犯
不宥 戊子甯守備蘭州衛都指揮同知戴旺罪初鎮守右僉

都御史王翱劾奏旺不操練軍士所部教場地俱墾為田且言
旺久廢疾請別選公廉幹濟者徃代之事下行在兵部奏請行
鎮守官會勘其實至是言旺疾實未篤操練時當歇後教場地
雖非旺自墾然為人盜墾旺不能禁罪終難逭請寘于法 上
曰姑宥之再犯不宥○行在都察院右都御史陳智行在工部
左侍郎李庸有罪罷為民初庸以智都風紀嘗私饋之會有言
災異由大臣不脩省改過請罷其尤以回天意者監察御史給
事中遂劾庸貪賊無厭不顧廉耻庸銜智受饋不已庇奏智貪
婪暴怒諸不法罪并誣監察御史給事中朋姦黨蔽 上怒命
行在錦衣衛俱執之下百官究狀太師英國公張輔等上其獄
俱當流例輸贖庶為民 上曰庸智皆大臣朕果宥其過畧不
知戒不才如此可再用抑其免贖即發回原籍為民○先是行

在吏部右侍郎洪璵為監察御史馬謹等劾其行止不端有玷
名爵有旨宥之至是璵自陳右都御史陳智子濫膺保舉為本
部考黜御史章珪枉問工部主事孫雷為民為本部糾舉因狹
私讎朋比誣陷乞勅多官辦之上曰陳智已寘諸法璵始令
任事命六科給事中從公體驗其實以聞○己丑勅諭赤斤蒙
右衛都督僉事且旺失加都指揮僉事革右者可兒即等近遣
醫官哈先性哈密公幹已勅爾及沙州衛都督因即來等遣人
護送出境沙州衛已即遵承而爾等竟致違誤又聞爾革右者
及指揮鑽可者亦魯伯等率領家屬常住沙州地界肆為寇盜
甚或詐冒沙州名目欺劫徃來使臣蓋朝廷建立衛分授爾官
職正欲管轄一方之衆而爾等自為不道尚安望其幹束下人
使之安分乎傳聞之言事或失實朕已悉置不問自今宜恪莫

勅誠恭承朝命毋蹈前非庶幾享福於悠久○命劉失巴嗣其
事父伯占巴為真脩禪師給勅命○陞行在大理寺卿王文為
行在都察院右都御史行人司行人高寅為行在光祿寺少卿
行在鴻臚寺序班張如宗為本寺寺丞○以福建都司各衛所
倉改隸府縣先是巡按監察御史姚璧奏福建濱海衛所倉廩
舊隸武職管屬恃其豪橫欺弊多端寔為民病乞改隸有司仍
於各府縣置通判縣丞一員提調收支糧斛 上命行在戶部
移文福建三司官議至是奏以為宜從之○免直隸滁州全椒
來安二縣軍傷糧一千三百一十餘石草一萬八千四百餘包
○廣西按察使章聰劾廣東署都指揮杜信守備廣西地方不
嚴哨備致賊殺虜人民從容遁去請治其罪從之○夜有流星
大如杯色青白出尾宿西北行至房宿後七小星隨之○庚寅

勅諭六部都察院大理寺通政司六科錦衣衛朕以菲德恭承
祖宗大寶主宰兆民夙夜祇勤惟恐一人或有失所間以畿
內單蝗尤存兢惕有言京師大臣怠肆所致遂下其章明示百
辟俾之脩省而任言責者指擿章過事多失實若勳臣端士小
過微瑕及曖昧無徵之事咸在擬拾朕覽所言虛實混淆悉已
不問但令改過然犯者不感恩而悔過言者猶抱忿而致罔
咎不厭無人臣禮夫會贖者生民之蟲豸誣罔者國家之讒賊
其最甚者皆已黜罷爾大小官員宜各秉禮義持廉潔存忠厚
戒貪慾素為善者益加自勵永保祿位終全譽名素不檢者即
洗心改慮以務善行以保全終其惡也之凡言事者必審察的
實勿証是為非勿毀直為曲理刑者務在公平推究情實毋枉
非辜毋忽人命如或懷私妄言反縱情濫刑國法必所不宥也

神亦有陰誅其悉勉之掌風紀者尤須秉公待正振肅綱紀抑
濁揚清扶植善類有實犯者必公言之勿憚權貴有屈抑者必
明辦之母忽卑賤用稱朝廷耳目之寄各屬官中或有庸劣不
任貪婪無守及輕薄生事狂人者堂上官具以名聞將降罷之
庶幾所用皆賢治平可望特茲勅諭其敦承之母慢母忽○時
取到逃匠皆帶刑具罰工 上以天氣酷熱令有司脫去之○
甘肅秦贊軍務行在兵部尚書祭車卒車字叔與杭州錢塘縣
人天資秀敏由舉人擢兵部武選司主事轉員外郎永樂八年
駕征北車扈從以行還遷江西布政司右叅議明年坐事左
遷兵部職方司郎中陞岳州知府居三歲復入為職方郎中宣
德五年陞兵部右侍郎三載轉左侍郎時西鄙不靖以車庶幹
命往協贊陝西軍務調遣軍馬督運糧餉皆得事宜賜金織衣


一襲先是虜寇涼州副總兵劉廣表師敗律不以甯聞反要功
賞至是車劾奏其罪 上命械廣詣京以車盡心為國賜以金
幣岷州衛土官都指揮后能家人冒功陞賞車上言罷革詔嘉
之遣使宴勞賜眷甚厚仍增俸一級在邊章疏凡數十上切中
時病同事多不喜其所為車持論益堅不事阿徇滿考陞兵部
尚書正統五年召還請歸展墓明年還朝感疾 上遣醫視之
後俾還御調治未行卒訃聞賜葬祭如例官給舟車歸其喪車
歷事四朝凡四十餘年操履清慎中外稱之○夜月犯畢宿○
辛卯命親國公徐顯宗為正使給事中李素為副使持節冊晉
王庶長子鍾鉉為榆社王次子鍾鐸為徐溝王西城兵馬副指
揮張貴女為雲丘王美場妃以晉定王第八女為垣曲郡主配
王裕命裕為宗人府儀賓給賜語命冠服等件○壬辰晉王美

主喪王晉定王長子母妃傅氏洪武三十二年生永樂三年封
為晉世子二十一年封平陽王宣德十年襲封晉王至是薨年
四十三訃聞 上輟視朝三日遣官賜祭王和厚易直恭事朝
廷久而愈篤謚曰憲命有司治喪葬○漕運石恭將都指揮食
事湯節言徐州至濟寧諸閘本積水以便漕舟今使客怙威至
即起閘吏得莫能禁臣見徐州呂梁二洪剝淺小船可令給與
各閘傳送使客庶利於積水從之○癸巳封持戒禪師緯領為
清修廣惠國師給誥命銀印○革直隸鳳陽府量積倉從知府
楊增奏請也○直隸真定府民程仲良等六人保定府民劉士
名等三人各出粟六百石有奇陝西寧夏衛舍人王榮軍餘葉
榮等四十六人西安府民泰福等四人各出豆粟三百石有奇
直隸徐州民劉芳等四十三人廬州府民許再興等十五人山

東兗州府民宋琛等十三人各出穀千石有奇賑濟賜勅旌諭
復其家

大明英宗法天立道仁明誠敬昭文憲武至德廣孝睿皇帝實
錄卷之八十

大明英宗睿皇帝實錄卷之八十終



明英宗睿皇帝實錄卷之八十一

正統六年秋七月乙未朔享太廟○遣中官祭司門之神○
遼王貴煖奏欲朝京代世孫仕堙以婚禮畢奏欲詣京謝恩俱
以道途跋涉復書止之○陝西平涼府開城縣奏本縣民戶數
少差占數多遇有急務實難措置內土軍三百八十四戶戶有
二三十丁者止一軍役乞令無應民差奏下行在戶部議土軍
優免五丁餘聽科差從之○罪監察御史周軌陸獻章垵成規
方洙為民特勅各衙門堂上官考其屬右都御史王文言軌獻
貪墨無守珪規能薄生事扛人洙庸劣不任請皆罪然從之○
丙申山西按察司僉事劉鼎下獄有朱氏者先為安設侯吳傑
妾傑死改嫁指揮張能能死又嫁指揮程鵬皆為妾鵬生事誅
鼎慕其奇說取為妻至是巡按御史曹泰劾奏鼎忘廉恥配夫

蕭婦為風憲玷 上命逮押下獄鞠之○丁酉復除顧是為江
西臨江府清江縣縣丞是在任專理糧稅率丁憂去任民思之
不置及是起復會邑民六百餘民保其公勤不苟致命復之○
出內帑銀一萬一千二百餘兩送雲南總督軍務尚書王驥處
收貯以備實勞從驥奏請也○少保蕪行在工部尚書吳中奏
臣因久病蒙命醫調治未能全復月支俸糧不無虛費乞為任
支 上曰卿早先朝累有勳績迨輔朕又效勞勤俸糧仍舊關
用庶稱朕優待老臣之意○十三道監察御史劾行在吏部右
侍郎洪興內行不飭 上命法司執興及所連者廷鞫興具陳
與御史讐撫以暗昧事加已遂釋之○河南彰德衛輝開封南
陽懷慶五府山西太原府山東濟南東昌青萊兗登六府運東
廣寧前中屯二衛直隸東勝興州 二衛蝗生 上命行在

戶部速移文鎮守巡按三司官嚴督軍衛有司捕滅 戊戌
仁孝文皇后忌辰遣官祭 長陵○書復慶王秩燧曰所喻真
寧王毋喪欲躬營葬於華州已允所言但令以禮自持勿貽下
人之議○書復永和王濟煨曰得府中長子美塢奏知叔祖遇
疾甚朕心惻然特遣醫者吳端齋藥星馳往療惟叔祖善加調
攝早遂痊愈以副朕親親之望○山西大同衛軍王信過姊家
遇僧詈之姊怒逐信遂毆殺姊獄具當斬審刑員外郎蕭維禎
以爲赦例但不宥子孫謀殺父母祖父母者弟殺姊當原
上曰信殺親姊忍心害理其宥死發哨守極邊○已亥勅雲南
威遠州土官知州刀蓋罕曰叛寇思任發侵爾境土道人脅爾
從逆爾毋招囊猛能秉大義效忠朝廷悉出全賞分發頭目
毋子躬探中肯賞勇殺賊斬其頭目刀派罕追逐餘賊過江浙

死數千斬首數百級得其戰艦戰象仍留兵守賊所據江口之地忠義卓然深足嘉尚今特陞爾正五品授奉政大夫修正庶尹封爾母為太宜人俱錫誥命銀帶及綠幣表裏酬爾母子勳勞陶孟刀孟經等亦賜賚有差爾宜益勉忠義以副朕懷○調江西建昌府新城縣知縣陳員翰于吉安府永新縣永新縣知縣馮受于新城縣臨江府清江縣知縣胡季本于本府新淦縣新淦縣知縣楊度于清江縣南康府星子縣主簿廖文昌于吉安府安福縣安福縣主簿陳祥于星子縣先是本布政司言員翰季本文昌才堪繁劇而縣及簡靜受度祥才宜簡靜而縣及繁劇乞量置之庶各稱其才 上曰朝廷用人正欲度才授任遂命吏部如所言更調之○巡撫大同宣府右僉都御史羅亨信言大同今歲春夏少雨人皆艱食新撥屯田旗軍二千九

百名該徵子粒一萬七千四百石乞減半徵收從之○行在大
理寺左評事馬豫言臣奉勅審刑切見各處有司官吏捉獲強
盜意圖陞賞過多招人犯彼盜乘機槩以警人指攀所司輒
拷掠成獄不待詳報傷死者甚多請令各處三司及衛府州縣
今後強盜勿聽妄指果有贓證務行巡按監察御史按察司官
會審方許論決若未審錄有傷死者勿准例陞賞上從之仍
命法司行各處官司凡鞠獄因務要詳害得實不許輒聽攀指
冤及無辜○庚子永和王濟娘令總旗賈旺守母妃墳旺數有
侵盜且出恣言王欲罪之旺詣闕言內使李誠自宮不淨示樂
十五年與王宮人通王夫人杖死所通宮人誠以他事誘王毆
死夫人及其母後數有欲廢其事者王輒杖死以滅口千戶李
珙為王治私宅以居所姦妓者妓者生女而三歲珙即求以其

幼子為儀賓又言慶成王美靖令總旗徐旺誘妓者與姦因奏
陞旺為典仗有欲告者王假他事杖死之二小旗嘗為盜王隱
之而召其妻與姦踰年始出之餘所連者尤衆法司逮治俱服
論賈旺絞誠斬珙等俱贖杖復職二王所坐在赦前宜勿論
上曰然第珙所犯重其調之邊衛仍以書諭二王今後戒慎庶
小人無得藉口○命翰林院修玉牒○江西豐城縣沙月等湖
隄單薄易決有司請填築以便民從之○壬寅山西交城縣民
王景聚林賢臨縣民白惟能高志榮朱景祥王有祿山東兗州
府民宋深徐洪李祥武自然劉上成于子文王大用鄭剛裴寧
林茂和智紀信錢貴宋謙武定州民李通張文直孫勝孫謙劉
友直李木王子全李貴王雄各出稻麥千石有奇佐官賑濟賜
勅旌勞復其家○行在兵部左侍郎鄒瑩等言京衛武學教授

振請立學規下臣等議臣等會同少師兵部尚書革蓋殿大學士楊上奇等議武學雖隸兵部亦屬御史提調其都督以下子弟選材器類優家道相稱者百四十人通前所選幼官一百人均分六齋肄業其所選幼官或有選除襲替則依舊選補其堂名明倫六齋名君仁由義崇禮弘智悖信勸忠一幼官及武職子弟所讀之書小學論語孟子大學內一本武經七書百將傳內一本每日總授不過二百字有志者不拘必須熟讀三日一溫就於所讀書內取一節誦說大義使之通曉春夏秋月每日辰時初刻入學至未時末散冬月中時散一都指揮紀廣等五十一員俱已年長難於讀書惟令五日一集聽講其會講之日教授訓導咸在內輪一員以大誥武臣歷代臣鑑百將傳及古今名臣嘉言善行內采一段升座講說務在坦直明白易曉

各官齊班抵揖立聽有未曉者許其請問再為解說務使粗知大義講罷祇揖而散其幼官子弟亦隨後聽講一幼官子弟日寫做紙一張率以百字為度有志者不拘一幼官子弟有事請假先日訓導以達教授明立假簿董事繁簡緩急定與限期有限赴學一都指揮紀廣等升堂聽講執弟子禮不係聽講之時相見各以禮待其幼官以下常在學肄業者必行師弟子禮一都指揮紀廣等聽講之日遇有公差及當操之日皆須報知本學明註簿籍事畢仍前會講幼官內有領隊管隊官如遇操練之時分作兩班輪下教場三日一換亦須報知本學明註簿籍操畢仍前赴學不該操者依舊在學一本學置紀過簿一扇都指揮等官有犯學規者學官以言訓飭不從者明書其過三次不改具呈總兵官處隨宜懲戒其餘幼官子弟有犯量情責罰

一提督御史下學恣依憲綱禮儀其勉勵官員子弟須稽考勤惰量加警飭毋致廢弛一教官幼官及武職子弟廩饌每人月給食米三斗上曰可其令教官用心誨之○陝西綏德衛守備大桑坪寨指揮僉事安貴言本寨地臨極邊新設營堡守備其軍士自餼其馬口糧月支止四斗食用不足乞如例量撥在官屯田與贖罪草末支給無用口糧月增五升從之○甲辰命故建州左衛指揮僉事卞保叔子買禿襲職○夜有流星大如杯色赤首先出天樞西南行至天弁○乙巳山西布政司奏社稷秋祭在邇而晉王已薨其庶長子未受封缺主祀者事下行在禮部議尚書胡濙等言禮經三年喪不祭惟祭天地社稷為越紳行事註謂不收以卑廢尊晉王庶長子鍾鉉近已冊為潯社王其令主祀於禮為宜從之○賜陝西都指揮僉事冷剗

卜花指揮祁賢綵段表裏有差先是罕東安定二衛洎中藏簇
仇殺總兵官寧遠侯任禮承 上命遣二人齋勅撫諭寧輝以
還故有是惕○命故錦衣衛指揮使徐歲子輔襲職○山西巡
邊都指揮同知戴莊私役軍士招妓者與飲為巡按御史所奏
命莊自陳狀至是莊輸罪 上以其不文過飾非宥之○丙午
詔占城國曰昔我 祖宗恭 天明命君主天下海內海外四
方萬國無間遠邇一視同仁咸欲使之安其分遂其生故各建
統屬以至其治朕祗嗣大寶一循舊章故占城國王占巴的賴
爰自 先朝以迄今日恭事朝廷勤儉職貢逾久逾篤始終一
誠聿茲云亡宜有繼續其孫摩訶賁該敦厚慎恭賢類其祖上
能事大下能保民今特遣正使給事中舒腫副使行人吳惠齋
勅封摩訶賁該為占城國王以主國事爾大小頭目人等其欽

遵朕命盡心輔翼淳行善道俾凡國人咸蒙大平之福庶幾副朕仁覆一統生民之意遂命其來使述提昆迪沙齋勅諭摩訶貴該敬效正職恭脩朝貢善撫國人和睦鄰境并以織金紵絲紗羅賜王及其非○順天府戶部奏本府八月鄉試例取舉人八十九名近者浙江等布政司并應天府舉人俱視常例有增惟順天府仍舊然本府與應天府俱有監生并各處儒士史典應試之准應天府例增二十名從之○行在戶部郎中王壇奏近奉勅借山東布按二司官協脩預備之政已提督濟南等六府州縣儲積穀糧一百九十一萬六千九百餘石脩蓋倉囤收貯今臣回京請令布政司叅政一員不妨本職往來監督禁革姦弊春時巡撫賑貸秋成督併還官歲終仍具還官之數以聞庶使人有驚懼慙無虧耗從之○巡按江西監察御史李俊言

天下各衛所軍士多授例詭稱老病亡歸其補伍人不可以壯丁第以幼者紀錄圖附近地人有募異姓以代希脫免者自妄指親族或更民者有不聽官吏皂皂勾解者究其原皆各處清運諸船軍士受賂載歸沿河巡司不加詰察所致請勅都察院出榜禁約各衛所軍士果老疾者勾丁得代始擇逃卒及載歸者俱調遣衛巡司失於詰察者罪如律章下行在兵部以為逃卒之禁已有著令不必榜示宜以俊言諭諸天下清軍者上從之○陝西漢中府石泉縣儒學署教諭軍舉人黃士文言天下各邑文廟社稷諸壇每歲春秋祭祀共用諸羊五十四隻帛三十六段此在壯邑措置固易至如石泉民止一里五十六戶貧窘者多指辦實難洪武間文廟祭儀官給價米比因博節糧儲惟給以錢乞令邑民四里以上者給官錢不及四里者刑以米

燕畿民田少起車下行在禮部覆奏凡州縣不及三里者春秋
二丁第行釋菜禮其過三里者悉仍舊制從之○丁未始書永
壽王志頃曰地闢王偕弟以行香故引火者官校四十餘人於
南山五臺寺觀游覽三宿方回而防閑甚疎萬一為小人所侮
非惟虧損令德其如先王遺體何凡今諸王之出在禮有不可
已者亦必先期遣人馳奏今叔以游覽輕出露宿不知自愛是
皆惑於左右小人之和說繼今宜謹自防非親親之厚不致此
言叔其亮之○勅緣邊諸將曰今已立秋正當防慎之時爾等
須預勦邊備將士須勤操練須熟器械須整齊馬匹須臆壯瞭
望須遠計慮須深蓋虜情詭詐切不可恃其有使往來而不為
之備自古邊將之善謀者寇雖未至常若寇在目前須臾未嘗
怠忽故終無寇患爾等慎之慎之○行在刑部侍郎中書尚外

郎劉廣衡奏近奉命巡視浙江其杭州等九府屬縣民饑已發
在官米較賑濟湖廣按察司分事曹鼎亦奏辰州等四府所屬
州縣民饑已賑濟之各具數以聞○直隸河間順德二府所屬
州縣復蝗命大理寺少卿顧惟敬并監察御史郎中主事分捕
之○命監察御史陳承李儼王道捕蝗於順天諸郡並初已命
御史邢端劉克彥陳璞史濡至是克彥璞濡有他屬故以承儼
適代之○己酉中元節遣官祭長陵獻陵景陵○代王
桂寵其侍女榮花菊花妃徐氏妬之糞其鼻口漆其身成癩已
而傳藥潰爛之後潛令銜卒陰仲譖誘之亡去大同府官以聞
上命王妃勿問仲譖付僉都御史羅亨信治之獄成坐杖命
杖訖發耳爾充軍仍勅諭王自今宜嚴肅身外以正家法凡有
當行之事悉令世孫奉行不許妃嬪干預○賜迤北來降達子

晉苑舊卷冠帽銀帶金織襲衣銀鈔絨段去裏房屋器皿○命
行在翰林院侍講學士陳循往同翰林院侍講陳用為應天府
鄉試考官○勅廣西總兵官安遠候柳濤叅將都指揮田真又
廣西都布按三司巡按御史曰得潯州府奏前年桂平縣大藤
峽等山賊時常出沒未及二年所劫本縣及平南藤峽三縣民
五十餘家虜去男婦六十餘人牛羊近百強占田土然不聞爾
等奏報此事若果有之爾等皆若顯位何忍坐視又聞總兵官
雖調湖廣等處官軍在彼哨守其不服水土病死亦多以致賊
無忌憚民懼其害勅至即公同計議各委堂上官一人往彼會
知府等官斟酌民情事勢如何且遣人撫諭如賊能掌心順服
還所虜男婦牛畜及退所占耕民田則赦其前罪諭令改過如
賊怕終不從撫諭必勦除之以安邊民用兵之際須分別善惡

不可激及無辜以招天譴慎之慎之○勅四川都布按三司曰
今得董卜韓胡宣慰使免羅俄監繫奏其所進語錄經文已貯
成都府興福寺馬二百一匹欲從保縣前來被雜兀兒谷敦
之人伐樹塞路不容經過乞差原管進馬沈鎮撫男羽等往彼
接收此事虛實雖未可知第夷人遠來朝貢不可為小人所沮
勅至爾等即遣羽等或增選一二人同其差來人前去接收就
訪察雜兀兒及谷敦之人果不遵禮法阻絕道路即令諭以禍
福利害不許生事啓釁如彼執迷不從爾等同議停當奏來區
處不可視以為常有失遠人歸向之心尤須嚴飭所遣毋得纖
毫有所需索攪擾雷夷取罪非輕爾等其欽承朕命毋忽○辛
亥勅宣府總兵官都督譚廣左叅將都督僉事黃真右叅將都
督僉事楊洪往內備邊及操習神銃軍士常令爾等就彼造演

箭用合開滿廣於宣府立神銃演箭局爾真爾洪於獨石等處
亦圖局造次鎗神銃等器此器舊無在外成造之例憲日入傳
習者多必有漏泄之弊勅至爾等即便停止將已造完者會同
鎮守內官趙琮僉都御史羅亨信嚴點貯庫具數奏聞遇有警
急酌量取用如後開用未京關鎮○壬子太宗文皇帝忌辰
遣官祭長陵○命改惠安伯張昇孫琮襲封惠安伯○八春
黑商地面使臣火吉捨黑馬哈麻等陛辭命齋勅并綵幣表裏
歸賜速魯謹馬哈木等勅曰自古帝王奉天明命主宰天下
無間遠邇皆欲使之安生樂業我祖宗臨御之時上體
天心推恩布德撫綏萬邦是以薄海內外罔不懋誠朝貢爾亦
不遠萬里屢遣使來獻方物拱恭膺天命嗣承大統爾後遣
使臣以方物朝貢朕深喜悅使臣回持勅獎諭自今宜益順

天道益堅軍火之誠以撫卹部屬使各得其所而同享太平之福於有末○復除監察御史俞本吳瑜於行在福建等道以親表服闋故也○陝西苑馬寺卿楊應春以老疾乞致仕從之○癸丑命故金吾右衛指揮使許文弟旺襲職留守前衛指揮使宗禮子智羽休前衛指揮同知張信子能指揮僉事劉海子興童榮子祥俱代職○哈密使臣馬哈麻沙馬力等回命齎勅又綵幣賜忠順王倒瓦答失里○甲寅命故雲南都司都指揮僉事吳堅子瑾襲為指揮使○加雲南順寧府土官知府猛孟勛階為太中大夫資治尹賜誥命及金帶綵幣以褒之其千夫長阿都思等三十人各陞賞有差以討麓川叛寇功也○清通右叅將都指揮僉事湯節宣每歲漕卒附載土物以益路費往往為抽分司盤詰軍甚苦之臣請勿抽分又言開河水淺糧艘不

能進緣河南金龍口又山東徂徠金溝等衆缺官提督疏濬之
故臣請遣選廉幹官分授提督及移文河南山東各委官及時
疏理上皆從之○乙卯勅建州左衛都督僉凡察及建州衛
都指揮李滿住等曰爾等朝鮮國王李洵將爾叔指揮逢吉等
所屬人民一百八家拘留不遣又稱各人不願回還乞朝廷差
人往彼分谿已勅朝鮮將所留爾處人口願回還者發還完聚
朝鮮復奏各人在彼居住年久結為婚姻不願回還已諭爾等
知之今爾等奏乞朝廷差人往彼分谿此言可行至云如彼不
與候明年率衆往取此言非理此蓋由爾等昧於天道不順僉
欲生弊端自取危亡朕深憫之勅至爾等謹遵法度約束部屬
毋犯朝鮮待其使臣來朝審其實情必為爾等從公處之若不
遵朕言擅動人馬自作不靖必有天殃人禍爾等其慎之慎之

○擢行人等官方員羅鵠丁澄蔡愈濟丁壇等為行在福建等道監察御史先是員等以行在吏部選送行在都察院理刑至是右都御史王文言御史缺多乞不拘例考授之故有是命○
○丁巳給雲南大理府仰州醫學印○行在禮部會官揀選南北二監監生熟年老殘疾都隈不堪教養者八十人○雲南總督軍務行在兵部尚書兼大理守鄉王驥言近因調兵征勦思任發召鹽商納糧給軍其淮浙雲南四川今年鹽課中納俱盡惟四川鹽課額尚多乞復召商中納奏下行在戶部議請開中全齒足食倉每引納米一斗五升大理崇益倉二斗從之○
戊午巡按山西監察御史曹泰言二事其一曰備邊臣聞三軍之勝負係一將之得失故將宜精擇近年邊將率多掄克之是先活融之是務其視兵謀師律不復知為何事如此而欲望其

脩軍政作士氣以強國勢如鎮守山西左都督李謙同守備備頭關都指揮使馬貴署都指揮僉事李庸數月之間備邊之良策未聞利己之私情盡見彼此訐告詞訟紛紜臣已數奉詔令法司逮問第恐緣邊諸將似此者衆乞加禁約庶察其似此無良者按而罪之智勇超卓者舉而代之庶幾軍政脩而士氣作國勢強而外侮不足慮其二曰任官臣聞古者擢用臺諫未必皆賢所言未必皆善然須養其銳氣假其重任使得以折姦臣之謬而救時政之失伏惟我朝之任監察御史小其職而重其任畧其細而求其大所以養其銳氣也九年考滿不次擢用所以勸其盡職也昔漢蕭望之以諫議大夫出補御史上疏以為輕而不屑為近年監察御史九年稱職無大臣舉薦陞任同知九年平常又無薦者理州同知其間按巡於外有能劬擊豪強

振揚風紀者往往為儉和之徒訐其細過輒奏逮問或加以罪
或殺其官蓋欲銷沮其銳氣俾不得盡其職也乞勅該部自後
御史貪污不法者治以重罪痛擿聞者罷歸為民平常不勝
任者即行黜黜其他小過量加寬貸九年考稱雖無大臣恭薦
乞准舊制不次陞用庶幾銳氣不沮而將來小臣之有儉和特
政之有缺失得以悉聞於上而無所顧忌命該部議行之○該
浙江處州府青田縣廬山巡檢司置巡檢一員以其地當慶元
龍泉慶水瑞安平陽及福建政和諸縣銀冶之衝故也○己未
詔免宣聖五十八代孫鑑五十九代孫紀徭後先是鑑等自陳
係河南寧陵縣支派見收宗文圖及前代襲封衍聖公印信祭
帖可證乞為優免至是行在戶部勘實上聞故有是命○大同
叅將都指揮同知石亨言西路操備人馬數多費用浩大民間

轉輸不勝勞苦文軍士家口及置買軍裝俱仰給月糧一遇歲
歉不無失所見得行屯院淨水坪迤西土地廣沃洪武永樂間
嘗在彼屯耕乞將大同左右王林雲川四衛軍士除巡邊守城
外通選三千名每名月減糧三斗止支五斗往彼屯耕各立營
堡隨帶軍器且耕且守仍選管隊官員提督種子牛具官為措
買秋成每軍暫納覆糧六石後米成效量加紬糧歲計其費減
一萬八千石利增一萬八千石庶使民免輸轉之勞軍無饑窘
之患奏下行在戶部請令鎮守總兵及巡撫都御史勘議而行
從之○庚申行在都察院右副都御史陳鑑奏及先鎮守陝西
聞有山西亡卒劉肅詣天文及諸邦術還將多師禮之者未及
緝捕奉命回京令聞快憲歲饑軍民流竄恐煽誘為患上命
錦衣衛遣人擒之○互隸太平府蕪湖縣言陶子圩東境邊臨

山河水深不能填築乞於堤內別築新堤以備旱澇從之○辛酉命行在都察院右都御史王文侍經筵○總督糧儲都督僉事武興言湖廣都司德安守禦十戶所漕舟遭風破壞其撈煤糧米二千九百九十餘石雖堪食用不耐久積乞將湖廣都司所屬衛分該納京倉糧內摘撥一萬九千九百四十六石於通州倉納摺出腳錢補納撈煤米數仍將前米給與本都司各衛旗軍食用住作次年該給口糧從之○宥兩淮都轉運鹽使司運使嚴貞非初巡按御史張裴案貞倍公務私鹽課不理送吏部處分既而諸守支者復連發其索贓狀斐具以聞行在都察院請下貞獄貞訴言所索之物皆為公用已無所私 上特宥之令復職○壬戌省湖廣德安府撫民通判一員從知府范理言本府所屬縣少事簡故也○癸亥交城王美垞奏晉王薨逝

欲借陽曲王西河王奔祭几筵 上以往還跋涉非苟復書止
之第令其於府中為位哭臨而遣人詣太原致祭以盡同氣之
情○復故少師工部尚書兼護身殿大學士楊榮家從其子尚
寶司丞恭奏請也○甲子謫陝西都指揮僉事周全戍邊全坐
挾讎杖死千戶罪當斬巡按御史李匡辨其無挾讎情但酷暴
難居方面 上是之令杖一百赦其死謫之○直隸淮安府民
高宗泰揚州府徐毅等共二十八人山東濟南府民李通等二
十七人各出教千石有奇賑濟賜勅獎諭復其家

大明英宗法天立道仁明誠敬昭文憲武至德廣孝睿皇帝實
錄卷之八十一

明英宗睿皇帝實錄卷之八十一

明英宗睿皇帝實錄卷之八十二

正統六年八月乙丑朔增給南京各衙門歷事監生月糧有家
小者月支八斗無者六斗○順天府直隸真定府山西平陽府
所屬州縣各奏春夏不雨田禾旱傷租稅無徵上命行在戶
部覆稅以聞○丁卯釋奠先師孔子遣行在翰林院學士苗衷
行禮○戊辰祭太社太稷○鎮守延安綏德等處都督僉
事王禎奏先年奏請召商中鹽止於綏德高家堡榆林莊近處
上納以致邊遠倉分無儲而近處則又陳腐虛耗乞將今年生
撥高家堡榆林莊之糧酌轉撥邊寨糧少倉分庶得速有儲
蓄近不腐耗命行在戶部議行之○山西按察司僉事劉紳被
劾下獄奏僉事李運使其子索書吏賂書吏發之按察使徐永
達副使胡軫僉事李福俱庇運不為理巡按御史曹泰亦運舊

僚徇情不劾事下行在都察院謂秦永達等嘗按辦罪辦有銜
而誣之宜令審刑評事王亮及後巡按者體覆從之○己巳給
山西行都司官軍馬十一百十二疋以大同總兵官武進伯朱
冕等奏請也○參贊井肅軍務右叅都御史曹莫言國家之制
郡邑各設養濟院以收恤無告獨陝西行都司各衛俱無請一
體設蓋以廣同仁之政事下行在禮部覆奏造城荒遠兵餉不
充供億煩勞難同內地如果有鳶廢鰥寡孤獨之人所司勘實
量給口糧送還原籍其無家可歸者俱送陝西布政司分送附
近州縣養濟院從之○河南河南府宜陽縣奏境內累歲水災
人民乏食逃移者一千八百九十餘戶地廢稅存包納艱難乞
將該徵秋糧三分之一折收綿布轉輸陝西布政司官庫以備
邊用 上命行在戶部酌量行之○庚午新建伯李玉陳情言

臣歷事五朝蒙劾軍功已蒙封以伯爵第念子孫未荷襲爵之
命倘蒙矜閱乞賜世襲臣即老死尚當結草以圖報上謂吏
部兵部臣曰朝廷於功臣襲封率遵祖宗定例若李玉輪功
封爵出先帝特恩於例豈得襲乎第如例行之○直隸常州
府武進江陰無錫宜興縣池州府桐城縣被災饑民三十一萬
九千一十七戶有司發官廩米一十八萬五千五百六十餘石
賑濟之○裁革陝西平涼府雜造局初設局隸府專造平涼衛
軍器後衛例自置局至是以本府知府陳傑言本局冗曠故革
之○行在兵部奏在外都司衛所多有清解新軍被官旗擾害
侵逃○後許首領官指實具奏若有容隱巡按御史按察司官
執問如律從之○辛未命行在翰林院學士錢習禮編脩薩琦
為順天府鄉試考官賜宴于本府○命灌頂廣智弘善國師喃

葛藏卜襲其世父為灌頂淨覺弘濟大國師賜之誥命○新建伯李玉卒賜祭又贈遣官治喪葬進封新建侯○行在兵部奏沿邊各關隘守把官旗多受賂縱放逃軍今後宜懲治從之○上中四川鹽井衛土官千戶刺首白遣把事曰要申藏簇禪師來隆攀等遣刺麻鎮兩加等來朝貢馬賜鈔○癸酉命襄城伯李隆管三千左右十隊并府軍前等衛軍馬操練○陞遼東都司經歷黃琰為遼東苑馬寺少卿兼署掌遼東行太僕寺事琰在任幾九載適行太僕寺缺卿定遼左等衛指揮使胡昇等奏琰公勅通敏贊畫有方乞陞授視事下巡撫巡按等官會覈咸言堪任上以卿不宜驟進陞琰少卿兼署寺事○韋遼海煎鹽提舉司葢辦鹽課令遼東都司帶管○命脩高郵州北門起至張家溝一帶湖隄○甲戌京衛武學教授紀振言京衛武學

之名意義重複且侯伯都督子弟皆在焉謂之京衛不足以該
之更爲京都武學又言武臣子弟冠方巾與醫士樂工無別諸
一依儒學諸生之制文言武生宜兼習經書諸給五經四書性
理大全以便講習事下行在禮部言武學子弟諸衛爲多名曰
京衛於義無嫌武生雖入學讀書無欲習肄武藝冠服之制不
必盡同儒士惟書籍宜令內府給與從之○直隸蘇州府屬縣
水災民饑自司發官原米四十二萬五千餘石賑貸之○萬全
左叅將都督僉事黃真等奏欲於歇操農隙之時督令各衛官
軍餘丁預備木石陸續修理宣府各處城垣多有姦詐之徒畏
避備工挾制沮壞乞勅巡撫巡按等官嚴加禁約從之○乙亥
設雲南鶴慶軍民府清水江巡檢司趙州乾海子巡檢司各置
巡檢一員移鄧川州鳳羽鄉巡檢司於羅坪山頂○戶部上事

蘇洪奏直隸沿江州縣年巡檢司以黃柴歲易銀鈔今從減省
事例別無支用乞將所貯銀鈔權買米麥等糧以賑貸乏食之
民繼今歲萬銀鈔乞如時直權糧預備災傷庶幾官民兩利命
行在戶部議行之○築山東濮州上城時山西流民皆附籍濮
州往往與州人爭田恐州不思有司請調東昌衛中左千戶所
軍屯於州給附籍民以負河北耕種休養三年令專力修治城
垣以防不虞從之○丙子行在刑科給事中廖莊自陝西還言
乞事一今年陝西災旱而有司催徵逋稅迫甚宜蠲減之以甦
民困一東河橋諸驛探站旗軍正軍養馬以應過使餘丁治橋
道施官物其馬驢及供帳之需俱令自備近又科其所種使處
山高霜早殺麥少收軍士不能完納多致竄亡乞輕減以紓之
一諸驛馬夫多積年在役馬斃者鬻子女以償馬傷者災之如

父母宜令所司釋所應釋有願占籍其處者聽一陝西先以胡寇侵犯供給邊餉得清軍反今又有諸色買辦值茲大旱不無紛擾以傷和氣亦宜姑停止或減省之其河南直隸諸處被蝗蝗者亦然一綏德諸處馬草俱兵卒所刈及民地所收囚人贖罪所納今地早鮮收宜令邊將廣取秋青草備用一諸處增設撫民官皆冗員可革一慶陽衛軍士於甘寧諸處備禦有一歲一更者軍士得從容備道里費有半歲一更者多倉卒無備又有無更者不得與父母兄弟妻子相見乞令所司斟酌之請削諸處無益之小關一請裁鳳翔迤南武關諸驛驛丞第令百戶一員如慶陽迤北例章入 上命所司議行之○四川布政司右叅議王恪以老疾乞致仕從之○丁汝遺書代世孫任禮曰聞宣寧王遜妣母子讒間骨肉此在 祖訓所不容者但恐

親親冀其改行姑訓飭之惟曾叔祖高年叔以世嫡代理國事
蓋 祖宗定制自今凡府中一切之政悉准前勅行之但須起
敬起孝委曲周旋庶令德果事有關涉難於處置者其實求
開朝廷自為主張又以書戒諭宣寧王遜料令其肖愆易慮調
適上下以全一國之福如作過不悛 祖宗之法具在所不敢
私且命出其母所收前世子冊寶冕服付世孫掌之○浙江寧
波府知府鄭恪言國家肇建兩京合於古制自 太宗皇帝鼎
定北京以來 四聖相承正南面而朝萬方四十年于茲矣而
諸司文移印章乃尚仍行在之稱名實未當請正名京師其南
京諸司宜改曰南京某府某部於理為得禮部尚書胡濙言行
在 太宗皇帝所定不可輒自變更事遂寢○罷故南京卜新
河船料鈔原差官取回仍令南京守備豐城侯李賢差官提督

既通河道以便往來滄泊船隻使無風浪覆溺之險從巡撫而直隸工部左侍郎周忱奏請也○命休息在京工部一月○上御奉天門諭行在都察院臣曰朝廷優養士卒常給之衣食又時練習以備用奈何為將者畧不存恤或役以佃牧或役以興販或役以治私第運祠廟積歲月不得少息其緣邊士卒艱苦尤甚每操備屯種甫暇輒令之捕野味治薪炭官害多端又有勾至補伍者所隸官旗盡索其所攜以致貧窘復逃此豈朝廷優養之意將領為國之忠爾都察院其榜諭中外咸以無得侵爾敢侵爾者法司執治無赦○巡撫南直隸工部左侍郎周忱言鎮海太倉衛儒學教授缺員兩衛官旗軍士相率訴保境內崑山縣學教諭朱冕學行端謹恪迪有方今九年考滿乞陞補衛學教授以慰士望從之○遼東總兵官都督僉事曹義言比奉

勅旨以凡察董山爭掌衛印宜審其所部人請所屬者授之臣
即遣人奉宣詔旨而二人各執一詞紛紜不已遂同至開原臣
及覆諭以朝廷法制凡察乃屯地出其新印且欲自目入朝陳
倫已省令暫還本衛至秋後赴京臣竊觀其部落意嚮頗在董
山而凡察怏怏終難安靖永樂中海西野人都指揮恂納塔失
叔姪乎印 太宗皇帝令恂納掌總管谷衛塔失掌那提衛其
人民各隨所屬予茲事體與彼頗同請設建州右衛以處凡察
無消爭釁以靖邊陲 上命俟其來朝議之○已卯行在刑部
郎中林厚言奉命於四川清理刑獄七月戊戌詳審三司所逮
獄囚辨其冤枉解縱桎梏是日捕時有雲見於西方昂眉之間
五色間光形如半壁竊惟昂宿屬金刑法所象五色之雲和氣
所蒸 聖仁感召厥類甚彰謹繪其狀為圖上之○宥通州流

罪民米哲寧家以其年七十也○唐西羅城縣賊首韋萬川為
百戶任芳兒誘出總兵官安遠侯柳溥等擅殺之詐以生擒聞
行在兵部左侍郎鄭堃等言溥妄奏宜治之上曰姑記溥罪
令其自陳○庚辰召榘馬都尉沐斯至京命榘馬都尉趙輝往
南京奉孝陵歲時祀禮○大同總兵官武進伯朱冕等奏聞
發沿邊為事立功哨瞭官軍離家寫遠無人供給宜替換該衙
輪去哨瞭旗軍回還其該吏行糧就令為事官軍關用為使從
之○辛巳行在工部都水清吏司主事錢源先任行在刑部五
年頗勤謹旬為又調工部未五月本部右侍郎鄭冕以庸劣不
任考黜之源陳冕且言冕數盜官物治私第行在吏部論冕不
公上命復源職執冕下獄鞠之○設四川寧番衛冕山橋堡
調本衛後千戶所官軍哨守從四川都布按三司等官奏請也

○壬午命行在工部郎中王佑署本部事○命行在道政司右
叅議龔全安復任以親喪服闋故也○勅福建都司布政司據
察司及巡按監察御史曰得都指揮俞華嚴安等奏漳州海門
口居民八十餘戶計三百九十餘口舊種田地三百餘畝逐年
為海潮衝塌且別無產業惟倚海為勢或持兵駕船興販私鹽
或四散登岸劫掠為害欲令備倭捕盜官軍設法拘集列官量
撥田畝分與耕種遷其舊居散其羣黨俾為良民仍於海內山
置立巡檢司巡捕旬令仍前為非朕觀此言似亦可行但慮民
徂於所習官司處之非道致生他患勅五府三司各委老成公
正堂上官一員會巡按御史親臨其地令漳州府衛官公同體
覆有無耕種田地可否遷移并開設巡檢司等事從長計議處
置奏未務在事安人安不致騷擾庶副委任之意○調陝西署

都指揮僉事張通李諒於邊衛初通得慶陽軍旗賂而得其芻
粟之微諒後僱士盜官鐵以治私第通取富商金強娶民家女
子事覺巡按御史論通絞繫都司獄按察司論諒斬械如京詔
調通極造諒其肅通懼詐稱疾獨都指揮僉事費銘釋已出獄
治濬遂亡去銘坐是贖杖還職已而通至京奏右副都御史陳
鑑令御史重已罪諒亦訴鑑令按察使鄧祭枉已且謂鑑縱其
壻父索賂中鹽陰致妓者與姦於是命行在刑科給事中廖莊
往覆之莊還言通諒事多實所奏鑑事皆誣行在刑部改論通
諒罪當贖侵職上曰通諒既負重罪復誣風憲官不定論以
常津其仍調之○萬全千戶張朋因鎮守都督僉事黃真奏舉
其罪乃奏真與韃靼貿易私役軍士造旅舍水磨碾飯細民利
又役以濬城渠流所種田城頽廢死十餘人又銜欲告已旨租

錄之字條經三載不釋又與衛卒女通竟取為妾行在都察院
言羽嘗發真縱塔貧暴事於右僉都御史羅亨信詔具陳狀今
朋後有是奏而指揮舒震等亦奏朋刁滑此屬皆挾私告訐宜
通命亨信獲驗果涉真則治其罪從之○癸未擢進士王偉張
勅為戶部主事○乙酉禮部右侍郎右紳卒紳衛州人擢永樂
甲申進士選為庶吉士入翰林讀書因同列言理刑事 太宗
聞之遂俱擢刑部主事治獄寬平有名稱尋陞郎中超拜禮部
右侍郎 太宗謂尚書呂震曰吾紳出自翰林可佐卿典禮矣
既而為震所擠出為廣東右叅政尋復職改南京刑部奉勅考
察兩廣福建方面官有叅政素貪贖結權要且以紳為故僚友
紳免黜之時稱其公選朝後禮部至是卒紳性率直於人短長
無所較視榮辱若不介意初拜侍郎時衣冠畢賀而一室蕭

然了無共具有詣之曰拜官不祀先會客子紳笑唯而已○丙戌祭山川城隍等神○建順天府官祭宋丞相文天祥○遣旗手衛官祭旗纛之神○命行在大理寺左少卿于謙仍巡撫山西河南時行在戶部尚書劉中敷言山西頻歲旱荒民多轉徙河南就食請擇大臣往撫之上以謙素歷其地遂命以往○丁亥晉府慶成王美堵奏生母韋氏病故已蒙賜祭造墳今襄事有期百無一備竊念頃者先王及母妃相繼薨逝十年之間喪葬相仍一切之費悉仰給歲祿用度窘迫乞賜矜恤上命以米百斛薪炭各千斤給之○以山東布政司左布政使王彥為行在工部左侍郎仍食從二品俸時本部缺堂上官命大臣會舉得彥等五員以聞上獨用彥命東傳詣京○河南右叅政孫原貞奏所屬府州縣蝗災乞將原派運鳳陽臨濟等處各

分米准令小麥抵斗送納或折收綿花綿布羨下行在戶部議
宜從所奏鳳陽保定定州倉粟米准納小麥臨清倉糧米若該
納州縣近西者在折綿布運赴陝西官庫近北者在折小麥運
赴京倉本處存留亦如例折布從之○巡按河南監察御史徐
郁奏彰德衛輝并直隸廣平順德等府地方俱通驛路往來應
用浩大今被災民不聊生若不早加存恤慮其流移失所乞
將被災糧草優免仍命所司賑貸勸借富室并具種子使之布
種二麥庶卒以安其上○上命行在戶部議行○梁府奉利正
王結媿母喪一年始歸守制比起復為史部究出之法司擬以
贖杖○上怒其忍心不孝命斥官遙遠○厲揚衛百戶金琦因
其姊與人通數諫之姊怒誣琦言已行在刑部問琦贖杖為民
琦母以其女既已失行又誣陷其第貢之女不服言毋毋遂發

其事下御史鞠驗諸役琦官而生女以死且究問枉琦者從之
○戊子命行在翰林院侍講劉鉉復任先是鉉告病家居至是
病愈故命復任○巡撫大同宣府右僉都御史羅亨信言二軍
一萬全都司并山西行都司各衛所官多有老弱殘疾不堪征
操乞勅總兵鎮守等官從公揀選精壯者存留老疾者令其替
職一聞發各處立功軍職多依權勢以避老操今後宜令自置
器械同邊軍操備不許容留在城俱從之○舊例僧有妻者諸
人得擗辱之更索其鈔五十錠無鈔毆死勿論有僧度入姦婦
家為同姦者毆死山西法司論毆死者以絞審獄評事王亮謂
僧犯姦方之有妻其罪尤重毆死姦僧宜有以矜恤之 上命
宥死杖遣戍邊○己丑巡按直隸監察御史鄭觀奏直隸并山
東等處春夏亢旱蝗蝻生發乞命清軍御史暫且還京令司

陸續清解從之。○庚寅命崇信伯費釗忻城伯趙榮印記北京
行太僕寺馬騾駒共六萬七千一百三十四疋。○辛卯擢行
虞禎為行在陝西道監察御史學錄周道為行在雲南道監察
御俱以理刑考稱故擢之。○宣府右叅將都督僉事楊洪奏宣
府前等衛官軍馬九十餘疋皆老瘠及征戰走傷不堪騎操宜
送萬全都司作萊馬以供使客。上曰征戰走傷乃有功之馬
若。聚宰用於心何忍兵部移文總兵鎮守等官視驗有功者
給與守城官軍牧養候倒死之日埋瘞。○行在鴻臚寺卿楊善
次子容偽為內官陳鼎手書假金於行在工部尚書吳中中拘
容法司問當贖杖。上怒其詐發成威遠衛。○行在戶部主事
張清奏朝廷以山西之民流移已多命大理寺少卿于謙撫之
臣以為向也未有撫民之官而民各安業今撫民之官累設而

流亡愈多蓋由任守令者不得其人督邊儲者日盜以急民不堪生以致然非一朝一夕之故也官多則民擾為予之計莫若革撫民之官擇守令以安民心脩屯田以寬民力 上曰仍命譙往撫安其府縣官有貪墨害民者械赴京師罪之○脩上林苑監○賜故金吾衛帶俸都指揮僉事孫寬羽林衛帶俸達官指揮使趙慶雲旗手衛致仕指揮僉事日維錦衣衛任坐達官指揮千戶百戶二十四員并廣東都指揮僉事戈戡等祭如例○行在兵部郎中侯璉奏麓川叛寇思任發令賊首刁令道等十二人賊徒三萬餘象八十隻到大候州欲往京東威遠等處攻劫臣督同都指揮馬讓盧鉞等率領官軍迎敵銃矢俱發一鼓而賊眾大敗斬首三百五十二級獲賊帳房旗鼓飽盃甲等物 上賜勅獎諭曰爾等克奮忠勇用振軍威朕甚嘉之其

陞賞之典俟事平之日舉行○癸巳勅廣西總兵官安遠侯柳溥參將都指揮僉事田真廣西都布按三司并巡按御史等官曰得奏淨州府桂平縣石門大信寨嶺等山賊仍前糾合劫殺人民招撫不服欲俟秋征勦未知爾等計慮當否大抵人情莫不好生惡死賊首不過數人而脅從者衆兵戈之下必傷無辜勅至爾等更須計議不可貪功壞事如再三撫諭不服則遵前勅事理相幾勦滅務俾地方寧靖軍民獲安○巡按陝西監察御史言天下所上疑獄特恩多全其生而強盜亡者歷歲不獲宣德十年詔既宥其未獲者死全獲捕之不已夫強盜已獲者且蒙宥死況於未獲臣恐糾成羣黨彌聚山林為患非輕請行天下於 恩宥死者之所連悉諭之復業著後使有罪者得改過自新被誣得安居樂業革下法司議謂宣德十年詔固宥

未獲強賊死然有曰後不改悔仍為非俱罪之不赦正統四年
詔又曰強盜不赦今中外見捕之盜非赦後之所討聚即赦前
之怙終不悛者難以德懷如不治以法使之懼恐玩法為惡者
日滋蔓匡言未可從也。上以為然。○行在刑科給事中廖莊
言陝西各遞運所間發充牛夫犯人後滿木所官必待發人更
替然後釋放有守候一二年者乞勅兵部移文各處預先三月
之間中達上司撥人及期代役為便從之

大明英宗法天立道仁明誠敬昭文憲武至德廣孝睿皇帝實
錄卷之八十二

明英宗睿皇帝實錄卷之八十二

[Faint vertical text columns, likely bleed-through from the reverse side of the page]